

ৰাজা সীতারাম ৰায়



(অৰ্থাৎ ৰাজা সীতারাম ৰায় ও তৎসংস্কৃত
পূৰ্ব, সম ও পরকালবৰ্তী ভূস্বামি-
গণের সংক্ষিপ্ত ইতিহাস ।)

শ্ৰীযত্ননাথ ভট্টাচাৰ্য্য প্ৰণীত ও
প্ৰকাশিত ।

দ্বিতীয় সংস্কৰণ

কলিকাতা

৫ নং ৰামধন মিত্ৰেব লেন, শ্ৰামপুকুৰ,
“বিশ্বকোষ-প্ৰেসে”
শ্ৰীপূৰ্ণচন্দ্ৰ দাস কৰ্তৃক মুদ্ৰিত ।

১৯১৩ সাল ।

মূল্য ১।০ পাঁচ সিকা ।

উৎসর্গ

প্ৰথম ভক্তিভাজন


শ্ৰীযুক্ত বাবু বসন্তকুমাৰ বসু

উকীল মহাশয় শ্ৰীকবকমণ্ডোয়ু

মহাশয়, আপনাব উত্তম ও উদেৰাগে সীতাবাম
উৎসব। সীতাবাম উৎসবে এই সীতাবামেৰ জন্ম।
সীতাবামেৰ আদৰ আপনিই কবিতেনেছন। এ পুস্তক
সীতাবামও কৃতজ্ঞচিত্তে আপনাব কবে সমৰ্পণ কৰি-
শ্যাম, ইতি।

নিঃ শ্ৰীবহুনাথ ভট্টাচাৰ্য্য।

প্রথম বারের বিজ্ঞাপন



বর্তমান বৎসরে মাগুরার কতিপয় সম্ভ্রান্ত উকিল বাবুর যত্নে মহম্মদপুরে সীতারামের উৎসব হইতেছে। আমার সমব্যবসায়ী বন্ধুগণ এই উপলক্ষে সীতারাম বিষয়ে একখানা পুস্তিকা প্রকাশ করিতে অভিলাষী হন। কয়েক জন সীতারাম লিখিতেও প্রবৃত্ত হন। আমি শোকতাপে নিতান্ত অধীর থাকায় আমাকে কেহ এ কার্যের ভার দেন নাই। অস্থিরচিত্তে কস্মীবলম্বনই চিত্তের স্থিরতা সম্পাদনের প্রধান উপায়। আমি ক্রমে সীতারাম-বিষয়ে অনুসন্ধান করিয়া দেখি, সীতারাম একটা আদর্শ বীর-জীবন। আমি স্বতঃপ্রবৃত্ত হইয়াই সীতারাম লিখিতে আরম্ভ করিলাম। শ্রীযুক্ত বাবু পূর্ণচন্দ্র চট্টোপাধ্যায়, রেবতীকান্ত সরকার, মোক্ষদাচরণ ভট্টাচার্য্য, হীরালাল রায় মহাশয়গণ আমাকে উপকরণ দিতে লাগিলেন। কিংবদন্তী ও ক্ষুদ্র ক্ষুদ্র সনন্দাদি অবলম্বনে ইতিহাস লেখা অতি কঠিন কার্য। আমি আড়াই মাস কাল প্রতিদিন দশঘণ্টা পরিশ্রম করিয়া এই সীতারাম পাঠকসমক্ষে উপস্থিত করিতেছি। ইহা এত ব্যস্ততার সহিত লিখিত হইল যে, ইহার অনেক পরিচ্ছেদ দুইবার পাঠও করিতে পারি নাই। মধুবাবু, বরদাবাবু ও আনন্দবাবুর প্রবন্ধ ইচ্ছামত ব্যবহার করিয়াছি, তাঁহাদের কোন অনুমতি লইতে পারি নাই। আশা করি, তাঁহারা আমার এই কার্যের জন্য ক্ষমা করিবেন।

উপসংহারে পাঠকগণের নিকট বিনীত নিবেদন এই যে, ব্যস্ততা সহিত চিত্তের চঞ্চল-সময়ে এই পুস্তক লিখিত হইল। ইহাতে অনেক ভ্রমপ্রমাদ থাকা সম্ভব। পাঠক মহোদয়! অনুগ্রহ করিয়া ভ্রমপ্রমাদ প্রদর্শন করিলে কৃতজ্ঞচিত্তে বারাস্তরে সংশোধন করিব। আমার উপকরণদাতা বন্ধুগণের নিকটও চিরকৃতজ্ঞ থাকিলাম। বলাবাহুল্য এই পুস্তকের আয়ের অধিকাংশ অর্থ সীতারাম-উৎসবে ব্যয়িত হইবে।

বাঙ্গালী পুস্তকের বীররস পরনিন্দা। সীতারাম ইতিহাসের বীররস নাটোর-রাজবংশের আদিপুরুষ রাজা রামজীবন ও দীঘাপতিয়ার রাজবংশের আদিপুরুষ দয়ারাম বাহাদুর মহাশ্বাদিগের নিন্দা। আমার সীতারামে তাঁহাদিগের নিন্দারূপ বীররস নাই বলিয়া আমি চাটুকান বলিয়া ঘৃণিত হইব। উপায়ান্তর নাই, যাহা করিয়াছি তাহা বিশ্বাসমতে সত্যের অনুরোধেই করিয়াছি। ইতি—

পোঃ মাগুরা, যশোহর।
সন ১৩১১। তাং ১৭ই মাঘ

নিবেদক
শ্রীযত্ননাথ শর্মা

द्वितीयवारैर विज्ञापन

सहृदय वक्षीय पाठकगणैर अनुग्रहे ७ मास मध्ये प्रथम संस्करणैर सीतारामशुलि विक्रीत हईयाछे । नाना कारणे प्राय ८ मास मध्ये सीतारामैर द्वितीय संस्करणैर पुस्तक प्रकाश करिते पारि नाई ॥ एवारु सीतारामैर विशेष किछु उन्नति करिते पाविनाम ना गुरुकुल-पञ्जी उ कुलाचार्य पञ्जिकाय सीतारामैर वंशैर कारिकाशुलि एवारै दिवार ईच्छा छिण, किन्तु आमार गृहदाहे से शुलि नष्ट हईयाछे ॥ पुनराय चेष्टायु गुरुकुल-पञ्जिका कोथाय पाईतेछि ना । घटक-कारिकाउ संग्रह करिते पारि नाई । इति—

पोः मागुरा, यशोहर ।
सन १७१७ । तां २रा जैय्ठ

निवेदक
श्रीयदुनाथ शर्मा

যে সকল পুস্তক হইতে সীতারামের প্রণয়ন-
বিষয়ে সাহায্য লওয়া হইয়াছে

তাহার তালিকা ।

- ১। সীতারামের গুরুকুলপঞ্জী (যশ্‌পুর গোস্বামিগৃহে প্রাপ্ত)
- ২। কুলাচার্যের কুল-পঞ্জিকা । (৬ঘনশ্রাম ঘটক প্রণীত)
- ৩। History of Bengal. By Charles Stewart (*Bangabasi Edition*)
- ৪। A Report on the district of Jessore,
By J. Westland, C. S.
- ৫। A Report on the district of Jessor,
By Late Babu Ramsankar Sen,
Dy. Magistrate.
- ৬। সীতারামবিষয়ক দশটি প্রস্তাব (নব্যভারতে প্রকাশিত ও
শ্রীযুক্ত বাবু মধুসূদন সরকার সঙ্কলিত)
- ৭। বারভূঞার ইতিহাস (নব্যভারতে প্রকাশিত ও
শ্রীযুক্ত বাবু আনন্দচন্দ্র রায় প্রণীত ।)
- ৮। সীতারাম-বিষয়ক প্রবন্ধ (হিন্দুপত্রিকায় প্রকাশিত ও
শ্রীযুক্ত বাবু বরদাকান্ত দেব কর্তৃক প্রণীত ।)
- ৯। সীতারাম-বিষয়ক গল্প (মুদ্রিত হয় নাই)
৬প্রাণনাথ চক্রবর্তী প্রণীত ।

- ১০। সীতারামের ইতিহাস (অপ্রকাশিত ও অসম্পূর্ণ)
(৮রাইচরণ মুখোপাধ্যায় প্রণীত)
- ১১। বঙ্গ-হিন্দুসূর্য্য-কাব্য (অপ্রকাশিত)
(শ্রীযুক্ত বাবু মোক্ষদাচরণ ভট্টাচার্য্য প্রণীত)
- ১২। সীতারাম প্রবন্ধ (কল্যাণী পত্রিকায় প্রকাশিত
শ্রীযুক্ত বাবু হীরামাল রায় লিখিত)
- ১৩। সীতারাম নাটক (অপ্রকাশিত " ")
- ১৪। সীতারাম উপন্যাস (৮বঙ্কিমচন্দ্র চট্টোপাধ্যায় প্রণীত)

📖 সীতারাম ইতিহাস-সংগ্রহের দ্বিতীয় উপায় :—

- (১) নিষ্করের সনন্দ। (২) পাট্টাকবুলতি প্রভৃতি দলিল।
(৩) মোকদমা ঘটিত কাগজ পত্র। (৪) প্রাচীন কবিতা।

বিশেষ দ্রষ্টব্য।

প্রাচীন কাগজপত্রের যে সকল স্থান পড়া যায় না, সেই সকল স্থানে.....এইরূপ চিহ্ন দিয়াছি। আমার পক্ষে ফুটনোট দেওয়া কঠিন বলিয়া ফুটনোটের বিষয় ' , ' , ইত্যাদি চিহ্ন পরিচ্ছদ মধ্যে রাখিয়া সকল ফুটনোটের বিষয় পরিশিষ্টে দিয়াছি। দ্বিতীয় সংস্করণের ফুটনোট ২ নং পরিশিষ্টে দেওয়া হইয়াছে ও ফুটনোটের স্থানসমূহে (ক), (খ), (গ) ইত্যাদি চিহ্ন দেওয়া হইয়াছে।

রাজা সীতারাম রায়

প্রথম পরিচ্ছেদ

বঙ্গের ইতিহাস

অধুনা বঙ্গদেশে মসী ও কৃষিজীবী দুই সম্প্রদায় লোকের বাস। সম্প্রতি দেশীয় লোকের মধ্যে উল্লেখযোগ্য কোনরূপ শিল্প ও বাণিজ্যের অনুষ্ঠান হইতেছে না। বঙ্গের ঈদৃশী হীনাবস্থা সন্দর্শনে অনেক ইতিহাস-পাঠকও বঙ্গের পূর্ব-কীর্তির কথা বিস্মৃত হইবেন। বঙ্গদেশের ইতিহাসের সহিত সীতারাম-জীবনের সংশ্রব থাকায় এবং সংক্ষেপে বঙ্গের কীর্তিমান্ সন্তান সীতারামের সঙ্গে বঙ্গের পূর্বগৌরব পাঠকগণের স্মৃতিপথে উদ্ভিত করিবার মানসে আমরা এই পরিচ্ছেদে বঙ্গের ইতিহাস অতি সংক্ষেপে বিবৃত করিব।

মহাভারতে অঙ্গ, বঙ্গ ও কলিঙ্গ দেশের উল্লেখ আছে। বঙ্গদেশের দক্ষিণভাগে সামুদ্রিক স্লেচ্ছগণ বাস করিত। তাই বঙ্গের দ্বিতীয় নাম মৎস্য দেশ। বর্তমান সময়ে কোচবিহারাধিপতি-বংশবিবরণে জানা যায় যে, তাঁহাদের বংশ দেবদেব ভূতভাবন মহাদেব হইতে সজ্জুত হইয়াছে।

রামায়ণের রঘুবংশ সূর্য্য হইতে ও মহাভারতের কুরু-পাণ্ডবকুল চন্দ্র হইতে সমুৎপন্ন হইয়াছে। প্রাচীন প্রায় ষাবতীয় রাজবংশ কোন না কোন দেবতা হইতে উৎপন্ন বলিয়া থাকেন। সেইরূপ দশ অবতারের আদি অবতার মৎস্য হইতেও কয়েক রাজবংশ অবতীর্ণ হইয়াছিল। মৎস্য-রাজবংশ সর্বপ্রথমে আমাদিগের দেশে রাজত্ব করিয়াছিলেন (ক), তাঁহাদিগের নামানুসারে আমাদিগের দেশের নাম মৎস্যদেশ হইয়াছে।

মৎস্যবংশীয় রাজগণ সমরকুশল, উদার ও রাজনীতিজ্ঞ ছিলেন। তাঁহারা আৰ্য্য অনাৰ্য্যমিশ্রণে শ্বেত ও কৃষ্ণের ভেদ রহিত করিয়া দেশের প্রকৃত বল সঞ্চয় করিতে যত্নবান্ ছিলেন। তাঁহাদের রাজ্য সুদৃঢ় ছিল। তাঁহাদের সময়ে অনেক অনাৰ্য্য সম্প্রদায় উচ্চতর সোপানে আরোহণ করিয়া আৰ্য্য মধ্যে স্থানলাভ করিয়াছে। আমাদের দেশের অনেক লোকের বিশ্বাস, এদেশের অধিবাসিগণ মৎস্য ভক্ষণ করেন বলিয়া এ দেশের নাম মৎস্য দেশ হইয়াছে। মৎস্যধিপতি বিরাটের নাম কাহার অশ্রুত নাই। বর্তমান সময়ে রঙ্গপুর জেলার গাইবান্ধা মহকুমা হইতে মেদিনীপুর জেলা পর্য্যন্ত যে তাঁহার রাজ্য বিস্তৃত ছিল, তাহার অনেক নিদর্শন পাওয়া যায়। গাইবান্ধা মহকুমার মধ্যে বিরাট ভবন ও তাঁহার উত্তর-গোত্রহ প্রভৃতির চিহ্ন বর্তমান আছে। মেদিনীপুর জেলার মধ্যে গোত্রহ নামক স্থানই বিরাটের দক্ষিণ-গোত্রহের নিদর্শন বলা যায়। ষৎকালে মগধরাজ জরাসন্ধ ও প্রাগ্জ্যোতিষ-পুরেশ্বর ভগদত্ত সমস্ত পূর্ব ভারতবর্ষ স্ব স্ব করতলস্থ করিয়া কংসের সাহায্যে পশ্চিম ভারতেও হস্ত-প্রসারণ করিলেন, তাঁহাদের পক্ষপাত-পূর্ণ রাজনীতি, অত্যাচার, উৎপীড়ন, দেবদেবিতা ও অনুদারতা প্রভৃতিতে সমস্ত ভারতবর্ষ যখন

উত্তেজিত হইয়া উঠিল, তখন দ্বারকাধিপতি নবধর্মসংস্থাপয়িতা যতুকুল-
তিলক কৃষ্ণ পাণ্ডুবগণের সহায়তা লইয়া ভারতবর্ষকে এক দৃঢ় একতাসূত্রে
বন্ধন করিতে প্রয়াসী হইলেন। তৎকালে ভারতীয় আর্য্যগণ একতার
মানসে যে জাতীয় মহাসমিতির বা কংগ্রেসের অধিবেশন করিয়াছিলেন,
তাহা মৎস্তাধিপতি বিরাটের সভাতেই বসিয়াছিল। সেই মহাসমিতি
বিরাটসভায় করিবার উদ্দেশ্যেই কৃষ্ণসখা পাণ্ডুবগণ উদার-নৈতিক
সখার পরামর্শ অনুসারে বিরাট ও তদীয় রাজকুমার উত্তরকে গুণে
মুগ্ধ করিয়াছিলেন। সেই একতাসূত্রের দৃঢ়বন্ধনে বিরাটনন্দিনী
উত্তরার সহিত অর্জুন-নন্দন অভিমুখ্যর শুভ-পরিণয় ! মৎস্তরাজ-
দৌহিত্র পরীক্ষিতই একচ্ছত্র ভারতের অধিপতি হইয়াছিলেন।
বাঙ্গালী পাঠক হাসিয়া উড়াইবেন না,—কুরুক্ষেত্র-মহারণাঙ্গনে পাণ্ডব-
পক্ষে যে সকল সৈন্যসামন্ত সমবেত হইয়াছিল ও যে সকল আয়ুধ সমরে
ব্যবহৃত হইয়াছিল, তাহার অধিকাংশ আধুনিক সমরজ্ঞান-বর্জিত
মৎস্তদেশ হইতেই সংগৃহীত হইয়াছিল। বিক্রপাক্ষ শিবের উপাসক
বীর্ঘ্যবান্ বাণ (খ) দিনাজপুরে রাজত্ব করিতেন। তদীয় কুমারী উষা
যতুবংশীর অনিরুদ্ধের প্রেমাকাজিক্ষণী হইয়া গোপনে তাঁহার গলে
বরমালা অর্পণ করিয়াছিলেন। তত্পলক্ষে প্রবল যতুকুলের সহিত বাণের
যে যুদ্ধ হয় এবং বিষ্ণু-শিবজয়ের প্রাদুর্ভাবের পর যে সন্ধি হয়, তাহা বাণ
ও বঙ্গের পক্ষে অশ্লাঘাজনক নহে।

‘ স্বদেশের রাজা সিংহবাহুর উত্তরপুরুষগণ লঙ্কা-বিজয় করিয়া তাহার
নাম সিংহল রাখিয়াছিলেন। সিংহবাহুর পৌত্র পাণ্ডুবাস দীর্ঘকাল
সিংহলে রাজত্ব করিয়া সিংহলবাসীর চিরস্মরণীয় হইয়া আছেন। বৌদ্ধ


ধর্মের প্রাচুর্য্যবের পর পালবংশীয় মহীপালগণ বৌদ্ধধর্ম অবলম্বনপূর্ব্বক বঙ্গের বর্ণভেদপ্রথা বর্জন করিয়া যে আৰ্য্য-অনার্য্যে অপূর্ব্ব মিলন সংসাধন করিয়া দেশের প্রকৃত বলসঞ্চয় করিয়াছিলেন, তাহা ইতিহাস-পাঠকগণের অবিদিত নাই। খৃষ্টীয় নবম শতাব্দীর শেষভাগে পণ্ডিত-প্রবর শঙ্করাচার্য্য হিন্দুধর্মের পুনরভ্যুদয়-মানসে যে হিন্দু বৌদ্ধ সমরের বীজ বপন করেন, বঙ্গে খৃষ্টীয় দশম শতাব্দীর হিন্দুরাজা আদিশূর সেই বীজে জল সেচন করিয়া অঙ্কুরিত করিতে সমর্থ হন। এই সময়ে ভারতীয় আৰ্য্যগণ হিন্দু নাম গ্রহণপূর্ব্বক ভারতীয় বৌদ্ধ হইতে জাপান দ্বীপের বৌদ্ধ পর্য্যন্ত পৃথিবীর তৎকালীন ৩ অংশ লোকের সহিত যে ঘোর সমরানল প্রদীপ্ত করেন, এমতে আমরা বলিতে পারি, তাহার প্রথম অগ্নিস্ফুলিঙ্গে এই দীনহীন বঙ্গদেশই প্রজ্জ্বলিত হইয়াছিল।

এই হিন্দুধর্মের অভ্যুদয়ের সঙ্গে সঙ্গে আবার জাতিভেদ প্রথা প্রতিষ্ঠিত হইল, একতা-মিলনের পথে কণ্টক পড়িল, তান্ত্রিক শাক্তমত ও পৌরাণিক বৈষ্ণবমতের সহিত বিরোধ বাধিল, একদিকে মধ্বাচার্য্য, বল্লাভাচার্য্য, রামানন্দ, কবীর প্রভৃতির বৈষ্ণব-মত ও অপরদিকে তান্ত্রিক শঙ্করাচার্য্য পঞ্চ-মকার উপকরণে শক্তি-উপাসনা (গ) প্রবর্তন করিলেন। এমতে বঙ্গে শত পার্থক্যের পয়োধি প্রবেশ করিল, তাহারই ফলে ১২০৩ খৃষ্টাব্দে পশুপতি-মন্ত্রীর বিশ্বাসঘাতকতায় এবং শিক্ষাভিমानी অশিক্ষিত ও ক্ষমতার অপব্যবহারকারী চাটুকায় ব্রাহ্মণদলের অলীক দৈববাণীতে অষ্টাদশ জন সশস্ত্র মুসলমানসৈনিক-ভয়ে অশীতিবর্ষবয়স্ক, বৃদ্ধ, নরপতি লাক্ষণ্যেয় নির্বিধানে স্বর্ণবস্তু মুসলমানকরে অর্পণ করিয়া অস্ত্র-শুরের দ্বারা অধ্বলম্বনে সুপরিবারে পলায়নপর হইলেন। ১২০৩ খৃষ্টাব্দ

হইতে ১৫৭৬ খৃষ্টাব্দ পর্যন্ত বঙ্গদেশ পাঠানজাতীয় মুসলমানদিগের ভোগ্য হইয়া থাকিল। বঙ্গের পাঠান শাসনকর্তৃগণ কখন দিল্লীর অধীন হইয়া কখন বা স্বাধীনতা অবলম্বন-পূর্বক বঙ্গের শাসনদণ্ড পরিচালন করিতেন। সম্রাট সের শাহার আমলে বঙ্গেশ্বর দিল্লীশ্বর হওয়ার, বাঙ্গালা সাম্রাজ্য সম্বন্ধে দিল্লীশ্বরের অধীন থাকিল। পাঠানগণ যেরূপ সমরকুশল ও বীর ছিলেন, রাজ্যশাসন, পালন ও রাজস্বসংগ্রহ বিষয়ে তাঁহাদের তদ্রূপ গুণগ্রাম ছিল না। হিন্দুরা এই সময়ে রাজস্ব-সংক্রান্ত যাবতীয় উচ্চপদে নিযুক্ত হইতেন। হিন্দু জমিদার-শক্তির এ সময়ে কিছুমাত্র হ্রাস হয় নাই। দিনাজপুরের বর্তমান রাজবংশের আদিপুরুষ রাজা গণেশ বঙ্গের স্বাধীন রাজা ছিলেন। তদীয় পুত্র যত্ন কোন মুসলমানরমণীর রূপে মুগ্ধ হইয়া তাহার পাণিপীড়ন করেন ও মুসলমান ধর্মাবলম্বনপূর্বক স্বাধীনভাবে রাজ্য করিতে থাকেন। কথিত আছে, যত্ন হিন্দু থাকিতে তোগলকবংশীয় সম্রাট মহম্মদ ও তদীয় সহচর মোগল-বীর তৈমুরলঙ্গকে পাণ্ডয়ার কিঞ্চিৎ উত্তরপশ্চিমে ও নেপালের পাদদেশে যুদ্ধে পরাস্ত করিয়াছিলেন।

বঙ্গীয় হিন্দুরাজকরে মোগল অনীকিনীর এসিয়া-বিজয়ী নেতা টাইমুরকেও পরাভব স্বীকার করিতে হইয়াছিল। কাহার কাহার মতে ১ম দাসরাজ কুতুব পূর্বে হিন্দু ছিলেন।^২ এই সময়ে হিন্দুর ক্ষমতা থাকায় এবং হিন্দু-জমিদার-শক্তি প্রবল থাকায় দেশীয় শিক্ষা, শিল্প, বাণিজ্য কিছুই নষ্ট হয় নাই। চণ্ডীদাস ও জয়দেব এই সময়ে প্রোত্সাহিত হন। মালদহ ও রাজমহলের নিকটবর্তী গোড়, জাঞ্জি ও পাণ্ডুরাতেই পাঠান-শাসনকর্তৃগণের রাজধানী ছিল।

অকবরের সেনাপতি রাজা মানসিংহ বঙ্গের জমিদারগণের বিদ্রোহ নিবারণ, দাউদ ও কুতব খাঁকে যুদ্ধে পরাজয় এবং পূর্ববঙ্গের বারভূঁয়ার মধ্যে যশোহরাধিপতি প্রতাপাদিত্য, ভূষণার মুকুন্দ রায়, বিক্রমপুরের কেদার রায় প্রভৃতির নিধনসাধন করিয়া ১৫৭৬ খৃষ্টাব্দে বঙ্গদেশ মোগলপদানত করিলেন। ১৫৯৮ খৃষ্টাব্দে বঙ্গের প্রাচীন রাজধানী পরিত্যাগ করিয়া তিনি ভাগীরথীর দক্ষিণ তীরে আকমহল বা আকবরাবাদ নামে রাজধানী সংস্থাপন করিলেন।^{১০} ঐ নগর শাহ সুজার শাসনকর্তৃত্ব সময়ে রাজমহল নামে অভিহিত হইয়াছিল। ইসলাম খাঁ বঙ্গের শাসনকর্তা নিযুক্ত হইলে পর্তুগীজদিগের আক্রমণ হইতে দক্ষিণ ও পূর্ববঙ্গ রক্ষা করিবার মানসে হিজিরা ১০৮৭ (১৬০৮ খৃঃ) জাহাঙ্গীর নগরে রাজধানী স্থাপন করেন। এই নগরের নাম পরে ঢাকা হইয়াছিল।^{১১} ইসলাম খাঁর পরে শাহ সুজা, ইব্রাহিম খাঁ, অরঙ্গজেবের পৌত্র আজিম ওসন ও মুর্শিদ কুলী খাঁ ক্রমান্বয়ে বাঙ্গলার নবাব হইয়াছিলেন। এই শাসনকর্তৃচতুষ্টয়ের শাসনসময়েই সীতারামের অভ্যুত্থান ও পতন। মুর্শিদাবাদের প্রাচীন নাম মুকুন্দাবাদ ছিল। ১৭০৪ খৃষ্টাব্দে মুর্শিদ কুলী খাঁ আপন নামানুসারে এই নগরের নাম মুর্শিদাবাদ রাখেন।^{১২} এবং এই স্থানে টাকশাল ও রাজপ্রাসাদাদি নিৰ্ম্মাণ করিতে থাকেন।

অরঙ্গজেব গোঁড়া মুসলমান ও হিন্দুদিগের প্রতি বিশ্বাসশূন্য ছিলেন। সম্রাট অকবর যে যে গুণে ভারতীয় মোগলসাম্রাজ্য সুদৃঢ় ভিত্তির উপর সৃষ্টি করিয়াছিলেন, অরঙ্গজেব সেই সেই গুণের অভাবে মোগলসাম্রাজ্য পতনোন্মুখ করিয়া তুলিলেন। তিনি ভেদরাজনীতি অবলম্বন,  জিজিয়ার কর (হিন্দুর মাথাগণ্ডি কর) পুনঃ স্থাপন করিলেন;

মহারাষ্ট্রদেশীয় রণকুশল শিবাজীর সহিত নিয়ত সংগ্রামে রত থাকিলেন। পঞ্জাবে শিখগণ ক্ষমতামালী হইতে আরম্ভ করিল। সকল হিন্দু-রাজত্ববর্গের মধ্যে বিদ্রোহবহি প্রধুমিত হইতে লাগিল এবং যে মহারাষ্ট্রদিগকে সম্রাট বিক্রম করিয়া পার্শ্বত্যা ইন্দুর বলিতেন, তাহাদিগকে দমন করিতে, তাহাকে নাইগ্রার জলপ্রপাতের গ্রাম অর্থব্যয় করিতে হইল। বিশ্বাসশূন্য সম্রাট বেতনভুক সৈন্য দিন দিন বৃদ্ধি করিতে লাগিলেন। বাঙ্গালা তাঁহার অর্থলালসার পরিভূষিত রাজকোষস্বরূপ হইল। বাঙ্গালার শাসনকর্তা আজিম ওসান রাজস্ব-সংগ্রহে তত বিচক্ষণ ছিলেন না। বীরভূম অঞ্চলের রায় উপাধিধারী একটা রাঢ়ীশ্রেণীয় ব্রাহ্মণকুমার বাল্যে মুসলমানধর্মে দীক্ষিত হইয়া জাফর খাঁ নাম প্রাপ্ত হন। তিনি আরবি ও পারসিক ভাষার পাণ্ডিত্য লাভ করিয়া অর্থনীতিশাস্ত্রে বিচক্ষণ হইয়া উঠেন। তিনি সম্রাটের শুভ দৃষ্টিতে মুরশিদ কুলী খাঁ নাম প্রাপ্ত হইয়া আজিম ওসানের অধীনে বাঙ্গালার রাজস্বসচিব হইয়া আসেন। আজিম ওসানের সহিত তাঁহার মনাস্তর ঘটে, কিন্তু তিনি নানকর, জলকর, বনকর ধার্য্য করিয়া রামের জমিদারী শ্রামকে ও শ্রামের জমিদারী রামকে দিয়া অর্থ সংগ্রহ করত বাঙ্গালী প্রকৃতিপুঞ্জের ঘৃণাভাজন হইয়াও সম্রাটের প্রিয়পাত্র হইয়া উঠেন।^১ সম্রাট তাঁহাকে আজিম ওসানের নিকট হইতে দূরে মুর্শিদাবাদে নগর স্থাপন করিতে অনুমতি করেন। ১৭০৪ হইতে ১৭১৮ খৃঃ পর্য্যন্ত কুলী খাঁ মুর্শিদাবাদে বাঙ্গালার নবাব থাকেন। ১৭১৮ খৃঃ তিনি বাঙ্গালা, বিহার ও উড়িষ্যার নবাবীপদ পান। ১৭২০ খৃঃ তিনি রাজধানী ঢাকা হইতে মুর্শিদাবাদে উঠাইয়া লয়েন। তিনি

বঙ্গের রাজস্ব এককোটি ত্রিশ লক্ষ টাকা হইতে এক কোটি পঞ্চাশ লক্ষ টাকায় বৃদ্ধি করেন। ১৭২৫ খৃঃ মুরশিদ কুলী খাঁর মৃত্যু হয়।

অকবরের রাজস্বসচিব টোডরমল্ল বাঙ্গালা ৬৮২ পরগণায় ও ১৮ সরকারে বিভক্ত করেন। টোডরমল্লের রাজস্ব-সংক্রান্ত হিসাবের নাম ওয়াসীল তুমার জমা। তিনিও বাঙ্গালার কর প্রায় এগার লক্ষ টাকা বৃদ্ধি করিয়াছিলেন। ১৭৬৭ খৃঃ অঃ হিসাবে বাঙ্গালা ৩৪টি সরকারে ও ১৩৫০ পরগণায় বিভক্ত ছিল। কুলী খাঁর সময়ে বাঙ্গালা ১৬৬০ পরগণায়, ১৩ চাকলায় ও ৩৪ সরকারে (ঘ) বিভক্ত হয়। টোডরমল্ল বাঙ্গালার জমিদার-শক্তির হ্রাস করেন নাই, জমিদারগণ ব্রাহ্মণ ও কায়স্থজাতীর ছিলেন।

মোগল শাসন সময়েও বাঙ্গালায় সীতারাম ব্যতীত অনেকগুলি জমিদার স্বাধীন হিন্দুরাজ্য সংস্থাপনের চেষ্টা করিয়াছিলেন। মেদিনীপুরের অন্তর্গত চিত্রার রাজা শোভাসিংহ ও হেমন্ত সিংহ, যশোহরের প্রতাপ আদিত্য, পশ্চিম বঙ্গের মুকুট রায়, সাঁতৈরের শত্রুজিৎ সিংহ ও সংগ্রামসিংহ স্বাধীন হিন্দুরাজ্য সংস্থাপনের চেষ্টা করিয়াছিলেন। মোগল-সাম্রাজ্যের অধীনেও কাননগো দর্পনারায়ণ প্রভৃতি অনেক হিন্দু উচ্চ রাজপদে নিযুক্ত ছিলেন।

মোগলদিগের প্রথম সময়ে পর্তুগীজগণ আরাকান ও বঙ্গদেশে আগমন করেন। শাহ সুজা নবাব হইবার কিছু পূর্বে হইতে ফরাসী, ওলন্দাজ ও ইংরাজ ভাগীরথী ও হুগলী তীরে কুঠী নির্বাণপূর্বক বাণিজ্য করিতে আরম্ভ করিয়াছিলেন। শাহ সুজার সময় হইতে উল্লিখিত ইউরোপীয় জাতিগণ কখন সম্রাট পক্ষে, কখন জমিদার পক্ষে, কখন বা

এতদ্ব্যতীত প্রতিকূলে যুদ্ধ করিয়া এ দেশে কম অন্তর্বিপ্লব সংঘটন করেন নাই। পর্তুগীজেরাই বলপূর্বক দেশীয় লোককে খৃষ্টধর্মে দীক্ষিত করিয়া এবং দেশ আক্রমণ ও লুণ্ঠনপূর্বক দেশের সমধিক অনিষ্ট সাধন করিয়াছেন।”

দ্বিতীয় পরিচ্ছেদ

প্রথম অংশ

সীতারামের রাজধানী ও রাজ্যের

ভূরতাস্ত্র ও অবস্থা

অধুনা যে স্থলে সুন্দর জেলা, সুদৃশ্য নগরী, উত্তম বিচারালয়ের উত্তম অটালিকাসমূহ, ডাকঘর, তাড়িতবার্তাগৃহ, দেশী ও বিদেশীয় পণ্যদ্রব্য-পরিশোধিত পণ্যবীথিকা সকল বিরাজ করিতেছে, দ্বিশত বর্ষ পূর্বে নিম্নবঙ্গে সেই স্থলে হয় তো শার্দূল, বরাহ, গণ্ডার মহিষ, ভল্লুক, বানর, মৃগ, শশক প্রভৃতি বহুজন্তুসমাকীর্ণ বৃহদাকার বৃক্ষসমাকুল বল্লীবিতান-বিজ্জড়িত নিবিড় অন্ধকারময় অরণ্য বিরাজিত ছিল। কলিকাতার পশ্চিম পার্শ্বস্থ হুগলি বা ভাগীরথীর পূর্বে, নোয়াখালি জেলার পশ্চিমে, পদ্মা, মেঘনা প্রভৃতি নদীর দক্ষিণে এবং বঙ্গোপসাগরের উত্তরে যে প্রকাণ্ড ভূভাগ মানচিত্রে আমাদের নয়নগোচর হয়, তাহারই নাম নিম্নবঙ্গ। এই নিম্নবঙ্গ নদীমাতৃক দেশ। এই দেশ ভাগীরথী ও পদ্মা নদীর 'ব'দ্বীপ। বিজ্ঞানবিদগণের মতে এই দেশ সমুদ্রগর্ভ হইতে ক্রমে উৎপন্ন হইয়াছে। এই দেশে নিয়তই পরিবর্তন সাধিত হইতেছে। এই দেশে কত নূতন নদী উৎপন্ন হইতেছে ও কত পুরাতন নদী শুষ্ক হইতেছে। এই দেশে

কত সুবৃহৎ বিল শুষ্ক হইয়া সমতল ধাতুক্ষেত্রে পরিণত হইতেছে। কত সুন্দর বৃক্ষ ও গুল্মলতাপূর্ণ বাদা পরিষ্কৃত হইয়া গ্রাম ও নগরে পরিণত হইতেছে।” যে গোরাই নদ এই দেশের মধ্যস্থলে তাহার বিশাল বপুঃ বিস্তার করিয়া রহিয়াছে, যে নদ ইষ্টার্ণ বেঙ্গল রেলবন্দে'র লৌহনির্মিত সেতুর লৌহনির্মিত নিগড় চল্লিশ বৎসর গলে ধারণ করিয়াও গতাসু হয় নাই, সেই নদ ১২০৩ হিজিরা সালের পূর্বে দশ বা বার হস্ত প্রশস্ত একটি খালমাত্র ছিল।” এই দেশে গত একশত বৎসরের মধ্যে চন্দনা, চংরা, হানু, কুমার, ফটকি, বারেঙ্গা, বেগবতী, উত্তরকালীগঙ্গা, দক্ষিণকালীগঙ্গা, ছত্রাবতী, চেঙ্গাই, চিত্রা, ভৈরব, মুচিখালি, বারাসিয়া প্রভৃতি নদী শুষ্ক হইয়াছে। কপোতাক্ষী, ইছামতী, সরস্বতী, ভাগীরথী, জলঙ্গী, খড়িয়া, চূর্ণা প্রভৃতি নদী যায়-যায় হইয়া উঠিয়াছে। সুন্দরবন দক্ষিণে সরিয়া গিয়াছে। বৃহৎ বিল এক্ষণে নাই বলিলেও অত্যাক্তি হয় না।

উত্তরকালীগঙ্গা নদীতীরে ভূষণা, হরিহরনগর, মহম্মদপুর প্রভৃতি নগর ছিল। বর্তমান ভারতের রাজধানী কলিকাতা যেমন কোন স্থান-বিশেষের নাম নহে, কতকগুলি স্থানের সাধারণ নাম, মহম্মদপুরও সেইরূপ কতকগুলি স্থানের সাধারণ নাম। বর্তমান সময়ে মহম্মদপুরের পূর্বে স্রোতস্বতী মধুমতী নদী। গোরাই নদের দক্ষিণাংশকেই মধুমতী বলে। সীতারামের সময়ে মহম্মদপুরের পূর্বে এলেংখালি নামক একটি ক্ষুদ্র খাল ছিল। অদ্যাপি মহম্মদপুরের নিকটে মধুমতীর খেওয়া ঘাটকে এলেংখালির ঘাট বলে। কালীগঙ্গা নদী মহম্মদপুরের মধ্য দিয়া প্রবাহিত ছিল। ছত্রাবতী নামে আর একটি নদী মহম্মদপুরের উত্তর দিয়া কুল-কুল নাদে প্রবাহিত হইত। মহম্মদপুরনগর ও তাহার উপকণ্ঠ প্রায়

সাত মাইল দীর্ঘ ও তিন মাইল প্রস্থ ছিল। নৈহাটী, রায়পাশা, বাউই-জানি, ধুপড়িয়া, নারায়ণপুর, কোঠাবাড়ী, জাঙ্গালিয়া, যুগনাইল, ধুলজুড়ি, ধোয়াইল, কানাইনগর, গোপালপুর, গোকুলনগর, ঘুঙ্গইচ, রুইজানি, বীরপুর, হরেকৃষ্ণপুর, রামপুর, তেলিপুকুর, চিত্তবিশ্রামপুর, বঙ্গেশ্বর, সূর্যাকুণ্ড, শ্রামনগর, আউলাড়া, জনার্দিনপুর, কানুটীয়া, মহিষা, শ্রামগঞ্জ, টাপাতলা, বশপুর, ঘোষপুর, বিনোদপুর, যুল্লিয়া প্রভৃতি গ্রাম মহম্মদপুর রাজধানী ও তাহার উপকণ্ঠের অন্তর্গত ছিল।

সীতারামের প্রাদুর্ভাবের একশত বৎসর পূর্বে নিম্নবঙ্গে জনসংখ্যা অতি অল্প ছিল। যে লোকসংখ্যা ছিল, তাহার মধ্যে উচ্চশ্রেণীর লোকের সংখ্যা অতি অল্প। রাত অঞ্চলে মহারাট্টা বর্গীগণের আক্রমণ ও তাহাদিগের অমানুষিক অত্যাচারে ও মোগল পাঠানের নিয়ত যুদ্ধহেতু অত্যাচার-উৎপীড়নভয়ে সীতারামের প্রাদুর্ভাবের অর্ধশতাব্দী পূর্ব হইতে এ দেশে উচ্চশ্রেণী হিন্দুগণের বসতি আরম্ভ হয়। সীতারামের সময়ে এ দেশের ভয়ানক ছরবস্থা। বাদসাহ অরঙ্গজেবের মনোযোগ এক দক্ষিণাত্যজয়ে আকৃষ্ট। বঙ্গের নবাবের সময় কেবল সম্রাটের প্রীতিসাধনার্থ অর্থসঞ্চয়ে নিয়োজিত (১)। রাজ্যভ্রষ্ট, দলভ্রষ্ট, হতসর্বস্ব পাঠানগণ দলে দলে এই সময়ে নিম্নবঙ্গে আসিয়া বসতি করিতেছিল এবং এ অঞ্চলের লোকদিগের সহিত মিলিয়া দস্যুতা করিতেছিল (২)। স্রোতস্থান ব্রহ্মপুত্র নদ বাহিয়া আসামীগণ এদেশে আসিয়া গ্রামের পর গ্রাম লুণ্ঠন করিতেছিল (৩)। আরাকান হইতে মগগণ নৌকাপথে এ অঞ্চলে আসিয়া ঠেশাচিক্ অত্যাচার করিতেছিল। তাহারা বৌদ্ধ ধর্মাবলম্বী হইলেও তাহাদের অকরণীয় কোন পাপ ছিল না এবং কোন দ্রব্য তাহাদের

অখাদ্য হইত না। মগেরা গ্রাম নগর লুণ্ঠন করিত, বাধা পাইলে গ্রাম-দাহ ও নরহত্যা করিত। তাহারা বালক, বালিকা ও যুবতী হরণ করিয়া লইয়া যাইত। (৪) পৰ্তুগীজদিগের অত্যাচারও কম ছিল না। তাহারাও গ্রাম লুটপাট করিত এবং নরনারীদিগকে বলপূৰ্ব্বক খৃষ্টধর্মে দীক্ষিত করিত (৫)। দেশীয় ইতর লোকেরা দলবদ্ধ হইয়া দস্যুতা করিত। ইহাদের মধ্যে রঘো, শ্রামা, বিশেষ প্রভৃতি দ্বাদশ দস্যু বিখ্যাত।

উল্লিখিত পঞ্চবিধ অত্যাচারে দেশের শিক্ষা, শিল্প, বাণিজ্য, এমন কি, কৃষিকার্য পর্যন্ত বন্ধ হইয়া আসিতেছিল। দলে দলে লোক এ অঞ্চল পরিত্যাগ করিয়া কুমিল্লা ও শ্রীহট্ট অঞ্চলে যাইতেছিল। দেশীয় লোকের মনে ভয়ানক ভয়ের আতঙ্ক উপস্থিত হইয়াছিল। গ্রাম হইতে গ্রামান্তরে যাওয়া তখন ভয়ের বিষয় হইয়া উঠিয়াছিল। তখন তীর্থপর্যটন প্রায় বন্ধ হইয়া গিয়াছিল। তখন গয়া, কাশী যাওয়া দূরের কথা, গঙ্গা-স্নানে নবদ্বীপ বা চক্রদেহে কেহ গমনকালে তাহার পরিজনগণ ক্রন্দনের রোল উঠাইত। বাজার ও বন্দর সকল নষ্ট হইয়া যাইতেছিল। দেশের এক প্রান্ত হইতে অন্য প্রান্ত পর্যন্ত কেবল লোকের মর্ম্মপীড়ার আৰ্ত্তনাদ ও ত্রাসজনিত দীর্ঘ-নিশ্বাসে পূর্ণ হইয়াছিল।



দ্বিতীয় অংশ।

সীতারামের রাজ্যের মধ্যস্থিত ও পার্শ্ববর্তী
সংস্কৃত জমিদারগণের ইতিহাস।

নলডাঙ্গার রাজবংশ :—এই রাজবংশ রাঢ়ীশ্রেণীর ব্রাহ্মণ। ইঁহারা শান্তিল্য গোত্র ও শ্রেষ্ঠ বংশজ আখণ্ডল সন্তান। ঢাকা জেলার অন্তঃ-পাণ্ডী ভব্রসুবা গ্রামে হলধর ভট্টাচার্য্য নামক এক ধার্মিক ব্রাহ্মণ বাস করিতেন। তাঁহার পঞ্চমপুরুষ নিম্নে বিষ্ণুদাস হাজরা নামক একব্যক্তি যোগবলে বিশেষ শক্তিধর হন। তিনি পিতৃগৃহ ত্যাগ করিয়া ক্ষত্রসুনি (হাজরাহাটী) গ্রামে জঙ্গলে বাস করিতে থাকেন। ঢাকা হইতে নবাব নৌকাপথে গমনকালে খাদ্যাদির অভাবে পতিত হন। নবাবের লোকেরা খাদ্যের অনুসন্ধানে বহির্গত হইলে তাঁহারা যোগীর আশ্রম প্রাপ্ত হন। বিষ্ণুদাস যোগবলে নবাবের লোকদিগের প্রয়োজনীয় দ্রব্য দান করেন। নবাব পরিতুষ্ট হইয়া বিষ্ণুদাসকে হাজরাহাটী ও তন্নিকটস্থ চারি খানি গ্রাম দান করিয়া যান। বিষ্ণুদাসের পুত্র শ্রীমন্ত রায় সমর-নৈপুণ্যের জন্য রণবীর খাঁ নাম ধারণপূর্বক স্বরূপপুরের আফগানজমিদারকে পরাস্ত করিয়া সমগ্র মহামুদসাহী পরগণা হস্তগত করেন। রণবীরের পুত্র গোপীনাথ দেবরায়। গোপীনাথের পুত্র চণ্ডীচরণ দেবরায় প্রথমে রাজা উপাধি লাভ করেন। চণ্ডীচরণ দেবরায়ের পুত্র শূরনারায়ণ দেবরায়। রাজা শূরনারায়ণের ছয় পুত্র—উদয়নারায়ণ,

রামদেব, ঘনশ্যাম, নারায়ণ, রাজারাম এবং রামকৃষ্ণ। ইঁহারা গৃহ-বিচ্ছেদে মত্ত হইয়া জমিদারী বিভাগ করিতে প্রবৃত্ত হইয়াছিলেন। রাজ-কর বাকি পড়িয়াছিল। নবাব সরকার হইতে উদয়নারায়ণকে ধৃত করিবার জন্ত সৈন্ত প্রেরিত হইয়াছিল। রামদেবের চক্রান্তে নবাব-সৈন্ত-করে উদয়নারায়ণ নিহত হইয়াছিলেন। রামদেব এইরূপে ভ্রাতৃনিধন সাধন করিয়া জমিদারী হস্তগত করিয়াছিলেন। রামদেব সন ১১০৫ হইতে ১১৩৪ পর্য্যন্ত রাজত্ব করেন। এই রামদেবই আমাদের সীতারামের সমসাময়িক ছিলেন। রামদেবের পুত্র রঘুদেব নবাব-নিদেশ পালন না করায়, তাঁহার জমিদারী নবাবের আদেশে নাটোরের রাজা রামকান্ত হস্তগত করেন। তিন বৎসর পরে রঘুদেব পুনরায় স্বীয় জমিদারী লাভ করেন। ১১৮০ সালে রঘুদেবের পুত্র কৃষ্ণদেবের মৃত্যু হয়। কৃষ্ণদেবের দুই ওঁরস পুত্র মহেন্দ্রশঙ্কর ও রামশঙ্কর ও এক দত্তক পুত্র গোবিন্দচন্দ্র দেবরায়। ইঁহাদের সময়ে মহামুদ-সাহী পরগণা তিনভাগে বিভক্ত হয়। মহেন্দ্রশঙ্করের উত্তরাধিকারিগণের জমিদারী নড়াইলের জমিদারগণ ক্রয় করিয়াছেন। রাজা রামশঙ্কর রায়ের পুত্র রাজা শশিভূষণ রায়, রাজা শশিভূষণের দত্তক পুত্র রাজা ইন্দুভূষণ দেবরায় ও রাজা ইন্দুভূষণের দত্তক পুত্র রাজা প্রমথভূষণ দেবরায়। এই রাজবংশ দেবালয়, দেবমূর্তি স্থাপন ও নিষ্কর দানের জন্ত সুবিখ্যাত।^{১২} ইঁহারা শান্তিপ্রিয় জমিদার।

নান্দইলের রাজা শচীপতি :—রাঢ়ীশ্রেণীর বৈষ্ণবংশজ শচীপতি মজুমদার রাজা শূরনারায়ণের বংশধরগণের গৃহবিচ্ছেদের সুবিধা পাইয়া মহামুদসাহী পরগণার কিয়দংশ লইয়া পরগণে নান্দইল নাম দিয়া স্বাধীন রাজা হন। পরে নলডাঙ্গার রাজগণ কর্তৃক, তাঁহার পরাজয় হয়।

নান্দইলে রাজার ঘাট, রাজার বাড়ী নামক স্থান এখনও আছে। মৃত বিখ্যাত কবিরাজ প্যারিমোহন মজুমদার রাজা শচীপতির বংশধর; কিন্তু ইঁহারা পরে নলডাঙ্গা রাজসরকারে কার্য্য লওয়ায়, রাজা শচীপতির উত্তর-পুরুষ বলিয়া বড় স্বীকার করেন না।^{১০} কথিত আছে, শচীপতি সীতারামের পরামর্শে স্বাধীন হইয়াছিলেন।

যশোহর চাঁচড়ার রাজবংশ :—১৫৮২ খৃঃ আজিম খাঁ বাঙ্গালার বিদ্রোহদমন করিতে আসেন। ভবেশ্বর রায় তাঁহার একজন সহচর সেনানায়ক ছিলেন। যুদ্ধান্তে ভবেশ্বর আজিমের নিকট সৈয়দপুর, আমিদপুর, মুড়গাছা ও মল্লিকপুর পরগণার জমিদারীসম্বন্ধ উপহার পাইয়াছিলেন। ১৫৮৮ খৃঃ তাহার মৃত্যু হইলে, তাঁহার উত্তরাধিকারী মুতুবরাম রায় ১৬১৯ খৃঃ পর্য্যন্ত এই সকল পরগণা ভোগ করেন। প্রতাপাদিত্যের সহিত মানসিংহের সংগ্রামকালে তিনি মানসিংহকে সাহায্য করিয়াছিলেন। মানসিংহ যুদ্ধে জয়ী হওয়ায় মুতাবের পরগণা সকল মুতাবেরই দখলে থাকিয়া যায়। মুতাব ১৬১১ খৃঃ হইতে সম্রাট সরকারে কর দিতে আরম্ভ করেন। তাঁহার উত্তরাধিকারী কন্দর্পরায় ১৬৪৯ খৃঃ পর্য্যন্ত রাজত্ব করিয়াছিলেন। কন্দর্প রায় দাঁড়িয়া, খলিসাখালি, বাগমাড়া, সেলিমাবাদ ও সাজিমালাপুর পরগণায় স্বীয় আধিপত্য বিস্তার করিয়াছিলেন। এই সকল পরগণা সৈয়দপুর পরগণার দক্ষিণপশ্চিমে সংস্থাপিত। কন্দর্পের উত্তরাধিকারী মনোহর রায় সীতারামের সমসাময়িক লোক ছিলেন। তিনিও সীতারামের স্তায় রাজ্যবিস্তারে প্রমত্ত ছিলেন। তিনি ১৬৮২ খৃঃ রামচন্দ্রপুর, ১৬৮৯ খৃঃ হোসেনপুর, ১৬৯১ খৃঃ রংদিয়া ও রহিমাবাদ, ১৬৯০ খৃঃ চেসুটিয়া, ১৬৯৬ খৃঃ ইস্রুপপুর, ১৬৯৯ খৃঃ মানে,

ছোবনাল, ছোব্না ও ১৭০৩ খৃঃ সাহস পরগণা লাভ করেন। তন্না, ফলুয়া, শ্রীপদকবিরাজ, ভাটলা, কলিকাতা প্রভৃতি অনেক ক্ষুদ্র পরগণাও তাঁহার শাসনাধীন ছিল। মনোহর রায়ই রাজ্যের সবিশেষ উন্নতি করেন। তিনি উত্তররাঢ়ী কায়স্থগণের মধ্যে গণ্য হইয়া নানা স্থান হইতে সম্ভ্রান্ত কায়স্থ আনিয়া স্ব-সমাজের পুষ্টিসাধন করেন। ১৭০৫ খৃঃ মনোহরের মৃত্যু হয়। মনোহরের পুত্রের নাম কৃষ্ণরাম রায়। তাঁহার সময়ে মহেশ্বরপাশা ও রায়মঙ্গল পরগণা এবং কয়েকটি ক্ষুদ্র ক্ষুদ্র পরগণা তাঁহার শাসনাধীনে আইসে। তিনি কৃষ্ণনগরের রাজার নিকট হইতে বাজিৎপুর পরগণার কিয়দংশ ক্রয় করেন। ১৭২৯ খৃঃ কৃষ্ণদেবের পর শুকদেব রাজা হন। মনোহরের বিধবা পত্নীর অনুরোধে শুকদেব তাঁহার রাজ্যের চারি আনা অংশ তাঁহার ভ্রাতা শ্রামসুন্দরকে অর্পণ করেন। এইরূপে জমিদারী দুই ভাগে বিভক্ত হয়। শুকদেবের পুত্র নীলকণ্ঠ ১৭৪৫ খৃঃ রাজ্য লাভ করেন। ১৭৫৮ খৃঃ নবাব ইষ্ট ইণ্ডিয়া কোম্পানিকে কলিকাতার নিকটস্থ কিছু জমি দান করেন। সেই ভূ-সম্পত্তির মালেক ছালাউদ্দীন খাঁ যখন নবাবের নিকট স্বীয় সম্পত্তি নাশে আবার সম্পত্তির প্রার্থী ছিলেন, তখন শ্রামসুন্দর ও তাঁহার শিশু পুত্রের মৃত্যু হওয়ায় চাঁচড়ারাজ্যের চারি আনা অংশ তাঁহার সহিত বন্দোবস্ত করা হইল। এই জমিদারীর চারি আনা অংশকে সৈয়দপুর ও বার আনা অংশকে ইস্পাপুর রাজ্য বলিত। ১৭৬৪ খৃঃ নীলকণ্ঠের পর বার আনা অংশে শ্রীকণ্ঠ রাজা হন। শ্রীকণ্ঠ চিরস্থায়ী বন্দোবস্তের সময় সকল জমিদারী হারাইয়া ইংরাজের বৃত্তিভোগী হন। ১৮০২ খৃঃ বাণীকণ্ঠ শ্রীকণ্ঠের উত্তরাধিকারী হইয়া মুখ্যম আদালতে মোকদ্দমা করিয়া ১৮০৮ খৃঃ স্বীয় জমিদারী উদ্ধার করেন। ১৮১৭ খৃঃ নাবালক

বরদাকর্ষ পৈতৃক সম্পত্তির অধিকারী হন। সম্পত্তি কোর্ট অব ওয়ার্ডের তত্ত্বাবধানে যায়। এই সময়ে সম্পত্তির বিশেষ উন্নতি হয় ও সাহস পরগণা নিলাম খরিদ করা হয়। বরদাকর্ষের পদগোরব ও সিপাহীবিদ্রোহ কালীন সহায়তার প্রতি লক্ষ্য করিয়া মহামতি লর্ড কেনিং তাঁহাকে রাজাবাহাদুর উপাধি ও মনন্দ দান করেন। চারি আনা জমিদারীর চিরস্থায়ী বন্দোবস্ত সময়ে মনুজান বিবি ইহার তত্ত্বাবধারণ করিতেন। তিনি জমিদারী কার্যে অতি বিচক্ষণতা দেখাইয়াছেন। তাঁহার ভ্রাতা তাঁহার মৃত্যু অন্তে ঐ চারি আনা জমিদারী প্রাপ্ত হন। তিনি অপুত্রক অবস্থায় মৃত্যুকালে এই জমিদারী হুগলির ইমাম্বাড়ীর কার্য চালাইবার জন্ত দান করিয়া যান। এই হাজি মহম্মদ মসিনের জমিদারীর আয় হইতে হুগলিকলেজ ও মুসলমান শিক্ষার অনেক সুবিধা হইয়াছে।^৪

ধর্মদাস মগ :—আরাকান হইতে আসিয়া গোরাই নদের উৎপত্তি স্থানে খুলুমবাড়ী প্রভৃতি কতিপয় গ্রাম দখল করিয়া লইয়া ধর্মদাস নামে একজন মগ আধিপত্য করিতে থাকে। তাঁহার শাসনাধীন গ্রামসমূহের নাম মগজাইগীর পরগণা হয়। খড়েরা, চামটালপাড়া, খুলুমবাড়ী ও আর কয়েক মৌজা এই পরগণার অন্তর্গত ছিল। ধর্মদাস সম্রাট অরঙ্গজেবের সময় বন্দী হন এবং মুসলমানধর্ম অবলম্বন করার নিজাম শা নাম ও মগ-জায়গীর পরগণা জায়গীর প্রাপ্ত হন।^৫ মগদিগের ষাতায়াতের জন্ত নবগঙ্গাতীরস্থ বরুণাটোল, মাগুরা, নহাটা, পানিঘাটা প্রভৃতি গ্রামে ময়ূরা ব্রাহ্মণ, বৈষ্ণব, কায়স্থ, বারুই প্রভৃতির বাস হইয়াছে। অমুমান হয়, মাগুরা (ঙ) এবং মবি গ্রামের নাম মগ হইতে উৎপন্ন হইয়াছে।

রাজা সংগ্রাম শাহ :—সংগ্রাম শাহ সম্বন্ধে ঢাকার ইতিহাসলেখক মিঃ ক্রে, বরিশালের ইতিহাসলেখক মিঃ বিভারীজ, যশোহরের ইতিহাসলেখক মিঃ ওয়েষ্টল্যাণ্ড ও বঙ্গের ইতিহাসলেখক ডাক্তার হাণ্টার স্ব স্ব ইতিহাসে কিছুই বলেন নাই। কিন্তু তথাপি আমরা সংগ্রাম শাহ সম্বন্ধে কিছু না বলিয়া থাকিতে পারি না। বর্তমান ফরিদপুর জেলার অন্তর্গত মথুরাপুর গ্রামে চন্দনা নদীতটে মথুরাপুরের দেউল নামে এক প্রকাণ্ড অট্টালিকা আছে, ইহা সংগ্রাম শাহ কর্তৃক নির্মিত হইয়াছিল। সংগ্রাম শাহ জাতিতে ক্ষত্রিয়। তিনি পশ্চিম দেশ হইতে এদেশে আসিয়া স্বীয় বাহুবলে রাজ্য বিস্তার করেন। এদেশে ব্রাহ্মণের নিম্নেই বৈষ্ণবজাতি জানিয়া তিনি ‘হাম বৈষ্ণ বলিয়া’ বৈষ্ণ হইতে চাহেন। সংগ্রাম শাহ হইতে হামবৈষ্ণ নামে এক বৈষ্ণ সম্প্রদায়ের উৎপত্তি হইয়াছে। সংগ্রাম শাহের সভায় শ্রীকান্ত বেদাচার্য্য নামে একজন জ্যোতির্বিদ ছিলেন। তিনি গণনা করিয়া, পরদিন দ্বিপ্রহর বেলায় সংগ্রামের মৃত্যু হইবে, বলেন। ইহাতে বেদাচার্য্যের সম্পত্তি সংগ্রাম বাজেয়াপ্ত করিয়া লয়েন। বেদাচার্য্যের প্রপৌত্র দেবীপ্রসাদ ঞ্জালকার ও দেবীপ্রসাদের পুত্র নন্দকুমার ভট্টাচার্য্য। নন্দকুমার প্রায় ২৫ বৎসর হইল ৭৫ বৎসর বয়সে পরলোক গমন করিয়াছেন। এই বংশের হিমায়ে ও পরিশিষ্টের সনন্দ দৃষ্টে আমরা জানিতে পারি যে, ১৬৪২ খৃঃ যুদ্ধে সংগ্রামের মৃত্যু ঘটে। ফতেয়াবাদ সরকারের ফৌজদারের বাসস্থান ভূষণায় উঠিয়া আসে। সংগ্রামের জমিদারীর সুবন্দোবস্ত উপলক্ষেই উদয়নারায়ণ ভূষণায় সাজোয়াল হইয়া আইসেন।* সংগ্রামের স্বাধীনতা অবলম্বনে পাঠান মুসলমানগণ কর্তৃক তাঁহার নিধন সাধিত হয়।

নাটোরের রাজবংশ :—এই রাজবংশ সম্ভ্রান্ত বারেন্দ্রশ্রেণীর ব্রাহ্মণ ।
 রামজীবন ও রঘুনন্দন দুই সহোদর ভ্রাতা ছিলেন । রঘুনন্দন কাজ-
 কর্মের উমেদার অবস্থায় পুঁটিয়ার রাজবাটাতে গিয়াছিলেন । একদিন
 অপরাহ্নে বিষধর সর্প রঘুনন্দনের মুখোপরি পতিত সৌরকর ফণা-
 বিস্তারে নিবারণ করিতেছে দেখিয়া পুঁটিয়ারাজ তাঁহার ভাবী উন্নতির
 বিষয় বুঝিতে পারেন । তিনি রঘুনন্দনকে প্রতিজ্ঞা করান যে, তিনি
 পুঁটিয়ার দুই পরগণার উপর হস্তক্ষেপ করিবেন না । রঘুনন্দন
 মুর্শিদাবাদে পুঁটিয়ারাজের উকিলস্বরূপ গমন করেন । তথায় তিনি স্বীয়
 প্রতিভাবলে সুবা বাঙ্গালার রাজস্ব-সচিব পদে নিযুক্ত হইয়া রায়রায়ী
 উপাধি প্রাপ্ত হন । জ্যেষ্ঠ রামজীবন রাজা হন । রামজীবনের দত্তক
 পুত্রের নাম রামকান্ত । রাজা রামকান্তের রাণীর নাম বঙ্গবিখ্যাতা রাণী-
 ভবানী । রাণী ভবানীর গর্ভজাতা কন্তার নাম তারামণি ও দত্তক পুত্রের
 নাম রামকৃষ্ণ । রাজা রামকৃষ্ণ পরম বোগী ছিলেন । তাঁহার সময়ে
 নাটোরের জমিদারীর অনেক নষ্ট হয় । রামকৃষ্ণের দুই পুত্র—বিশ্বনাথ
 ও শিবনাথ । বিশ্বনাথ ও শিবনাথ হইতে নাটোরের বড় ও ছোটতরপ
 রাজবংশ বহির্গত হইয়াছে । রাজা বিশ্বনাথের পুত্র রাজা গোবিন্দচন্দ্র,
 গোবিন্দচন্দ্রের পুত্র রাজা গোবিন্দনাথ, গোবিন্দনাথের পুত্র মহারাজ
 জগদীন্দ্রনাথ ও জগদীন্দ্রনাথের পুত্র বোগীন্দ্রনাথ । ছোটতরফে
 শিবনাথের দত্তকপুত্র আনন্দনাথ, আনন্দনাথের ৪ পুত্র, চন্দ্রনাথ,
 সুরেন্দ্রনাথ, নগেন্দ্রনাথ ও যোগেন্দ্রনাথ । রাজা যোগেন্দ্রনাথের পুত্র
 যতীন্দ্রনাথ ও যতীন্দ্রনাথের পুত্র বীরেন্দ্রনাথ । এই বংশের রাজা চন্দ্রনাথ
 বিশেষ খ্যাতিলাভ করিয়াছিলেন । নাটোর রাজবংশের জমিদারী লইয়া

বংশের অনেক জমিদারবংশ জমিদারী পাইয়াছেন। এই রাজবংশ দেবদেবী প্রতিষ্ঠা, নিষ্কর ভূমিদান ও অর্থদানের জন্তু বিখ্যাত।

দীঘাপতিয়া-রাজবংশ :—এই রাজবংশ জাতিতে তেলী। দয়ারাম রায় এই রাজবংশের স্থাপয়িতা। দয়ারাম রাজা রামজীবনের সময় হইতে রানী ভবানীর সময় পর্য্যন্ত নাটোর রাজবংশের দেওয়ান ছিলেন। দয়ারাম বুদ্ধিমান, বিচক্ষণ ও বিশ্বস্ততাগুণে ভূষিত। রাজা প্রসন্ননাথ, প্রমথনাথ প্রভৃতি নানা সদগুণের পরিচয় দিয়া ইংরাজ গবর্ণমেন্টের নিকট বিশেষ সম্মান লাভ করেন। এ রাজবংশেরও নানা সদগুঠান ও দেবদেবী মূর্তি প্রতিষ্ঠিত আছে।

নড়াইলের বাবু উপাধিধারী জমিদার-বংশ :—আদিশূরের সভায় যে পুরুষোত্তম দত্ত আসেন, নড়ালের বাবুগণ তাঁহারই বংশধর। ঘটকের মতে ইঁহারা বালির দত্ত ও কায়স্থ-গোষ্ঠীপতি বলিয়া পরিচিত। বর্গীর হাঙ্গামে ইঁহাদের আদিপুরুষ বালী হইতে মুর্শিদাবাদের নিকটে চৌরা-গ্রামে পলায়ন করেন। তথা হইতেও বর্গীর ভয়ে মদনগোপাল দত্ত নড়াইলে আগমন করেন। মদনগোপালের ব্যবসায় অনেক টাকা খাটিত, কিন্তু তাঁহার ভূসম্পত্তির মধ্যে বার বিঘা মাত্র বসতবাটা ছিল। মদনগোপালের পুত্রের নাম রামগোবিন্দ ও রামগোবিন্দের পুত্রের নাম রূপরাম। রূপরাম নাটোর রাজসরকারের মোক্তার হইয়া মুর্শিদাবাদে প্রেরিত হন। রূপরাম নাটোররাজ-অধীনে ১১৯৮ সালে (১৭৯১ খৃঃ) ১৪৮ টাকার এক জমা করেন। রূপরাম ১৮০২ খৃঃ কালীশঙ্কর ও রামনিধি নামে দুই পুত্র রাখিয়া পরলোক গমন করেন। কালীশঙ্কর নাটোররাজসরকারে দেওয়ানী পদ পান। তিনি অসাধারণ প্রতিভা ও

শুণসম্পন্ন লোক ছিলেন। ভূষণা জমিদারী কালীশঙ্করের সহিত বন্দোবস্ত করা হয়। বাকি করে নাটোর রাজার পরগণা সকল বিক্রয় হইতে আরম্ভ হইলে কালীশঙ্কর তেলিহাটী, বিনোদপুর, রূপাবাদ, খালিয়া ও পোক্তানি পরগণা নিজে ক্রয় করেন। এই সকল পরগণা কালীশঙ্কর নিজের অধীনস্থ লোকের বিনামে ক্রয় করেন। আর কয়েকটা ক্ষুদ্র পরগণাও তিনি এই সময়েই ক্রয় করিয়াছিলেন। ১৭৯৫ হইতে ১৭৯৯ খৃঃ মধ্যে এই সকল পরগণা ক্রয় করা হয়। কালীশঙ্করের বিরুদ্ধে কোর্ট অব ওয়ার্ড মোকদ্দমা করিয়া তাঁহাকে কর বাকি ফেলার জন্য কারারুদ্ধ করেন। চারি বৎসরের পর কিছু টাকা দিয়া মোকদ্দমা মিটাইয়া কালীশঙ্কর মুক্তি লাভ করেন। ওয়েষ্টল্যাণ্ড বলেন, কালীশঙ্কর বিশ্বাসঘাতকতা করিয়া নাটোরের অনেক জমিদারী আত্মসাৎ করেন। কালীশঙ্করের দুইপুত্র, রামনারায়ণ ও জয়নারায়ণ। কালীশঙ্কর ১৮২০ খৃঃ কাশীধামে গমন করেন। ১৮২২ খৃষ্টাব্দে জয়নারায়ণের, ১৮২৭ খৃষ্টাব্দে রামনারায়ণের এবং ১৮৩৪ খৃষ্টাব্দে ৯০ বৎসর বয়সে কালীশঙ্করের মৃত্যু হয়। তিনি শতাধিক ভূসম্পত্তি রাখিয়া যান। কালীশঙ্কর মুর্শিদাবাদের নবাব সরকার হইতে রায় উপাধি পান। রামনারায়ণের তিন পুত্র—রামরতন, হরনাথ ও রাধাচরণ এবং জয়নারায়ণের দুই পুত্র, দুর্গাদাস ও গুরুদাস। রামনারায়ণ পিতার পরিবর্তে কিছুদিন দেওয়ানী জেলে বাস করিয়া পিতাকে কতিপয় ধর্ম্মামুষ্ঠানের অবসর দেওয়ার কালীশঙ্কর অধিকাংশ সম্পত্তি তাঁহাকে উইল করিয়া দিয়া যান। এই উইল মত্বে রামরতন ও গুরুদাস এই দুই জনের মধ্যে ৪৪ লক্ষ টাকা দাবিতে ১৮৪৭ খৃষ্টাব্দে অক্টোবর মাসে

মোকদ্দমা উপস্থিত হয়। ১৮৫৮ খৃষ্টাব্দে এই মোকদ্দমায় জজ আদালতে গুরুদাস অকৃতকার্য হন। ১৮৬১ খৃষ্টাব্দে এই মোকদ্দমায় গুরুদাস হাইকোর্টে জয়লাভ করেন। প্রিন্সিপালসেলে মোকদ্দমা নিষ্পত্তি হইবার পূর্বে উভয় সন্ন্যাসীকে মোকদ্দমা মীমাংসা করেন। বাবু রামরতন বুদ্ধিমান, বিচক্ষণ ও শ্রমশীল জমিদার ছিলেন। তিনি মাহমুদসাহি পরগণার $\frac{৩}{৪}$ অংশ ক্রয় ও অগ্রাণ্ড জমিদারীর শ্রীবুদ্ধি করেন। ১৮৫৯ খৃষ্টাব্দে রামরতনের, ১৮৬৮ খৃষ্টাব্দে হরনাথ ও ১৮৭১ খৃষ্টাব্দে রাখাচরণের মৃত্যু হয়। যশোহর, ফরিদপুর, বরিশাল, পাবনা, নদীয়া, চব্বিশপরগণা, হুগলী, মৃঙ্গাপুর ও বারাণসী জেলায় এই জমিদারবংশের জমিদারী আছে। রতনবাবুর মাতৃশ্রদ্ধ ও রতনবাবুর নিজ শ্রদ্ধ অতি সমারোহে সমাহিত হইয়াছিল। এই বংশে রামনারায়ণের শাখায় দান ও উত্তমশীল নরেন্দ্রবাবু প্রভৃতি ও জয়নারায়ণের শাখায় গুরুদাসবাবুর পুত্র গোবিন্দবাবুর দুইপুত্র জিতেন্দ্রনাথ ও দেবেন্দ্রনাথ জীবিত আছেন।”

তৃতীয় অংশ

বারভূঁইয়ার ইতিহাস

অর্থাৎ

যে সকল জমিদারগণের রাজ্য লইয়া সীতারামের রাজ্য

গঠিত হয়, তাহার বিবরণ ।

পদ্মার উত্তর পারে দিনাজপুর, পুঁটিয়া ও তাহেরপুরের রাজবংশ ও পদ্মার দক্ষিণ পারে যশোহরের প্রতাপাদিত্য, চন্দ্রদ্বীপের কন্দর্প ও রামচন্দ্র রায়, বিক্রমপুরের চাঁদ রায় ও কেদার রায়, ভুলুয়ার লক্ষ্মণমাণিক্য, ভূষণার মুকুন্দ রায়, সাঁতৈরের রামকৃষ্ণ, চাঁদপ্রতাপের চাঁদগাজি, ভাওয়ালের ফজলগাজি, খিজিরের জৈশা খাঁ মসনদী, এই বার ঘর জমিদার লইয়া বারভূঞা দল গঠিত হয়। ইহারা কোন সময়ে স্বাধীন রাজ্যস্থাপনে অভিলাষী হইয়াছিলেন। ইহাদিগের সকলেরই গড়বেষ্টিত দুর্গ, গোলা, কামান, বন্দুক, গুলি প্রভৃতি যুদ্ধোপকরণ ছিল। রাজা মানসিংহ ইহাদিগকে পরাস্ত করিয়াছিলেন। পুস্তকের কলেবর পুষ্ট হয় এই জন্য আমরা ইহাদিগের সকলের বিবরণ লিপি বদ্ধ না করিয়া কেবল সীতারামের সংস্কে প্রতাপাদিত্য, চন্দ্রদ্বীপের কন্দর্প ও রামচন্দ্র রায়, সাঁতৈরের রামকৃষ্ণ, ভূষণার মুকুন্দ রায়, বিক্রমপুরের চাঁদ রায় ও কেদার রায়, ভুলুয়ার লক্ষ্মণমাণিক্য ও খিজিরের জৈশা খাঁর সংক্ষিপ্ত বিবরণ নিয়ে লিপিবদ্ধ করিলাম।

(১) প্রতাপাদিত্য :— প্রতাপাদিত্য বঙ্গজ কার্যস্থ ছিলেন। ইনি

বিক্রমপুর, চন্দ্রদ্বীপ প্রভৃতি স্থান হইতে কুলীন কায়স্থ আনিয়া স্বীয় সমাজে বাস করাইয়াছিলেন। তাঁহার প্রতিষ্ঠিত সমাজকে এক্ষণে টাকৌ-শ্রীপুরের সমাজ বলে। প্রতাপ নিজে কুলীন ছিলেন না। প্রতাপের পিতা বিক্রমাদিত্য ভাণ্ডায় (চ) বঙ্গেশ্বর দাউদের একজন বিচক্ষণ মন্ত্রী ছিলেন। দাউদের সহিত সম্রাটের যুদ্ধ বাধিবার উপক্রমে বিক্রম তাঁহাকে যুদ্ধ করিতে নিষেধ করিয়াছিলেন। যুদ্ধে ভাবী বিপদ আশঙ্কায় সপরিবারে বাস করিবার নিমিত্ত বিক্রম বহু নদীপূর্ণ সুন্দরবনের মধ্যে একটা বাটা নিৰ্মাণ করিতে অভিলাষী হন। সেই গৃহ-নিৰ্মাণের জন্য দাউদ গোড় হইতে বহুমূল্য প্রস্তরাদি বিক্রমকে দান করেন ও স্বীয় বহুমূল্য হীরক রত্নাদি প্রতাপের সহিত প্রেরণ করেন। পূর্বে চব্বিশ-পরগণার এবং বর্তমান খুলনা জেলার অন্তর্গত কালীগঞ্জ থানার অধীন সেইস্থান ক্রমে একটা সুন্দর নগর হইয়া উঠিল। নগরের নাম যশোহর (ছ) হইল, যশোহরের অর্থ—যে নগরের শ্রীমুক্তি ও অট্টালিকার নিৰ্মাণ-কৌশল সকল নগরের যশ হরণ করে। এই নগর খৃষ্টীয় ১৫৫৮ অব্দে সংস্থাপিত হয়। বিক্রমের অশেষগুণসম্পন্ন পুত্রের নাম প্রতাপাদিত্য। প্রতাপাদিত্য বঙ্গের অপরাপর জমিদারগণের সহিত বঙ্গে স্বাধীন হিন্দুরাজ্যস্থাপনে যত্নবান্ হইয়াছিলেন। তিনি মতপার্থক্যের নিমিত্ত খুলতান্ত বসন্তরায়কে নিধন করেন ও অবিখ্যাতী জামাতা চন্দ্রদ্বীপের রাজা রামচন্দ্রকে সংহার করিতে উত্তোগী হন। মোগলসম্রাটের সহিত প্রতাপ দীর্ঘকাল যুদ্ধ করেন। তিনি আজিম খাঁ প্রভৃতি সেনাপতিদিগকে পরাস্ত করিয়া বিদূরিত করিয়া দেন। মানসিংহকেও তিনি যুদ্ধে পরাস্ত করেন। শেষদিনের যুদ্ধে বাঙ্গালীর বিশ্বাস-

ঘাতকতার বাঙ্গালীবীর প্রতাপাদিত্যের পরাজয় ঘটে। ১৬১৪ খৃষ্টাব্দে প্রতাপের পরাজয় ও ঐ খৃষ্টাব্দের জ্যৈষ্ঠমাসে ৬কালীধামে প্রতাপের মৃত্যু হয়। প্রতাপের সংস্থাপিত রাজ্যের নামও যশোহর-রাজ্য ছিল। মির্জানগরে যে নবাব-ফৌজদার ছিলেন, তাঁহাকে যশোহরের ফৌজদার বলিত। গুরলিতে বৃটীশ-গভর্নমেন্টের যে জেলা বসে তাহাকেও যশোহর জেলা বলিত এবং ঐ জেলা কশবার আসিবার পরেও উহার যশোহর নামই থাকিয়া যায়। প্রকৃতপক্ষে যশোহর রাজ্যের জেলা বলিয়া কশবার নামই যশোহর হইয়া পড়িয়াছে।^{১৮}

২। চন্দ্রদ্বীপ বাকুলার কন্দর্প রায় ও রামচন্দ্ররায়ও বঙ্গজকায়স্থ ছিলেন। ইঁহারা বঙ্গ উপাধিধারী কুলীন। ইঁহাদের সমাজের নাম চন্দ্রদ্বীপ-বাকুলার সমাজ। কন্দর্প রায়ের পুত্র রামচন্দ্র রায়। ইনি প্রতাপাদিত্যের কণ্ঠার পাণিগ্রহণ করেন। ইনি প্রতাপের সহিত একমত হইয়া প্রথমে মোগলবিরুদ্ধে যুদ্ধ করিতে সম্মত ছিলেন, পরে যুদ্ধে অসম্মতি প্রকাশ করায় প্রতাপের সহিত তাঁহার বিরোধ ঘটে। রামচন্দ্র ভুলুয়ার লক্ষ্মণ মানিক্যের সহিত যুদ্ধে প্রবৃত্ত হইয়াছিলেন। রামচন্দ্রের কনিষ্ঠ ভ্রাতা নৌযুদ্ধে পটু ছিলেন।

৩● সাঁতৈরের রামকৃষ্ণ :—সাঁতৈরের রাজা রামকৃষ্ণ সম্বন্ধে আমরা বিশেষ কিছু জানিতে পারি নাই। পর্তুগীজ বণিকেরা ইঁহার সভার আসিয়া তাঁহার সভার ধনরত্ন দেখিয়া বিমুগ্ধ হইয়াছিলেন। রামকৃষ্ণ মোগল-বিরুদ্ধে যুদ্ধ করেন নাই। সাঁতৈর পরগণা বর্তমান যশোহর ও ফরিদপুর জেলায় অবস্থিত।

৪। সাল্লা মুকুন্দ রায় :—ফতেছালি নামক একজন মুসলমান বন

জঙ্গল পরিষ্কারপূর্বক প্রজা পত্তন করিয়া ফতেয়াবাদ সরকার নাম রাখেন। এই সরকারে অধুনা যশোহর, খুলনা, বরিশাল, ফরিদপুর ও নোয়াখালি জেলার কতকাংশ হইবে। আইন-ই-আকবরিতে দেখা যায়,* ইহা ৩১ মহলে বিভক্ত ছিল ও ইহার রাজস্ব ৭২৬৯৫৫৭ দাম ছিল। ফতেয়াবাদ সরকারের প্রধান নগর ভূষণায় ছিল। মুকুন্দ রায়ের পূর্ব-পুরুষ কিরূপে এদেশে আসেন, আমরা জানিতে পারি নাই। ফতেয়াবাদের ফৌজদার মোরাদ খাঁর সহিত মুকুন্দের প্রণয় ছিল। ফৌজদার মোরাদের মৃত্যুর পর মুকুন্দ তাঁহার পুত্রদিগের অভিভাবক হইয়া ফতেয়াবাদ শাসন করিতেছিলেন। কতলু খাঁ ফতেয়াবাদ আক্রমণ করিলে মুকুন্দ তাঁহার সহিত তুমুল সংগ্রাম করেন, পরে মানসিংহ আসিয়াও মুকুন্দের সহিত যোগদান করিয়াছিলেন। মানসিংহ মুকুন্দের বীরত্ব দেখিয়া তাঁহাকে ফতেয়াবাদ সরকার শাসন করিতে দিয়া যান। দ্বিতীয়বার মানসিংহ বঙ্গে আসিয়া দেখিলেন, মুকুন্দ স্বাধীন হইয়াছেন। মানসিংহ তাঁহাকে যুদ্ধে পরাস্ত ও বন্দী করিলেন। মুকুন্দের ছয় পুত্র, তন্মধ্যে শত্রুজিৎ ও শিবরামের নাম পাওয়া গিয়াছে। শত্রুজিৎ স্বাধীন হইলে তিনিও ১৬৪৮ খৃঃ বন্দী হইয়া দিল্লীতে প্রেরিত ও তথায় নিহত হন। শত্রুজিতের বংশধরগণ কিছুদিন ভূষণায় ঢালিসৈন্তের নায়ক ছিলেন। সীতারামের পতনের পর তাঁহারা শত্রুজিৎপুর স্থাপন করিয়া বাস করেন। মুকুন্দের সময়ে ভূষণার বিলক্ষণ উন্নতি হইয়াছিল। এই ভূষণায় বাস বলিয়া তথাকার বারেন্দ্রশ্রেণী ব্রাহ্মণ, তেলি, মালি ও কর্মকারগণ ভূষণাই পটী, নামে বিদিত হইয়াছে। ”

৫। চাঁদরায় ও কেদার রায় :—ইহারাও বঙ্গ কায়স্থ ছিলেন।

ইহাদের সমাজ ও মান্তগণ্য সমাজ ছিল। খিজিরের জৈশা খাঁ চাঁদ রায়ের বন্ধু ছিলেন। তিনি চাঁদ রায়ের রাজধানী বিক্রমপুরের শ্রীপুরে আসিয়া চাঁদ-কন্তা বালবিধবা লাভণ্যময়ী স্বর্ণ বা সোণামণিকে দেখেন। সোণামণিকে জৈশা খাঁ অঙ্কলক্ষ্মী করিবার চেষ্টা করায় চাঁদ ও কেদার জৈশা খাঁর কলাগাছি দুর্গ, খিজিরের ভবন ও ত্রিবেণী দুর্গ আক্রমণ করেন। চাঁদ-ভৃত্য বিশ্বাসঘাতক শ্রীমন্ত কৌশলে স্বর্ণকে খাঁ সাহেবের অঙ্কশায়িনী করেন। এই অপমানে চাঁদ অনশনে প্রাণত্যাগ করেন। কেদার ভগ্নমনে গৃহে প্রত্যাবৃত্ত হন। এই যুদ্ধে হীনবল হইবার পর কেদারের সহিত মানসিংহের যুদ্ধ হয়। শ্রীমন্তের পরামর্শে কেদারকে উপাসনা কালে কালীমন্দিরে নিধন করা হয়। রঘুনন্দন প্রভৃতি অমাত্যবর্গ মানসিংহের সহিত সন্ধি করেন। কেদারের স্ত্রী কিছুদিন রাজকাব্য পর্যালোচনা করিয়া পরলোক গমন করিলে কেদারের রাজ্য রঘুনন্দন, কোমল শরণ, কালিদাস প্রভৃতির মধ্যে ছয়ভাগ হইয়া যায়। চাঁদরায়ের পুত্র কেদারের অসংখ্য কীর্তি কীর্তিনাশা নদী গ্রাস করিয়াছে। কেদার প্রতাপাদিত্যের সমকক্ষ বীর ও তুল্য কীর্তিমান ছিলেন।

৬। ভুলুয়ার লক্ষণ মাণিক্য :—ইনি ক্ষত্রিয় আদিশূরের আত্মীয় বিশ্বস্তুর শূরের বংশধর। বিশ্বস্তুর চক্রনাথ যাইতে নৌকায় স্বপ্ন দেখিয়া ভূগর্ভে বারাহী দেবী প্রাপ্ত হন এবং ভ্রমক্রমে দেবীকে পাশ্চমাশ্রু করিয়া স্থাপন করায় তাঁহার পূর্ব বঙ্গের পরগণার নাম ভুলুয়া (ভুল ছয়া) রাখেন। কাহার মতে, নবাবকে অন্ন কর দিয়া ভুলাইয়া বহুভূমি ভোগ করায় এই পরগণার নাম ভুলুয়া হইয়াছে। বিশ্বস্তুরের বংশধর রাজা লক্ষণমাণিক্য। ইনি কায়স্থসমাজে মিশ্রিত হন এবং বাকুলার পরমানন্দ ঘোষের

সহিত তনয়ার বিবাহ দেন। জামাতা সমাজচ্যুত হইয়া তুলুয়ার যাওয়ার লক্ষণ অন্ত বিবাহ উপলক্ষে বিক্রমপুর, ভূষণা, চন্দ্রদ্বীপ ও ষশোহর সমাজ স্বগৃহে নিমন্ত্রণ করিয়া লন। লক্ষণ মগ্ কর্তৃক বিভাড়িত হইয়া ঈশা খাঁর শরণাপন্ন হন। ঈশা খাঁ দিল্লী হইতে সাবাজ খাঁকে আনাইয়া বারভূঞার দল সঙ্গে লইয়া লক্ষণকে রাজ্যে পুনঃ প্রতিষ্ঠিত করিতে যাত্রা করেন। সাবাজ খাঁ সাহবাজপুর দুর্গ সংস্থাপন করেন। মগ্দিগের সহিত তুমুল যুদ্ধ হয়। মগেরা যুদ্ধে হারিয়া পলারন করিলে পর লক্ষণ স্বরাজ্য প্রাপ্ত হন। কাহার মতে, লক্ষণ চন্দ্রদ্বীপরাজ্য রামচন্দ্রের গৃহে নিহত হন ও কাহার মতে তিনি মগ্ যুদ্ধে প্রাণত্যাগ করেন। লক্ষণের বংশধরগণ কেহ লক্ষণের ঞায় লক্ষপ্রতিষ্ঠ ছিলেন না।

ঈশা খাঁ :—ইনি পাঠান জাতীয় মুসলমান। ইনি ভূঞাদলের মধ্যে সর্ব্বাঙ্গে স্বাধীন হইয়া বসেন। ১৬৮৭ খৃঃ মানসিংহ ইঁহাকে যুদ্ধে পরাস্ত করিয়া বন্দী করেন ও দিল্লীতে লইয়া যান। এই যুদ্ধকালে চাঁদকর্ত্তা স্বর্ণ (যাঁহাকে লাভ করা উপলক্ষে চাঁদ ও কেদারের সহিত ঈশা খাঁর যুদ্ধ হয়) বিশেষ বীরত্ব প্রকাশ করেন। ঈশা খাঁ দিল্লীর গুণগ্রাহী অকবরের নিকট অপমানিত না হইয়া পুরস্কৃত হন। ঈশা খাঁ সোণার গাঁর শাসনকর্ত্ত্ব ভার পাইয়া খিজিরপুরে আসেন। তিনি পরে আর যোগল বিক্রমে অভ্যুত্থান করেন নাই।



তৃতীয় পরিচ্ছেদ



সীতারামের বংশ-পরিচয় ও বাল্যজীবন

বর্তমান সময়ের মুর্শিদাবাদ জেলার অন্তঃপাতী কল্যাণগঞ্জ থানার গিধিনা নামে যে গ্রাম আছে, তথায় সীতারামের পূর্বপুরুষের নিবাস ছিল। সীতারাম জাতিতে উত্তর-রাঢ়ীয় কায়স্থ ; যে কায়স্থকুলে পাঠান-শাসন সময়ে রাজা গণেশ জন্মগ্রহণ করিয়া স্বীয় ভূক্তিতে এবং রণপাণ্ডিতে স্বাধীন হিন্দু রাজ্য সংস্থাপিত করিয়াছিলেন ; যে গণেশের পুত্র নানাদেশ আক্রমণ ও লুণ্ঠনে রত রণকুশল নিষ্ঠুর তাইমুরকে সময়ে পরাস্ত করিয়া যত্ন নাম স্থলে জেলাল নাম গ্রহণপূর্বক কিছুদিন সুনিয়মে ও সুশৃঙ্খলায় বঙ্গের শাসনদণ্ড পরিচালন করেন, যে যত্নরায়ের ধর্মনিষ্ঠ ভগিনীপতির বংশ হইতে বর্তমান দিনাজপুরের রাজবংশের সমুদ্ভব হইয়াছে, যে কায়স্থকুলে সনাতন ধর্মনিষ্ঠ বদান্ত দিনাজপুরের রায় সাহেব সমুৎপন্ন হইয়াছেন ও ষাঁহার পূর্বপুরুষ অশেষ দেশহিতকর কার্যে পরম বশস্বী ছিলেন ও যে কায়স্থকুলের বংশধরগণ ষশোহরের নিকটবর্তী টাচড়া গ্রামে বাসভবন সংস্থাপনপূর্বক রাজা নাম গ্রহণপূর্বক দীর্ঘকাল সুবিশাল জমিদারী শাসন ও প্রজাপালন করিয়া আসিতেছেন, সেই উত্তররাঢ়ীয় কায়স্থকুলে সীতারামের জন্ম। উচ্চ সম্প্রদায়ের কায়স্থগণের ঘটক মহাশয়দিগের গ্রন্থে জানা যায় যে, বঙ্গদেশে ভিন্ন ভিন্ন গোত্রের সাড়ে

সাত ঘর উত্তররাঢ়ীয় কায়স্থ আছেন। তন্মধ্যে ঘোষ এক ঘর, সিংহ এক ঘর, মিত্র এক ঘর, দত্ত এক ঘর, মোদগল্য দাস এক ঘর, কাশ্যপ দাস এক ঘর, শাণ্ডিল্য ঘোষ এক ঘর, কর $\frac{1}{8}$ (জ) ঘর ও ভরদ্বাজ $\frac{1}{8}$ ঘর।

সীতারাম হইতে উর্দ্ধতন একাদশ পুরুষের নাম রামদাস দাস। এই দাস মহাশয় মাতার দানসাগর শ্রদ্ধা করিয়া গজদান করায় গজদানী উপাধি পাইয়াছিলেন। ঘটক গ্রন্থে পরিলক্ষিত হয়, সীতারামের বংশ কাশ্যপ গোত্রজ খাস বিশ্বাস শাখার অন্তর্ভুক্ত। ষশোহরের নিকটবর্তী পুঁড়াপাড়ার দেবনারায়ণ ঘটক মহাশয়ের নিকট হইতে তাঁহার পূর্বপুরুষ ঘনশ্যাম ঘটক প্রণীত সীতারামের খাস-বিশ্বাস বংশ সম্বন্ধে একটী কবিতা পাওয়া গিয়াছে তাহা এই :—

হাল চসে তাল খায় গিধনাতে বাস।

তার বেটা কায়েত হলো বিশ্বাস-খাস ॥

এই কবিতা শ্রীযুক্ত বাবু মধুসূদন সরকার মহাশয়ের লিখিত নব্যভারতে প্রকাশিত সীতারাম প্রবন্ধের প্রথম প্রবন্ধে লিখিত হইয়াছে ;—

হাল চসে তাল খায় গিধনাতে বাস।

তাহার হইল নাম বিশ্বাস খাস ॥

এই কবিতা দৃষ্টে মধুবাবু সীতারামকে খশ জাতি হইতে উৎপন্ন হওয়া অনুমান করিতে ক্রটি করেন নাই এবং একাধিক সীতারাম বিষয়ে প্রবন্ধলেখক সীতারামকে নীচ উত্তররাঢ়ীয় কায়স্থবংশজ বলিজে প্রস্তুত হইয়াছেন। আমরা বলি, উক্ত প্রবন্ধলেখকগণের অনুমান ঠিক নহে। তাঁহারা একটু বিবেচনা করিলেই বুঝিতে পারিতেন,

সীতারামের বংশমর্যাদা খুব উচ্চ না হইলেও নিতান্ত নীচ নহে। পুড়োপাড়ার ঘটক মহাশয়েরা উত্তররাঢ়ীয় কায়স্থের ঘটক হইলেও যশোহরের টাচড়া রাজবংশের আশ্রিত। আমরা পরে দেখাইব, সীতারামের সমসাময়িক টাচড়ার রাজা মনোহর রায়ের সহিত সীতারামের অসন্তোষ ও ঘেঘাঘেঘী ছিল। তাঁহার ঘটকে সীতারামের বংশ পরিচয় একটু মন্দ করিয়া বলিবে তাহা আশ্চর্য্য নহে। সে কালের মুর্শিদাবাদ আর যশোহর বড় কম দূর নহে। অধুনা রেলপথ ও রেলগাড়ীর সহায়তায় কলিকাতা ও যশোহর ৬ ঘণ্টার পথ হইলেও অত্য়পি কলিকাতা অঞ্চলে যশোহর প্রভৃতি পূর্ববঙ্গের কৈ-ডিম্বের অদ্ভুত কাল্পনিক (কিষদন্তী) দূর হইল না। তখন বাষ্পীয় শকট-বর্জিত প্রাচীন কালে মুর্শিদাবাদ হইতে নবাগত নূতন স্বাধীন রাজ্য-স্থাপনে উদ্যত ও অন্ত জমিদারগণের জমিদারী হস্তগতকরণে রত সীতারামের পূর্বপুরুষ সম্বন্ধে “হাল চসে তাল ধায়” ইত্যাদি বর্ণনা করা অধিক আশ্চর্য্যের বিষয় নহে। মুর্শিদাবাদ অঞ্চলের উত্তর-রাঢ়ীয় কায়স্থগণের আচার আঙ্কিক উচ্চশ্রেণীর ব্রাহ্মণের আচার আঙ্কিক অপেক্ষা কোন অংশে নীচ নহে। নিম্নরূপ অপেক্ষা মুর্শিদাবাদ অঞ্চল আদি সভ্য। এইরূপ-স্থলে সীতারামের পূর্বপুরুষগণের আচার-ব্যবহার নিতান্ত নীচ হইতে পারে না।

সীতারামের পূর্বপুরুষ রামদাস দানমাগর শ্রদ্ধ ও হস্তিদান করিয়াছিলেন। তিনি পাঠান-শাসনের প্রথম সময়ে প্রাদুর্ভূত হন। তৎকালে একরূপ শ্রদ্ধ করা বড় নিরাপদ ছিল না। তৎকালে ধনী অপবাদ বড় ভয়াবহ ছিল। সেই সময়ে ভূগর্ভে ধন প্রোথিত রাখা

বন্ধের নিয়ম হইয়াছিল। যিনি ঋতুশ্রাদ্ধে গজদান করেন, তিনি নিতান্ত নিঃস্ব ছিলেন না। তাঁহার এই দানের কথা নবাব বা দস্যু-তস্করের কর্ণগোচর হইলেই ঘোর বিপদ; সকলেরই বক্রদৃষ্টি তাঁহার প্রতি পড়িতে পারে। নবাব বা দস্যু-তস্করের হস্ত হইতে নিজ ধন, প্রাণ ও মানরক্ষা করিবার সামর্থ্য না থাকিলে রামদাস কখনই এরূপ একটি শ্রাদ্ধ করিতে পারিতেন না। দ্বিতীয়তঃ একজন নিতান্ত নিঃস্ব “হাল চসা তাল খাওয়া” লোকের পক্ষে হস্তিদানসহ দানসাগর শ্রাদ্ধ করাও সহজ কথা নহে। সীতারাম হইতে উদ্ধৃতন একাদশ পুরুষের অবস্থা যখন এইরূপ উচ্চ এবং ঋহার নামই ঘটক মহাশয় প্রথমে এই কবিতায় দিয়াছেন, তখন সীতারামের বংশে “হাল চসা তাল খাওয়া” লোক বসাইবার আর স্থান কোথায়? এমতে বলি, উক্ত কবিতাটি দ্বারা ঘটক মহাশয় সীতারামের বংশে কলঙ্ক আরোপ করিয়া চাঁচড়া-রাজ-সরকারে মান, প্রতিপত্তি ও অর্থলাভ করিতে যত্নবান্ হইয়াছিলেন মাত্র; উহার কোন মূল্য নাই।

বিশ্বাস-ধাম উপাধি দৃষ্টেও উক্ত প্রবন্ধলেখকগণ সীতারামের বংশ নীচ অনুমান করিতে প্রস্তুত হইয়াছেন। মধুবাবু লিখিয়াছেন, বর্ণ-জ্ঞানহীন ইতরজাতীয় লোক প্রথমে শিক্ষালাভ করিলেই বিশ্বাস উপাধি পাইয়া থাকে। দেবসেনাপতি কাণ্ডিকের অপর নাম কুমার। তিনি রণকুশল দেবসেনাপতি। সম্প্রতি অনেক ভূস্বামিগণের উপাধি কুমার। তাই বলিয়া কি বুদ্ধিতে হইবে যে, সেই ভূস্বামিকারিগণ অতুলনীয় ভূজবলসম্পন্ন বীর? বিশ্বাস, সরকার, শীকদার, মজুমদার, রায়, জোদ্ধার, সমাদ্দার প্রভৃতি কার্যের উপাধি। এই সকল উপাধি

প্রাচীনকাল হইতে কার্যকলাপের ক্ষমতা প্রদত্ত হইয়া আসিতেছে। মুখোপাধ্যায়, বন্দ্যোপাধ্যায়, ঘোষ, বসু উপাধি কাহারও নূতন পাইবার অধিকার নাই। উচ্চবংশীয় সম্রাট ব্রাহ্মণ কার্যস্থের উপাধি বিশ্বাস, সরকার প্রভৃতি আছে। রাজস্ব-সংক্রান্ত বিশ্বাসভাজন কর্মচারীকে বিশ্বাস উপাধি দেওয়া হইত। সুবা-বাহালার দেওয়ানের উপাধি বিশ্বাস হইলে তাহার বড়লোকত্ব সম্বন্ধে লোকের সন্দেহ হয় নাই। কিন্তু রামধন ভৌমিকের তহসীলদার ধর্মদাস চঙ্গ মণ্ডলের উপাধি বিশ্বাস হইলেই তাহার নিকৃষ্ট লোকত্ব আসিয়া পড়ে। খাস শব্দ বর্তমান সময়ের 'প্রাইভেট' শব্দের একার্থবোধক। প্রাইভেট সেক্রেটারীর পারসিক নাম মুন্সী-খাস হইবে। নবাব-সরকারে কার্য করিয়া সীতারামের পূর্বপুরুষগণ বিশ্বাস-খাস উপাধি প্রাপ্ত হইয়াছিলেন। তাঁহারা খাস ভাণ্ডারের অর্থসংক্রান্ত কোন কর্মচারীর পদে নিযুক্ত থাকিয়া উক্ত উপাধিলাভ করিলেও তাঁহাদের বংশের নীচত্ব প্রকাশ পাইতে পারে না। বিশ্বাস যখন একটি উপাধি, যাহা যত্নপূর্বক লোকে গ্রহণ করে, তাহা কখনও নীচত্ব-জ্ঞাপক হইতে পারে না। রায়-সাহেব, রায়-বাহাদুর ও মহারাজ উপাধির ছোটবড় হইতে পারে। একজন কুলীন-চুড়ামণি ব্রাহ্মণ জমিদার রায়-বাহাদুর উপাধি পাইলেন; একজন নীচ কার্যকুলোদ্ভব ভূম্যধিকারী মহারাজ উপাধি লাভ করিলেন; ইহাতে তাঁহাদের বংশমর্যাদার কি হ্রাস বৃদ্ধি হইল? উল্লিখিত কারণে আমরা বলিতেছি, বিশ্বাস-খাস উপাধিতেও সীতারামের বংশের নীচতা প্রকাশ পায় না।

২য় রামদাস গজদানীর তিনপুত্র, অনন্ত, ধনন্ত ও শিবরাম।

২ অনন্তের পুত্র, ৩ ধরাধর, ধরাধরের পুত্র ৪ সুধাকর, সুধাকরের পুত্র
 ৫ নীলাধর, নীলাধরের পুত্র ৬ রত্নাকর, রত্নাকরের পুত্র ৭ হিমকর,
 হিমকরের পুত্র ৮ রামদাস (বিশ্বাস খাস), রামদাসের পুত্র ৯ হরিশ্চন্দ্র
 রায় (রায়-রাঁয়া), হরিশ্চন্দ্রের পুত্র ১০ উদয়নারায়ণ, উদয়নারায়ণের
দুইপুত্র ১১ সীতারাম ও লক্ষ্মীনারায়ণ রায় ।

সীতারামের প্রপিতামহ রামরাম দাস রাজমহলের নবাব সরকারের
 খাস সেরেস্তায় কোন রাজপদে বিচক্ষণতার সহিত কার্য করায় বিশ্বাস-
 খাস উপাধি লাভ করেন। তদীয় পুত্র হরিশ্চন্দ্র রাজমহলের কোন
 উচ্চপদে সমাসীন হইয়া রায়-রাঁয়া উপাধি লাভ করিয়াছিলেন। এই
 রায়রাঁয়া উপাধি মুসলমান শাসনকালে উচ্চপদ ও সাতিশয় সন্মানের
 পরিচায়ক ছিল। সীতারামের পিতা উদয়নারায়ণ প্রথমে রাজমহলে
 পিতৃপদ পাইয়া উক্ত রায়-রাঁয়া উপাধিতে ভূষিত হইলেন। তাঁহার
 কার্যকুশলতা দেখিয়া কর্তৃপক্ষ তাঁহাকে ঢাকার নবাব ইব্রাহিম খাঁর
 অধীনে প্রেরণ করেন। তিনি ঢাকা হইতে ভূষণার ফৌজদারের
 অধীনে রাজস্ব-সংক্রান্ত সাজোয়াল^{২০} নিযুক্ত হইয়া ভূষণায় আইসেন
 এবং গোপালপুর ও সূর্য্যকুণ্ডে গৃহনির্মাণ করেন ও তথায় সপরিবারে
 বাস করিতে থাকেন। সীতারামের অপর ভ্রাতার নাম লক্ষ্মীনারায়ণ।
 সীতারামবিষয়ক লেখকগণ কেহ কেহ লক্ষ্মীনারায়ণকে জ্যেষ্ঠ বলেন এবং
 সীতারামের বংশধরগণও সেই কথা সমর্থন করেন, কিন্তু গুরুকুলপঞ্জী
 ও কুল্যাচার্যের কুলপঞ্জিকা পাঠ করিয়া নিঃসন্দেহরূপে জ্ঞাত হওয়া
 যায় যে, সীতারাম জ্যেষ্ঠ ও লক্ষ্মীনারায়ণ কনিষ্ঠ ছিলেন।

সীতারামের পিতা উদয়নারায়ণ বর্তমান জেলার অন্তঃপাতী কাটোয়া

মহকুমার অধীন রাজধানী বেনোয়ারিষাবাদের নিকটবর্তী মহীপতিপুর গ্রামে এক কুলীনকন্যা বিবাহ করেন। সীতারামের সময়ে স্ত্রীলোকের নাম প্রকাশ করা বড় নিয়ম ছিল না। এই কারণে সীতারামের মাতার নাম জানিবার উপায় নাই। কিংবদন্তীতে জানা যায়, সীতারামের মাতা মেলা, উৎসব প্রভৃতি ভাল বাসিতেন। অধুনা মহম্মদপুরে দয়াময়ীতলা নামক একটি স্থান আছে; এইস্থলে এখনও প্রতি বৎসর বসন্তকালে সামান্য রূপ বারোয়ারী পূজা হয় ও সামান্য বাজার বসিয়া থাকে। সীতারামের সময়ে এই স্থানে বৃহৎ মেলা বসিত এবং ঘোর আড়ম্বরের সহিত বারোয়ারী পূজা হইত। এই দেবীর নাম সীতারাম মাতার নামানুসারে রাখিয়াছিলেন। সীতারামের মাতা তাঁহার পিতার উদ্ভম ও উৎসাহের কার্যে বিশেষ সহায়তা করিতেন। কথিত আছে, সীতারামের জননী ভয়শূন্য বীরললনা ছিলেন। যৎকালে উদয়নারায়ণ ভূষণা অঞ্চলে কার্য করিতেন, তখন তিনি এদেশে স্ত্রীপুত্র আনিতে সাহস করেন নাই। কথিত আছে, সীতারামের মাতুলবংশ শাক্ত ছিলেন। একদা শ্রামা পূজার পর রাত্রিতে সীতারামের মাতামহগৃহে ডাকহিত পড়ে। পূজার জন্ত পূর্করাত্রে জাগরণে সকলেই গাঢ় নিদ্রায় নিমগ্ন ছিলেন। সীতারামের ষোড়শবর্ষীয়া মাতা তাঁহার জননীর পার্শ্বে নিদ্রিতা ছিলেন। দস্যুগণ যখন সদর দরজা ভাঙিতে আরম্ভ করে, তখন সীতারামের জননীও নিদ্রা ভঙ্গ হয়। প্রপন্নতঃ গোলযোগের ও শব্দের কারণ কেহ বুঝিতে পারেন নাই। দস্যুগণ “জয় কালী মায়িকী জয়” বলিয়া অন্তঃপুরে প্রবেশ করিল এবং সীতারামের মাতামহীর গৃহাভিমুখে ধাবিত হইল, তখন

সীতারামের মাতা শয়নখটার নিয়ম হইতে 'যে খড়্গ দ্বারা বলিদান করা হইত' তাহা গ্রহণপূর্বক রণচণ্ডীবশে দণ্ডায়মানা হইলেন। তিনি এমন ভয়ঙ্কর ভাবে আলুলায়িতকেশে বীরবেশে খড়্গসঞ্চালন করিতে লাগিলেন যে, উজ্জল মশালের আলোকে দস্মাগণ তাঁহাকে ভবভয়নাশিনী অসুরঘাতিনী শস্ত্রনিসূদনী বলিয়া শঙ্কা করিতে লাগিল। দস্মাগণ তাঁহার সম্মুখীন হইল বটে, কিন্তু গৃহে প্রবেশ করিতে পারিল না। অপরাপর লোকের চীংকারে বহুলোক সমাগত হইল। ডাকাইতগণ ভয়ে পলাইয়া গেল। যখন ষোড়শীর স্বজনগণ আসিয়া তাঁহার নাম ধরিয়া ডাকিতে লাগিলেন, তখন তিনি খড়্গ ফেলিয়া অজ্ঞান হইয়া পড়িলেন।

উদয়নারায়ণ প্রথমে ঢাকায় কার্য্য করেন। যে সকল সৈন্তগণ সংগ্রাম শাহকে দমন করিতে আসিয়াছিল, সীতারাম তাহার কোন দলের নেতা হইয়া আসিয়াছিলেন, এরূপ অনুমান করা যায় না। রাজা সংগ্রাম শাহের দত্ত যে সনন্দ পাওয়া গিয়াছে, তাহাতে অনুমান করা যায়, সংগ্রাম শাহ ১৬৪২ খৃষ্টাব্দের পর জীবিত ছিলেন না। উদয়নারায়ণ সম্ভবতঃ ১৬৫৫-৫৬ খৃষ্টাব্দে সংগ্রাম শাহের নিকট হইতে গৃহীত সুবিস্তীর্ণ ভূখণ্ডের বন্দোবস্তের সময়ে আইসেন। বোধ হয়, সংগ্রাম শাহের দমনের পূর্বে ভূষণায় কোন ফৌজদারের আবাস ছিল না। সংগ্রাম শাহের পতনের সঙ্গে সঙ্গে ভূষণায় ফতেয়াবাদের ফৌজদারের অবস্থিতি করিবার নিয়ম হয়। যাহা হউক, উদয়নারায়ণ ঢাকা, মুর্শিদাবাদ যেখানেই রাজপদে নিযুক্ত থাকুন না কেন, ১৬৫৫ খৃষ্টাব্দের পর হইতে তিনি ভূষণায় ফৌজদারের অধীনে রাজস্ব-সংক্রান্ত কর্মচারী

ছিলেন। ভূষণার নিকটবর্তী গোপালপুরে তিনি প্রথমে বাড়ী নির্মাণ করিয়াছিলেন। তিনি ভূষণার নিকটে একটা তালুক ও বর্তমান মহম্মদপুরের নিকটবর্তী শ্রামনগর জোত বন্দোবস্ত করিয়া লইয়াছিলেন। শ্রামনগর জোতের রাজস্ব আদায়ের জন্য তাহার যে কাছারী বাড়ী ছিল, তাহাই পরে উদয়নারায়ণের সপরিবারে বাসের একটা বাড়ী হইয়া উঠে। সম্প্রতি কালীগঙ্গানদীর যে যে স্থলে তাহার চিহ্ন আছে, তথায় দূষিত জল হইতে একরূপ পুষ্টিগন্ধ বহির্গত হইতেছে যে, তন্নিকটবর্তী ভ্রমণশীল পাহকে বস্ত্রাংশে নাসারক্কু রোধ করত পথান্তর অবলম্বন করিতে হইতেছে। দুই শত বৎসর পূর্বে কালীগঙ্গা নদী এক কুলকুলনাদিনী স্রোতস্বিনী তটিনী ছিল ও তাহার তীরে ভূষণা, হরিহর নগর, মহম্মদপুর প্রভৃতি সমৃদ্ধনগর ও অনেক সুন্দর সুন্দর গ্রাম ছিল।

সীতারামের উকীল মুনীরাম রায়ের প্রতিষ্ঠিত এক দেবালয়ে ১৬৮৮ খৃষ্টাব্দের লিখিত শ্লোক হইতে সীতারামবিষয়ক প্রস্তাব-লেখক যধুবাবু অনুমান করেন যে, সীতারামের জন্ম ১৬৬৩ খৃষ্টাব্দের নিকটবর্তী কোন সময়ে হইয়াছিল। আমরা সীতারামের বংশাবলী পর্যালোচনা করিয়া যাহা জানিয়াছি, তাহাতে অনুমান করি, সীতারাম ১৬৫৭ কি ৫৮ খৃষ্টাব্দে জন্মগ্রহণ করিয়াছিলেন। সীতারামের এদেশে কোন গুরু বা অধ্যাপকের নাম পাওয়া যায় না। সীতারামের মাতামহালয় মহীপতিপুর গ্রামে সীতারামের জন্ম হয়। উদয়নারায়ণ দীর্ঘকাল ঢাকা ও ভূষণায় অবস্থিতি করায় এবং তাহার অন্য ভ্রাতৃ না থাকায় তাহার পৈতৃকসম্পত্তি তাহার জ্ঞাতিগণ আত্মসাৎ করিয়াছিলেন।

সীতারামের বালাশিক্ষা দেশপ্রচলিত নিয়মানুসারে মাতামহালয়ে কোন গুরু নিকট হইয়াছিল।

সীতারাম অধ্যাপক ও পণ্ডিতগণের প্রতি যথেষ্ট সম্মান প্রদর্শন করিতেন এবং পণ্ডিতগণের তর্কবিতর্ক উত্তমরূপে বুঝিতেন। তাহা হইতেই আমরা অনুমান করিতে পারি, তিনি কাটোয়া অঞ্চলে অল্পাধিক সংস্কৃতভাষায় জ্ঞানলাভ করিয়াছিলেন। সীতারামের জয়দেব ও চণ্ডীদাসের কবিতা সকল কণ্ঠস্থ ছিল, তাহাব আমরা স্পষ্ট প্রমাণ পাইয়াছি।^{২১} সীতারামের মাতুলকুলের কোন আত্মীয় ঢাকার নবাব-সরকারে কার্য্য করিতেন। তৎকালে রাজধানী ঢাকানগরীতে আরবী, পারসী শিক্ষার বিশেষ সুবিধা ছিল। সীতারাম সেই মাতামহকুলের কোন আত্মীয়ের নিকট থাকিয়া আরবী ও পারসী ভাষা শিক্ষার নিমিত্ত ঢাকায় আসিয়াছিলেন। কেননা তৎকালে তাঁহার পিতা ঢাকা ছাড়িয়া ভূষণায় আসিয়াছিলেন। মাতামহালয়ে অবস্থিতিকালে বীরকাহিনী শুনিতে শুনিতে সীতারামের শৌয-বীর্যের ও কার্য্যেব প্রতি বিশেষ শ্রদ্ধা জন্মিয়া ছিল। তিনি কালাপাহাড়, সেরশাহ, দায়ুদ খাঁ, কতলু খাঁ প্রভৃতির লমরকুশলতার প্রচলিত দৌহার সকল লোকমুখে ও শ্লোকে শুনিতে শুনিতে সামরিক কাব্যই তৎকালে সর্ব্বপ্রধান কাব্য বলিয়া বিখ্যাস করিয়াছিলেন। মুসলমান আমলে জাতিভেদে অন্তর্শিক্ষা হইত না। সীতারাম ঢাকায় আসিয়া আরবী ও পারসী শিক্ষার সঙ্গে সঙ্গে নৈনিকর্দলে ধাইয়া অন্তর্বিদ্যাও শিক্ষা করিতেন। কেহ কেহ বলেন, যে মহম্মদ আলী ফকিরের নামানুসারে মহম্মদপুর নগর হইয়াছে, সেই মহম্মদ আলী সীতারামের আরবী ও পারসী ভাষার শিক্ষক ছিলেন।

তাঁহার স্ত্রীপুত্রবিয়োগের পর তিনি ফকির হইয়া সীতারামের প্রতি স্নেহবশতঃ সীতারামের সঙ্গে সঙ্গে থাকিতেন এবং তাঁহার প্রতি অপত্য-নির্বিশেষে স্নেহ করিয়া তাঁহার প্রধান মস্তদাতার কার্য্য করিতেন।

সীতারামের আরবী ও পারসী ভাষাজ্ঞানের পরিচয় আমরা পাই নাই। বোধ হয়, সীতারাম জ্ঞানগর্ভ শিক্ষাপেক্ষা অস্ত্রশস্ত্র-শিক্ষায় বিশেষ ব্যুৎপত্তি লাভ করিয়াছিলেন। তদানীন্তন ঢাকার নবাব সায়েস্তা খাঁ সীতারামের অস্ত্রচালনাকৌশল সন্দর্শনে প্রীত হইয়াছিলেন; এই সময়ে ফতেয়াবাদ নামক স্থানে করিম খাঁ নামক একজন 'পাঠান বিদ্রোহী হইয়াছিল। কয়েকবার ফৌজদার সৈন্ত তৎপ্রতিকূলে প্রেরিত হইয়া যুদ্ধে পরাভূত হয়, নবাব-প্রেরিত একদল সৈন্তও তৎপ্রতিকূলে যুদ্ধ করিয়া বিফলমনোরথ হইয়া ভগ্নমনে দিল্লীতে প্রত্যাবর্তন করে। এই ব্যাপারে ঢাকার নবাব স্বয়ং সায়েস্তা খাঁরও ভয়ের সঞ্চার হইতেছিল। সীতারাম বঙ্গেশ্বর নবাবের পরিচিত ছিলেন। তৎকালে গুণের আদর ছিল। তখন বর্ণভেদে বা জাতিভেদে গুণের আদর অনাদর হইত না বা শেত কৃষ্ণে বা জেতা বিজেতার বড় প্রভেদ ছিল না। তখন সীতারামের এই বিদ্রোহদমন-প্রবৃত্তি ও আগ্রহাতিশয় সন্দর্শনে প্রীত হইয়া বঙ্গেশ্বর তাঁহাকে ৭ হাজার পদাতিক ঢালিসৈন্ত ও তিন হাজার অশারোহী সৈন্ত দিয়া করিম খাঁর বিরুদ্ধে প্রেরণ করিলেন।

সীতারাম নবোত্তমে ও নবোৎসাহে এই বিদ্রোহীর বিরুদ্ধে শুভদিনে শুভক্ষণে যুদ্ধযাত্রা করিলেন। তিনি অর্ধেক ঢালিসৈন্ত নৌকাপথে গোপনে ফতেয়াবাদে প্রেরণ করিলেন এবং অবশিষ্ট সৈন্ত লইয়া স্বয়ং স্থলপথে গমন করিয়া ফতেয়াবাদের পশ্চিমভাগে উপস্থিত হইলেন।

রাজ্যভ্রষ্ট বীর্যবান্ পাঠান অতুল বিক্রমের সহিত যুদ্ধারম্ভ করিল। যৎকালে করিম খাঁ সীতারামের সহিত যুদ্ধে প্রবৃত্ত ছিল, তৎকালে নৌকাপথে আগত ঢালিসৈন্যগণ করিম খাঁর দুর্গ আক্রমণ করিয়া ধনাগার ও রসদসমূহ লুণ্ঠন করিল। করিম যুদ্ধে পরাভূত ও নিহত হইল। সীতারাম যুদ্ধে জয়লাভ করিয়া ফুল্লমনে ও সমারোহে ঢাকায় নবাবসকাশে উপস্থিত হইলেন।

তৎকালের নবাবগণ গুণের প্রকৃত পুরস্কার দিতে জানিতেন ! সীতারামের বীরত্ব ও রণপাণ্ডিত্যে সাস্ত্রোপায়ী পরিভূষ্ট হইয়া তাঁহাকে ভূষণার অধীন নলদী পরগণা জায়গীর দিলেন। এই নলদী পরগণা পূর্বে সংগ্রাম শাহের ছিল। সংগ্রাম শাহের নিকট হইতে এই পরগণা গ্রহণের পর ইহার স্বশাসন ও সুবন্দোবস্ত হয় নাই। নিজ নলদী পরগণায় ও এদেশে তখন বারো ডাকাইতের খুব ভয় ছিল। নলদীতে তখন লোকসংখ্যা বড় বেশী ছিল না এবং রাজস্বও বড় বেশী আদায় হইত না।

সীতারাম এই পরগণা জায়গীর পাইয়া ঢাকা হইতে ভূষণায় আসিয়া পিতার সহিত দেখা করিতে অভিলাষী হইলেন। এই সময়ে রামরূপ ঘোষ ও মুনিরাম ঢাকায় নবাব সরকারে কাজকর্মের ওমেদার ছিলেন। নবাব-সরকারে সীতারামের যশ ও কীর্তির কথা শ্রবণে তাঁহার সীতারামের নিকটই যাতায়াত করিতেছিলেন। সীতারাম তাঁহাদিগকে নবাব-সরকারে কার্য না লইয়া তাঁহার সহিত ভূষণায় আসিতে অহুরোধ করিলেন। তাঁহারও সীতারামের প্রস্তাবে সম্মত হইয়া তাঁহার সহিত নৌকাপথে ভূষণায় আসিবার জন্ত যাত্রা করিলেন। এই সময়ে ফকির মহম্মদ আলীও যাত্রা করেন।

ঢাকা হইতে আসিবার সময় সীতারাম পশ্চিমদ্যে রজনীযোগে কোন গ্রামের নিকট তরনী সকল তীরে সম্বন্ধ করিয়া স্থখে নিদ্রা বাইতেছিলেন। রজনী অন্ধকার ছিল। রজনীর নিশীথ সময়ে গ্রামের লোকের ভীষণ কোলাহল ও আর্তনাদ শ্রবণে সীতারামের নিদ্রাভঙ্গ হইল। নৌকার কর্ণধার নৌকার মাস্তুলের উপর উঠিয়া দেখিল “গ্রামে ডাকাইত পড়িয়াছে; মশালের আলোক দেখা বাইতেছে।” পরহুঃখকাতর সীতারাম ও বামরূপ আর স্থির থাকিতে পারিলেন না। শিশু, বালক ও স্ত্রীলোকের রোদনধ্বনি তাঁহাদের হৃদয়ের স্তরে স্তরে প্রবেশ করিতে লাগিল। সীতারাম ও বামরূপ তাঁহাদের সহচর দ্বাদশটি সৈনিকের সহিত গ্রামাভিমুখে ছুটিতে উদ্বৃত্ত হইলেন। ভীক মুনিরাম তাঁহাদিগকে নিষেধ করিলেন। তাঁহার কথায় কর্ণপাত না করিয়া সীতারাম প্রমুখ বীরগণ দস্যুতার স্থলে উপনীত হইলেন। তাঁহাদের অস্ত্রঘাতে কোন কোন দস্যু পলায়ন করিল ও কেহ কেহ ভূতলশায়ী হইল।

সীতারাম ও দস্যুপতি উভয়ে বৃন্দযুদ্ধ বাধিল। ডাকাইতদিগের পরিত্যক্ত মশালগুলি সীতারামের লোকেরাই ধরিয়া রহিল। উভয়ে অপূর্ব যুদ্ধ চলিতে লাগিল। উভয়ের অতুলনীয় শিক্ষা—আশ্চর্য্য অঙ্গি-চালনা। সীতারামের মুখে “কালী মায়িকী জয়”, দস্যুদলপতির মুখে “আল্ল হো অকবর”। অত্যাচার হ্রাস হইল দেখিয়া আৰালবৃদ্ধবনিতা যুদ্ধ-দর্শনার্থ সমবেত হইল। কে মিত্র, কে শত্রু কেহই চিনিতে পারিল না। শানিকু অঙ্গিযুগলের পরস্পর আঘাতে অগ্নিস্কুলিঙ্গ বহির্গত হইতেছিল। এট সীতারামের অঙ্গি, দস্যুদলপতির অঙ্গির উপর পড়িল, ঐ

দস্যুপতি সবেগে লক্ষ্য দিয়া সীতারামের অসিতে আঘাত করিল—
ঝন্ ঝন্ শব্দের সহিত বহ্নিকণা নির্গত হইল।

কিয়ৎকাল যুদ্ধের পর সীতারাম বলিলেন—আর কতক্ষণ ? দস্যুপতি
উত্তর করিল—দেহে ষতক্ষণ এক বিন্দু রক্ত আছে।

সীতারাম। ফল কি ?

দস্যুপতি। জয়—নয় মৃত্যু।

সীতা। তুচ্ছ কারণে দুষ্কর্ম করিতে আসিয়া জীবন বিসর্জন কেন ?

দস্যুপতি। দুষ্কর্ম হউক আর শুকর্ম হউক, এই বৃত্তি।

সীতা। উচ্চ বৃত্তি কি আর নাই ?

দস্যুপতি। ছিল, স্বাধীনতার সঙ্গে সঙ্গে গিয়াছে।

সীতা। স্বাধীনতার চেষ্টা কি আর সম্ভবে না ?

দস্যুপতি। বর্তমানে অসম্ভবই মনে করি।

সীতা। যদি তুমি আমি মিলি, যদি হিন্দু পাঠানে মিশে, তবে ?

দস্যুপতি। তবে সকলই সম্ভব।

সীতা। এই অসি ফেলিলাম, এস চেষ্টা করি।

দস্যুপতি। দোস্ত ! অসি লও, আমি তোমার।

যুদ্ধ থামিল। সীতারাম অসি ফেলিলেন। বক্তার সীতারামের
হস্তে অসি দান করিলেন। দস্যুপতির নাম বক্তার, ইনি পাঠান
জাতীয় মুসলমান। সীতারাম রক্তারকে আলিঙ্গন করিলেন। সমবেত
দর্শকেরা উভয়ের পরিচয় চাহিলেন। সীতারাম সংক্ষেপে উত্তর
করিলেন, “আমরা তোমাদের মিত্র, দস্যু মারিতে ও তাড়াইতে
আসিয়াছি।” বক্তার এই কথায় হাসিলেন। বক্তার সীতারামের

সহিত তাঁহার নৌকায় গমন করিলেন। উভয়ে অনেক কথা হইল। বক্তার প্রতিজ্ঞাপূর্বক দস্যুতা ছাড়িয়া তাঁহার দলের সহিত সীতারামের অধীনে কার্য্য করিতে অঙ্গীকার করিলেন। কয়েক দিনের মত বক্তার মৃত দস্যুদিগের সংকার ও আহতদিগের শুশ্রূষার জন্ম বিদায় লইয়া গেলেন। কথা থাকিল, ভূষণায় বক্তার সীতারামের সহিত মিলিত হইবেন।

চতুর্থ পরিচ্ছেদ

—0—

সীতারামের কর্মক্ষেত্র ও হরিহর নগরের বাটী

বহুদিন পরে বিজয়ী সীতারাম তৎকালের সরকার (পরে চাকলা) ভূষণার নিকটবর্তী গোপালপুর গ্রামে জনক জননী নিকটে আসিয়া উপস্থিত হইলেন । ইহারই ৫১৭ বৎসর পূর্বে উদয়নারায়ণ সপরিবারে গোপালপুরের বাটীতে আসিয়া বাস করিতেছিলেন । উদয়নারায়ণ পুত্রের বিজয়সংবাদে পরম প্রীতি লাভ করিয়াছিলেন । তারপর আবার যখন শুনিলেন, সীতারাম নলদী পরগণা জায়গীর পাইয়া রায়-রায়া উপাধিতে ভূষিত হইয়া গৃহাগমন করিতেছেন, তখন উদয়নারায়ণ ও তাঁহার সহধর্মিণীর আঙ্লাদের পরিসীমা থাকিল না । সীতারামের গৃহ-প্রবেশকালে ললনাকুল উলুধনি ও বালকবালিকাগণ লাজা ও পুষ্পবৃষ্টি করিয়াছিলেন । সীতারাম গৃহে আসিবার অব্যবহিত পরেই নজর ও উপায়ন সহকারে ভূষণার ফৌজদার আবু তোরাপের সহিত সাক্ষাৎ করিলেন । সীতারামের বিনয় নম্র ব্যবহারে ও সৌজন্যে আবু তোরাপ পরম প্রীতিলাভ করিলেন । তিনি সীতারামের নব জায়গীর দখল, শাসন, পালন ও তাহার আয়-বৃদ্ধি সম্বন্ধে অনেক পরামর্শ দিলেন ।

গোপালপুরের বাটী মধ্যবিত্ত গৃহস্থের বাটী ছিল । ভূষণার নিকটবর্তী গোপালপুর ও মহম্মদপুরের অন্তর্গত গোপালপুর এক নহে । কলকলনাদিনী কালীগঙ্গা মদৌতীরে বিস্তীর্ণ শস্তপ্রান্তর মধ্যে

হরিহরনগর নাম দিয়া সীতারাম নূতন নগর সংস্থাপন করিতে অভিলাষী হইলেন। অনতিবিলম্বে সুদীর্ঘ দাঁধী ও পুষ্কারিণী খনন করা হইল, সুন্দর সুন্দর সুধাধবলিত সৌধমালায় নব ভবন শোভমান হইয়া উঠিল। দেবালয় সকল নির্মিত ও প্রতিষ্ঠিত হইতে লাগিল। শ্রীধরনারায়ণ শিলাও ইহার এক দেবালয়ে প্রতিষ্ঠিত হইলেন। নানা দিগ্দেশ হইতে দলে দলে লোক আসিয়া হরিহর নগরের অঙ্গ পুষ্ট করিতে লাগিল—ধনসম্পত্তি বৃদ্ধি করিতে লাগিল।

সীতারাম মহম্মদপুরের অন্তর্গত সূর্য্যকুণ্ডের কাছারী-বাড়ী নল্দী পরগণায় প্রধান কাছারী-বাড়ী করিলেন। এই সময় নল্দী পরগণার জনসংখ্যা বড় অধিক ছিল না এবং উচ্চশ্রেণী হিন্দু অধিবাসীর সংখ্যাও অতি অল্প ছিল। তৎকালে নিম্ন বঙ্গাঞ্চল বহুসংখ্যক লক্ষপ্রতিষ্ঠ ও অপরিজ্ঞাত ডাকাইতে পরিপূর্ণ ছিল, তন্মধ্যে রঘো, গ্রামা, রামা, শুভো, বিশে, হরে, নিমে, কালা, দিনে, ভুলো, জগা ও বেদো এই বার জন দস্যু বিশেষ খ্যাতি লাভ করিয়াছিল। দস্যুভয়ে তখন এ অঞ্চলে লোকে বাস করিতে সাহস করিত না এবং যাহারা বাস করিত, তাহারাও রজনী যোগে নিদ্রা ঘাইতে পারিত না। ইহারা পত্র দিয়া ডাকাইতি করিত। ইহারা লিখিয়া পাঠাইত—অমুক মাসে, অমুক তারিখে, অমুক বারে, এতক্ষণ রাত্রে সময় আমরা তোমার সহিত দেখা করিতে যাইব। তুমি আমাদিগের সহিত দেখা করিবার সন্তোষ প্রস্তুত থাকিবে। এই দস্যুদল গৃহস্থের প্রতি অমানুষিক পঞ্চাচার করিয়া—গৃহস্থকে মারিয়া তাহাদের স্ত্রী-কন্তার ধর্ম্মনাশ করিবার উদ্যোগী হইয়া ও তাহাদের পরিবারস্থ বালকগণের শিরশ্ছেদ-

পূর্বে তাহাদিগের গুপ্ত অর্থ অপহরণ করিত। সীতারাম বক্তার থাকে পাইবার রজনীতেই দস্যুগণের অমানুষিক অত্যাচার সন্দর্শন করিয়াছিলেন। হৃদয়বান বীরপুরুষের করুণাপূর্ণ হৃদয় তাহাতে সম্পূর্ণরূপে দ্রবীভূত হইয়াছিল। এতদেশের দস্তুভয়নিবারণ করিতে তিনি দৃঢ়সংকল্প হইলেন। রামরূপ ঘোষ, বক্তার খাঁ ও নমঃশূদ্রজাতীয় রূপচাঁদ মণ্ডল ঢালী তাঁহার এই কার্যের সহায় হইল। বক্তার পুকে ডাকাইত ছিল। সে ডাকাইতগণের অনেক সাঙ্কেতিক শব্দ, আচারব্যবহার ও আড্ডা প্রভৃতি পরিজ্ঞাত ছিল। সীতারাম যখন দস্তু-নিবারণে দিন-যামিনী অতিবাহিত করিতে লাগিলেন, তখন তাঁহার অনুজ লক্ষ্মীনারায়ণ গোবিন্দ রায় দেওয়ান হইয়া নন্দী-পরগণার রাজস্ব আদায় ও প্রজ্ঞা-পত্তনাদি কার্যে ব্যাপৃত ছিলেন। উদয়নারায়ণ এ সময়েও ভূষণার ফৌজদারের অধীনে সাজোয়ালের কার্য পরিত্যাগ করেন নাই। তিনি সর্বদা ফৌজদার-প্রভুর মনস্তৃষ্টি করিয়া চলিতেন এবং যাহাতে পুত্রগণের প্রতি ফৌজদার রুষ্ট না হন ও তাঁহারা ফৌজদারের নিকট সর্বপ্রকার সুযোগ-সুবিধা প্রাপ্ত হন, তাহার চেষ্টা করিতেছিলেন।

সীতারাম যৎকালে দস্তুদলনে প্রবৃত্ত হইলেন, তখন তিনি একদিন, একরাত্রি বা একবেলা পরিশ্রম করিয়া এই দেশীয় অরাতি বিদূষিত করিতে পারেন নাই। তাঁহাকে দীর্ঘকাল ধরিয়া এই নৈশ বিপদসঙ্কুল সময়ে প্রবৃত্ত হইতে হইয়াছে। বনে, জঙ্গলে, ঝাপদমুখে তাঁহাকে অনেক সময়ে অনাহারে অনিদ্রার দিনযামিনী অতিবাহিত করিতে হইয়াছে। সেই স্বার্থপরতার দিনে, সেই অসুদারতার দিনে, সেই

বাঙ্গালীর ছরপনের কলঙ্কপঙ্কে নিপতিত হইবার দিনে একরূপ শ্রম, শ্লেষ ও বিপদসঙ্কুল কার্যে ব্রতী হওয়া যে সে হৃদয় ও যেমন তেমন মনের কার্য্য নহে। এই দেশ-হিতকর কার্যে সীতারামের উচ্চমনা জনক-জননী বাধা দেন নাই। বস্তুতঃ তাঁহারা এ কার্যে সীতারামকে উৎসাহিত করিয়াছিলেন। বাঁহারা অনুমান করেন, বঙ্গের দ্বাদশ ঘর ভূঁয়া জমিদার হইতেই দ্বাদশজন দস্যুর উৎপত্তি, তাঁহাদের অনুমান সম্পূর্ণ ভ্রমসঙ্কুল। (ক)

এই দস্যু-দলন সম্বন্ধে অনেক কিংবদন্তী প্রচলিত আছে। সীতারাম শ্রামাদস্যুকে ধরিতে সুন্দরবনে ছয়মাস অভিবাহিত করিয়াছিলেন। শ্রামা সুন্দরবনে থাকিয়া দস্যুতা করিত। সুদীর্ঘ সুন্দর-তরুবেষ্টিত গুল্মতা-সমাকীর্ণ সুন্দরবনের মধ্যে তাহার গড়বেষ্টিত বাড়ী ও বড় বড় ছিপ্ নৌকা লুকাইত ছিল। জোয়ারের সময় শ্রামা সদলবলে খুলনা অঞ্চলে আসিয়া দস্যুতা করিয়া আবার ভাটার সময় ফিরিয়া যাইত। সীতারাম ছয়মাস পরে তাহাকে তাহার নিজ ভবনে কালীপূজার সময় ধরিয়াছিলেন।

বক্রার খাঁ সর্বদেশে রঘোর অনুচর ডাকাত হইয়া তাহার সঙ্গে সঙ্গে পরিভ্রমণ করত তাহার সকল গোপনীয় বাসস্থান ও চলাচলের নিয়ম-ধরণ পরিজ্ঞাত হইয়া তাহাকে ধরাইয়া দেন। কাল ডাকাইতকে সীতারাম দস্যুতা-কালে ধরিয়াছিলেন। এই দস্যুগণের সকলেই যে অতি নীচ প্রকৃতির, নীচাশয় এবং কেবল পরস্বাপহরণে রত লোক ছিল, এমন নহে। হ'রে বর্তমান ঝিনাইদহ মর্হকুমার চূয়াডাঙ্গার মধ্যে যে প্রকাণ্ড প্রকাণ্ড মাঠ আছে, তাহার নিকটবর্তী কোন গ্রামে থাকিয়া

দস্যুতা করিত। একদা এক দরিদ্র ব্রাহ্মণ দূরদেশ হইতে ভিক্ষা করিয়া কিছু অর্থ সংগ্রহ করিয়া দেশে ফিরিতেছিলেন। বয়ঃপ্রাপ্তা কন্যার বিবাহ দেওয়া তাহার সমূহ দায় হইয়াছিল। পশ্চিমধ্যে অপরাহ্ন সময়ে ঝড় ও শিলাবৃষ্টিতে ব্রাহ্মণ ঘোর বিপদাপন্ন হইয়া আর্জবসনে কম্পান্বিত কলেবরে এক কর্মকার-দোকানে আশ্রয় লয়েন। কর্মকার ভক্তিসহকারে তাঁহাকে যথেষ্ট ষড়্ ও আদর করিয়া আশ্রয় দান করেন। ব্রাহ্মণ কথাপ্রসঙ্গে প্রকাশ করেন যে ঝড়, বৃষ্টি ও শিলাপতন অপেক্ষা হ'রের ভয় তাঁহার প্রবলতর ছিল। ব্রাহ্মণ সংগৃহীত টাকাগুলি সেই কর্মকারের নিকটেই রাখিয়া দিলেন। ব্রাহ্মণের আহার শয়নেরও বেশ সুবন্দোবস্ত করা হইল। পরদিন প্রত্যুষে ব্রাহ্মণ বওয়ানা হইবার সময় কর্মকার ব্রাহ্মণকে তাঁহার টাকা বুঝাইয়া দিয়া প্রণামপূর্বক বলিল, "প্রভো! আমিই হ'রে ডাকাত। আমি ডাকাতি করি সত্য, কিন্তু আপনার ঞ্চার গরীব ব্রাহ্মণের অর্থগ্রহণ করি না। আপনি কন্যার বিবাহ-সম্বন্ধ স্থির করিয়া আমাকে পত্র লিখিবেন ও একটি ফর্দ পাঠাইয়া দিবেন, আমি আপনার কন্যার বিবাহের সকল ব্যয় দিব।" বলাবাহুল্য হ'রে তাহার অনুচর সহ ব্রাহ্মণের বাটীতে যাইয়া বিবাহের সম্বন্ধপ্রকার দ্রব্য ও অর্থ দিয়া ব্রাহ্মণকন্যার বিবাহ সুচারুরূপে সম্পন্ন করিয়া দিয়াছিল।

ইংলণ্ডের ছুটদমন, শিষ্টপালন, বিপনের উপকার প্রভৃতি দেশহিতকর ব্রতে ব্রতী "নাইট" উপাধিধারী মহাশয়গণের ঞ্চার সীতারাম দীর্ঘকাল অকাতরে পরিশ্রম করিয়া দস্যুদলকে দস্যুতা হইতে প্রতিনিবৃত্ত করিলেন। দস্যুদিগের কাছকেও ধরিয়া নবাব-সকাশে প্রেরণ করিলেন,

কাহাকেও বা প্রতিষ্ঠা করাটয়া দলভঙ্গ করিয়া ছাড়িয়া দিলেন, আবার কাহারও ভাল অঙ্গশিক্ষা, উচ্চমন ও উচ্চচরিত্র দেখিয়া নিজের সহচর করিয়া লইলেন।

সীতারামের এই মহাব্রতের অর্দ্ধেক কার্য সম্পাদন হইবার পূর্বে অগ্রে তাঁহার পিতা উদয়নারায়ণ ও ছয়মাস পরে তাঁহার মাতৃদেবী দয়াময়ী পরলোক গমন করেন। সীতারাম পিতামাতার আশ্রয়শ্রদ্ধ কালে বিশেষ কোন সমারোহ করিতে পারেন নাই। তাঁহার পিতার মৃত্যুর একবৎসর পরে নবাব ফৌজদার, দেশের জমিদারগণ, প্রধান প্রধান ব্রাহ্মণ-সমাজ, কায়স্থ-সমাজ প্রভৃতির অনুমতি লইয়া মহা আড়ম্বরে হর-হস্তী প্রভৃতি দান করিয়া দানসাগর-শ্রদ্ধ করিয়াছিলেন^{২২}। এই শ্রদ্ধের পূর্বে হরিহরনগরের ব্রাহ্মণ ও কায়স্থ-সমাজ সীতারামকে একটি সুবৃহৎ জলাশয় খনন করিয়া দিতে অনুরোধ করার তিনি একটি সুবৃহৎ পুষ্করিণী খনন করাইয়া দিতে কৃতসঙ্কল্প হন। পুষ্করিণী করিতে বহু অর্থব্যয় হয়। ইহার চারিধার প্রথমে বালুকার জন্তু ভাঙ্গিয়া চুরিয়া অসমান হইয়া পড়ে এবং সাত আট হাত কাটা হইবার পর তলদেশে একরূপ কর্দম উখিত হয়, তাহা উঠাইতে অনেক টাকা ব্যয় পড়ে। এই কারণে ইহাকে “ধনভাঙ্গার দোহা” বলে। এই দোহা সম্বন্ধে অত্র কিম্বদন্তী আছে, তাহা “সীতারামের কীর্ত্তি” শীর্ষক পরিচ্ছেদে বর্ণিত হইবে। ভূষণা-অঞ্চলের ব্রাহ্মণগণ শ্রদ্ধের দিনে কায়স্থাদি জাতির বাড়ীতে ভোজন করিতেন না। সীতারামের পিতৃ-মাতৃ-শ্রদ্ধ উপলক্ষে যে মহামহোপাখ্যার পণ্ডিতগণের মহতী সভা হয়, তাহাতে স্থিরীকৃত হয় যে, শ্রদ্ধের দিনে অশৌচ থাকে না। শ্রদ্ধের দিনে আহার করাও

বে, তাহার পাঁচদিন পরে আহার করাও সেই ; কারণ শ্রাদ্ধের দিন অশৌচ থাকে না। শ্রাদ্ধের মধ্যে আছে, “অশৌচান্তাদ্বিতীয়েহহি” অর্থাৎ অশৌচান্তের পর দ্বিতীয় দিন। শ্রাদ্ধের দিন আহারের প্রথা সীতারাম প্রথম প্রচলন করেন।

ডাকাইত-দমনরূপ মহাব্রত উদ্‌যাপন হইবার পর, সীতারামের ষশ্চক্র-মার বিমল কিরণে সমগ্র বঙ্গদেশ সুশীতল হইবার পর, প্রতিগৃহের নরনারী ও বালকবালিকার মুখে আন্তরিক আশীর্বাদের সহিত সীতারামের সুকীৰ্ত্তি গাথা উচ্চারিত হইবার পর, যখন সীতারাম পারিষদবর্গ ও কর্মচারিবৃন্দে পরিশোভিত হইয়া নলদী পরগণার সাঁতৈর তালুকের প্রকৃতিপুঞ্জের সংখ্যা ও সুখশান্তিবৃদ্ধির উপায় উদ্ভাবন করিতেছিলেন, তখন একদিন মহাদেব চূড়ামণি বাচস্পতি নামক এক ব্রাহ্মণ কণ্ঠাদায়ের জন্ত সীতারামের নিকট কিঞ্চিৎ অর্থ পাইবার লালসায় সীতারামকে নিশানাথ ঠাকুর ও তাঁহার সহচরগণকে নিশানাথের ভ্রাতৃগণস্বরূপ কল্পনা করিয়া কতিপয় শ্লোক রচনা করিয়া আনিয়াছিলেন।

নিশানাথ একজন গ্রাম্য দেবতা, বৃহৎ বৃক্ষাদিতেই তাঁহার অধিষ্ঠান। এতদ্দেশে নহাটা, গঙ্গারামপুর, নড়াল, রায়গ্রাম প্রভৃতি অনেক স্থানে নিশানাথের আশ্রয়স্থল বৃক্ষমূল আছে এবং তাহার প্রত্যেক বৃক্ষমূলে প্রতি শনি-মঙ্গলবারে মহাসমারোহে তত্তদৃষ্টানে তাঁহার পূজাৰ্চনা হয়। নিশানাথের আরও এগারজন ভ্রাতা আছেন। তাঁহাদিগের নাম মোচড়া সিংহ, গাবুর-ডালন, হরিপাগল, কৃষ্ণকুমার, কালকুমার প্রভৃতি। নিশানাথ ঠাকুর ও তদীয় ভ্রাতৃগণ প্রত্যেক গ্রামের সুখশান্তিরক্ষক। তাঁহারা ব্যাধি হইতে মুক্তিদাতা, বন্ধার সম্ভানদাতা ও সর্ববিধ সকাম ফলপ্রার্থীর

ফলদাতা। তাঁহার নিশীথ সময়ে বৃক্ষ হইতে বৃক্ষান্তরে ও প্রতি গৃহস্থভবনে পরিভ্রমণ করেন। নিশানাথের ভগিনীর নাম রণরঙ্গিনী।

এই নিশানাথের সহিত সীতারামের তুলনা করিবার তাৎপর্য এই যে, সীতারাম তাঁহার সহচরগণকে “ভাই” বলিতেন। নিশানাথ যেমন রাত্রিকালে নগরে নগরে পরিভ্রমণ করিয়া গৃহস্থের অমঙ্গল দূর করেন, তিনিও তদ্রূপ তাঁহার ভ্রাতৃগণসহ রাত্রে দস্যুতা নিবারণ করিয়া পরিভ্রমণ করিতেন। তিনিই তাঁহার নিকটবর্তী দেশের অধিবাসিগণের একমাত্র শান্তিদাতা ও সুখসমৃদ্ধির বিধাতা। সেই কবিতা হইতে সীতারাম ও তাঁহার সভাসদগণ তাঁহার সহচরদিগকে রহস্য করিয়া মোচড়াসিং, গাবুর ডালন ইত্যাদি বলিতেন। এই কবিতা হইতেই জানা যায়, সীতারামের একাদশ জন ছোট বড় সেনানারক ও একটি ভগিনী ছিল। সীতারামের জীবনচরিতবিষয়ক প্রস্তাব-লেখকগণ স্ব স্ব প্রস্তাবে উল্লেখ করিয়াছেন—মোচড় সিং, গাবুর ডালন প্রভৃতি সীতারামের সৈন্যধাক্কগণের নাম ছিল। প্রকৃত পক্ষে এবংবিধ নাম তাঁহার কোন সৈন্যধাক্কেরই ছিল না।

সীতারাম দস্যুতানিবারণ করিলে তৎসম্বন্ধে যে কবিতাটি রচিত হয় তাহা এই—

“ধন্ত রাজা সীতারাম বাঙ্গালা বাহাদুর।

যার বলেতে চুরি ডাকাতি হয়ে গেলো দূর ॥

এখন বাঘ মানুষে একই ঘাটে সুখে জল খাবে।

এখন রামী শ্রামী পোঁটলা বেধে গধামানে যাবে ॥”

সীতারাম দেশের দস্যুতানিবারণ করিতে যাইয়া দেখিলেন,

ডাকাইতগণই দেশের একমাত্র শত্রু নহে। তিনি দেখিলেন, আরাকানের মধ্য, আসামের আসামী, চট্টগ্রামে অবস্থিত পর্তুগীজ, জমিদাররূপী ব্রাহ্মস, ফৌজদাররূপী সয়তান, সর্বোপরি নবাবরূপী ভীষণ অশুরের যন্ত্রণায় দেশের আবালবৃদ্ধবনিতা ঘোর ক্রন্দনের রোল উঠাইতেছে। ধার্মিকের ধর্ম আর থাকে না; ধনীর ধন তাহার পাপস্বরূপ হইয়াছে; উচ্চাভ্যুত্থান সদাশয় লোকের সদাশয়তা তাঁহাদিগের পক্ষে বিড়ম্বনা মাত্র হইয়াছে। কোথাও পর্তুগীজ আসিয়া গ্রাম লুণ্ঠন করিয়া গ্রামের অধিবাসীদিগকে বলে খৃষ্টধর্মে দীক্ষিত করিতেছে। কোথাও আসামী আসিয়া গ্রামের সর্বস্ব অপহরণ করিতেছে। কোথাও মধ্য প্রবেশ করিয়া গ্রাম লুণ্ঠনপূর্বক স্বামীর সাক্ষাতে তাহার যুবতী স্ত্রীর ধর্মে হস্তক্ষেপ করিতেছে; মাতার কোল হইতে সন্তান কাড়িয়া লইতেছে এবং বৃদ্ধ পিতামাতা ও যুবতী স্ত্রীর সম্মুখে যুবকের শিরে অস্ত্রাঘাত করিতেছে। জমিদার ছলে বলে কৌশলে ভিক্ষা, পার্শ্বণী, হিসাব আনা, তলবানা প্রভৃতি অসংখ্য অশ্রয় আব্ ওয়াব প্রজার নিকট হইতে আদায় করিয়া বিলাসের তরঙ্গে অঙ্গ ঢালিয়া দিয়া প্রজার সুখস্বচ্ছন্দের প্রতি বৈরাগ্য-প্রদর্শন-পূর্বক কেবলমাত্র নবাবের অনুজ্ঞাই প্রতিপালনে বহুবান্ আছেন। ফৌজদারগণের শাসনের শক্তি নাই, পালনের গুণ নাই, প্রজারজনে ইচ্ছা নাই, হৃদয়ে দয়ামায়া প্রভৃতি সংপ্রবৃত্তির লেশমাত্র নাই। আছে কেবল অর্থলালসা আর বিলাসিতা, সঙ্গে সঙ্গে ক্ষমতার ব্যভিচার ও অমানুষিক অত্যাচার। সে সময়ে দেশের সাধারণ লোকের অবস্থা দেখিয়া মানুষ কেন, বোধ হয় তরুলতাও কাঁদিতোছিল।

“চাচা আপনি যাচা” এই তৎকালের সকলেরই জীবনের উদ্দেশ্য হইয়াছিল।

একের ছুখে অপরের চাহিবার ও উদ্ধারকরিবার সাধা ও ইচ্ছা নাই। সকলেরই ছুখ, ছুখের পর ছুখ, মারিলেও দণ্ড দিবার কেহ নাই। মার খাইলেও কাহারও নিকট যাহা কাঁদিবার স্থান নাই। ফৌজদার দেশের শাসন ও পালনকর্তা বটে, কিন্তু তাহার সৈন্ত আর শাসনের উপযুক্ত নহে। তিনি ব্যবসায়ে ধনবৃদ্ধি করিতে ও নানা-বিধ অসুখপায়ে উৎকোচগ্রহণে তাহার অর্থলালসা চরিতার্থ করিতে ব্যতিব্যস্ত।

সীতারাম দেশের অবস্থা দেখিয়া নিরন্তর রোদন করিতে লাগিলেন। তাঁহার সদয়-হৃদয় দস্যুগণের উৎপীড়নে দ্রবীভূত হইয়াছিল, এখন দেশের অবস্থা দেখিয়া তাঁহার হৃদয় আরও অধিকতর দ্রবীভূত হইল। এবং পারিষদগণের সহিত উপায় উদ্ভাবনের চিন্তা করিতে লাগিলেন। রামরূপ লক্ষ্মণ-ভ্রাতার স্থায় সীতারামের অনুক্রোবহ হইয়া, আজীবন দেশের কার্যে জীবন উৎসর্গ করিতে দৃঢ়প্রতিজ্ঞ হইলেন, বক্তারও সীতারামকে যথাসাধ্য সাহায্য করিতে প্রতিশ্রুত হইলেন। রূপচাঁদ ঢালী, ফকির মাছকাটা প্রভৃতি সীতারামের অন্ত অনুচরগণও দেশের কল্যাণার্থে জীবন উৎসর্গ করিতে দৃঢ়প্রতিজ্ঞ হইলেন। যখন সীতারামের স্বদেশহিতৈষিতা ব্রত উদ্ঘাপনের সঙ্গী মিলিল, তখন কথা হইল, কিরূপে, কি প্রণালীতে এই মহাব্রত উদ্ঘাপিত হইবে। নবাবের হিতকর কার্য্য করিয়া সীতারাম জাগরণ পাইয়াছেন। দেশের স্বাধীনতা পুনরুদ্ধার করিয়া তিনি নবাবের শ্রীতিভাজন হইয়াছেন বটে, কিন্তু

এই সঙ্গে দস্যুগণের নিকট উৎকোচগ্রাহী ফৌজদারগণের চক্ষুঃশূল হইয়াছেন। ফৌজদারগণ কখন কি কথা নবাবের কর্ণগোচর করিয়া সীতারামের সর্কনাশ করে, তাহাও সীতারামের ভয়ের কারণ হইয়াছে। নলদী পরগণা ও সাঁটের তালুকের শ্রীবৃদ্ধি ও ফৌজদারগণের অসহনীয় হইয়াছে। অন্তর্দিকে অপরাপর পরগণার অনেকানেক ভদ্রলোক সীতারামের জমিদারী মধ্যে বাস করিবার জন্য বিশেষ আগ্রহ করিতেছেন। সীতারাম ভাবিলেন, সম্রাট ও নবাব প্রভৃতিকে বাধ্য করিতে না পারিলে আর একপদও অগ্রসর হওয়া উচিত নহে। অনন্তর ফকির মহম্মদআলি, সীতারামের বংশের গুরু রত্নেশ্বর বাচস্পতি, মুনিরাম, বক্তার, ফকির, রূপচাঁদ ও লক্ষ্মীনারায়ণ প্রভৃতির সহিত সীতারাম গোপনে পরামর্শ করিলেন। পরামর্শে স্থির হইল, ফকির মহম্মদআলি, গুরুদেব, বক্তার, ফকির, রূপচাঁদ ও লক্ষ্মীনারায়ণ হরিহর-নগরে আসিয়া জমিদারীর কার্য করিবেন এবং সীতারাম, রামরূপ ও মুনিরাম গয়া ও প্রয়াগধামে পিতৃলোকের পিণ্ডদান-ব্যপদেশে সন্ন্যাসিবেশে হিন্দুর সকল তীর্থস্থান পর্যটনপূর্বক দিল্লীতে বাদশাহের নিকট গমন করিবেন। এই পরামর্শ স্থির হইবার অনতিবিলম্বেই সীতারাম ভূষণার ফৌজদারের সহিত দেখা করিয়া জানাইলেন ;—

জীবন মরণ গালি নহে !

ধর্ম্মাস্থানের নিদিষ্ট কাল নাই !

স্বপ্ননিষ্ঠ সীতারামের পিতামাতার মৃত্যু হইয়াছে, গয়া ও প্রয়াগ-ধামে তাঁহাদিগের ও পিতৃপুরুষের পিণ্ডদান করা আবশ্যিক। তিনি মৃত্যুর তীর্থযাত্রা করিবেন। ফৌজদার সাহেব, মেহেরবাণী করিয়া

ভাঁহার জায়গীর ও ভ্রাতার প্রতি একটু নেক-নজর অর্থাৎ সদয় হইয়া করুণদৃষ্টি করুন। ভূষণার ফৌজদার আবুতোরাপেরও ইচ্ছা— সীতারামের ঋণ লোক যত দূরে থাকে, ততই ভাল। তিনি সাগ্রহে ও সোৎসাহে সীতারামকে তীর্থযাত্রা করিতে অনুমতি করিলেন।

সীতারাম সন্ন্যাসবেশে সহচরদ্বয়ের সহিত বৈষ্ণনাথ, গয়া, কাশী, প্রয়াগ, অযোধ্যা, বৃন্দাবন, মথুরা প্রভৃতি তীর্থস্থান পর্য্যটন করিয়া তৎকালের রাজধানী মহানগরী দিল্লীতে বাদশাহ অরঙ্গজীবের দরবারে উপস্থিত হইলেন। সীতারামের সুকীর্তি-কাহিনী নবাবের পত্রে পূর্বেই সম্রাট-দরবারে প্রচার হইয়াছিল। নবাব সায়েস্তা খাঁ সীতারামকে ভাল বাসিতেন। সদুক্তা মুনিরাম সম্রাটসকাশে নিম্নবস্ত্রের অনেক পরগণার ছুরবস্ত্রাবর্ণন করিলেন। তিনি কহিলেন, নিম্নবস্ত্রের কোন পরগণা জনশূন্য ও কোন পরগণা জঙ্গলাবৃত হইয়া আছে। আনামী, আরাকানী ও পর্তুগীজের অত্যাচারে তদ্দেশে আর লোক বাস করিতে চাহে না। তথায় লোক বাস করান বিশবৎসর কাল-সাপেক্ষ। সম্রাট অরঙ্গজীব এই সকল অবস্থা পরিজ্ঞাত হইয়া সীতারামকে রাজা উপাধির পাশ্চাত্তি ফরমান দিয়া নিম্নবস্ত্রের আবাদী মনদ অর্থাৎ প্রজা পত্তনপূর্কক সুনিয়ম ও সুশৃঙ্খলাস্থাপনের মনদ দিলেন।


সীতারাম এই রাজা উপাধির মনদ পাইয়া প্রকুলমনে দিল্লী হইতে স্থলপথে প্রয়াগ পর্য্যন্ত আগমন করিলেন। তখন বর্ষাকাল, ভাগীরথী অতি স্রোতস্বতী হইয়াছিলেন। তিনি প্রয়াগ হইতে নৌকাপথে যাত্রা করিলেন। পথিমধ্যে কাশীধামে তিন দিনের জন্ত অপেক্ষা করেন। এই সময়ে মুর্শিদাবাদ অঞ্চলের কতকগুলি ষাঙ্গিপূর্ণ এক নৌকার

সহিত তাঁহার দেখা হইল। এই নৌকায় দুই কায়স্থ-ভগিনী দুইটি কন্ডার সহিত তীর্থযাত্রায় গিয়াছিলেন। দুইটি কন্ডার মাতা জ্যেষ্ঠা ভগিনী রোগযন্ত্রণায় ছটফট করিতেছিলেন। হৃদয়বান্ সীতারাম রোগনিপীড়িতা রমণীর শুশ্রুষায় রত হইলেন। বিধবার কাল পূর্ণ হইয়া আসিল। তিনি কন্ডা দুইটিকে সীতারামের হাতে হাতে দিয়া, তাহাদিগের বিবাহ দিবস ভার লওয়ার কথা সীতারাম দ্বারা অঙ্গীকার করাইয়া লইয়া, কনিষ্ঠা বিধবা ভগিনীকে আশ্রয় করিয়া নিজে স্বচ্ছন্দমনে ভবলীলা সাজ করিলেন। সীতারাম সেই যাত্রানৌকায় সহিত মুর্শিদাবাদ পর্য্যন্ত আসিয়া সেই কন্ডাদ্বয়ের মাতৃস্বমাকে কিঞ্চিৎ অর্থ দিয়া তাহার গৃহে রাখিয়া আসিলেন, এবং তাঁহাকে বলিয়া আসিলেন, কন্ডাদ্বয়ের বিবাহকাল উপস্থিত হইলে বিধবা সীতারামকে সংবাদ দিবেন, অথবা তিনি কন্ডাদ্বয়কে লইয়া সীতারামের নিকট যাইবেন ও সীতারাম কন্ডা দুইটির বিবাহ দিয়া দিবেন।

অনন্তর সীতারাম মুর্শিদাবাদে আসিলেন। তিনি যথানিয়মে অতিশয় বিনয় ও নম্রতা সহকারে মজর দিয়া কুর্নিশ করিয়া মুর্শিদ কুলী খাঁর সহিত দেখা করিলেন। মুর্শিদ কুলী খাঁও সীতারামকে আর একটি আবাদী সমন দিয়া দশ বৎসরের কর দেওয়া হইতে নিষ্কৃতি দিলেন। কিন্তু তিনি প্রকাশ করিলেন, আবাদী মহলের অল্প দিনের মধ্যে অবস্থাস্তর হইলে কিছু মজরাম ও আবুওয়াব আদায় করিয়া দিতে হইবে। এতদিন সীতারাম গড়বেষ্টিত ঘাড়ী নির্মাণের ও অত্যাচার উৎসাহিত মিম্বারন মন্ত লৈম্ব রাধিবার অসুখতি লইলেন।

মুর্শিদাবাদ হইতে রওনা হইয়া আসিয়া পথিমধ্যে কাটোয়া মহকুমার অন্তর্গত কপিলেশ্বরের ঘাটে কৃষ্ণ প্রসাদ গোস্বামীর সহিত সীতারামের দেখা হইল। কৃষ্ণ প্রসাদের ভূষণা অঞ্চলে শিষ্য থাকায় এবং তিনি ও তাঁহার ভ্রাতৃগণ পণ্ডিত হওয়ার সীতারাম ও তাঁহার পিতার সহিত তাঁহাদিগের বিশেষ পরিচয় ছিল। বর্গীর হান্দামাদি কারণে কৃষ্ণ প্রসাদ ভূষণা অঞ্চলে বসবাস করিবার অভিলাষ জানাইলেন। সীতারাম ও তাঁহাকে সাহায্য করিবার সম্পূর্ণ আশা দিলেন। কৃষ্ণ প্রসাদ ও সীতারাম দুইজনে বহুক্ষণ নানা বিষয়ে সন্তোষ সহকারে কথোপকথন হইল। কৃষ্ণ প্রসাদই গণিয়া সীতারামের ভাবী গৌরবের বিষয় বলিয়া দিলেন।

পঞ্চম পরিচ্ছেদ



মহম্মদপুর নগর-নির্মাণ, কর্মচারি-নির্বাচন ও বিবাহ

যৎকালে সীতারামের যশঃসৌভে বঙ্গদেশ পূর্ণ, তখন সীতারাম স্বয়ং বাদশাহ অরঙ্গজেবের নিকট হইতে রাজা উপাধি ও আবাদী সনন্দ লইয়া আসিলেন। সীতারাম সম্বন্ধে কাল্পনিক ও অতিরঞ্জিত অনেক গল্প প্রচার হইয়া পড়িল। সীতারামের দানশীলতা, সত্যবাদিতা, আয়নিষ্ঠতা ও নিরপেক্ষবাদিতা সম্বন্ধে কত গল্প প্রতিদিন উদ্ভাবিত হইয়া প্রচারিত হইতে লাগিল। কয়েকটী বিধবা ভূস্বামিনী ও নাবালক জমিদার স্ব স্ব জমিদারী সীতারামের তত্ত্বাবধানে রাখিলেন। ইহাতেও রাজভবন দৃঢ়তর করিবার ও প্রবলতর সৈনিকদলের শীঘ্র প্রয়োজন হইল। তিনি নিকটবর্তী স্থানের মধ্যে একটী রাজধানীর উপযুক্ত স্থান অনুসন্ধান করিতে লাগিলেন। ফকির মহম্মদ আলি তৎকালে নারায়ণপুর গ্রামে রাজধানী নির্মাণ করিবার স্থান নির্বাচন করিলেন। ইহার উত্তরে ছত্রাবতী ও তাহার কিঞ্চিৎ উত্তরে বারাসিয়ানদী, পূর্বে স্রোতস্বতী এলেংখালির খাল, মধ্য দিয়া কালীগঙ্গা নদী প্রবাহিত ছিল। এই স্থানের পশ্চিমদিকে কতকগুলি বৃহৎ বৃহৎ বিল তৎকালে বিদ্যমান ছিল। এইরূপ স্থলে শত্রুগণ সহসা প্রবেশ করিতে পারে না বলিয়া মহম্মদ আলি এই স্থান রাজধানীর উপযুক্ত

মনে করিয়াছিলেন। নারায়ণপুর নাম দিয়া নব রাজধানী সংস্থাপন সম্বন্ধে এতদেশে বহুবিধ কিম্বদন্তী প্রচলিত আছে। আমরা তাহার কোনটিকেই অলীক ও কল্পনাপ্রসূত বলিতে প্রস্তুত নহি। সকল কিম্বদন্তীরই কিছু না কিছু মূল আছে, কিম্বদন্তীগুলি এই :—

(১) সীতারাম নারায়ণপুরে রাজধানী স্থাপনের অভিলাষী হইয়া সেই স্থানবাসী মহম্মদ আলি নামক এক ফকিরকে তাঁহার আস্তানা ভাঙ্গিয়া উঠিয়া যাইতে অনুরোধ করিলেন। ফকির প্রথমতঃ বাঠতে সম্মত হইলেন না, পরে প্রস্তাব করিলেন তাঁহার নামানুসারে নব রাজধানীর নাম রাখিলে তিনি ঐ স্থান পরিত্যাগ করিতে প্রস্তুত আছেন। সীতারাম ফকিরের কথায় সম্মত হইয়া নগর নির্মাণ করিতে লাগিলেন।

(২) মহম্মদ আলি ফকির সীতারামের উপদেষ্টা ও পরম হিতৈষী ছিলেন। তিনি নারায়ণপুরে তাঁহার আবাস ভাঙ্গিয়া সীতারামকে নব নগর প্রস্তুত করিবার উপদেশ দিয়া আজীবন সীতারামের পরামর্শদাতার কার্য্য করিভেন। এজন্য তাঁহার নামানুসারে নগরের নাম হইয়াছে।

(৩) সীতারামের পিতা উদয়নারায়ণ ভূষণার নিকটবর্তী গোপালপুরের বাটী হইতে অশ্বারোহণে সূর্য্যকুণ্ডের বাটীতে আসিবার কালে নারায়ণপুরে কর্দ্ধমধ্যে তাঁহার অশ্বের ক্ষুর বসিয়া যায়। তিনি অবতরণ করিয়া সেই স্থান খনন করিয়া দেখেন, অশ্বক্ষুর এক ত্রিশূলে বিদ্ধ রহিয়াছে। তিনি সেই স্থানের নিম্নদেশ খনন করিয়া একটা ক্ষুদ্র মন্দির ও লক্ষ্মীনারায়ণ শিলা প্রাপ্ত হইয়াছিলেন। উদয়নারায়ণের ইচ্ছা ছিল, নারায়ণপুরে লক্ষ্মীনারায়ণ বিগ্রহ প্রতিষ্ঠা

করিয়া একটি বাটী নির্মাণ করেন, কিন্তু তিনি তাহা জীবদশায় করিয়া বাইতে পারেন নাই। সীতারাম পিতার ইচ্ছা কার্যে পরিণত করিয়াছিলেন।

(৪) সীতারাম একদা অশ্বপৃষ্ঠে গমন করিতে করিতে নারায়ণপুরে তাঁহার অশ্বকুর ভূগর্ভে প্রবেশ করে। অশ্ব আপন বলে তাহার পা উঠাইতে পারে না। সীতারাম অশ্ব হইতে অবতরণ করিয়া অশ্বকুর মুক্ত করিয়া দেন। অশ্বকুরে ত্রিশূল বিদ্ধ হইয়াছিল। সেই স্থান খনন করিয়া একটি ক্ষুদ্র মন্দির ও লক্ষ্মীনারায়ণ শিলা পাইয়াছিলেন। এই ব্যাপার দৈব ইচ্ছা মনে করিয়া তিনি নারায়ণপুরে নগর নির্মাণ করেন।

এই সকল কিম্বদন্তীর তাৎপর্য এই যে, সীতারামের কোন ফকির মুহুদ্ ছিলেন। সীতারাম মহম্মদপুরে লক্ষ্মীনারায়ণ মন্দির স্থাপন করিয়াছিলেন। তাঁহার পিতারও একটি লক্ষ্মীনারায়ণ-স্থাপনের ইচ্ছা ছিল। তিনি অনেক স্থানে গমন করিয়াছেন এবং অশ্ব অনেক স্থলে কর্দম মধ্য দিয়া গমন করিয়াছে, সীতারাম অনেক স্থান খনন করিয়াছেন। কোথাও এক ভগ্ন মন্দির ও কিছু ইষ্টক পাইতে পারেন। সীতারাম প্রথম নারায়ণপুরের নাম লক্ষ্মীনারায়ণপুর রাখিয়াছিলেন এবং পরে রাজভক্ত প্রজা এই ভাব প্রকাশ করার মানসে ইসলামধর্মের প্রবর্তক মহম্মদের নামানুসারে স্বীয় রাজধানীর নাম মহম্মদপুর রাখেন। সীতারাম নিজের প্রকাশ করেন যে, তিনি লক্ষ্মীনারায়ণের দাস, তিনি উক্ত দেবতার প্রীত্যার্থে রাজ্যবৃদ্ধি, ছুট্টমুন, শিষ্টপালন ও বিপদের উপকার করিয়া থাকেন। এই সকল ঘটনাবলী বিমিশ্রিত হইয়া কল্পনা ও অতিরঞ্জনের রসে উক্ত ঠাণ্ডা কিম্বদন্তী

গঠিত হইয়াছে। সীতারামের নব রাজধানী নির্মাণের বদিও আয়বৎ
ঠিক তারিখ বলিতে পারি না, তবে আমরা এই কথা বলিতে পারি
যে, নব রাজধানী দেবালয়সমূহপ্রতিষ্ঠার পূর্বে খৃষ্টীয় ১৬৯৭ ও ১৬৯৮
খৃষ্টাব্দে নির্মিত হইয়াছিল।

সীতারামের রাজবাড়ী প্রায় এক মাইল দীর্ঘ ও অর্ধ মাইলের
কিঞ্চিদধিক প্রস্থ; এই দুর্গ চতুষ্কোণ, পূর্বপশ্চিমে গভীর গড়, দুর্গের
অনতিদূরে উত্তরপূর্বে সীতারামের পিতার নামানুসারে উদয়গঞ্জের
খাল ও বাজার। বাটার দক্ষিণে তিন শত বত্রিশ হাত ব্যাসার্ধ বা
৬৬৪ হাত ব্যাসের বৃত্তাকার পুষ্করিণী এবং সেই পুষ্করিণীর
চতুষ্কোণ স্থলে সীতারামের গ্রীষ্মাবাস রাজধানীর কিঞ্চিদূরে চিত্ত-
বিশ্রাম নামক স্থানে সীতারামের চিত্তবিশ্রামস্থান বা পল্লীনিবাস ছিল।
চিত্তবিনোদনার্থ তিনি নবগঙ্গা নদীতীরে বিনোদপুর গ্রামে একটি
ক্ষুদ্র ভবন নির্মাণ করিয়াছিলেন। বিনোদপুরেও তাঁহার দ্বিতীয়
পল্লীভবন ছিল। কালের সর্বসংহারী নিশ্বাসে সকলেরই বিলয় সাধন
হয়, এই ভবনও নবগঙ্গা নদী গ্রাস করিবার উপক্রম করিলে নীল-
কুঠীর সাহেবগণ ভাড়া ভাঙ্গিয়া ইহার কোন কোন উপকরণ চাউলিয়ার
কুঠীবাড়ী নির্মাণে ব্যবহার করিয়াছিলেন। বীরপুরে কালীগঙ্গাতীরে
সীতারামের আড়ঙ্গবাড়ী অর্থাৎ শারদীয়া বিজয়া দশমী দিনের
অবস্থিতি স্থান ছিল। এই বাড়ীর দৃশ্য অতি রমণীয়। ইহার
একদিকে কালীগঙ্গা নদী, অন্যদিকে স্বচ্ছ নীলজলপূর্ণ সঙ্গীতের মোহা
অবস্থিত ছিল। বিজয়াদশমীর দিনে এই বাটা ও ইহার চতুর্দিকস্থ
পথ সকল আলোকমালার সম্বিজিত হইলে ও সেই সকল আলোকমালা

নদী ও দোহার জলে প্রতিবিম্বিত হইলে ভবনও অতি চিত্তবিনোদ দৃশ্য ধারণ করিত। কালের সর্বসংহারিণী শক্তিবলে এই ভবন মধুমতী নদী গ্রাস করিয়াছেন। এই গৃহে সীতারামের চতুর্থ ও পঞ্চম রাণী বাস করিতেন। এতদ্ভিন্ন সূর্যকুণ্ড ও শ্রামগঞ্জও সীতারামের দুইটা বাড়ী ছিল। সীতারামের বাড়ীর বিস্তৃত বিবরণ সীতারামের "কীর্তিশীর্ষক" পরিচ্ছেদে বর্ণিত হইবে।

সীতারামের নব রাজধানী অল্পদিন মধ্যে ধনে জনে পূর্ণ হইয়া উঠিল। নানা দিগেশ হইতে গুণী, জ্ঞানী ও শিল্পী আসিয়া অবস্থিতি করিতে লাগিল। কস্মকারপটী, কাইয়াপটী প্রভৃতি বাজার বসিল। নগর ও তাঁহার রাজধানীর উপকণ্ঠে অনেক গ্রাম ছাইয়া ফেলিল। এই নগরে হিন্দু মুসলমান, ক্ষত্রিয় পাঠান স্ত্রে সম্প্রীতিতে বসবাস করিতে লাগিল।

মেনাহাতী, মেলাহাতী বা মুন্সয় সীতারামের সেনাপতি ছিলেন। ইহঁাকে কেহ শিখ, কেহ পাঠান মুসলমান, কেহ ক্ষত্রিয় ও কেহ বঙ্গদেশীয় কায়স্থ বলিয়া থাকেন, যে কারণে ইহঁাকে ভিন্ন ভিন্ন লোক ভিন্ন ভিন্ন জাতীয় বলেন তাহা পরে বলিব। এস্থলে তৎ সম্বন্ধে আমাদের মত মাত্র প্রকাশ করিব। মেনাহাতী নড়াইল মহকুমার অন্তর্গত রায়গ্রামনিবাসী ঘোষবংশের পূর্বপুরুষের একজন। এই বংশে স্বনামখ্যাত ডাক্তার সীতানাথ ঘোষ ও সব জজ প্রসন্নকুমার ঘোষের নাম অমেকেই পরিজ্ঞাত আছেন। ইহঁারা জাতিতে দক্ষিণরাঢ়ীয় কায়স্থ। মেনাহাতীর প্রকৃত নাম রূপনারায়ণ বা রামরূপ ঘোষ, ইহার শরীর দৈর্ঘ্য ৭ হাত ও স্বপুষ্টতা আকারামুযায়ী ছিল।

ইনি গৃহে থাকিতে দুর্ভদমন ও দস্যুদিগের অত্যাচারনিবারণে স্বতঃপ্রবৃত্ত হইয়া অগ্রসর হওয়ায় তাঁহার পিতামাতা ও স্বজনগণ তিরস্কার করেন। ইহাতে তিনি ক্রোধপরবশ হইয়া ঢাকার নবাব সরকারে কার্য করিবেন বলিয়া গমন করেন। তথায় সীতারামের সহিত তাঁহার পরিচয় হয়। সীতারামের ডাকাইতি-নিবারণ সময় দেশের নানা স্থান পর্যটন করায় ও দেশীয় লোকের নানা যন্ত্রণা সন্দর্শন করায় তিনি দেশহিতকর কার্যে জীবন উৎসর্গ করিতে কৃতসংকল্প হন। মেনাহাতী অকৃতকার ছিলেন। তিনি সীতারামকে আদর্শ পুরুষ মনে করিতেন। মেনাহাতী ভীমের ছায় জানিতেন 'দাদা আর গদা' অর্থাৎ সীতারামের অনুজ্ঞা ও তাহার পালন। তিনি কোন কার্যে ভয় করিতেন না, জীবনের প্রতিও তাঁহার কিছুমাত্র মমতা ছিল না। তাঁহার শারীরিক বল ও অস্ত্রচালনাকৌশল অপূর্ব ছিল। তিনি গৃহে থাকিতেই কুস্তী ও তীরন্দাজী শিক্ষা করিয়াছিলেন। ঢাকা ও দিল্লীতে থাকিয়া অত্যাগ্র অস্ত্রচালনা শিক্ষা করেন। তিনি দিল্লীতে কুস্তী করিয়া মল্লসমাজে মেনাহাতী উপাধি পান। মেনাহাতী প্রতিদিন কুস্তী করিয়া মর্ক্সাজে মৃত্তিকা মাখিতেন, এইজন্য সীতারামের গুরুদেব তাঁহার নাম মৃন্ময় রাখিয়াছিলেন। কেহ কেহ বলেন, তিনি পূজাহিতক করিয়া মর্ক্সাজে মৃত্তিকার কোঁটা দিতেন, এ কারণেও তাঁহাকে লোকে মৃন্ময় বলিত। মেনাহাতী যেমন পূজাহিতক করিতেন, তেমনি মুসলমান ভজনা-গৃহেও বাইতেন। তাঁহার কোনও ধর্মের প্রতি বিদ্বেষ ছিল না। তিনি সীতারামের পাঠান ও কজির সৈনিকের সহিত একাসনে বসিতেন এবং ধার্মিক, সত্যবাদী ও দ্বিতৈল্লিয় ছিলেন। তিনি

কোন বেতন লইতেন না। তাঁহার নিজের ভরণপোষণ ও দরিদ্রদিগকে দানের জন্য কিঞ্চিৎ অর্থ লইতেন মাত্র। তাঁহার স্বদেশহিতৈষিতাব্রতের বিষয় হইবার ভয়ে বাড়ী ও স্বজনগণের সহিত কোন সম্বন্ধ রাখিতেন না। মেনাহাতী এক এক দিনে এক এক রূপ বেশ ধারণ করিতেন। কখন বাঙ্গালী, কখনও হিন্দুস্থানী, কখন হিন্দু, কখনও মুসলমান সাজিয়া রাজপথে বাহির হইতেন; নিজের কোন পরিচয় দিতেন না। তিনি স্বপাক অন্ন ব্যঞ্জন আহার করিতেন।

সীতারামের ২য় সেনাপতির নাম আমিন বেগ, আমল বেগ বা হামলা বাঘা, ইনি জাতিতে পাঠান, এবং একজন নির্ভীক বীর পুরুষ ছিলেন, ইহার পরিচয় আর আমরা কিছুই জানিতে পারি নাই। তৃতীয় সেনাপতির নাম বক্তার খাঁ, ইনিও পাঠানজাতীয় বীর, ইহার সহিত সীতারামের যেকোন পরিচয় হয়, তাহা তৃতীয় পরিচ্ছেদের শেষভাগে বর্ণিত হইয়াছে।

সীতারামের ঢালি সৈন্তের কর্তা ফকির মাহুকাটা, ইনি জাতিতে নমঃশূদ্র, মৎস্য কাটিয়া বিক্রয় করাই তাঁহার পূর্ব পুরুষের ব্যবসায় ছিল। শুনা যায়, ফকিরার বাড়ী পরগণে নলদীর বর্তমান সময়ে তরফ কালিয়ার অন্তর্গত কোন গ্রামে ছিল। ইহার বাহুবল দেখিয়া সীতারাম ইহাকে অল্প শিক্ষা দিয়া সৈনিক করিয়া উঠান। রূপচাঁদ ঢালি সীতারামের ঢালিসৈন্তের অপর একজন নারক ছিলেন। ইনিও জাতিতে নমঃশূদ্র ছিলেন। রূপচাঁদের বংশধরগণ এক্ষণে মহম্মদপুরের নিকটস্থ খলিনাখালি গ্রামে বাস করিতেছে।

ফারা খাঁ, দোস্ত মায়ুদ সর্দার, সোণাগাজি সর্দার এবং গোলামী

সর্দার, এই চারিজন সীতারামের শরীররক্ষক ছিলেন। ইঁহারা পাঠান-
জাতীয় সৈনিকপুরুষ; ইঁহাদের উত্তরপুরুষগণ মাগুরা হইতে ৯ মাইল
দক্ষিণে ও মহম্মদপুর হইতে ১৯ মাইল দক্ষিণ-পশ্চিমে কাতলি গ্রামে
বাস করিতেছে। এতদ্বিন্ন সীতারামের ক্ষত্রিয় সৈন্য ছিল। এখনও
মহম্মদপুরের অন্তর্গত কাটগড়াপাড়ায় অনেক ক্ষত্রিয়ের বাস আছে।
মহম্মদপুর থানার অন্তর্গত নবগঙ্গার তীরে নহাটা গ্রামে যে ক্ষত্রিয়গণের
বাস আছে, তাঁহারা বলেন, তাঁহারা পূর্বে সীতারামের রাজধানীতে
ছিলেন, পরে মঘ আক্রমণ নিবারণ জন্ত নহাটায় ও উহার অপরপারে
সিংহড়া-বেটেল গ্রামে আসিয়াছিলেন। ঐরূপ আসামীদিগের আক্রমণ
নিবারণ জন্ত গন্ধখালীতেও সীতারামের প্রতিষ্ঠিত ক্ষত্রিয়পল্লী দেখা
যায়। সীতারামের ক্ষত্রিয় সেনাপতির নাম পাওয়া যায় না। সম্ভবতঃ
মেনাহাতি ক্ষত্রিয় সৈন্যদলের নাগক ছিলেন।

সীতারাম ক্ষত্রিয়, পাঠান ও ঢালিসৈন্যের কাহারও প্রতি অনুগ্রহ
ও কাহারও প্রতি নিগ্রহ প্রদর্শন করিতেন না। সকলের প্রতি
তাঁহার সমান বিশ্বাস ও শ্রদ্ধা ছিল। তাঁহার শরীররক্ষক পাঠান
বীর ও অন্তঃপুররক্ষক পাঠান সৈনিক প্রহরী ছিল। এক্ষণে অন্তঃপুরের
নিকটে যে ছবিলাবিবির ভিটা বর্তমান আছে, তাহা একজন পাঠান
অন্তঃপুর-প্রহরীর পত্নী ছবিলার বাসগৃহাবশেষ। সীতারামের সৈন্যদলের
রসদদাতা অনেকে ছিলেন। কুমরুলের দত্তবংশের পূর্বপুরুষ রূপনারায়ণ
দত্ত সীতারামের সৈনিকবিভাগের একজন রসদদাতা ছিলেন।^{২৩} তিনি
সীতারামের রামপাল-বিজয়ের সময় উত্তমরূপ রসদ সংগ্রহ করায় সীতা-
রাম তাঁহাকে পারিতোষিক স্বরূপ ৯৮ পাখী জমি দেবত্র দিয়াছিলেন।

কুমরুলের দত্তবংশ দক্ষিণ-রাঢ়ী কাষস্থ। তাঁহাদের বংশে এক্ষণে
রামচরণ দত্ত, লালবিহারী দত্ত প্রভৃতি কয়েকটি লোক জীবিত আছেন।
পলাসবাড়ীয়ার বসুবংশের আদিপুরুষ মদনমোহন বসু সীতারামের
বেলদার সৈন্তের কর্তা ছিলেন। তাঁহার বংশে এখন রামবিহারী
বসু জীবিত আছেন। মদনমোহন দৃঢ়কায় ও বলিষ্ঠ ছিলেন। কথিত
আছে, তিনি কোন সময়ে বৃষ্টি হইতে স্বীয় বনন ও শরীররক্ষার জন্ত
একখানি ক্ষুদ্রনৌকা দুই হস্তে মস্তকোপরি ধরিয়া সীতারামের সভায়
আসিয়াছিলেন। রূপচাঁদ মদনমোহনের তুল্য বলী ছিলেন।

সীতারাম নলদী পরগণা নিষ্কর পাইয়া আসিবার পর তাঁহার একজন
জমিদারীর কার্যনির্বাহক প্রধান কর্মচারীর প্রয়োজন হয়। হামবৈষ্ণ
দলের সংস্থাপক মথুরাপুরনিবাসী রাজা সংগ্রাম সিংহের দেওয়ান
গড়েদহ আড়পাড়ার রায়বংশের কোন ব্যক্তি ছিলেন। গড়েদহ
হইতে মথুরাপুর পর্যন্ত দেওয়ানের যাতায়াতের জন্ত যে সুপ্রশস্ত
জাহাজ বা রাস্তা প্রস্তুত হয়, তাহা এখনও বর্তমান আছে। এই
রায়বংশের সাতগাঁ বৃহৎ পুষ্করিণীর চিহ্ন এখনও বিদ্যমান দেখা যায়।
যে বংশের লোক যে কার্যে পটু, প্রাচীন কালে সেই বংশের লোককে
সেই পদে নিয়োগ করার রীতি ছিল। সীতারাম সংগ্রামশাহের
দেওয়ানবংশীয় গোবিন্দ রায়কে আনিয়া স্বীয় দেওয়ানপদে নিযুক্ত
করিয়াছিলেন। গোবিন্দ এই সময়ে বৃদ্ধ ও একচক্ষুহীন হইয়াছিলেন।
তিনি কিছুদিন বিশেষ দক্ষতার সহিত সীতারামের দেওয়ানী কার্য
করিয়া পরলোক গমন করেন। তিনি এত ধার্মিক ও স্মাধবান্
ছিলেন যে, এখনও এ অঞ্চলে পাশা খেলিবার সময়ে পাশার দানে

এক পোয়া বা এক চথের দরকার হইলে খেলয়ারেরা দাঁন ছাড়াবার সময় বলে—“ভালা গোবিন্দ রায়, চোখ বা পোয়া রেখে বাস”। গোবিন্দ রায় রাঢ়ীশ্রেণীর শ্রোত্রিয় ব্রাহ্মণ ছিলেন। তাঁহার শেষ বংশধর হারাণ বা হাকুরায় পরলোক গমন কালে একটী কন্যা রাখিয়া যান। ঐ কন্যা হইতে এক্ষণে হাকুর ২টী দৌহিত্র মাত্র আছে।

সীতারামের জমিদারী সংক্রান্ত কর্মচারীর-মধ্যে আমরা সীতারামের অপর দেওয়ান যত্নাথ মজুমদার মহাশয়ের নাম পাইয়াছি; ইহার নিবাস রামসাগরের দক্ষিণ দিকে ছিল। এখনও তাঁহার বাটী ও মন্দিরাদির ভগ্নাবশেষ আছে। ইহাদের গৃহে সীতারামের মোহরযুক্ত সনন্দ রহিয়াছে।^{২৪} ইহারা রাঢ়ীশ্রেণীর ব্রাহ্মণ, সাবর্ণ গোত্র। ইহার উত্তরপুরুষগণ এক্ষণে কানুটিয়া গ্রামে বাস করেন। ইহার বংশে এখন জানকীনাথ, আশুতোষ ও শ্রীশচন্দ্র জীবিত আছেন। ইহা-দিগের গৃহে সীতারামের সময়ের কোন কোন কবিতা ও হিসাবখণ্ড আমরা পাইয়াছি। তাহা যথাস্থানে প্রকাশ করিব। ইহাদের এক্ষণে পূর্বের জায় সম্পত্তি নাই, কিন্তু সীতারাম-প্রদত্ত কিঞ্চিৎ নিহর জমি আছে। সীতারামের দেওয়ান বংশ বলিয়া ইহাদের বেশ মানসম্মত আছে। ইহাদের মহম্মদপুরের পৈতৃক বাটী, বার্ষিক ৩ টাকা জমায় মহম্মদপুরমিবাসী বহুবিহারী দত্তকে জমা দেওয়া ছিল। মহেশচন্দ্র দাসমজুমদার সীতারামের নায়েব দেওয়ান ছিলেন। ইনি জাঁতিতে ন্যারেন্দ্রশ্রেণীর বৈষ্ণব। মহম্মদপুরের অন্তর্গত 'কাউইজানিতে' ইহার নিবাস ছিল।

কবানীপ্রসাদ চক্রবর্তী সীতারামের সৈন্য ছিলেন। তাঁহার

উত্তরপুরুষগণ এক্ষণে ফরিদপুর জেলার অন্তর্গত নলিয়া গ্রামে বাস করেন এবং নলিয়ার চক্রবর্তী বনিয়া বিখ্যাত। ইঁহারাও সাবর্ণগোত্রজ রাঢ়ীশ্রেণীর ব্রাহ্মণ। বহুনাথ দেওয়ান হইয়া মজুমদার উপাধি পান; কিন্তু ভবানীপ্রসাদের পূর্ব উপাধি চক্রবর্তীই থাকিয়া যায়। নলিয়ার চক্রবর্তী মহাশয়দিগের এখনও কিছু সম্পত্তি আছে। সীতারামের দত্ত সহস্রাধিক বিঘা নিষ্কর ব্রহ্মত্র আছে। রঙ্গপুরের বিখ্যাত উকিল শ্যামমোহন বাবু ও তদীয় ভ্রাতা সবজ্জ বাবু গিরীন্দ্রমোহন চক্রবর্তী এম্ এ, বি এল, চক্রবর্তীবংশের বংশধর।

বলরাম দাস সীতারামের মুন্সী ছিলেন। ইনি জাতিতে বারেন্দ্র-শ্রেণীর কায়স্থ। ইঁহার উত্তরাধিকারিগণের উপাধি সম্পত্তি মুন্সী, বর্তমান সময়ে ষশোহর জেলার অন্তর্গত কাদিরপাড়া গ্রামে ইঁহাদের নিবাস। ইঁহাদের এখনও বেশ সম্পত্তি আছে। চারি সম্প্রদায়ের কায়স্থ মধ্যে বারেন্দ্রশ্রেণীর কায়স্থ অতি অল্প। কোলীন্ড-প্রথায় এই শ্রেণীর কায়স্থগণ সিদ্ধ ও সাধ্য দুই সম্প্রদায়ে বিভক্ত। দাস, নন্দী ও চাকী সিদ্ধ; দেব, দত্ত, নাগাদি সাধ্য। অত্রিগোত্রজ নরহরি দাস দাসবংশের আদিপুরুষ। দাসবংশ চাকরী উপলক্ষে মজুমদার, সরকার, রায়, মুন্সী প্রভৃতি উপাধি পাইয়াছেন। নরহরি হইতে ৮ম পুরুষ নিম্নে রাজীবলোচনের ৩ পুত্র হরিরাম, রামরাম ও দুর্গারাম। রামরাম ও দুর্গারাম অসীম সাহসের সহিত আসামী ডাকাইতদিগের আক্রমণ নিবারণ করায় সীতারাম সন্তুষ্ট হইয়া বিলপাকুটীয়া নামে এক খানা গ্রাম দুই ভ্রাতাকে দুই খাইবার জন্ত নিষ্কর দান করেন। দুর্গারামকে আদর করিয়া সীতারামের গোস্বামি-শুরু বলরাম বলিতে

এবং হুর্গারামের নাম সীতারামের রাজধানীতে 'বলরাম' বলিয়াই সকলে জানেন। এই বংশে ব্রজনাথ মুন্সী, দ্বারকানাথ মুন্সী, বহুনাথ মুন্সী, চন্দ্রনাথ মুন্সী প্রভৃতি অনেকে জীবিত আছেন।

গদাধর সরকার সীতারামের বাটীর তত্ত্বাবধায়ক ছিলেন। তাঁহার বংশধরগণ এক্ষণে বোণি আমগ্রামে বাস করেন। এই বংশে এখন বিজয়বসন্ত সরকার ও গুরুদাস সরকার জীবিত আছেন। উক্ত আমগ্রামের বিশ্বাস ও মুন্সীবংশ সীতারামের সরকারে সহকারী মুন্সী ও নাএবের কার্য্য করিতেন।

সীতারামের অন্ত্যস্ত কৰ্মচারীর নাম আমরা বিশেষ অনুসন্ধানেও জানিতে পারি নাই। মুনিরাম রায় সীতারামের পক্ষে অগ্রে ঢাকার পরে মুর্শিদাবাদ নবাবসরকারে মোক্তার ছিলেন। মুনিরাম বঙ্গজ-কায়স্থ। মহম্মদপুরের নিকটবর্তী ধুলঝড়ী গ্রামে ইঁহার উত্তরপুরুষের এখনও বাস আছে। ইঁহার বর্তমান বংশধরের নাম জগৎকু রায়, ইঁহার ৭৮ শত টাকা আয়ের ভূসম্পত্তি আছে। মুনিরাম পণ্ডিত ও সদ্বক্তা লোক ছিলেন। তিনি প্রথমে সীতারামের অধীনে নলদী পরগণার সুমারের কায্য করেন। নবাবসরকারে মুনিরামের বেশ যশ এবং প্রতিপত্তি ছিল। একটা কথা আছে, "কোন সীতারাম রায়? যেস্কা উকিল মুনিরাম রায়"।

কুলাচার্যের কুলপঞ্জিকা ও গুরুকুলপঞ্জীতে সীতারামের এই তিনটি বিবাহের পরিচয় পাওয়া যায়;—সীতারামের প্রথম বিবাহ মুর্শিদাবাদ জেলার অন্তর্গত ফতেসিংহ পরগণার মধ্যে দাসপালসা গ্রামে, দ্বিতীয় বারে অগ্রহীপের নিকট পাটুলীতে, তৃতীয় বারে ভূষণার অধীন

উদ্দিমপুর গ্রামে হইয়াছিল। সীতারামের প্রথমা স্ত্রীর নাম কমলা। তিনি প্রধান কুলীন সরল খাঁ (ঘোষের) কন্যা। সীতারাম-বিষয়ক প্রস্তাবলেখকগণ সরলখাঁকে বীরভূম অঞ্চলের লোক বলিয়াছেন। জানি না, মুর্শিদাবাদের কিয়দংশ সম্প্রতি বীরভূম জেলাভুক্ত হইয়াছে কি না। সীতারাম কমলাকে ওজন করিয়া কন্যাপণের টাকা দিয়া ছিলেন। সরল খাঁর বিবরণ যথাস্থানে লিখিত হইবে।

বীরপুরে নওয়ারাণীর বাটী বা আড়ঙ্গবাটী বলিয়া সীতারামের যে বাটী ছিল, তাহার নামদৃষ্টে অনুমান হয় সীতারামের আরও দুইটি পরিণীতা স্ত্রী ছিলেন। কিম্বদন্তীতে ও মাসালিয়ার চক্রবর্ত্তি-গৃহের হস্তলিখিত কুলপুস্তক দৃষ্টে অনুমান হয়, সীতারাম কাশীতে যে বিধবার সংকার করেন ও তাঁহার অন্তিম সময়ে তাঁহার কন্যাদ্বয়ের বিবাহের ভার লইবেন বলিয়া স্বীকার করেন, সেই বিধবার ভগিনী, কন্যা ২টি লইয়া সীতারামের রাজধানীতে উপস্থিত হন। সীতারাম কন্যা ২টি স্থানান্তরে বিবাহ দিবার আয়োজন করিলে বিধবা বলেন, কন্যার বিবাহের ভার লওয়া অর্থ—সীতারাম কন্যা দুটিকেই বিবাহ করিবেন এই অঙ্গীকার করিয়াছেন। সীতারামের রাজবিভব, রাজগৌরব দেখিয়াই বিধবা সম্ভবতঃ ঐ প্রকার অর্থ করিয়াছেন। সীতারাম প্রথমতঃ বিবাহে অস্বীকার করেন। কিন্তু বিধবা যখন বলিলেন—সীতারাম বিবাহ না করিলে অঙ্গীকারভ্রষ্ট হইবেনই, তখন তিনি প্রতিশ্রুতভঙ্গভয়ে কন্যা ২টিকে বিবাহ করিলেন। অজ্ঞাতকুলনীলা বিধবার সহিত আগত ২টি বালিকার পালিপীড়ন করায় সীতারামের অন্য রাণীগণ এই নবোঢ়া রাণীদ্বয়ের সহিত এক বাটীতে বাস করিতে

অসম্মত হন। এই কারণে বোধ হয় তাঁহারা মতিষসার সহিত
আড়ম্বাণীতে থাকেন এবং তাঁহাদের বিবরণ কুলাচার্যের গ্রন্থে স্থান
পায় নাই।

ষষ্ঠ পরিচ্ছেদ

—○*○—

সীতারামের গুরুবংশ, পুরোহিতবংশ ও সীতারাম-
সংস্কৃত পণ্ডিত, কবিরাজ ও মৌলবীগণ

সীতারামের পিতার গুরুদেবের নাম রামভদ্র ঞ্চায়ালঙ্কার। তাঁহার দুই পুত্র—রত্নেশ্বর সার্বভৌম ও রামপতি সিদ্ধান্ত। রামপতি সিদ্ধান্তের উত্তরপুরুষের পরিচয় পাওয়া যায় নাই। রত্নেশ্বরের তিন পুত্র—রাজেন্দ্র বিদ্যাবাগীশ, দেবেন্দ্র ঞ্চায়রত্ন ও শ্রীরাম বাচস্পতি। এই তিন পুত্রের মধ্যে রাজেন্দ্র বিদ্যাবাগীশের এক পুত্র মুকুন্দরাম ঞ্চায়পঞ্চানন। মুকুন্দরামের পাঁচ পুত্র—মহাদেব ঞ্চায়বাগীশ (স্ত্রীর নাম তারামণি দেবী), হর্গীরাম, গঙ্গাধর, কালিদাস ও বিষ্ণুরাম। এই পাঁচ পুত্রের মধ্যে হর্গীরামের পুত্র নীলকণ্ঠ, নীলকণ্ঠের পুত্র মহেশচন্দ্র, মহেশচন্দ্রের পুত্র জগচ্চন্দ্র, জগচ্চন্দ্রের পুত্র পরেশনাথ স্মৃতিতীর্থ জীবিত। অত্র শাখায় শ্রীরাম বাচস্পতির দুই পুত্র, জয়রাম ঞ্চায়পঞ্চানন ও পুরুষোত্তম ঞ্চায়ালঙ্কার। জয়রামের পুত্র রামপ্রসাদ, রামপ্রসাদের পুত্র সদাশিব, সদাশিবের পুত্র বাণীকণ্ঠ ভট্টাচার্য্য। রত্নেশ্বরের ভ্রাতা রামপতির এক প্রপৌত্রের নাম চন্দ্রচূড় ছিল। বঙ্কিমবাবুর উপন্যাসের চন্দ্রচূড় এই চন্দ্রচূড় এক কিনা বলিতে পারি না। আমাদের বোধ হয়, বঙ্কিমবাবুর চন্দ্রচূড় কাম্বলিক চন্দ্রচূড়, এই চন্দ্রচূড় নামের সহিত বঙ্কিমবাবুর চন্দ্রচূড়ের মিলন একটা মৈত্রেয়ী ঘটনার কল্পনা যাত্র।

বর্তমান সময়ের শ্রোতস্বতী মধুমতী নদীর নাম বারাসিয়া ছিল এবং উহার তীরস্থ প্রকাণ্ড বাবুখালির কুঠিবাড়ী ও পূর্বে ছিল না। ঐ বারাসিয়া নদীতটে নন্দনপুর নামে একখানি গ্রাম ছিল। বারাসিয়া নদী ও নন্দনপুর গ্রাম এক্ষণে মধুমতী নদীর বিশাল উদরে বিলীন হইয়াছে। উদয়নারায়ণের সহিত তাঁহার দীক্ষাগুরু রামভদ্র গায়ালঙ্কার মহাশয় রাত্ হইতে ঐ নন্দনপুরে আসিয়া নবনিবাস নিৰ্ম্মাণ করিয়াছিলেন।

নন্দনপুরের নিকটস্থ ফলিমা গ্রামে গায়ালঙ্কার মহাশয়ের এক ইষ্টকনিৰ্ম্মিত গৃহে চতুস্পাঠী ছিল। শতাধিক ছাত্রকে ব্যাকরণ, সাহিত্য, স্মৃতি ও জ্যোতিষ পড়াইতেন। সেই চতুস্পাঠীর ভগ্নাবশেষ অद्याপি বর্তমান আছে।

নন্দনপুর গ্রামের নিকটে ভাল ব্রাহ্মণ-সমাজ না থাকায় রামভদ্র নন্দনপুরে বাস কৰা অসুবিধা বোধ করিতেছিলেন। একদা রামভদ্র বাসের উপযুক্ত স্থানের অনুসন্ধানে ভ্রমণ করিতে করিতে গঙ্গারামপুরে উপস্থিত হইয়া প্রাতঃকালে প্রাতঃকৃত্য সমাপনান্তে নবগঙ্গাকূলে পূজা আহিকে নিমগ্ন ছিলেন। এই সময় এক প্রকাণ্ড শার্দূল আসিয়া তাঁহার পৃষ্ঠদেশ লেহন করিতেছিল। নদীগর্ভস্থ কুম্ভীরেরাও ব্রাহ্মণের প্রতি কোন আক্রমণ করিতেছিল না। রোসেন সা নামক এক ফকির গঙ্গারামপুরে বাস করিতেন। তিনি এই অমাতুল্যিক ব্রহ্মভেজ সন্দর্শন করিয়া রামভদ্রকে গঙ্গারামপুরে বাড়াই করিতে বলেন এবং তিনি ঐ স্থান পরিভ্রমণ করিয়া যান। রোসেনের অনুরোধে গঙ্গারামপুরে পূৰ্বমৃত ফকিরগণের সমাধিস্থলে তত্রতা ভট্টাচার্য্যগণ অद्याপি প্রদীপ দিয়া থাকেন। সেই সমাধি স্থান কবিত হইলে অনেক নর-কঙ্কাল বহির্গত হইয়াছিল^৫।

মধুসূদন বাবু লিখিয়াছেন, উক্ত ভট্টাচার্য্যবংশের রত্নেশ্বর কবি মার্কভোম সীতারামের দীক্ষাগুরু ছিলেন। আমরা সীতারামের গুরুগৃহের গুরুপঞ্জীগ্রন্থে ইহার কিছুই দেখিতে পাই না। মধুবাবু আমার পরিচিত বন্ধু, তিনি যে লোকের নিকট হইতে এই গুরুবংশের তালিকা ও সনন্দাদি সংগ্রহ করিয়াছেন, তাঁহার কথায় ও কাথ্যে আমাদের বিশ্বাস কমই আছে।

বিশেষতঃ হরিহর নগরে লক্ষ্মীনারায়ণের যে বংশধর আছেন, তাঁহারা গঙ্গারামপুরের ভট্টাচার্য্যদিগকে গুরুবংশ বলিয়া স্বীকার করেন না। আমাদের বোধ হয়, রামভদ্র সীতারামের পিতার গুরু ছিলেন। রত্নেশ্বর সীতারামের গুরু নহেন। সীতারামের পৈতৃক গুরুবংশ বলিয়া গঙ্গারামপুরের ভট্টাচার্য্য-বংশের প্রতি সীতারাম ভক্তি-শ্রদ্ধা করিতেন।

একটি কিম্বদন্তী আছে যে, রত্নেশ্বর ও সীতারামের গুরু কৃষ্ণবল্লভের বিচার হয় এবং সেই বিচারে কৃষ্ণবল্লভ জয়ী হওয়ায় সীতারাম কৃষ্ণবল্লভকেই গুরু নির্বাচন করেন।

প্রেমধর্ম্মবিতরণকারী ভক্তির পূর্ণ অবতার চৈতন্যদেবের পার্শ্বচর হরিদাস ঠাকুরের নাম বৈষ্ণবসাহিত্যে প্রসিদ্ধ। তাঁহার উত্তর-পুরুষেরা জেলা বর্ধমানের অন্তর্গত কাঁটোয়া মহকুমার অধীন ভাগীরথীতীরে টিয়া গ্রামে বাস করিতেন। কৃষ্ণবল্লভ ঠাকুরের চারি ভ্রাতা ছিলেন,— কৃষ্ণকিঙ্কর, কৃষ্ণবল্লভ, কৃষ্ণপ্রসাদ ও কৃষ্ণকান্ত। হঠাৎ বর্গীর অত্যাচারে টিয়া অঞ্চল বড় উৎপীড়িত হইয়াছিল। তাহারা সর্বস্ব অপহরণ করিত, স্ত্রী-কন্যার সতীত্ব-ধর্ম্মে হস্তক্ষেপ করিত, গৃহ অগ্নিসংকীর্ণ করিত ও সামান্য

বাধা পাইলে গৃহস্থের প্রাণনাশ করিত । বর্গীর আক্রমণকালে কৃষ্ণ-
 কিঙ্কর গোস্বামী তাঁহার বাটীতে স্থাপিত বিগ্রহ মদনমোহন রায়ের
 ভূষণ রক্ষা করিতে যাইয়া বর্গীহস্তে নিহত হন, তাহার পর কৃষ্ণপ্রসাদ
 গোস্বামী স্বদেশ ছাড়িয়া স্থানান্তরে যাইবার অভিলাষী হইলে কপিলে-
 শ্বরের ঘাটে সীতারামের সত্ৰিত যে তাঁহার আলাপ হয় পাঠক পূর্বেই
 তাহা অবগত আছেন । অনন্তর কৃষ্ণবল্লভ সপরিবারে যশোহর জেলার
 অন্তর্গত বিনোদপুরের নিকটস্থ যুল্লিয়া গ্রামে আসিয়া সীতারামকে
 সংবাদ প্রেরণ করিলেন । সীতারাম যত্নপূর্বক তাঁহাদিগকে অভ্যর্থনা
 করিলেন । সীতারাম কৃষ্ণবল্লভের নিকট দীক্ষিত হইতে অভিলাষী
হইলেন । কৃষ্ণবল্লভের কায়স্থাদি জাতি শিষ্য নাই বলিয়া তিনি
 তাঁহাকে মন্ত্র দিতে অসম্মত হইলেন । সীতারাম তাঁহাকে নজরবন্দী
ভাবে রাখিলেন । অনন্তর কৃষ্ণবল্লভ বাধ্য হইয়া তাঁহাকে মন্ত্র দিলেন ।
 শূদ্রের দান লইতেন না বলিয়া কৃষ্ণবল্লভ সীতারামের নিকট হইতে
 পূর্বে কোন দান গ্রহণ করেন নাই । মহম্মদপুরের নিকটবর্তী
 যশপুর গ্রামের কিয়দংশ কৃষ্ণবল্লভের লাভা কৃষ্ণপ্রসাদের নামে
 বার্ষিক ২৪ টাকা কর ধার্যা করিয়া জমা লইয়া ছিলেন । এই
 গুরুবংশ যশপুর ও যুল্লিয়া গ্রামে আছেন । গুরুপুত্র আনন্দচন্দ্র ও
 গৌরীচরণকে সীতারাম অনেক নিষ্কর জমি দান করিয়াছিলেন । তন্মধ্যে
 মহম্মদপুরের নিকটবর্তী ঝামা মহেশপুরের ১৫০ বিঘা ব্রহ্মত্র জমি
 মধুমতী নদী গ্রাস করিয়াছে । আনন্দচন্দ্র ও গৌরীচরণ ৮০০ আট শত
 বিঘা নিষ্কর জমি সীতারামের নিকট প্রাপ্ত হইয়াছিলেন ।^{১০} তাহার
 অধিকাংশ একগে তাঁহার উত্তরপুরুষের দখলে নাই । উক্ত ব্রহ্মত্র জমির

সনন্দাদি তাঁহাদিগের গৃহে আছে। গুরুকুলপত্নী ও উক্ত সনন্দ বংশপুত্রের গোস্বামিগৃহে পাওয়া গিয়াছে। এই গুরুবংশে পরে রাধাবল্লভ, কৃষ্ণসুন্দর, নিত্যানন্দ ও সর্বানন্দ গোস্বামী প্রাদুর্ভূত হইয়াছিলেন। ইহাদের মধ্যে নিত্যানন্দ অন্ধ ছিলেন। তিনি অন্ধাবস্থায় অলৌকিক বুদ্ধিমত্তার পরিচয় দিয়া গিয়াছেন। এই বংশে এক্ষণে সর্বানন্দের পুত্র বালক ভূদেব গোস্বামী জীবিত আছেন।

কোঠাবাড়ী ও গোকুলনগরের ভট্টাচার্য্যবংশ সীতারামের পুরোহিত-বংশ। সীতারামের সময়ে এ বংশে অনেক অধ্যাপক ছিলেন। ইহারা বংশমর্যাদায় প্রধান বংশজ। ইহাদের অবস্থা এখন ভাল নয়। সীতারাম-প্রদত্ত নিষ্কর ব্রহ্মত্র অনেকই নষ্ট হইয়াছে।

সীতারামের সময়ে ও তাঁহার পরে তদীয় পুরোহিতবংশে নিম্নলিখিত অধ্যাপকগণ প্রাদুর্ভূত হইয়াছিলেন :—

মঙ্গলানন্দ চট্টোপাধ্যায়ের দুই পুত্র—রতিদেব ও রঘুনাথ।

১ম রতিদেব ত্রায়বাগীশ

২য় রঘুনাথ বিদ্যাবাগীশ

রামদেব তর্কভূষণ

মহাদেব তর্কবাগীশ

১। কালিদাস সিদ্ধান্ত,

১। জয়বাহু পঞ্চানন

২। কামদেব ত্রায়ালঙ্কার

২। সনাতন সিদ্ধান্ত

৩। শ্রীহরি বাচস্পতি

* ৩। রূপরাম বিদ্যালঙ্কার

৪। দুর্গারাম সার্বভৌম

শ্রীহরি বাচস্পতির চারি পুত্র—১ নন্দকিশোর ত্রায়ালঙ্কার, ২ রাঘবেন্দ্র চর্কালঙ্কার, ৩ রামচরণ বিদ্যালঙ্কার, ৪ রামকেশব পঞ্চানন।

জয়রাম পঞ্চাননের এক পুত্র, কৃষ্ণকিঙ্কর বিদ্যালঙ্কার। সনাতন সিদ্ধান্তের পুত্র রত্নগর্ভ সার্বভৌম। শ্রীহরি বাচস্পতির ১ম পুত্র নন্দকিশোর শ্রায়ালঙ্কারের পুত্র মুকুন্দরামের ধারায় চন্দ্রকান্ত বিদ্যাভূষণ। রূপরাম বিদ্যালঙ্কারের ১ম পুত্র ঘনশ্যাম তর্কালঙ্কার। ঘনশ্যামের দুই পুত্র ১ম নন্দকুমার শ্রায়বাগীশ ও ২য় প্রাণনাথ বিদ্যাবাগীশ। নন্দকুমার শ্রায়বাগীশের ১ম পুত্র রামচরণ শ্রায়পঞ্চানন।

ভাস্করানন্দ আগমবাগীশ নামে একজন পণ্ডিত সীতারামের সভায় আসা যাওয়া করিতেন। তাঁহার লিখিত কবিতা সীতারামের দেওয়ান বহু মজুমদারের গৃহে পাওয়া গিয়াছে। ভাস্করের লিখিত কাগজ দৃষ্টেও তাহা বিলক্ষণ প্রাচীন বোধ হয়। ভাস্করানন্দ পলিতা-নহাটার বৈদিক ভট্টাচার্য্য মহাশয়দিগের একজন পূর্বপুরুষ। বর্তমান সময়ে যে গুরুচরণ ও শ্যামাচরণ ভট্টাচার্য্য মহাশয়েরা আছেন, ভাস্করানন্দ তাঁহাদিগের উর্দ্ধতন পঞ্চম পুরুষের একজন।

ভাস্করের কবিতা এই :—

ভাস্করে উদয়ভাস, উদয়নারায়ণ দাস,
তনয় রাজেন্দ্র সীতারাম।

শুভেন্দ্র দেবেন্দ্র তথি, ভূ-অধিপতি,
ভূষণে ভূষিত গুণগ্রাম ॥

কমলা রাজমহিষী, কমল-বনের শশী,
কিঞ্চিৎ ভূমি দিতে কাড়িলেন ষাঁ।

যুবরাজ শ্যামরায়, তিনিও সায় দিলেন তায়
দেওয়ান জীউ পাড়িলেন হাঁ ॥

বলরাম দাস মুন্সী সনন্দে পড়িলেন মসি

ছকপালে বামনে কপাল ।

বাচস্পতির গোসা ছিল, কেমনে অমনি জাহির হ'ল,

রাণী চূপ—ভূপাল ।

* * * * *

হাস কর ভাস্কর আনগে গোসাই ।

ঝাট যাও মাত লাও রাণীকো ফুল্লাই ॥

* * * * *

লয়ে বি দেওয়ানজী গুরু মাইর ঠাই ।

তারা মাই দিলেন ঠাই রাণীর কাছে বাই ॥

* * * * *

সন ১১১৬ । ১৭ই জ্যৈষ্ঠ । শ্রীভাস্কর—বাগীশ ।

উক্ত কবিতার অর্থ এই :—

পূর্বদেশে সূর্যাতুলা উদয়নারায়ণ দাস, তাহার পুত্র সীতারাম রাজার রাজা । সীতারামের রাণী কমলা এত রূপবতী যে, যেমন শশী দেখিলে কমল সকল মুদিত হয়, সেইরূপ কমলার রূপেও অপর রাণীগণ মুদিত-প্রায় হন । রাণী কমলা কিছু জমি দিতে সম্মত হইলেন । দেওয়ানজীও তাহাতে সম্মত হইলেন । যুবরাজ শ্যামরায়ও তাহাতে সম্মতি প্রকাশ করিলেন । মুন্সী বলরাম দাসও সনন্দ লিখিতে আরম্ভ করিলেন । এমন সময়ে দৈবাৎ প্রকাশ হইয়া পড়িল যে, রাজার গুরুবংশীয় শ্রীরাম বাচস্পতি ভাস্করের প্রতি রুষ্ট । ইহাতে রাজা বিশেষ ক্রুদ্ধ হইলেন । কিয়ৎকাল পরে রাজার ক্রোধ হাস হইলে তিনি বলিলেন, ভাস্কর তুমি

ছাড়া কর, গৌমাইকে যাইয়া লইয়া আইস। রাণীকে বলিয়া জমি লইও না। তৎপরে দেওয়ানজী তারামণি গুরুঠাকুরাণীর নিকট একজন দাসী পাঠাইয়া তাঁহার সম্মতি আনাইয়া পরে রাণীর নিকট পুনরায় যাওয়া হইল।

মহাদেব চূড়ামণি বাচম্পতির শ্লোকে সীতারাম ও তাঁহার সহচরগণের সহিত নিশানাথ ঠাকুর ও তাঁহার অনুচরগণের তুলনার কথা আমরা পূর্বেই উল্লেখ করিয়াছি। আমাদের দুর্ভাগ্যক্রমে শ্লোকগুলি পাই নাই। অনুসন্ধানে জানিয়াছি, মহাদেব সীতারামের পুরোহিতবংশীয় একজন অধ্যাপক।

সীতারামের সময়ে ও তাঁহার পরে মহম্মদপুরের অন্তর্গত বাউইজানী ও ধূপড়িরা গ্রামে নিম্নলিখিত পণ্ডিতগণ প্রাহুভূত হন।

- | | |
|-----------------------------|-------------------------------|
| ১। শ্রীনারায়ণ তর্কালঙ্কার, | ৯। শূরনারায়ণ তর্কালঙ্কার, |
| ২। রামরাম বাচম্পতি; | ১০। রামকিঙ্কর তর্কপঞ্চানন, |
| ৩। রামনিধি বিদ্যভূষণ, | ১১। রামগোবিন্দ তর্কসিদ্ধান্ত, |
| ৪। জয়নারায়ণ সিদ্ধান্ত, | ১২। রবিদাস বিদ্যাবাগীশ, |
| ৫। গৌরচন্দ্র বিদ্যভূষণ, | ১৩। দুর্গাচরণ শিরোমণি, |
| ৬। বলরাম তর্কভূষণ, | ১৪। রামসুন্দর স্মৃতিরত্ন, |
| ৭। হরচন্দ্র তর্কালঙ্কার, | ১৫। গৌরপ্রসাদ জ্ঞানবাগীশ, |
| ৮। লক্ষ্মীকান্ত বিদ্যভূষণ, | ১৬। রামকুমার সিদ্ধান্ত। |

ধূপড়িয়ার পণ্ডিতবর্গ।

- | | |
|-----------------------------|----------------------------|
| ১। পাঠকচন্দ্র ভট্টাচার্য্য, | ৮। নির্মানন্দ সরস্বতী |
| ২। কালিদাস সিদ্ধান্ত, | ৯। বিশ্বনাথ তর্কসিদ্ধান্ত, |

- | | |
|------------------------------|---------------------------|
| ৩। রামকেশব তর্কালঙ্কার, | ১০। রামনাথ বাচম্পতি, |
| ৪। রামকৃষ্ণ পঞ্চানন, | ১১। রামকান্ত তর্করত্ন, |
| ৫। কালিকাপ্রসাদ বিদ্যভূষণ, | ১২। অনন্তরাম সার্কভৌম, |
| ৬। রামনারায়ণ ত্রায়ালঙ্কার, | ১৩। কাশীনাথ তর্কভায়রত্ন। |
| ৭। রামেশ্বর তর্কপঞ্চানন, | |

সীতারামের রাজধানীতে অভিরাম সেন কবীন্দ্রশেখর প্রথমে কবিরাজ ছিলেন। তাঁহার চতুর্পাঠীতে অনেক ছাত্র অধ্যয়ন করিত। তিনি কোন সময়ে রাজার অপ্রীতিকর রাজনৈতিক বিষয় লইয়া ছাত্রগণের সহিত বাদামুবাদ করায় সীতারাম তাঁহার প্রতি কষ্ট হন। রাজকোপে অভিরাম বাধ্য হইয়া মহম্মদপুর নগর পরিত্যাগপূর্বক খান্দারপাড় বাইরা বাস করেন। কলিকাতার লঙ্কপ্রতিষ্ঠ কবিরাজ দ্বারকানাথ সেন কবিরত্ন মহাশয় এই অভিরাম কবিরাজ মহাশয়ের বংশধর। সীতারামের সময়েই তারানাথ কবিভূষণ, পঞ্চানন কবিরত্ন, বিশ্বস্তর হুরায়, যুধিষ্ঠির দাসগুপ্ত, মধুসূদন কর প্রভৃতি কবিরাজগণ মহম্মদপুরে অবস্থিতি করিতেন। মধুসূদন করের বংশধরগণ এক্ষণে সার্কলিয়া গ্রামে বাস করেন।^{২৭}

মৌলবী সামসুদ্দীন, নুরমালি, সাজাহান্‌আলী, কেতাকী ও এনাতুল্লা মহম্মদপুর রাজধানীতেই অবস্থিতি করিতেন। ইহাদের তিন জনের মোক্তাব (চতুর্পাঠী) ছিল। অপর দুই জন কখন ভূষণায় ও কখন মহম্মদপুরে সীতারামের সভায় মোক্তারি করিতেন।^{২৮}

সপ্তম পরিচ্ছেদ



রাজ্যস্থাপন সম্বন্ধীয় কিশ্বদস্তী ও রাজ্য- স্থাপনের পদ্ধতি

সীতারামের রাজ্যস্থাপন সম্বন্ধে বহু কিশ্বদস্তী প্রচলিত আছে। সে সকল কিশ্বদস্তী কোন কোনটা অসার, অলীক ও রূপক অলঙ্কারমূলক হইলেও তাহা টুয়ার্ট, ওয়েষ্টল্যাণ্ড সাহেব ও সীতারামবিষয়ক প্রস্তাব-লেখকগণ তাঁহাদিগের পুস্তকে সন্নিবেশিত করার আমরা তাহা একেবারে পরিত্যাগ করিতে পারি না। আমরা সেই সকল কিশ্বদস্তীর সহিত সীতারামের প্রকৃত জীবনচরিতের কি সম্বন্ধ আছে, তাহা দেখাইবার চেষ্টা পাইব। কিশ্বদস্তীগুলি এই :—

১। নিম্নবঙ্গদেশে সীতারাম বলিয়া একজন ডাকাইত ছিলেন। তিনি ডাকাইতি করিয়া বহু অর্থসংগ্রহ করেন ও জমিদার হইতে ষড়বান্ হসেন। ফৌজদার নবাবের আশ্রয় আবু তরাপকে সীতারামের লোকে নিহত করায় সীতারাম ধৃত ও বন্দীকৃত হন এবং নবাবের আদেশে তাঁহার প্রাণদণ্ড হয়।

২। সীতারামের হরিহর নগরে তালুক ও শ্রামনগরে একটা জোত ছিল। একদিন তিনি অশারোহণে গমনকালে নারায়ণপুর গ্রামে তাঁহার অশ্বকূরে একটা ত্রিশূল বিদ্ধ হয়। যে স্থলে ত্রিশূল বিদ্ধ হয়, সেইস্থান খনন করিয়া সীতারাম এক লক্ষ্মীনারায়ণ বিগ্রহ লাভ করেন। সীতারাম

সেই দেবতার দাস, দৈবইচ্ছা যে তিনি রাজ্যস্থাপন করেন, এই কথা প্রকাশ করায় দলে দলে লোক তাঁহার অধীনে আসিতে থাকে এবং তিনি ফকিরের আদেশে নারায়ণপুরের নাম মহম্মদপুর রাখিয়া রাজ্য হইয়া উঠেন।

৩। বঙ্গদেশে বারজন ভূঞা উপাধিধারী জমিদার ছিলেন। তাঁহারা দিল্লীর রাজস্ব বন্ধ করিয়াছিলেন। এই সময় সীতারাম দিল্লী হইতে তাঁহাদিগকে দমন করিতে আসেন এবং তাঁহাদিগকে যুদ্ধে পরাস্ত করিয়া নিজে রাজা হন ও দিল্লীর প্রাপ্য কর বন্ধ করেন।

৪। সীতারাম দিল্লীতে চোপদার ছিলেন। বঙ্গদেশের রাজস্ব নিরাপদে আদায় হইত না। সায়েস্তা খাঁ ও আজিমওসান প্রভৃতি নবাব-গণ রাজস্ব আদায়ে বিশেষ দক্ষ ছিলেন না। মুর্শিদকুলী খাঁ বাঙ্গালা, বিহার ও উড়িষ্যার নবাবের অধীনে দেওয়ান ও সীতারাম সাঁজোয়াল হইয়া আসেন। সীতারাম নিম্নবঙ্গ অঞ্চলে কর আদায়ে দক্ষতা দেখাইলে নলদীপরগণা জায়গীর পান ও পরে নিজেও সম্রাটের প্রাপ্য কর বন্ধ করেন।

৫। সীতারামের পিতা সাঁতৈরের রাজা শক্রজিৎকে ধরিতে আসেন। তাঁহাকে বন্দী করিয়া দিল্লীতে লইয়া যান। সেখানে সীতারামের পিতা উদয়নারায়ণ মৃত্যুমুখে পতিত হইলেন। সীতারাম পিতার সহিত দিল্লীতে ছিলেন। তাঁহাকে নানা বিপদের সম্মুখীন হইতে হয়। একদিন রাত্রিতে সীতারাম স্বপ্নে দেখেন, তিনি রাশি রাশি দণ্ডমুক্তিকা ভক্ষণ করিতেছেন। পোড়ামাটি স্বপ্নে দেখার ফল রাজপ্রসাদ ও রাজ্যালাভ। অনন্তর সীতারাম বঙ্গদেশে আরাধী সনন্দ পাইয়া আইসেন।

৬। সীতারাম জাকমজ্ঞ জানিতেন। জাকমজ্ঞের কাৰ্য্য এই যে তাহার প্রভাবে ভূগর্ভে প্রোথিত ধনের অনুসন্ধান পাওয়া যায়। সীতারাম মন্ত্রবলে ভূগর্ভের গুপ্তধন পাইয়া রাজা হইলেন।

৭। সীতারাম ভাগ্যবান্ পুরুষ। যেখানে যে গুপ্তধন থাকিত, তাহার ডাকিয়া সীতারামকে উঠাইয়া লইতে বলিত। সীতারাম সেই সকল ধন পাইয়া রাজা হইলেন।

৮। এক ফকির সীতারামকে স্নেহ করিতেন। তিনি সীতারামের হাত ও কপাল দেখিয়া বলিয়াছিলেন যে, তিনি রাজা হইবেন। সীতারাম ফকিরের কথায় বিশ্বাস করিয়া রাজ্যস্থাপনের চেষ্টা করেন এবং তাঁহার চেষ্টা ফলবন্তী হয়।

৯। সীতারাম মুর্শিদাবাদ হইতে গঙ্গান্নান করিয়া নৌকাপথে বাড়ী আসিতেছিলেন। পথমধ্যে এক পণ্ডিত ব্রাহ্মণের সহিত গঙ্গাবক্ষে তাঁহার সাক্ষাৎ হয়। তিনি সীতারামের করকোষ্ঠী গণনা করিয়া বলেন, সীতারাম রাজা হইবেন। সীতারাম সেই ব্রাহ্মণের মন্ত্রশিষ্য হইলেন এবং সেই ব্রাহ্মণপ্রদত্ত মন্ত্রবলে তিনি রাজ্যলাভ করেন।

১০। সীতারাম স্বপ্নে দেখেন, তিনি এক রক্তময়ী পুষ্করিণীতে সস্তরণ করিতে করিতে উষ্ণরক্ত পান করিতেছেন। রক্তপান স্বপ্নে দেখার ফল প্রচুর অর্থলাভ। এই স্বপ্নদর্শনের কিছুদিন পরে তিনি যুদ্ধ-বিজ্ঞা শিক্ষার জন্ত দিল্লীতে গমন করেন। দিল্লী হইতে প্রত্যাবর্তনকালে তিনি ভাগীরথী মধ্যে এক লৌহবাস্তুপূর্ণ স্বর্ণমুদ্রা প্রাপ্ত হইলেন। সেই অর্থদ্বারা তিনি সৈন্ত সামন্ত রাখেন এবং রাজা হইলেন।

১১। সীতারামের কোন আত্মীয়ের বাটীতে দ্বাভিযোগে ডাকাইত

আসিয়া পৈশাচিক অভ্যাসের করে। সীতারাম তদর্শনে যুদ্ধবিদ্যা শিক্ষা করিয়া দস্যুদমনে অভিলাষী হইলেন। তিনি ঢাকার ষাইয়া নবাব-ভবনে যুদ্ধবিদ্যা শিক্ষা করেন ও বঙ্গেশ্বরের অনুমত্যাচুসারে তৎকালের বঙ্গদেশের দস্যুদল দমন করিয়া পরে স্বয়ং রাজা হন।

/ ১২। সীতারাম একদিন কোন আত্মীর বাড়িতে উপস্থিত ছিলেন। এমন সময়ে সেই আত্মীর গ্রামে মগ, পর্তুগীজ ও আসামী দস্যু প্রবেশ করে। তাহারা তত্রত্য যুবতীগণের ধর্মনষ্ট করে, ধনরত্ন অপহরণ করে, গ্রাম অগ্নিসং করে ও অনেকগুলি যুবকযুবতী ও বালকবালিকা ধরিয়া লইয়া গ্রামান্তরে চলিয়া যায়। সীতারাম এক কুপে পলাইয়া গিয়া আত্মরক্ষা করেন এবং প্রতিজ্ঞা করেন যে, বঙ্গদেশের এই আক্রমণ কারিগণকে যে উপায়েই হউক দমন করিবেন।^{২০}

১৩। সীতারামের এক মাতুল রাঢ়দেশ হইতে ভূষণা অঞ্চলে তাঁহার মাতাকে দেখিতে আসিতেছিলেন। তাঁহার সহিত কিছু বহুমূল্য বস্তু ও কেবল পাথের কিছু অর্থ ছিল। বর্তমান নদীরা জেলার পূর্বাংশে দস্যুগণ তাঁহাকে নিধন করে। সীতারাম মাতার ইচ্ছায় যুদ্ধবিদ্যা শিক্ষা করেন এবং তাঁহার মাতা যত্নশস্যায় সীতারাম ও লক্ষ্মীনারায়ণ দ্বারা প্রতিজ্ঞা করাইয়া লইলেন যে, তাঁহারা আজীবন দস্যুদলে বধাসাধ্য বহু করিবেন। দস্যুদলন করিয়াই সীতারাম রাজা হন।

প্রথম কিম্বদন্তী ষ্টুয়ার্ট সাহেব পারসিক গ্রন্থ হইতে অনুবাদ করিয়াছেন। নবাবের আত্মীয় আবুতর্যাপ সীতারাম-কর্তৃক নিহত হওয়ায় নবাব সীতারামকে দস্যু-তরুণ বাহা ইচ্ছা বলিয়া দিল্লীতে পত্রপ্রেরণ করিতে পারেন। দিল্লীর পারসিক গ্রন্থলেখক সীতারামের গুণগ্রাস

অপরিজ্ঞাত থাকায় নবাবের পত্রদৃষ্টেই সীতারামকাহিনী বর্ণন করিয়া-
ছেন। দ্বিতীয় তৃতীয় কিম্বদন্তী কেয়েষ্টল্যাণ্ড সাহেব শুনিয়া লিখিয়া-
ছিলেন। তিনি আরও একপত্রে লিখিয়াছেন^{৩০} যে, এই সকল কিম্ব-
দন্তীর আরও অনুসন্ধান করা প্রয়োজন।

দ্বিতীয় হইতে অপর সকল কিম্বদন্তীরই মূলে কিছু সত্য আছে।
সময়ের দূরতায় ও লোকপরম্পরায় মুখে মুখে এই সকল কথা প্রচারিত
হওয়ায় ঘটনা কল্পনায় মিশ্রিত হইয়া পড়িয়াছে। সীতারামের পিতা
ভূষণা অঞ্চলের সাঁজোয়াল ছিলেন। সীতারাম দিল্লী হইতে আবাদী
সনন্দ পাইয়াছিলেন। বঙ্গের বারজন ডাকাঠিতকে সীতারাম দমন
করিয়াছিলেন।

বারভূঁয়ার মধ্যে কাহারও কাহারও জমিদারী সীতারাম জয় করিয়া
লইয়াছিলেন। সীতারাম অনেক দীঘী পুষ্করিণী খনন করাইয়াছিলেন।
তিনি দুই একস্থানে ভূগর্ভে গুপ্তধন পাইলেও পাইতে পারেন। তাঁহার
মাতামহগৃহে ডাকাঠিত পড়িয়াছিল। সীতারামের রাজা হইবার পূর্বে
তাঁহার পিতার মৃত্যু হয়। কৃষ্ণবল্লভ গোস্বামী সীতারামের মন্ত্রদাতা
নূতন গুরু হইয়াছিলেন। মহম্মদআলী ফকির সীতারামের নিতাস্ত
শুভাকাঙ্ক্ষী ছিলেন। পরম যত্নসহকারে সীতারাম মহম্মদপুরে ইষ্টকালয়
নির্মাণপূর্বক লক্ষ্মীনারায়ণবিগ্রহ স্থাপন করিয়াছিলেন, এই সকল সত্য
ঘটনা কল্পনার সহিত মিশ্রিত হইয়া উল্লিখিত কিম্বদন্তী সকল এতদ্দেশে
প্রচলিত হইয়াছে।

সীতারাম দিল্লী হইতে আবাদী সনন্দ 'আনিয়া সীর বেলদার
দৈর্ঘ্যসংখ্যা ষাট্টিশ সহস্র পর্য্যন্ত বৃদ্ধি করিয়াছিলেন। ইহার সময়

সময়ে পুষ্করিণী খনন প্রভৃতি কার্য্যও করিত। যুদ্ধ বাধিলে ইহারা পদা-
তিক সৈন্তের কার্য্যে নিযুক্ত থাকিত। ইহারা ঢাল, মড়কি, অসি, ধনুর্কাণ
ও গুলাল বাঁশ লইয়া যুদ্ধ করিতে পারিত। পূর্বে যে দ্বাদশ জন দস্যু
নিবারণের কথা লিখিত হইয়াছে, সেই কার্য্যেও এই সকল সৈন্তগণ
বিশেষ সহায়তা করিয়াছিল। সীতারাম প্রথম প্রথম বেতনভোগী
বেলদার সৈন্ত রাখিতেন। যৎকালে সীতারামের শাসনাধীনে বিস্তীর্ণ
জমিদারী আসিল, তখন তিনি আর বেতনভোগী বেলদার রাখিতেন না।
অধিকাংশ বেলদার নমঃশূদ্রজাতীয় ছিল। এই সকল নমঃশূদ্রগণ সকলেই
সীতারামের জমিদারী মধ্যে ভিন্ন ভিন্ন স্থানে বসবাস করিত। সীতারাম
তাহাদিগকে কৃষিকার্য্যোপযোগী লাঙ্গল ও গরু ক্রয় করিয়া দিয়া চাকরাণ
ভূমিদান করেন। পূর্কের যে বেলদারকে ভ্রাতৃবিহীন অর্থাৎ একাকী
দেখা গেল, সে কর দিয়া ভূমি লইয়া কেবল কৃষিকার্য্যই করিতে লাগিল।
যে সকল বেলদারের একাধিক ভ্রাতা ছিল, তাহারা বেলদারী ও কৃষকের
কার্য্য করিতে লাগিল। কোনও বেলদারকে উপর্যুপরি তিন মাসের
অধিক বেলদারী করিতে হইত না। যে সকল বেলদারেরা দুই ভ্রাতা
ছিল, তাহাদিগকে বৎসরে তিনমাস; যাহারা তিন ভ্রাতা তাহা-
দিগকে বৎসরে পাঁচ মাস এবং যাহারা চারি ভ্রাতা, তাহা-
দিগকে বৎসরে ছয় মাস বেলদারী করিতে হইত। অর্থাৎ প্রত্যেক
ভ্রাতার বৎসরে ১৥ দেড়মাস কার্য্য করিতে হইত। প্রত্যেক বেলদার
তাহার তিন মাসের কার্য্যের অন্ত ২৪ চক্রিশ ইঞ্চি হাতের ৮১ একাশী
হাতে যে বিঘা হয়, তাহার ৬/ ছয় বিঘা জমি নিষ্কর পাইত। এতদ্বাতিত
তাহারা সীতারামের ব্যয়ে খোরাকী পাইত। তিন মাস অন্তর বাটী

সাইবার সময় প্রত্যেক বেলাদারকে একখানা করিয়া মৃতন বস্ত্র ও শীতকালে তাহাদের প্রত্যেককে দুইখানি করিয়া কম্বল দিবার ব্যবস্থা ছিল। অমাবস্তা ও পূর্ণিমার দিনে বর্তমান সময়ের রবিবারের ছুটির স্থায় বেলাদারগণ ছুটি পাইত। প্রত্যেক পর্বের দিনে তাহাদিগকে এক বেলায় অধিক কার্য করিতে হইত না।^৩

সীতারাম তাঁহার জমিদারীর জলশূন্য স্থানসমূহে দীর্ঘী পুষ্করিণী খনন করাইতেন। নূতন রাস্তা ঘাট প্রস্তুত করাইতেন। যে সকল স্থানে গোলা, গঞ্জ, বাজার বা বন্দর না থাকিত, তিনি তথায় গোলা, গঞ্জ ও বাজার বসাইতেন। কোন স্থানে দেবালয় না থাকিলে অধিবাসিগণ বৈষ্ণব হইলে, রাখাক্ষের কোন মূর্তি, শাক্ত হইলে শক্তিমূর্তি, ও মুসলমান হইলে মসজিদ বা মসজিদ স্থাপন করিতেন। ব্যাঘ্র, বরাহ প্রভৃতি হিংস্র জন্তুপূর্ণ বন থাকিলে, তাহাদিগকে বধ করিয়া বন পরিষ্কার করিয়া দিতেন। পর্ভুগীজ, মঘ বা আসামীগণের আক্রমণের ভয় থাকিলে তাহা নিবারণের স্বন্দোবস্ত করিতেন। এইরূপে সীতারাম প্রজার সকল অভাব দূর করিতেন। কৃষি, শিল্প ও বাণিজ্যের সুবিধা করিয়া দিতেন। কোন গ্রামে নাপিত, ধোপা, কন্দকার, কুস্তকার, স্বর্ণকার প্রভৃতির অভাব থাকিলে, তাহা ভিন্ন গ্রাম হইতে আনাইয়া বসবাস করাইতেন।

সীতারাম আবওয়াব বা উচ্চহারে কর আদায়ের চেষ্টা করিতেন না। প্রজার অবস্থা বুঝিয়া প্রজাগণকে বিপদাপদে কর হইতে নিষ্কৃতি দিতেন। তিনি তাহাদিগের পুত্রকন্টার বিবাহ, অন্নাশন, উপনয়ন ও পিতৃমাতৃশ্রাদ্ধে প্রয়োজন মত সাহায্য করিতেন।^৪ প্রজাগণের ইচ্ছানুসারে তিনি কর নগদ টাকায় বা শস্ত্র দ্বারা আদায় করিতেন। হুর্ভিকাদির

আশঙ্কায় বহু স্থানে তাঁহার সর্ব প্রকার শস্ত সঞ্চিত থাকিত । তিনি স্বয়ং তাঁহার জমিদারীর সর্বত্র পর্যটনপূর্বক প্রকৃতিপুঞ্জের অবস্থা পর্যবেক্ষণ করিয়া বেড়াইতেন । নানা স্থানে তাঁহার প্রজাগণ তাঁহাকে ভাল-বাসিত, শ্রদ্ধা করিত এবং অল্প জমিদারের জমিদারীর মধ্যে কুটুম্বাদির গৃহে গমন করিলে তাঁহার অশেষ প্রশংসা করিত । তিনি তাঁহার প্রজাগণের মধ্যে গুণী, জ্ঞানী এবং শিল্পী প্রভৃতি দেখিলে তাঁহাদিগকে যথেষ্ট পুরস্কার দিয়া উৎসাহিত করিতেন ।

সীতারামের প্রকৃতিপুঞ্জের সুখ, শান্তি ও সমৃদ্ধি দেখিয়া অল্প জমিদার-গণের প্রজাপুঞ্জ সীতারামের প্রজা হইতে ইচ্ছা করিত । তাহাদিগের জমিদার অত্যাচারী অথবা উৎপীড়নকারী হইলে তাহারা আসিয়া সীতারাম, মেনাহাতী ও কৰ্মচারিগণের নিকট তাহাদের দুঃখ জানাইত । কোন কোন জমিদারের প্রজাগণ অত্যধিক উৎপীড়িত হইলে সীতারামের কৰ্মচারিগণের সহিত ষড়্‌ষষ্ঠ করিবারও প্রয়াস পাইত । স্থল কথা, সীতারামের জমিদারীর চতুর্দিকে অত্যাচার, উৎপীড়ন, অবিচার, অন্তায়-পূর্বক রাজস্ব আদায় এবং অন্তের আক্রমণ প্রভৃতির অনল ধূ ধূ করিয়া জ্বলিতেছিল । সেই সকল প্রজাপুঞ্জ সীতারামকে শাস্তির নিম্ন সলিলের উৎপত্তিস্থানস্বরূপ পর্বতরাজ হিমালয় বোধে তাঁহার শরণা-পন্ন হইতে অভিলাষী হইত । বুদ্ধিমান প্রজামাত্রই সগরবংশীর ভগীরথের ন্যায় শাস্তির গঙ্গার ধারা লইবার জন্য উদ্যোগ হইয়া সীতা-রামের তপস্তা করিত । কাল সহকারে তাহাদের তপস্তার ফল ফলিল । সীতারামের সুনিয়ম ও সুপালন স্থানে তাঁহার জমিদারীবৃদ্ধির সুন্দর পট্টা সহজেই আবিষ্কৃত হইয়া পড়িল । বলে অর্জিত অপেক্ষা স্থানে

অর্জিত রাজ্যের ভিত্তি দৃঢ় হয়। ভয়ের বন্ধন অপেক্ষা ভক্তির বন্ধন বড় কঠিন। অশেষ গুণে সীতারাম চতুর্দিক্ হইতে ভক্তির আন্তরিক পুষ্পাঞ্জলি লাভ করিতে লাগিলেন।

অষ্টম পরিচ্ছেদ

— 0 —

সীতারামের রাজ্যবিস্তার, পরিমাণ, রাজস্ব ইত্যাদি

যৎকালে সীতারাম অকাতরে নির্ভয়ে কঠোর পরিশ্রম করিয়া দীর্ঘকালে নিম্নবঙ্গের পাপ স্বরূপ দ্বাদশ দস্যুর পৈশাচিক অত্যাচারনিবারণ করিয়া নবাব সকাশে ও দেশে অতুলনীয় যশোলাভ করিলেন ;—তাঁহার নিজের জমিদারীর সর্বত্র তাঁহার প্রকৃতিপুঞ্জের অভাব ও অসুবিধা দূর করিয়া তাহাদিগের সুখসমৃদ্ধি ও শিক্ষার সুব্যবস্থা করিলেন,— তাঁহার প্রজাপুঞ্জ সুনিয়মে সুশাসনে থাকিয়া বংশে, বংশে ও ধনৈশ্বর্যে বর্দ্ধিত হইতে লাগিল,—তাঁহার জমিদারীর মধ্যে শান্তির সুরতি, সুবিমল মলয়ানিল প্রবাহিত হইয়া প্রকৃতিপুঞ্জের প্রফুল্লতার চিহ্ন পরিমল্কিত হইতে লাগিল। তখন পার্শ্ববর্তী জমিদারগণের উৎপীড়নে শত্রুর আক্রমণে উৎকণ্ঠিত হৃতসর্বস্ব বিবাদকালিমা-কলঙ্কিত নিরাশ-হৃদয় সংস্কৃত শ্রীহীন প্রজাগণ সীতারামের প্রতি ঘন ঘন সতৃষ্ণদৃষ্টি নিক্ষেপ করিতে লাগিল। তাহাদিগের প্রতিবেশীর দিন দিন উন্নতি-শীল অবস্থা ও তাহাদিগের দুর্বস্থা তুলনা করিয়া তাহাদিগের বিষাদ-গাঢ় হইতে গাঢ়তর হইতে লাগিল। তাহাদিগের নৈশ সভায় সীতারামের গুণগ্রাম পর্য্যালোচিত ও কীর্তিত হইতে লাগিল। ননীতীরে বা পুষ্করিণীর স্নান ঘাটে, চেকিশালার, বিবাহভবনে, অপরাহ্নিক শিলাস্তুপানের

অধিবেশনগৃহে, নারীসভার সীতারামের প্রজাপুঞ্জের সুখসমৃদ্ধি বর্ণিত হইতে লাগিল। কৃষিক্ষেত্রে কৃষকদল উচ্চরবে সীতারামের কীর্তি-সঙ্গীত উন্মুক্ত বায়ুতে বিমিশ্রিত করিতে লাগিল। পল্লীস্থ বালকদল করতালি দিয়া সীতারামের কীর্তিগাথা গাইতে লাগিল। বৈরাগিগণ বৈষ্ণবী সঙ্গে সীতারাম সম্বন্ধে নূতন নূতন সঙ্গীত প্রণয়ন করিয়া ও তাহা গাইয়া অধিক ভিক্ষা লাভ করিতে লাগিল।

ফকিরদল সীতারামের প্রশংসাসূচক নূতন নূতন ছড়া প্রস্তুত করিয়া উপার্জনের পথ পরিকৃত করিতে লাগিল। প্রজাগণ দলে দলে সীতারামকে ভূস্বামিধরুপে পাইবার জন্তু কল্পনা করিতে লাগিল। কোথায় বা কল্পনা সহপায়ে উঠিতে লাগিল এবং কোথাও কল্পনা বড়বন্ধে অবতরণ করিতে লাগিল। চতুর্দিক হইতে সীতারামকে জমিদাররূপে গ্রহণ করিবার আশ্র-নের সুসংবাদ আসিতে লাগিল। ক্রমে ক্রমে দলে দলে প্রজাগণও সীতা-রামের করুণ কটাক্ষের প্রতীক্ষা করিতে লাগিল। পরিশেষে তাহারা জিদ করিয়া সীতারামকে ভূস্বামিধে বরণ করিল এবং সঙ্গে সঙ্গে তাহাদের হুঃখের কাহিনী বর্ণন করিয়া সীতারামের করুণ হৃদয় দ্রবীভূত করিয়া ফেলিল।

সর্বপ্রথমেই ভূষণার যুকুন্দরায়ের ছয়পুঞ্জের বংশধরগণের জমিদারীর প্রতি সীতারামকে হস্তক্ষেপ করিতে হইল। যুকুন্দরায়ের ছয়পুঞ্জের বংশ-ধরগণের মধ্যে সর্বদাই বিবাদ হইত। প্রজাগণ এক শরীকের বাধা হইলে অপর শরীক তাহাদিগকে নির্যাতন করিত। শরীকদিগের মধ্যেও হুর্কল প্রবল উভয়ই ছিল। সে সময়ে আইন আদালতের আশ্রয় লওয়া হইত না। নবাব ও কোর্জদারের সহায়তা প্রবলপক্ষই পাইতেন। যুকুন্দরায়ের উত্তর-পুরুষের হুর্কল পক্ষ শরীকগণ সীতারামের সহায়তা

প্রার্থনা করিলেন। সীতারাম দুর্বলপক্ষের সহায়তা করিলে প্রবল পক্ষের সহিত ভুল বিবাদ বাধিল। প্রবল পক্ষের লোকেরা কেহ পলায়ন করিয়া স্থানান্তরে চলিয়া গেলেন। কেহ সীতারামের অধীনতা স্বীকার করিয়া মহম্মদপুরে থাকিয়া গেলেন। কেহ বা ভূষণার কোজদারের নিকটে যাইয়া পদাতিক ঢালী সৈন্তের পদ ও সেনাপতিত্ব গ্রহণ করিলেন। ইহাদের নিকট হইতে সীতারাম পোকতানি, রোকণ-পুর, রূপাপাত এবং রণুলপুর পরগণা প্রাপ্ত হইলেন। তিনি উক্ত বংশীয় পরমানন্দ নামক এক ব্যক্তির নিকট হইতে মফিমপুর পরগণা লাভ করেন। পরমানন্দের বংশধরগণ এক্ষণে যশোহর জেলার অন্তঃপাতী নড়াল মহকুমার অধীন ইতনা গ্রামে বাস করিতেছেন। দৌলত খাঁ পাঠানের নশিব ও নসরৎ নামে দুই পুত্র ছিল। তিনি মৃত্যুকালে তাঁহার জমিদারীর অর্ধেক নশিবকে নসীবসাহী পরগণা নাম দিয়া ও অপরার্দ্ধ নসরৎকে নসরৎসাহী পরগণা নাম দিয়া প্রদান করেন। এই দুই পরগণা পরে নশিব ও নসরতের উত্তরাধিকারীর মধ্যে নশিব সাহী ও বেলগাছি এবং নসরৎ সাহী ও মহিমসাহী পরগণার বিভক্ত হয়। দৌলতের উত্তরাধিকারীগণের মধ্যেও বহু শরীক হইয়া তাঁহারা গৃহবিবাদে প্রবৃত্ত হন। গৃহবিবাদসূত্রে উক্ত চারি পরগণাও সীতারামের কস্তগত হয়। সাহা উজিরাল পরগণা সমাদার উপাধিকারী এক ব্রাহ্মণের দখলে ছিল। জনার্দন সমাদারের মৃত্যু হইলে তদীয় পত্নীর সহিত জ্ঞাতি-ভ্রাতা ভগবানের বিবাদ বাধে। এই বিবাদসূত্রে বিধবার আস্থানে সাহা উজিরাল পরগণা সীতারামের শাসনাধীনে আইসে। জনার্দনের অধীনস্থ মিঠাপুকুর ও লান-পুকুর নামে দুইটা

শুকরিণী এখন আমতৈল গ্রামে রহিয়াছে। তেলিহাটী পরগণা এক নাবালকের সম্পত্তি ছিল। মগ ও পর্তুগীজ আক্রমণে উৎপীড়িত হইয়া প্রজাগণ সীতারামের সহায়তা গ্রহণ করে এবং তত্পলক্ষে এই পরগণা সীতারামের তত্ত্বাবধানে আইসে।

খড়েরা পরগণায় ব্যাঘ্র ও কুষ্ঠীরের ভয়ে অল্প লোকে বাস করিত। এই পরগণা পূর্বে ষশোহরের স্বাধীন রাজা প্রতাপ-আদিত্যের ছিল। তাঁহার নিকট হইতে তাঁহার কর্মচারী সম্ভ্রান্ত বৈষ্ণবংশীর রায়চৌধুরী উপাধিধারী জামকীবল্লভ নামক এক ব্যক্তি প্রাপ্ত হন। তাঁহাদের সময়ে এই পরগণার অবস্থা অতি শোচনীয় হইলে সীতারাম ইহার উন্নতি করেন ও বৈষ্ণবংশীয় রায় চৌধুরিগণ ও নলদার কায়স্থজাতীয় জমিদারগণ সীতারামের অধীনে এই পরগণার মালেক থাকেন। সে সময় গৃহনির্মাণের বাঁশ ও খড় এখানে জন্মিত না। সীতারাম এ স্থানে প্রজা পত্তন করিয়া মহম্মদপুর হইতে বাঁশ ও খড় যোগাইয়া ছিলেন। যাহারা খড় লইয়া গিয়াছিল, তাহাদিগকে লোকে খড়োরা বলিত। তদবধি তাহারা সীতারামকে বলিয়া পরগণার নাম খড়োরা রাখে। বর্তমান সময়ে স্থানীয় লোকে এই পরগণাকে খড়োড়িয়া বলে। খড়োরা পরগণা সীতারামের নিজের পত্তন। এই সময়ে এই পরগণার পূর্বনাম সুলতানপুর ছিল, পরিবর্তিত হইয়া খড়োরা হয়। খড়োরার অনেক দক্ষিণে চিকলিয়া পরগণায় দেবকীনন্দন বসু নামক একজন জমিদার ছিলেন। প্রজাপীড়ন দোষে সীতারাম তাঁহাকে রাজ্যচ্যুত করেন। দেবকীনন্দন স্বীয় জমিদারী পুনরায় বন্দোবস্ত করিয়া লইবার জন্য মহম্মদপুরে আসিলেন। তিনি মহম্মদপুরের নিকটবর্তী ধুলঝুড়ি গ্রামে থাকিয়া

যান। বর্তমান সময়ে তাঁহার উত্তর পুরুষগণ ধুলঝড়িতে বাস করিতেছেন। এই বংশে ইন্দুভূষণ, তারাপ্রসন্ন, হরলাল ও হরিচরণ বহু প্রভৃতি ব্যক্তি অত্মপি জীবিত আছেন। নলডাঙ্গার রাজবংশের মহম্মদসাহী পরগণার কিয়দংশ সীতারাম হস্তগত করিলে পর এই রাজবংশের সহিত সীতারামের সন্ধাব হয়। মহম্মদপুর পরগণার মধ্যে একাধিক সীতারামপুর গ্রাম আছে। অনেকে বলেন, নন্দাইলের শচীপতির স্বাধীনতা-অবলম্বন সীতারামের পরামর্শ-ক্রমেই হইয়াছিল। সমুদ্রতীরবর্তী রামপাল নামক স্থান সীতারাম জয় করিতে গেলে বশো-হরের চাঁচড়ার রাজা ভবেশ রায়ের বংশীয় মনোহর রায় সীতারামের স্তায় রাজ্যাধিকারে প্রবৃত্ত হইলেন। রাজা মনোহর রায় সীতারামের রাজধানী মহম্মদপুর আক্রমণ করিতে আসেন। এই মনোহর রায়ের সহিত কৃষ্ণনগরের রাজা রামচন্দ্রের বিবাদ হয়। রামচন্দ্র ইংরাজ বণিকের সহায়তা গ্রহণ করেন। সীতারামের অনুপস্থিতির সুযোগ অবলম্বনে মনোহর মহম্মদপুর নগর আক্রমণার্থ বুনার্গাঁতি পর্য্যন্ত আসিয়া ছাউনি করিলেন। সীতারামের দেওয়ান বহুনাথ মজুমদার বহু সৈন্য ও কালে খাঁ, কুম্ কুম্ খাঁ নামক দুইটি বড় কামান ও ৩০টি পুরাতন কামান লইয়া কুলে পর্য্যন্ত গমন করেন। তিনি ফটকী নদী হইতে চিত্রা নদী পর্য্যন্ত এক বৃহৎ খাল কাটাইয়া উত্তর সৈন্দের মধ্যে এক বৃহৎ পরঃপ্রণালী ব্যৱধান করেন। মনোহর যোগাড় যন্ত্র দেখিয়া স্বীয় রাজধানীতে প্রত্যা-বর্তন করেন। সীতারামের দেওয়ান বহুনাথের নামানুসারে এই খালের নাম বহুখালী রাখেন। বহুখালীর খাল ও বুনার্গাঁতির কেলাস মাঠ অত্মপি বিদ্যমান আছে। এই আক্রমণে মির্জা নগরের কোম্পানীর সৈন্য

উল্লা মনোহরের সাহায্য করিয়াছিলেন। কেহ কেহ বলেন, সীতারাম ২২ ও কাহারও মতে ৪৪টি পরগণার রাজা ছিলেন।

তাঁহার বিধিত পরগণার যে যে জমিদার তাঁহার অধীনতা স্বীকার করিয়াছিলেন, তাহাদিগকে তিনি নূ নূ জমিদারীতে করদরাজার স্বরূপ পুনঃসংস্থাপন করিয়াছিলেন। ভাস্কর বাগীশের কবিতার “গুণেন্দ্র রাজেন্দ্র ভূধি” শ্লোকাংশ হইতে তাহা প্রতিপন্ন হয়। আমরা সীতারামের অধিকার ভুক্ত ২৪ পরগণার নাম পাই নাই, কিন্তু তাঁহার অধিকারভুক্ত বাইশের অধিক পরগণার নাম পাইরাছি। সীতারামের অধিকারভুক্ত পরগণা-গুলির নাম এই :—

পরগণার নাম		যে জেলা বা মহকুমার মধ্যে
১ নলদী	...	যশোহর, নড়াল ও মাগুরা
২ সাঁতৈর	...	যশোহর ও ফরিদপুর
৩ মকিমপুর	...	ঐ
৪ তেলিহাটা	...	ফরিদপুর
৫ রতুলপুর	...	যশোহর ও নড়াল
৬ ইস্পাপপুর	...	খুলনা ও যশোহর
৭ সাহাউজিয়ার	...	যশোহর, মাগুরা ও ঝিনাইদহ
৮ এমদাদপুর	...	যশোহর ও ধনগ্রাম
৯ নসরৎসাহী	...	যশোহর, ফরিদপুর ও নদীয়া
১০ মশিবসাহী	...	ফরিদপুর ও নদীয়া
১১ মহিমসাহী	...	যশোহর ও ফরিদপুর
১২ বেলগাছি	...	ফরিদপুর

পরগণার নাম			যে জেলা বা মহকুমায় যথ্যে
১৩ খুলদি	ফরিদপুর
১৪ হাউলি	ঐ
১৫ হাকিমপুর	ঐ
১৬ ভপ-বিনোদপুর	ঐ
১৭ সাহপুর	ঐ
১৮ পোকতানি	ফরিদপুর ও খুলনা
১৯ রোকনপুর	ষশোহর ও ফরিদপুর
২০ খড়েরা	খুলনা
২১ চিকুলিয়া	খুলনা, বরিশাল
২২ আকুবানি	ফরিদপুর
২৩ রামপাল	বরিশাল ও খুলনা
২৪ জয়পুর	ষশোহর ও বনগ্রাম
২৫ মক্কাইগীর	নদীয়া
২৬ হিংলি	নদীয়া ও ষশোহর
২৭ ভড় ফতেজঙ্গপুর	ষশোহর, মাগুরা
২৮ ফতেয়াবাদ	বরিশাল
২৯ রূপাপাত	ফরিদপুর

এই সকল পরগণা ও যে যে পরগণার আমরা নাম পাই নাই, সর্বসমেত পরিমাণে ৭০'০০ বর্গমাইল হইবে। বর্তমান সময়ের ৩০'০০ জেলার পরিমাণের সমান।

নাটোরাধিপতি রঘুনন্দনের জমিদারীর বখন বৃটীশপতর্নশেষ্ঠ কর্তৃক

রাণী জবানীর আমলে রাজস্ব নির্ধারিত হয়, তখন তাঁহার জমিদারীর গভর্ণমেন্ট রাজস্ব ৫২৫৬০০০ হয়। সীতারামের সমস্ত জমিদারী রঘুনন্দন পান নাই। অর্ধেক পরিমাণে সীতারামের জমিদারী রঘুনন্দনের হস্তগত হইয়াছিল। সীতারামের অর্ধেক জমিদারী রঘুনন্দনের মোট জমিদারীর মধুবাবুর অনুমানানুযায়ী ১/৩ অংশ হইবে। সুতরাং সীতারামের অর্ধাংশ জমিদারীর গভর্ণমেন্টরাজস্ব প্রায় ৩৫০০০০০ টাকা; এ মতে সীতারামের মোট জমিদারীর গভর্ণমেন্টরাজস্ব ৭০০০০০০ টাকা। আমরা জমিদারের গভর্ণমেন্ট রাজস্ব মোট জমিদারীর আদায়ী টাকার ১/৩ অংশ দেখিতে পাই। অতএব সীতারামের মোট আদায় বৃটিশ গভর্ণমেন্টের আমলে হইলে এককোটি একুশ লক্ষ টাকা হইত। আমরা সীতারামের দেওয়ান বহুনাথ মজুমদারের বংশীয় ৬ত্বর্গাচরণ মজুমদারের মুখে শুনিয়াছি, সীতারামের রাজস্ব ৭৮ লক্ষ ছিল। ইহারই সঙ্গে বনকর ও জলকর ছয়লক্ষ টাকা আদায় হইত। সীতারামের জমিদারীর পরিমাণ বশোহর জেলায় ১৪০০ বর্গমাইল, ফরিদপুর জেলায় ১৪০০ বর্গমাইল, খুলনা জেলায় ১৬০০ বর্গমাইল, বরিশাল জেলায় ৩০০ বর্গমাইল, নদীয়া জেলায় ১১০০ বর্গমাইল ও পাবনা জেলায় ২০০ বর্গমাইল। সীতারামের জমিদারীর চারি সীমানা সমানভাবে করা যায় না। তাঁহার জমিদারীর উত্তরসীমায় পাবনা জেলার দক্ষিণাংশ ৩২ দক্ষিণসীমায় বঙ্গোপসাগর, পূর্বসীমায় অাঁড়িঝালখাঁ নদী ও বরিশাল জেলার কিয়দংশ, পশ্চিমসীমায় দক্ষিণাংশে বশোহর জেলার নগর বটে উত্তরাংশে মহম্মদসাহী পরগণা বাদে নদীয়া জেলার পূর্বাংশ।

বশোহর সীতারামের রাজ্য আক্রমণ করিতে আসিয়াছিলেন, এই

ক্রোধে সীতারাম ও মনোহরের রাজ্য আক্রমণ করিতে গমন করেন। বর্তমান সময়ে বশোহর জেলার পূর্বাংশে নীলগঞ্জপাড়ার নিকটস্থ ভৈরবনদের পূর্বতীরে সীতারাম সৈন্যসহ উপস্থিত হইলে মনোহর সীতারামের সহিত সন্ধি করেন এবং সন্ধিতে স্থিরীকৃত হয় যে, উভয়ে উভয়ের বিপদে সহায়তা করিবেন। ৩০ কথিত আছে, সীতারাম নদীয়ার রাজা রামচন্দ্র, নাটোরের রাজা রামজীবন, পুটীয়া তাহেরপুর ও দিনাজপুরের রাজার সহিত দূতের দ্বারা পরস্পর পরস্পরের প্রতি সহায়তা করার অঙ্গীকার পত্র আনাইয়াছিলেন। বিক্রমপুরের চাঁদ ও কেদার রায়ের ধ্বংসের পর তাঁহার রাজ্যে নবোত্তীর্ণ ছয় ঘর জমিদার ও চন্দ্রদ্বীপের রাজা রামচন্দ্রের উত্তরপুরুষগণ ও সীতারাম তাঁহাদের বিপদে সহায়তা দান করিবেন, এইরূপ পরস্পর অঙ্গীকার করিয়াছিলেন।

আমরা দেওয়ান যহ্নাখের বংশধর মৃত দুর্গাচরণ মজুমদারের মুখে শুনিয়াছি, সীতারামের রাজস্বের এক চতুর্থাংশ সঞ্চিত হইত ও তিন চতুর্থাংশ সীতারামের সৈনিক, সাংসারিক ও ধর্মকাৰ্য্যে ব্যয়িত হইত।



নবম পরিচ্ছেদ

—o—

সীতারামের কীর্তি

সৰ্বসংহারিণী শক্তিসম্পন্ন কালের বিশাল উদরে কত মহাত্মার কত লোকশিক্ষণীয়া কীর্তি লোপ পাইতেছে, তাহার সংখ্যা করা মানব শক্তির অতীত। কত নেনিতি, কত বেবিলন, কত কার্থেজ কালের বিশাল উদরে লীন হইয়াছে। কত গ্রীসীয়ান ও কত রোমান সাম্রাজ্য বিধ্বস্ত হইয়াছে। জগতের সপ্ত আশ্চর্য কাণ্ডের স্তায় কত আশ্চর্য কাণ্ড কাল উদরসাৎ করিয়া বসিয়া আছেন, তাহা ক্ষুদ্র মানব কি প্রকারে নিরূপণ করিবে? গত সহস্র বৎসরের মধ্যে ক্ষুদ্র, বৃহৎ, কত উদারচেতা সদাশয় রাজার লোকহিতকর কীর্তি করাল কাল চূর্ণবিচূর্ণ করিয়া ধূলিসাৎ বা ভীষণ অরণ্যে সমাচ্ছাদিত করিয়াছেন, তাহাও আমরা বলিতে পারি না। কিম্বদন্তী রূপ দীপিকার ক্ষীণালোক অবলম্বন করিয়া আমরা উদারচিত্ত কৰ্ম্মবীর মহাত্মা সীতারামের কীর্তিসমূহ এই অধ্যায়ে পর্য্যালোচনা করিব। পুণ্যশীল সীতারামের কীর্তি ত্রিবিধ—^১ লোক-হিতকর-কীর্তি, ^২ লোকশিক্ষাকর-কীর্তি ও ^৩ ধৰ্ম্ম-শিক্ষাকর-কীর্তি।

আমরা সীতারামের লোকহিতকরী কীর্তি আবার কয়েক ভাগে বিভক্ত করিতে পারি। (ক) বহিঃশত্রুনিবারণ, (খ) অস্তঃশত্রুপ্রশমন,

(গ) সাধাৰণেৰ অভাবমোচন, ও (ঘ) প্ৰকৃতিপুঞ্জকে একতাস্থে বন্ধন। আমাৰা পূৰ্বেই বলিয়াছি, সীতারামেৰ সময়ে নিম্নবদে আসামী, আৰাকানী (মগ) ও পৰ্তুগীজগণ পুনঃ পুনঃ দেশ আক্ৰমণ কৰিতে। পৈশাচিক অত্যাচাৰে অধিবাসিগণেৰ ছংকল্প উপস্থিত কৰিত। তাহাৰা ৰমণীকুলেৰ ধৰ্মে হস্তক্ষেপ কৰিত, গ্ৰাম অগ্নিসাং কৰিত, নৰহত্যা কৰিত ও গৃহস্থগণেৰ সৰ্বস্ব লুণ্ঠন কৰিত। এ দেশে আসামীগণেৰ নৌকাপথে আসিবাৰ প্ৰধান পথ চন্দনা নদী ছিল। এই চন্দনানদীতটে আধুনিক পাংশা ষ্টেশনেৰ নিকট নাৰায়ণপুৰে ও কামাৰখালিৰ নিকট গন্ধখালিতে ক্ষত্ৰিয় ও চন্দনাৰ ৰামতীৰে অনেক স্থানে পাঠান-সৈন্ত ৰাখিয়া সীতারাম আসামী আক্ৰমণ নিবাৰণ কৰিয়াছিলেন। অধুনা পাংশাৰ পূৰ্বপাৰে কালিকাপুৰ নামে ষে গ্ৰাম আছে, ঐ গ্ৰামে বাসাবাড়ী নামক একটা স্থান আছে। বৰ্ত্তমান সময়ে বাসা-বাড়ীতে কয়েক ঘৰ বাৰেস্ত্ৰ শ্ৰেণী ব্ৰাহ্মণেৰ বাস আছে। এই বাসা বাড়ীতে সীতারামেৰ সেনানায়ক ও সৈনিকগণ অবস্থিত কৰিয়া আসামিগণেৰ আক্ৰমণ নিবাৰণ কৰিতেন।

এইৰূপে দক্ষিণ দিক্ হইতে মগ আক্ৰমণ নিবাৰণেৰ নিমিত্ত সীতারাম দুৰ্দ্ধৰ পাঠান ও ক্ষত্ৰিয়দিগকে ৰাখিয়া দক্ষিণেৰ দিকে নবগঙ্গা-নদীতীৰে নহাটা ও সিংহডাৰ পত্তন কৰিয়াছিলেন। পৰ্তুগীজ অত্যাচাৰ নিবাৰণজন্য তিনি পূৰ্বদিকে বাঁদাৰীপুৰ মহকুমাৰ উত্তৰ সীমাৰ যুদ্ধনিপুণ বহু সংখ্যক পাঠান-সৈন্ত ৰাখিয়া দিয়া ছিলেন। এইৰূপে তাহাৰ ৰাজ্য উক্ত তিন জাতীয় আক্ৰমণকাৰী কাহাৰও আসিবাৰ অধিকাৰ ছিল না। আমাৰা এই তিন স্থানেৰ ক্ষত্ৰিয় ও পাঠান সৈনিক সংস্থাপনেৰ সংবাদ

পাইয়াছি। তিনি আর কত স্থানে এইরূপ সৈন্য রক্ষা করিয়াছিলেন, তাহা এক্ষণে নিরূপণ করা বিশেষ যত্নসাপেক্ষ।

অন্তঃশত্রু প্রশমন সম্বন্ধে আমরা পূর্বেই বলিয়াছি, সীতারাম দীর্ঘকাল পর্যন্ত কঠোর পরিশ্রম করিয়া দেশীয় ডাকাইতগণকে দমন করিয়াছিলেন। চৌর্য্য ও তাঁহার সময়ে নিবারিত হইয়াছিল। তিনি গ্রাম্য চৌকিদারগণের অন্নান, উপনয়ন, বিবাহ, শ্রাদ্ধ প্রভৃতি কার্য্য উপলক্ষে অতিরিক্ত পাওনার বন্দোবস্ত করিয়া তাহাদিগকে কার্য্যে অধিকতর মনোযোগী করিয়াছিলেন। তিনি ভুসুরদিগকে প্রথমে কঠোর দণ্ড দিয়া চৌর্য্য হইতে নিবৃত্ত করিবার চেষ্টা করিয়া অকৃতকার্য্য হওয়ায় শেষে তিনি তাহাদিগের সহিত সদয় ব্যবহার করিয়াছিলেন। তিনি চোরদিগকে নগদ টাকা ও নৌকা দিয়া নৌকাপথে বাণিজ্য করিতে পাঠাইতেন। কথিত আছে, কালু নামে একটি চোর আর পাঁচটি চোরের সহিত একখানি বৃহৎ নৌকার সর্বপ ক্রয়বিক্রয় করিত। একদা কালু কোন চোরের গ্রামের নিকট নৌকায় বসিয়া সবিধা বিক্রয় করিতেছিল। তাহাদের সর্বপ-বিক্রয়ের টাকা তাহারা থলিয়ায় করিয়া সর্বপের মধ্যে রাখিত। কালুর হাতে তহবিল থাকিত। কালু রাত্রে দুই তিন বার তহবিল দেখিত। একদিন রাত্রে কালু তহবিল দেখিতে গিয়া দেখিল, নৌকার উপর জলকর্দমের পদাঙ্ক সকল অঙ্কিত রহিয়াছে। সে সর্বপের মধ্যে তহবিলের টাকাও পাইল না। সে ভাবিল, গ্রাম হইতে কোন ভুসুর আসিয়া অর্থ অপহরণ করিয়াছে। সে যে পথে ভূগের উপর কম শিশির দেখিল, সেই পথেই গ্রামে প্রবেশ করিল। গ্রামের মধ্যে যে গৃহে আলোক দেখিল, সেই গৃহের পশ্চাতে দাঁড়াইল,

গৃহস্থ সুপ্ত হইলে সে গৃহে প্রবেশ করিয়া গৃহমধ্যে অনুসন্ধানে আর্জি বসন পাইল। সে তখন ক্ষিপ্রগতিতে গৃহ হইতে বহির্গত হইয়া জলাশয়ের অনুসন্ধান করিতে লাগিল। জলাশয় পাইয়া তাহার চতুর্দিক্ ভ্রমণ করত যে দিকে জলচিহ্ন দেখিল ও যে দিকে ভেক লক্ষ্য দিল না, সেই দিক্ দিয়া জলে অবতরণ করিল। জল অনুসন্ধান করিয়া কদম মধ্যে স্বীয় অর্ধ পাঠিয়া কালু প্রফুল্লমনে নৌকায় আসিয়া শয়ন করিয়া থাকিল। পরদিন তঙ্কর নৌকার প্রতি তৃষিত দৃষ্টি করিলে কালু বলিল, “যাহা ভাবিয়াছ তাহা নয়”। তঙ্কর গৃহে যাইয়া জলমধ্যে অনুসন্ধানে অর্ধ না পাইয়া প্রত্যাবর্তনপূর্বক নৌকায় কালুর পদতলে পড়িয়া শিষ্যত্ব স্বীকার করিল। এইরূপ মানা উপায়ে সীতারাম দেশীয় শত্রু প্রশমন করিয়াছিলেন।

প্রজাগণের অভাব দূরীকরণের নিমিত্ত লোকহিতকর ব্রতে চিন্তাশীল মহাত্মা সীতারাম কত পুষ্করিণী, কত রাস্তা, কত বাজার, কত বন্দর প্রতিষ্ঠা করিয়াছেন, তাহা নিরূপণ করা কঠিন। অনেকেই বলেন, চন্দনাতীরে নাথবপুর, রামদিয়া, বেলেকান্দি, জামালপুর, মধুখালি; ফটকীতীরে ভাবনহাটী; চিত্রাতীরে বুনাগাঁতী ও ধলগ্রাম; নবগঙ্গাতীরে বিনোদপুর, পলতীয়া, লক্ষ্মীপাশা, লোহাগড়া ও ভৈরবতীরে বসুন্দিয়া, ফুলতলা; নওরাপাড়া, দৌলভপুর, খুলনা ও বাগেরহাট; বংশখরতীরে বনগ্রাম, বারাসিয়াতীরে বোয়ালমারি ও সৈদপুর এবং কুমারতীরে চাঁদপুর, কানাইপুর, মান্দারীপুর প্রভৃতি বাজার ও বন্দর সীতারাম প্রতিষ্ঠা করিয়া যান। সীতারামের সময়ে রাস্তাকে জাঙ্গাল বলিত। বর্তমান সময়ে অনেক জাঙ্গাল রাস্তায় পরিণত হইয়াছে। সীতার জাঙ্গাল,

বঙ্গের জাঙ্গাল, রামের জাঙ্গাল প্রভৃতি অনেক জাঙ্গালের নাম উল্লিখিত। সম্ভবতঃ ঐ সকল জাঙ্গাল সীতারামের প্রস্তুত হইতে পারে। মজুমদারের জাঙ্গাল ও কাওয়ালিপাড়ার জাঙ্গাল বোধ হয় বহু মজুমদারের তত্ত্বাবধানে প্রস্তুত হইত। মজুমদারের জাঙ্গাল দৌলতপুর হইতে ডুমুরিয়া পর্য্যন্ত অবস্থিত এবং কাওয়ালিপাড়ার জাঙ্গাল বাগেরচাট হইতে বনগ্রাম হইয়া বরিশাল পর্য্যন্ত গিয়াছে।

লোকহিতকর কীর্তির মধ্যে জলকীর্তি সম্বন্ধে সীতারামের বহুল কিশ্বদস্তী আছে। তাহার প্রথম কিশ্বদস্তী এই যে, সীতারাম কোনও ব্রাহ্মণকে তাঁহার অভ্যূদয়ের কারণ জিজ্ঞাসা করায় তিনি গণনা করিয়া বলেন, সীতারাম পূর্বজন্মে পুণ্ডরীক (পুঁড়ুয়া) (তরকারী প্রস্তুতকারক) ছিলেন ও তিনি এক ব্রাহ্মণকে পিপাশায় তরমুজ খাইতে দিয়াছিলেন, এই কারণে তাঁহার অভ্যূদয়।^{৩৪} (২) সীতারাম তাঁহার গুরুদেবকে উন্নতির কারণ জিজ্ঞাসা করায় কৃষ্ণবল্লভ গোস্বামী একটা কুমারী আনাইয়া নখদর্পণ করিয়া গণনা করিয়া বলেন, পূর্বজন্মের জলদান তাঁহার উন্নতির মূল। (৩) ধন সীতারামকে ডাকিত, অথবা আকম্বল বলে ভূগর্ভে গুপ্তঅর্থ সীতারাম জানিতে পারিতেন। সেই টাকা উত্তোলন করার জন্য সীতারাম পুষ্করিণী কাটাইতেন। (৪) সীতারামের নিয়ম ছিল, তিনি প্রতিদিন নূতন পুষ্করিণীতে স্নান করিতেন, এই কারণে বাইশহাজার বেলদার সৈন্য সর্বদা তাঁহার সঙ্গে থাকিত। তিনি যেখানে বাইতেন, সেইখানেই নূতন পুষ্করিণী কাটাইয়া তাহাতে স্নান করিতেন। (৫) সীতারামের উন্নতির প্রথম সময়ে যখন সীতারাম রাজ্যবিস্তারের বিষয় চিন্তা করিতেছিলেন,

উখন তিনি একদিন রাতে স্বপ্ন দেখেন, এক বৃদ্ধা ব্রাহ্মণী সীতারামকে বলিতেছেন, যদি জলের মত রাজ্যব্যক্তি করিতে চাও, তবে জলকীর্তি কর।

এই সকল কিম্বদন্তীর মূলে কি আছে, আমরা জানি না, তবে এই মাত্র বলিতে পারি, তিনি বহুসংখ্যক পুষ্করিণী খনন করাইয়াছেন। পাবনা, যশোহর, খুলনা, ফরিদপুর, নদীয়া ও বরিশাল জেলার মধ্যে অনেক স্থানে সীতারামের পুষ্করিণী আছে। অর্থ এত সুলভ দ্রব্য নহে যে, ভূগর্ভের প্রত্যেক স্থানেই রাশি রাশি অর্থ পাওয়া যাইবে। ঈর্ষ্যাপরবশ ছুঁট লোকেরা চিরকালই উপকারী, শুণী লোকেদের গুণ স্বীকার না করিয়া তাহার কার্যের একটা অসৎ কারণ স্থির করিয়া থাকে। সীতারাম অসংখ্য জল-কীর্তি দ্বারা অসীম পুণ্যসঞ্চয় করিতে ছিলেন এবং সঙ্গে সঙ্গে তাঁহার অতুলনীয় যশ প্রকাশিত হইতেছিল; এই যশ লাঘব করিবার মানসে ঈর্ষ্যাপরবশ লোকেরা অর্থপ্রাপ্তির অপবাদ রটনা করিয়াছে।

উত্তরে পাবনা জেলার অন্তর্গত দোগাছী হইতে দক্ষিণে বরিশাল জেলার অন্তঃপাতী কালীপুর গ্রাম পর্য্যন্ত বহু গ্রামে আমরা সীতারামের খনন-করান পাঁচ শতের অধিক পুষ্করিণীর সংবাদ পাইয়াছি। মহম্মদপুরের নিকটবর্তী কয়েকটা জলাশয়ের বিবরণ আমরা কিছু বলিব।

সীতারামের আদিনিবাস হরিহরনগর গ্রামে ধনভাঙ্গার দোহা নামে যে জলাশয় আছে, তাহাই সীতারামের প্রথম জলকীর্তি বলিয়া কথিত হয়। এই জলাশয় সম্বন্ধে এক কিম্বদন্তী আমরা পূর্বেই উল্লেখ করিয়াছি, এক্ষণে সম্বন্ধে দ্বিতীয় কিম্বদন্তী এই যে, এক বৃদ্ধার এক

অলাবু-লতিকার নিম্নস্থ ভূগর্ভে প্রচুর অর্থ প্রাপ্তি ছিল। এই অলাবু-লতিকা সীতারাম ক্রয় করিয়া তান্নয় হইতে অর্থ উঠাইয়া লন। সেই অর্থ উত্তোলন করিতে যে পরিমাণে মৃত্তিকা খনন করা হইয়াছিল, তাহাতেই এই দোহার উৎপত্তি হব।

সীতারামের দ্বিতীয় কীর্তি মহম্মদপুরে রামসাগর নামক সুদীর্ঘ দীর্ঘিকা। এই দীর্ঘিকা ১৬৫৫ হাত দীর্ঘ ও ৬২৫ হাত প্রস্থ। এই দীর্ঘিকা

সম্বন্ধে অনেক আখ্যায়িকা প্রচলিত আছে। আখ্যায়িকাগুলি এই—

১। এক বৃদ্ধার সীতানামে এক কণ্ঠা ছিল। সীতা কালীগঙ্গা হইতে জল আনিতে যায়। পিপাসাকুলা বৃদ্ধা সীতা সীতা করিয়া ডাকিতেছিল। সীতারাম সেই সময়ে তথায় উপস্থিত ছিলেন। সীতারাম উত্তর করিলেন—“মা ডাকিতেছেন কেন ?

ইত্যবসরে বৃদ্ধার তনয়া জল লইয়া তথায় উপস্থিত হইল। বৃদ্ধা উত্তর করিল ;—শুধু জল দে, আমার বড় পিপাসা হইয়াছে, পোড়া রাজা কত পুকুর কাটে, কিন্তু আমার জলকষ্ট দূর হইল না ! সীতারাম বৃদ্ধার এই উক্তি শুনিয়া সেই রাত্রেই এই দীর্ঘ জলাশয় খনন করান।

২। ঐ বৃদ্ধের অলাবু তলার অর্থের অনুসন্ধান পাইয়া সীতারাম অলাবুলতা ক্রয় করেন এবং অর্থ উত্তোলনপূর্বক মেনাহাতী বা রামরূপ ঘোষের হস্তে দেন ; তৎকালে এখানে একটা জলাশয় খনন করা হয়। মেনাহাতী বা রামরূপের নাম অনুসারে এই দীর্ঘিকার নাম রাম-সাগর হইয়াছে।

৩। সীতারাম দীঘী কাটিতে অভিলাষী হইলে দীঘীর উত্তর তীর হইতে মেনাহাতীকে এক তীর ছাড়িতে বলেন। তীর প্রত্যুত্তরে গিয়া

পড়ে যে, ততদূর লইয়া দীঘী কাটিলে রায়পাশা বা নৈহাটী গ্রামের সীতারামের পুরোহিত ও অন্যান্য অনেক ব্রাহ্মণের ভদ্রাসনবাটী নষ্ট হয়। ব্রাহ্মণদিগের অনুরোধে সীতারাম শেষে দীর্ঘিকার আকার ক্ষুদ্রতর করেন। মেনাহাতীর নিষ্কিন্তু শরের দূরত্বের তিনভাগের একভাগ স্থানে দীর্ঘিকা খনন করা হয়।

৪। সীতারাম দীর্ঘিকা কাটিয়া চারি ধার বাঁধিয়া নানা দিগ্দেশের ব্রাহ্মণ পণ্ডিতগণকে আনাইয়া মহাসমারোহে দীর্ঘিকা প্রতিষ্ঠা করিতে উদ্যোগী হইলেন। সীতারাম পুষ্করিণী প্রতিষ্ঠা করিতে ব্রতী হইবেন, এমন সময়ে তাহার গুরু, পুরোহিত ও অপরাপর ব্রাহ্মণগণ জানিলেন যে, সীতারামের সেই সময়ে একটি পুত্র জন্মিল। যখন গুরু পুরোহিত সকলেই অশৌচের কথা শুনিলেন, তখন আর প্রতিষ্ঠা কার্য্য করা শাস্তবিরুদ্ধ। এক ব্রাহ্মণ মলিনমুখে সীতারামকে পুত্রের জন্মসংবাদ জানাইলেন। সীতারাম ব্রাহ্মণকে পারিতোষিক দিয়া ক্ষুণ্ণ মনে বলিলেন যে, এই পুত্র হইতে সমারোহের কার্য্যে বিঘ্ন হইল, ইহার অদৃষ্ট বড় মন্দ। এই পুত্র হইতে আমার রাজ্য লোপ হইবে। সীতারামের এই পুত্রের নাম শ্যামসুন্দর রায়। ব্রাহ্মণভোজনাদি ক্রিয়া সূচারূপে সম্পন্ন হইল, কিন্তু পুষ্করিণী প্রতিষ্ঠা হইল না। রামসাগর যে প্রতিষ্ঠা হইয়াছে, তাহা আমরা পরে যুক্তি দ্বারা প্রমাণ করিতেছি।

রামসাগর এমন দীর্ঘ দীর্ঘিকা যে, তাহার উত্তর তীরে দাঁড়াইয়া তাহার প্রতি দৃষ্টিপাত করিলে ভয়ের সঞ্চার হয়। এক্ষণে আর রামসাগরের একটি ঘটও বাঁধা নাট। এখনও চৈত্র বৈশাখ মাসে রামসাগরে ১২।১৪ হাত গভীর জল থাকে। কেহ কেহ বলেন, রাম-

সাগরের উত্তরপশ্চিম কোণে একটি স্থানে জল বিশ হাতেরও অধিক গভীর। রামসাগরের জল অত্যাধিক উত্তম পরিষ্কার আছে। ইহাতে পান্য শেওলায় লেশমাত্র নাই। কেহ কেহ বলেন, সীতারাম একটি বৃহৎ তালগাছের মধ্য খুঁদিয়া তাহা পারদপূর্ণ করত এই দীর্ঘিকায় ডুবাইয়া দেওয়ান। সেই জন্তু ইহার জল এত ভাল থাকে। এখনও সহস্র সহস্র লোকে ইহার জল ব্যবহার করে। ষড়্ভাভাবে এক্ষণে এই দীর্ঘিকায় বহু গো, মহিষাদি পশুর স্নানে ও মলমূত্র পরিত্যাগে জল খারাপ হইতেছে। প্রতি বৎসর দশহরার দিনে এখানে বহুসংখ্যক লোক সমাগত হয়। রামসাগরতীরে গঙ্গাপূজা হয় এবং বহুসংখ্যক লোক এই দীর্ঘিকায় চিনি, লবণ ও ডাব নারিকেল নিক্ষেপ করে। রামসাগরে মংস্র-ধরার জন্তু প্রতি বৎসর জেলেগণ ৩৫০ হইতে ৫০০ টাকা জলকর দিয়া থাকে।

সীতারাম কায়স্থ ছিলেন, তিনি পুষ্করিণী প্রতিষ্ঠার কোন কার্য স্বহস্তে করিতে পারিতেন না। পুরোহিত ষাঙ্কিকদিগকে কার্যে বরণ করামাত্র তাঁহার কর্ম। এই কার্য করা রাজ্যীর প্রসববেদনা উপস্থিত হওয়ার পরেও হইতে পারে। হয় ত তিনি গুরু, পুরোহিত, ঠাকুর-বাড়ীর বিগ্রহ প্রভৃতি যাহার তাহার নামে দীর্ঘী প্রতিষ্ঠা করিতে পারিতেন। যখন বহুসংখ্যক পণ্ডিত সমাগত হইয়াছিলেন, তখন প্রতিষ্ঠা সম্বন্ধে কোন না কোন ব্যবস্থা হইয়াছিল। তৃতীয়তঃ—এই রামসাগরের জল যখন বহু ব্রাহ্মণ পণ্ডিত স্নানতর্পণে ব্যবহার করেন এবং ইহার জল সাধারণ লোকে দশহরার দিনে গঙ্গাজল স্বরূপে ব্যবহার করে, তখন এই দীর্ঘিকা প্রতিষ্ঠা না হইলে ইহার জলের এত মাহাত্ম্য

হইত না। সীতারামের শক্রপক্ষগণ এইরূপ একটা সাধু ও মহতী কীর্তিতে কলঙ্কারোপ করিবার জন্য ঐরূপ মিথ্যা কিম্বদন্তী রটনা করিয়াছিল। রামসাগরের স্ত্রীর দীর্ঘ জলাশয় যশোহর জেলার আর নাই এবং বঙ্গদেশেও অধিক আছে কি না সন্দেহ। মহম্মদপুরের কাহার কাহার গৃহে রামসাগরের উৎপত্তি সম্বন্ধে একটা কবিতা ছিল। সে কবিতা গৃহদাহে নষ্ট হইয়াছে! এই দীর্ঘিকা ঠগনাহাতী বা রামরূপ ঘোষের ঠেঁছানুসারে কর্তন ও প্রতিষ্ঠা করিয়াছিলেন। কবিতার যে অংশ আমরা লোকমুখে পাইয়াছি তাহা এই :—

রামরূপ-ইচ্ছা করে' করে জলাশয়।
রাজার নিকটে গিয়া সবিনয়ে কয় ॥
যতদূর যাবে মোর ধনুকের শর।
ততদূর লয়ে কাট দীর্ঘিকা সুন্দর ॥
দীর্ঘিকার চারি ধারে এনে দ্বিজগণ।
বাড়ী ঘর ভূমি দিয়া করহ স্থাপন ॥

সুখসাগর সীতারামের অপর কীর্তি। ইহা একটা বৃত্তাকার পুকুরিনী ছিল। ব্যাস ৬৬৪ হাত ও পরিধি প্রায় ২০০০ হাত। হহার মধ্যে চতুষ্কোণ ভূখণ্ডে রাজার গ্রামবাস ছিল। এক্ষণে গ্রামবাসের ভগ্নাবশেষ জলাবৃত্ত হইয়াছে এবং হহার জলও এক্ষণে অব্যবহার্য্য হইয়া পড়িয়াছে।

সীতারামের বাড়ীর অর্থাৎ দুর্গের মধ্যে অনেকগুলি পুকুরিনী ছিল। তন্মধ্যে পদ্মপুকুর, চূণাপুকুর, রাজকোষপুকুর ও অস্তঃপুর-পুকুর এখনও বর্তমান আছে। রাজকোষপুকুর তলদেশ হইতে চারিদিক ইষ্টক দ্বারা বাঁধান ছিল। এই পুকুরিনীতে সীতারাম গোপনে ধনরাশি

রাখিতেন। এই পুষ্করিণীর ধন পাইবার লোভে নড়াইলের জমিদার বাবু কালীশঙ্কর রায় নাটোরের দেওয়ান থাকিবার কালে দুই তিন বার জল সেচাইবার চেষ্টা করিয়াছিলেন। কিন্তু ইহার সুগভীর জল সেচিয়া কন্ডাইতে পারেন নাই^{৩৫} এবং কোন ধনও পান নাই। অত্যাপি এই পুষ্করিণীতে মধ্যে মধ্যে ধন পাঠবার সংবাদ পাওয়া যায়। কথিত আছে—সীতারামের পুত্র সুরনারায়ণ কি শ্যামসুন্দর পিতার পতনের পর অভাবে পড়িয়া এই পুষ্করিণী হইতে কিছু অর্থ লইতে অভিলাষী হন। তিনি দেবতাদিগের অর্চনা করিয়া স্বপ্ন দেখিলেন যে, এই পুষ্করিণীতে যে দ্রব্য তিনি প্রথম স্পর্শ করিবেন তাহাই তাঁহার প্রাপ্য। অতঃপর এক পিতলের জালাপূর্ণ স্বর্ণমুদ্রা ও একখানি স্বর্ণের বাসন তাহার সম্মুখে আসিল। দুর্ভাগ্যক্রমে তিনি স্বর্ণ বাসনখানি স্পর্শ করায় তাহাই তাঁহার প্রাপ্য হইল। ১২৪৮ সালে (১৮৪১ খৃঃ) নলদীর নায়েবের পাচক রামকৃষ্ণ চক্রবর্তী এক বাক্স স্বর্ণমুদ্রা পায়। তাহার প্রত্যেক মুদ্রা ২০ টাকা মূল্যে বিক্রয় হইয়াছিল। ১৮৬১ খৃষ্টাব্দে একটা তেলিঙ্গাভাষী বালক একঘটা টাকা পাইয়াছিল। দীননাথ মুন্সী নামক একব্যক্তি একদিন এক বহুগুণা স্বর্ণমুদ্রা পাইয়াছিলেন। সেই মুদ্রাগুলির আকার তেঁতুলের বীজের স্থায় ছিল। গত বৎসর সীতারাম উৎসব উপলক্ষে বধন এক মুচীকে দুর্গের মধ্যে বন জঙ্গল কাটিতে দেওয়া হয়, তখন সে একাকী অনেক সময় কাৰ্য্য করিত। শুনা যায়, ঐ মুচী একটা ভগ্ন খোচীরের মধ্যে ১ ঘটা টাকা পাইয়াছে। চুণাপুকুর সীতারামের চুণ প্রস্তুত করিবার গর্তের উপর প্রস্তুত হয়। পদ্মিনী নামী সীতারামের পিতামহীর স্বর্ণকামনার পদ্মপুকুর খনিত ও প্রতিষ্ঠিত হইয়াছিল।

হবেকৃষ্ণপুরের কৃষ্ণসাগরও বেশ বড় পুষ্করিণী। এই পুষ্করিণী ৮৭৫ হাত দীর্ঘ ও ৩৫৫ হাত প্রস্থ। ইহার জল অত্যাধিক বহুসংখ্যক লোকে ব্যবহার করিয়া থাকে ও ইহার জলে স্নান করে। কৃষ্ণসাগরের জলকরেও বার্ষিক ৩৫০ টাকা হইতে ৩০০ শত টাকা আদায় হইয়া থাকে। সীতারামের আয়ত-ক্ষেত্রাকার দুর্গের অত্র তিনদিকের গড়ের চিহ্নমাত্র আছে। দক্ষিণ দিকের গড় স্পষ্টরূপে বিদ্যমান রহিয়াছে। এই গড় কিঞ্চিদধিক ১ মাইল দীর্ঘ ও ২০০ হাত প্রস্থ। কথিত আছে, এই গড় স্বনামখ্যাতা রাণী ভবানীকর্তৃক একবার সংস্কৃত হইয়াছিল। এই গড়েও অপৰ্য্যাপ্ত মৎস্য থাকে এবং ইহার জলকরেও বৎসরভেদে ৪০০ টাকা হইতে ৬০০ টাকা পর্য্যন্ত হইয়া থাকে।

সীতারামের ৪র্থ লোকহিতকর কার্য্য বিবিধজাতীয় প্রকৃতিপুঞ্জের মধ্যে শান্তি ও একতাস্থাপন। তাঁহার সময়েই প্রাতি গ্রামে নিরীহ ব্রাহ্মণ, কায়স্থ প্রভৃতি উচ্চশ্রেণীর হিন্দুগণ, চণ্ডাল, বিন্দী প্রভৃতি নিম্নশ্রেণীর হিন্দুগণ ও দুর্দ্ধর্ষ পাঠানগণ একমত হইয়া বাস করিতে শিক্ষা করেন। সীতারাম তাঁহার পাঠান সেনাপতিগণকে ভাই বলিতেন এবং তাঁহার প্রকৃতিপুঞ্জের মধ্যেও হিন্দু মুসলমানে মিত্রভাব স্থাপন করিয়াছিলেন। সেই সময়ে মুসলমান ফকিরগণ ভিক্ষাকালে নিম্নলিখিত কবিতা বলিয়া ভিক্ষা করিয়া বেড়াইত—

শুন সবে ভক্তি ভাবে করি নিবেদন।

দেশ গায়েতে যা হটল শুন দিগা মন ॥

রাজাদেশে হিন্দু বলে মুসলমানে ভাই।

কাজে লড়াই কাটা কাটির নাহিক বালাই ॥

হিন্দুর বাড়ীর পিঠে কাশন মুসলমানে খায় ।
 মুসলমানের নস্ পাটালী হিন্দুর বাড়ী যায় ॥
 রাজা বলে আলা হরি নহে ছই জন ।
 ভজন পূজন যেমন ইচ্ছা করুক পেতে মন ॥
 মিলেমিলে থাকা স্মৃথ তাতে বাড়ে বল ।
 ডরেতে পলায় মগ ফিরিঙ্গিরা খল ॥
 চূলে ধরি নাড়ী লয়ে চড়তে নারে নায় ।
 সীতারাজার নাম শুনিরে পলাইয়া যায় ॥

সীতারাম সত্য সত্যই দেশের শক্তি সঞ্চয় করিতে কৃতসঙ্কল্প
 হইয়াছিলেন। তিনি হিন্দু মুসলমানের একতায়, নিম্ন শ্রেণী ও উচ্চ
 শ্রেণীর হিন্দুর মিলনে দেশে যে কিরূপ বলসঞ্চয় হয়, দেশবৈরী কিরূপে
 প্রশমিত হয়; মগ, পর্তুগীজ ও আসামী কিরূপে ভয়ে দস্থ্যতা হইতে
 নিবৃত্ত হয়, তিনি তাহা আশাদিগের নয়নে অঙ্গুলি নির্দেশপূর্ব্বক প্রদর্শন
 করিতেছেন। তাহার ভদ্রতা, বিনয় ও বিশ্বাসে দুর্দমনীয় পাঠানগণ
 তাহার আশ্রাবহ কিঙ্কর হইয়াছিল।

অকল্পনা, ঘৃণিত, ইতর সম্প্রদায়ের হিন্দুগণ কার্য্য শিক্ষা করিয়া
 তাহার পদাতিক সৈন্যদলে প্রবেশপূর্ব্বক কার্য্য দেখাইবার সুযোগ
 ও ক্ষেত্র পাইয়াছিলেন। বর্ত্তমান সময়ে বাঙ্গালার একতা যে কল্পনার
 বিষয় হইয়াছে, তাহা সীতারাম কার্য্যে পরিণত করিয়া সামান্য
 ভোলুকদায়ের পুত্র হইতে এক বিশাল স্বাধীন রাজ্যের অধীশ্বর
 হইয়াছিলেন। যদি বিশ্বাসঘাতকতা তাহার উন্নতি সোপানের অন্তরায়
 না হইত, যদি বঙ্গের ভূম্যধিকারিগণ স্ব স্ব স্বার্থমোহে মুগ্ধ হইয়া স্ব স্ব

অঙ্গীকার বিশ্বস্ত না হইতেন, অন্তায় ও অধর্ম বুদ্ধে যদি নবাব ও জমিদারসৈন্য সীতারামকে পরাস্ত করিতে চেষ্টা না পাইত, তবে আমরা বেশ বলিতে পারি, যে মহারাষ্ট্র-গৌরবরবি শিবাজীর ত্যায় অথবা পঞ্চনদ প্রদেশের শিখগুরু—শিখদিগের সমরনৈপুণ্যের গুরু, গুরু গোবিন্দের ত্যায় সীতারামও বঙ্গদেশে এমন একটা স্বাধীন হিন্দু রাজ্য সংস্থাপন করিয়া থাকিতে পারিতেন, যাহা পদানত করিতে বৃটিশ শক্তির ত্যায় প্রবল পরাক্রম অনেক শক্তিকেও লাসোয়ারী, আসাই, মুদকী, ফিরোজসহর, সালগওয়ান, ছোব্রাউন, গুজরাট ও চিলিয়নবালা সমরাজ্যে সমবেত করিতে হইত।

পূর্বেই উক্ত বর্ণনায়, সীতারাম বাঙ্গালা ও সংস্কৃত জানিতেন। তিনি আরবী ও পারস্যিক ভাষা শিক্ষার নিমিত্ত চেষ্টা পাইয়াছিলেন। তিনি নিজে বিশেষ নিপুণ হইতেন বা না হইতেন, তিনি যে বিদ্যাহুরাগী ছিলেন তাহার সন্দেহ নাই। তাঁহার সভাতে অনেক সংস্কৃতজ্ঞ পণ্ডিত ছিলেন। তিনি মনোযোগের সহিত পণ্ডিতগণের শাস্ত্রালাপ শুনিতেন। তাঁহার সভায় এক মহম্মদপুরেই সংস্কৃত ব্যাকরণ, সাহিত্য, স্মৃতি ও ত্যায়শিক্ষার বাটখাটা চতুষ্পাঠী ছিল। আয়ুর্বেদ-শাস্ত্রশিক্ষার জন্য পাঁচটি কবিব্রাহ্মণের চতুষ্পাঠী ছিল। সীতারামের সমগ্র জমিদারীতে দ্বিশতাধিক চতুষ্পাঠী ছিল।^{৩৬} তাঁহার প্রতিষ্ঠিত ব্রাহ্মণ-সমাজকে রাজসমাজ বলিত। তাঁহার জমিদারীর অন্তর্গত পণ্ডিতগণকে মধ্যদেশের পণ্ডিত বলিত। সীতারামের সময়ে মধ্যদেশের পণ্ডিতগণ জ্ঞানগরিমায় এতদূর উচ্চপদ লাভ করিয়াছিলেন যে, তাঁহার নিমন্ত্রণের বিদ্যায় নবম্বীপের পণ্ডিতগণ অপেক্ষা এক টাকা যাত্রা কম

পাইতেন। নবদ্বীপের পণ্ডিতগণ অপেক্ষা এক টাকা কম বিদায় পাইবার কারণ শিক্ষা অভিজ্ঞতার হীনতায় নহে। নবদ্বীপ প্রাচীন সংস্কৃত শিক্ষার স্থান বলিয়া সেই স্থানের সম্মানার্থ নবদ্বীপের পণ্ডিতগণ এক টাকা অধিক বিদায় পাইতেন। মহম্মদপুর রাজধানীতে বাইশটি টোলবাড়ীর চিহ্ন পাওয়া যায়।

সীতারাম আরবী ও পারসিক শিক্ষার প্রতিও অমনোযোগ করিতেন না। এক মহম্মদপুরেই আরবী ও পারসিক শিক্ষার নিমিত্ত ৩টি মোক্‌তাব ছিল। কথিত আছে,—যহ্নাথ মজুমদারের তিন ভ্রাতৃপুত্র পরমেশ্বর, নিত্যানন্দ ও গঙ্গাগোবিন্দ, তিন ভাই তিন মোক্‌তাবে পারসিকভাষা পড়িতেন। সীতারাম তিন ভ্রাতার পারসিক বিদ্যার আলাপে পরমেশ্বরকে সর্বশ্রেষ্ঠ মনে করিয়া তাঁহার মোলবীকে পঞ্চাশ আস্রপি পুরস্কার দান করিয়াছিলেন। যহ্নাথ মজুমদারের গৃহে একখানি হস্তলিখিত পারসিক পুস্তকে একটি কবিতা ছিল। তাহার মর্ম্ম এই যে, “মোলবী সামসুদ্দীন পারসিকভাষায় তেমন পণ্ডিত না হইয়াও ছাত্রের গুণে ৫০ মুদ্রা পুরস্কার পাইল। মোলবী তোফেলবেগ ও আহম্মদগাজী সুপণ্ডিত হইয়াও মূর্খ ছাত্রের দোষে রাজসম্মানে সম্মানিত হইতে পারিলেন না।” আমরা তিনটি মোক্‌তাব ও তিন মোক্‌তাবের মোলবীর নাম পাইয়াছি। আরও মোলবী ও মোক্‌তাব ছিল কি না, নির্ণয় করা কঠিন।

বর্ত্তমান সময়ে মহম্মদপুরের পার্শ্ববর্তী বাউইজানিতে যে উমাচরণ ও মহাদেব চক্রবর্তী আছেন, তাঁহারা বৈষ্ণব সঙ্ঘবিদ্যার সন্তানদিগের গুরুবংশ। তাঁহাদিগের পরিবারের কোন স্ত্রীলোক সীতারামের

রাজত্বকালে পীড়িতা হইলে ৮২টা কবিরাজ উপস্থিত হইয়াছিলেন।
বিরাসীটী কবিরাজের যত্নেও সেই রমণীর পীড়া আরোগ্য হয় নাই।
কবিরাজগণের মধ্যে অভিরাম কবিরাজ বলিয়াছিলেন যে, স্বয়ং ধনুস্তরি
আসিলেও সেই রমণীর ক্ষয়রোগ আরোগ্য হইবে না।

এতদ্বিন্ন সীতারামের জমিদারীর মধ্যে বহুসংখ্যক পাঠশালা ছিল।
পাঠশালার গুরুগণ ব্রাহ্মণ ও কারস্থবংশীয় ছিলেন। পাঠশালাসমূহে
নিত্য প্রয়োজনীয় বিদ্যার শিক্ষা দেওয়া হইত।

সীতারামের ধর্মশিক্ষাবিষয়ক কীর্তি দুই ভাগে বিভক্ত। প্রথম
দেবালয় ও দেবদেবী-মূর্ত্তিপ্রতিষ্ঠা এবং দ্বিতীয় দেবত্র সম্পত্তি দান-
পূর্ব্বক সাময়িক দেবকার্যের অনুষ্ঠানসমূহ স্থায়িকরণ। সীতারামের
পুরোহিতবংশের তালপত্রের কোন পুস্তকে এই বিষয় লিখিত ছিল।
সীতারামের সময়ে মহম্মদপুরে সাত শত দুর্গোৎসব ও দুই শত কালী
পূজা হইত। ২২১ বাটাতে দোল, ৫৭ বাটাতে ঝুলান, ৫৫ বাটাতে
জন্মাষ্টমী ও ৬৩ বাটাতে রাসযাত্রা সমারোহে নিৰ্ব্বাহ হইত। সীতারামের
পুরোহিতেরা সর্বত্র কিছু কিছু বার্ষিক পাইতেন। মদাপুরের
রাজরাজেশ্বর, দক্ষিণবাড়ীর কালী, লক্ষ্মীপাশার কালী, বরিশালের
কাশীপুরের শ্রীধর ঠাকুর প্রভৃতি অনেক বিগ্রহ ও দেবদেবীর নামে
সীতারাম নিষ্কর সম্পত্তি দান করিয়া গিয়াছেন। দক্ষিণবাড়ী ও লক্ষ্মী-
পাশার কালী সীতারামের স্থাপিত নহে; তথাপি তিনি দক্ষিণবাড়ীর
কালীমাতাকে ৭০০ শত বিঘা ও লক্ষ্মীপাশার কালীমাতাকে অনেক
নিষ্কর জমি দান করেন। কুমরুলের দত্ত, নহাটার রায়, আমটেলের
চক্রবর্তী, ইন্দুরদির দত্ত প্রভৃতিকেও দেল-(চড়ক) পূজার জন্য তিনি

কিছু কিছু নিষ্কর জমি দিয়াছিলেন।^{৩১} দানপত্রের অনুসন্ধানে আমরা বাহা পাইয়াছি তাহাই উল্লেখ করিলাম। ইহা ভিন্ন তাঁহার আরও অনেক দেবত্র ও নিষ্কর দান ছিল, তাহা নির্ণয় করা সুকঠিন। জাতীয়-একতা ও মস্তাব-বৃদ্ধির উপায়স্বরূপ লোকসমাগম বাসনার সীতারাম পূজাপর্বে উৎসাহ-বর্দ্ধনার্থ অনেক নিষ্কর জমি দান করিয়াছিলেন।

সীতারামের রাজধানীতেই অনেকগুলি দেবালয় ও দেবদেবী প্রতিষ্ঠিত আছেন। এই সকল দেবতার নামে তিনি যে নিষ্কর সম্পত্তি দান করিয়া বান, তাহা অষ্টাপি রহিয়াছে। নাটোরের বড় তরপের মহারাজ জগদীন্দ্রনাথ রায় সেবাইতরূপে সেই সকল সম্পত্তি দখল ও রক্ষা করিয়া দেবসেবা চালাইয়া আসিতেছেন।

অষ্টাপি লক্ষ্মীনারায়ণের অষ্টপল দ্বিতল গৃহ বর্তমান আছে। ইহাতে এখনও ঠাকুর আছেন। দিবাভাগে ঠাকুর নিয়তলে ও রাত্ৰিতে দ্বিতলে অবস্থিতি করেন। অনেকে বলেন, লক্ষ্মীনারায়ণ ষাঁহার গৃহে থাকেন, তাঁহার রাজশ্রী কখনও নষ্ট হয় না। ওয়েষ্টলাণ্ড সাহেব লিখিয়াছেন, নড়াইলের জমিদার বাবু কাশীশঙ্কর প্রকৃত লক্ষ্মীনারায়ণ অপহরণ করিয়া নড়াইলে রাখিয়াছেন এবং কৃত্রিম লক্ষ্মীনারায়ণ মহম্মদপুরে আছেন। এই ঠাকুরের এখনও সেবা ও তরুপলক্ষে অতিথিভোজন হইয়া থাকে। মধ্যাহ্নে অন্নব্যাঞ্জন ও রাতে রুটি, চিড়া, দুগ্ধ, দধি প্রভৃতি ভোগ দিবার নিয়ম আছে। লক্ষ্মীনারায়ণের মন্দিরে নিম্নলিখিত কবিতা লিখিত ছিল :—

“লক্ষ্মীনারায়ণস্থিত্য তর্কাক্ষিরসভূমিতে ।

নির্মিতং পিতৃপুণ্যার্থে সীতারামেণ মন্দিরম্ ॥”

অর্থ—১৬২৬ শকে (১৭০৪ খৃষ্টাব্দে) লক্ষ্মীনারায়ণ নামক শিলাচক্র-সংস্থাপনের জন্তু পিতৃপুণ্যার্থে সীতারাম রায় কর্তৃক এই মন্দির নির্মিত হয়।

লক্ষ্মীনারায়ণের বাটীর নিকটে জোড়বাঙ্গালার ভগ্নাবশেষ আছে। জোড়বাঙ্গালা দুই চালবিশিষ্ট বাঙ্গালা গৃহের গ্যার ইষ্টকনির্মিত গৃহ। এই জোড়বাঙ্গালার একখানিতে একটা কৃষ্ণ শিব ও অপর খানিতে একটা শ্বেতপ্রস্তর নির্মিত শিবলিঙ্গ মূর্তি প্রতিষ্ঠিত ছিল। এই দুই মূর্তি এখন নাই। শ্বেতপ্রস্তর-মূর্তির এখন ভগ্নাবশেষ আছে।

দশভুজার মন্দির চতুষ্কোণ। ইহার ছাদ খিলান করা ও বাড়ীটী একতল। দশভুজানির্মাণ সম্বন্ধে একটা কিম্বদন্তী প্রচলিত আছে। ভবানী কৰ্ম্মকার নামক এক কৰ্ম্মকার প্রকাশ করে যে, তাহার পুত্র উত্তম দেবমূর্তি নিৰ্ম্মাণ করিতে পারে। সীতারাম সেই কৰ্ম্মকারের পুত্র দ্বারা এক স্বর্ণময়ী দশভুজা গড়াইতে আদেশ করেন। ভবানী চক্রবর্তী নামক এক ব্যক্তি সীতারামের পেস্কার ছিলেন। ষাহাতে স্বর্ণ চুরি না যায়, তাহার তত্ত্বাবধানের ভার তাঁহার উপর থাকে। কৰ্ম্মকার-পুত্র বাজিতে অষ্ট ধাতুর দশভুজা ও রাজভবনে স্বর্ণময়ী দশভুজা নিৰ্ম্মাণ করে। প্রতিষ্ঠার পূৰ্ব দিন অষ্ট ধাতুর দশভুজা পদ্মপুকুরে ডুবাইয়া রাখে। প্রতিষ্ঠার দিনে দশভুজা ঘান করাইতে বাইয়া স্বর্ণময়ী দশভুজার পরিবর্তে অষ্ট ধাতুর দশভুজা লইয়া আইসে। সুতরাং অষ্ট ধাতুর দশভুজারই প্রতিষ্ঠা হয়। পরে কৰ্ম্মকার প্রকাশ করে যে, অষ্ট ধাতুর দশভুজা প্রতিষ্ঠিত হইয়াছে, স্বর্ণময়ী দশভুজার প্রতিষ্ঠা হয় নাই, তাহা কৰ্ম্মকারের নিজের বাড়ীতে আছে। স্বর্ণময়ী

দশভূজা-নির্মাণকালে কড়া-পাহারার বন্দোবস্ত হইলে কৰ্ম্মকার প্রকাশ করে যে, তাহাদের উপর ধৰ্ম্মভার দিলে তাহারা অর্ধেক চুরি করে এবং তাহাদের কার্ধ্যের প্রতি প্রথর দৃষ্টি রাখিলে তাহারা ষোলআনা চুরি করিয়া থাকে। সীতারাম কিছুমাত্র চুরি করিতে দিবেন না এবং ষোলআনা চুরি করিতে পারিলে বিশেষ পুরস্কার দিবেন, অঙ্গীকার করিয়াছিলেন। যখন প্রতিষ্ঠিতা দশভূজা মূর্ত্তি অষ্টধাতুনির্মিতা প্রমাণিত হয়, তখন সীতারাম কৰ্ম্মকারের তস্করতার চাতুর্য্যের জন্ত স্বর্ণময়ী দশভূজা তাহাকে পুরস্কার দেন। এই স্বর্ণময়ী দশভূজা পেস্কার ভবানীপ্রসাদ চক্রবর্ত্তী ক্রয় করিয়া নলীয়াগ্রামে প্রতিষ্ঠা করিয়াছেন এবং তাহার সেই দশভূজা মূর্ত্তি অত্য়পি পূজিত হইতেছেন। এই কিম্বদন্তী অত্য়ভাবেও প্রচলিত আছে। ভবানীপ্রসাদ কৰ্ম্মকারের পুত্র কমলা রাণীর জন্ত একছড়া হীরক-খচিত স্বর্ণহার নির্মাণ করে। ভবানী পুত্রকে সঙ্গে করিয়া হারসহ রাজদরবারে উপস্থিত হয়। রাজা সীতারাম হার দেখিয়া কৰ্ম্মকারপুত্র স্বর্ণভরণগঠনে উত্তম শিল্পী বলিয়া প্রশংসা করেন। এই প্রশংসাবাদে ভবানী প্রতিবাদ করিয়া বলে :— ছোঁড়া গড়তে শিখেছে বটে, কিন্তু চুরি শিখে নাই। চুরিতেই ব্যবসাসে লাভ। রাজা এই কথা শুনিয়া ভবানীকে জিজ্ঞাসা করেন :—তোমার পুত্র কি কিছুই চুরি শিখে নাই? ভবানী তত্য়ত্য়রে বলে :—শিখেছে বটে, টাকার অর্ধেক। অনন্তর রাজা আবার জিজ্ঞাসা করেন :— ভবানী! তোমার পুত্র অর্ধেক চুরি করিতে পারে, তাহাতেও তুমি তুষ্ট নহ। তুমি কি পরিমাণে চুরি করিতে পার? তত্য়ত্য়রে ভবানী নিবেদন করিল :—মহারাজ! ক্ষমা করিবেন, আমি ষোলআনা চুরি করিতে

পারি। অতঃপর ভবানীকে স্বর্ণময়ী দশভূজা গঠন করিতে আদেশ করা হয়। ভবানী প্রহরিকর্তৃক পরিরক্ষিত হইয়া স্বর্ণময়ী প্রতিমা নিৰ্মাণ করিতে আরম্ভ করে। ভবানী উল্লিখিত উপায়ে স্বর্ণময়ী দশভূজার পরিবর্তে পিত্তলময়ী দশভূজা মূর্তি প্রতিষ্ঠা-মন্দিরে উপস্থিত করে। দশভূজা প্রথমে ইষ্টকনিৰ্মিত বাঙ্গলা ঘরের গ্রাম বারান্দায়ুক্ত গৃহে সংস্থাপিত ছিলেন। দশভূজা-মন্দিরে নিম্নলিখিত কবিতাটি লিখিত ছিল :—

“মহীভূজরসম্পৌণীশকে দশভূজালয়ং।

অকারি শ্রীমতা সীতারামরায়েন মন্দিরং ॥”

অর্থ—১৬২১ শকে (১৬৯৯ খৃষ্টাব্দে) সীতারামকর্তৃক দশভূজালয় নামক মন্দির নিৰ্মিত হয়। সীতারামের দুর্গমধ্যেই অপর মন্দিরে কৃষ্ণবিগ্রহ ছিলেন। এই বিগ্রহ এখন দীঘাপতিয়া-রাজভবনে আছেন।

কানাইপুরে সীতারামের দ্বিতীয় বিগ্রহ-ভবন। তিনি কানাইপুরকে যশোদানন্দবর্দ্ধন কংসারি স্বষ্ণোর নিকেতন বৃন্দাবন কল্পনা করিয়া কৃষ্ণবলরাম বিগ্রহ সংস্থাপিত উক্ত গ্রামের নাম কানাইপুর রাখিয়াছিলেন। সন্নিকটবর্তী গ্রামসমূহের গোকুলনগর, গোপালপুর, হরেকৃষ্ণপুর প্রভৃতি নাম দিয়াছিলেন। কানাইপুরের কৃষ্ণবলরামের ভবনে শিল্প-নৈপুণ্যের পরাকাষ্ঠা দেখান হইয়াছে। অনুমান হয়, এই দেবালয় সীতারামের চরম উন্নতির সময় নিৰ্মিত হইয়াছিল। এই বিগ্রহের অট্টালিকার ধেরূপ কারুকার্য ও শিল্পনৈপুণ্য আছে, সেরূপ অট্টালিকা আর এতদ্রুপে পরিরক্ষিত হয় না। ইহার ছাদ খিলান করা ছিল। ছাদের মধ্যস্থলে একটা উচ্চচূড়া ও চারিপার্শ্বে চারিটা অপেক্ষাকৃত

কুঞ্জচূড়া নির্মিত হইয়াছিল। এই পঞ্চচূড়ার জন্ত ইহাকে পঞ্চরত্নের মন্দির কহে। কালের কঠোর করম্পর্শে ইহার দুইটা চূড়া এক্ষণে ভগ্ন হইয়াছে। এই মন্দিরের দ্বার ও গবাক্ষ সকল চন্দনকাষ্ঠনির্মিত ; তাহাতে দারুময় কৃষ্ণবলরাম ও রাধামূর্তি সংস্থাপিত আছেন। মন্দির-গাত্রে নিম্নলিখিত শ্লোক লিখিত হইয়াছিল ;—

“বাণদ্বন্দ্বাসচন্দ্রে পরিগণিতশকে কৃষ্ণতোষাভিলাষঃ

শ্রীমদ্বিখাসখাসোত্তবকুলকমলে ভাসকো ভাসুতুলাঃ ।

ভ্রাজৎস্নেহোপযুক্তং কচিরকচিহরো কৃষ্ণগেহং বিচিত্রং

শ্রীসীতারামরায়ো যত্নপতিনগরে ভক্তিমন্তঃ সমর্জ ॥”

১৬২৫ শকে (১৭০৩ খৃঃ) কৃষ্ণের সন্তোষের জন্ত কচিরকচিহর শ্রীমদ্বিখাস-খাসোত্তব কুলকমলে ত্রিগুকিরণবিশিষ্ট রবিসদৃশ শ্রীসীতারাম রায় ভক্তিমন্ত হইয়া যত্নপতিনগরে মনোরম বিচিত্র কৃষ্ণগেহ নির্মাণ করেন।

এই অষ্টালিকা উত্তরের পোড়ার, তাহার দক্ষিণে সুন্দর নাটমন্দির। নাটমন্দিরের দক্ষিণদিকে ইষ্টকনির্মিত ছোড় বাজালা। নাটমন্দিরের পশ্চিম ও পূর্ব পার্শ্বে দুইটা অষ্টালিকার ভগ্নাবশেষ আছে। শুনা যায়, তাহার একটা ভাণ্ডারগৃহ ও অপরটা ভোগগৃহ ছিল। এই বিগ্রহের স্বর্ণরৌপ্যনির্মিত বহুসংখ্যক ভাণ্ড (বাসন) ছিল।

সীতারাম দুর্গোৎসব, শ্রামা, জগদ্ধাত্রী, রাস, দোল, চড়ক, রথযাত্রা, বুলান, জন্মাষ্টমী প্রভৃতি পূজা উৎসবে মহাসমারোহ করিতেন। এই সকল দেবসেবা ও পূজাপার্বণের জন্ত বহুসংখ্যক দেবত্র সম্পত্তি সীতারাম দিরাছিলেন। তিনি নিজের দেবসেবার জন্ত যেমন দেবত্র সম্পত্তি রাখিয়াছিলেন, সেইরূপ তাঁহার রাজ্যের মধ্যে সকল দেবালয়ের

দেবসেবার জন্ত ও পূজাপর্কের জন্ত প্রচুর পরিমাণে দেবত্র ভূমিদান করিয়া গিয়াছেন। তাঁহার এই দেবত্র সম্পত্তি দৃষ্টে বোধ হয়, হিন্দু-ক্রিয়াকলাপ প্রচার করিবার জন্ত তাঁহার বিশেষ যত্ন ছিল। সীতারামের দুর্গস্থিত লক্ষ্মীনারায়ণ, দশভূজা ও কানাইপুরের কৃষ্ণবলরামের পূজা ও উৎসব এখনও নাটোরের বড় তরপের রাজার তত্ত্বাবধানে সম্পাদিত হইতেছে। মহম্মদপুর অঞ্চলে সাধারণের বিশ্বাস এই যে, সকল দেবদেবীই বিলক্ষণ জাগ্রত আছেন। এই সব দেবদেবীগণের সেবার ও ভৎ প্রসাদে অতিথিগণের ভোজনে ক্রটি করার এই সব দেবত্র সম্পত্তির নায়েব, ভৃত্য, পাচক প্রভৃতির বংশ থাকে না। কথিত আছে, জারভিনফিনার কোং সীতারামের কোন সম্পত্তি ক্রয় করিয়া কৃষ্ণবলরামের সম্পত্তি লইবার জন্ত পাবনার জজ্ আদালতে এক মোকদ্দমা উপস্থিত করেন। সীতারামের পক্ষ হইতে দেবত্র রক্ষার জন্ত যথেষ্ট চেষ্টা করা হয়। মোকদ্দমা শেষ হইয়াছে এবং উভয়পক্ষের উকিলগণের বক্তৃতা হইয়া গিয়াছে। ঠাকুরের পক্ষের উকিলবাবু অসুস্থ থাকায় এবং মোকদ্দমাদী হারিবেন, এই আশঙ্কার বাসায় শয়ন করিয়া আছেন। তিনি সাধারণ নিদ্রায় স্বপ্ন দেখিলেন, এক ব্রাহ্মণ মাঠীহস্তে তাঁহার মিকটে আসিয়া তাঁহাকে পদাঘাত করিতেছেন এবং বলিতেছেন, “শীঘ্র উঠিয়া কাছারিতে যা। আমার মোকদ্দমা যার, তুই সুখে ঘুমাইতেছিস, আবার লণ্ডয়াল জবাব করিস, আমার মোকদ্দমা যাইবে না।” উকীলবাবু স্বপ্নদর্শনের পর আবার কাছারীতে গমন করিলেন। জজ্ সাহেব লিখিত রায় ছিঁড়িয়া ফেলিয়া উকীল বাবুগণের বাদানুবাদ পুনরায় শ্রবণ করিলেন। বলাবাহুল্য, মোকদ্দমা বিগ্রহের অসুকূলে নিষ্পত্তি হইয়াছিল।

সীতারাম হিন্দু দেবদেবীর ষেরূপ প্রতিষ্ঠা ও পূজা-অর্চনা করিয়াছেন, সেইরূপ মুসলমানদিগের মসজিদ ও মুসলমান ধর্ম্মানুমোদিত উৎসবদিগের রক্ষার জন্তও চেষ্টা পাঠিয়াছেন। এতদুদ্দেশ্যে দুই একটা মসজিদ সীতারামের নির্মিত বলিয়া পরিচিত আছে। সীতারামের প্রতিষ্ঠিত অনেক পাঠানগ্রামের পাঠানদিগের ধর্ম্মোদ্দেশ্যে কিছু কিছু লাখেরাজও দেওয়া আছে।

সীতারামের যে বিস্তীর্ণ দুর্গে চতুর্দিক্ হইতে সমবেত ক্ষত্রিয়, পাঠান ও দেশীয় সৈনিকগণ স্থানলাভ করিয়াছে, অস্ত্র শস্ত্র প্রণয়ন করিয়াছে, বুদ্ধবিদ্যা শিক্ষা করিয়াছে, একতাস্ত্রে আবদ্ধ হইয়াছে, বহিঃশত্রু ও অন্তঃশত্রু দমন করিয়া লোকহিতকর ও ধর্ম্মশিক্ষাপ্রদ নানা সদনুষ্ঠান করিতে পুণ্যশ্লোক, অতুলনীয় প্রতিভাসম্পন্ন, উদারচেতা সীতারামকে সমর্থ করিয়াছে, সীতারামের সেই দুর্গের ভগ্নাবশেষের অবস্থাবর্ণন তাঁহার ত্রিবিধ সাধু কার্যের মূল বলিতে হইবে। এক্ষণে আমরা সীতারামের দুর্গের ভগ্নাবশেষ বর্ণনা করিব।

১ সিংহদ্বার। চাকলার কাছারী পার হইলেই সিংহদ্বার। এই সিংহদ্বার অন্তঃপুরে ঘাইবার পথে অবস্থিত। পূর্বে একটা প্রকাণ্ড তোরণ ছিল, এক্ষণে কেবলমাত্র থাম আছে। পূর্বে এই দ্বারের খিলান অর্ধচন্দ্রাকার ছিল।

২ পুণ্যাহ গৃহ। এই তোরণের অনতিদূরে পুণ্যাহ গৃহ ছিল। পূর্বে ইহা একটা এককক্ষবিশিষ্ট বহুদূর বিস্তৃত একতল গৃহ ছিল। ইহাতে পুণ্যাহ অর্থাৎ বৎসরের প্রথম দিনের কর আদায়ের উৎসব হইত। এক্ষণে ইহার ভগ্নাবশেষ ইষ্টকরাশি জঙ্গলে আবৃত আছে।

৩ মালখানা। সিংহদ্বার পার হইয়া উত্তরের দিকে গেলে তিনখানা বাঙ্গালা গৃহের ঞায় তিনটা অট্টালিকা দেখিতে পাওয়া বাইত। এই ঘর সকলের দুইটা গৃহ মালখানা (ধনাগার) স্বরূপে ব্যবহৃত হইত এবং পশ্চিম পার্শ্বের গৃহে প্রহরিগণ থাকিত। এই তিন গৃহের ভগ্নাবশেষ ইষ্টকস্তূপ মাত্র আছে।

৪ তোষাখানা। মালখানার একটু পশ্চিমে তোষাখানা। ইহাও একটা সুবহৎ অট্টালিকা। ইহার সম্মুখে এক প্রকাণ্ড বারাণ্ডা ছিল। এই গৃহে তৈজসপত্র ও বহু দ্রব্যাদি থাকিত। এই গৃহের স্তম্ভ ও খিলান-গুলি অত্য়পি বর্তমান আছে।

৫ অন্তঃপুর। সীতারামের অন্তঃপুর ধনাগার পুষ্করিণীর পার্শ্বে অবস্থিত ছিল। সেই সকল অট্টালিকার জঙ্গলাবৃত-ইষ্টকরাশি পতিত রহিয়াছে। কোন অট্টালিকার ভিত্তি, কোন অট্টালিকার একটা স্তম্ভমাত্র বিদ্যমান আছে। ইষ্টকরাশি দৃষ্টে অনুমিত হয়, এখানে বহুসংখ্যক বৃহৎ বৃহৎ অট্টালিকা ছিল। একটা অট্টালিকার কিয়দংশ এক্ষণেও দৃষ্ট হয়। লোকে বলে সেইটাই সীতারামের শয়নগৃহ ছিল।

৬ সেনাবারিক। স্থানে স্থানে অট্টালিকার বৃহৎ বৃহৎ ভিত্তি লক্ষিত হয়। সেইগুলি দ্বিতল বা ত্রিতল সেনানিবাস ছিল।

৭ দোলমঞ্চ। ফাল্গুন মাসে দোলপূর্ণিমায় এই স্থানে লক্ষ্মীনারায়ণ, কৃষ্ণবলরাম প্রভৃতির দোলপূজা হইত। দোলমঞ্চ সীতারামের সময়ে নির্মিত। এই মঞ্চ মধ্যে মধ্যে সংস্কৃত হওয়ায় অত্য়পি সম্পূর্ণ অবস্থায় আছে। দোলমঞ্চ ৩২ হাত দীর্ঘ ও ২৪ হাত প্রস্থ। ইহার ছাদ প্রায় ২০ হাত উচ্চ।

৮ কাছারী ও জেল। দক্ষিণ গড়ের উত্তর দিকের রাস্তার মধ্যস্থলে একটু দূরে সীতারামের কাছারী ও জেলখানা। কাছারীটি রাস্তার একটু নিকটে। জেলখানা ঐ রাস্তা হইতে কিছু বেশী উত্তরে অবস্থিত ছিল। কাছারীতে বসিয়া সীতারাম রাজকার্য পর্যালোচনা করিতেন ও তাহার জেলে অপরাধী বন্দিগণ থাকিত। এই দুই অট্টালিকার কোন কোন প্রাচীর অষ্টাপি বর্তমান আছে।

৯ কাননগো কাছারী। দক্ষিণ পার্শ্বের রাস্তার পূর্ব কোণে কাননগো কাছারীর ভগ্নাবশেষ অষ্টাপি বিদ্যমান আছে। কাননগো জমিদারী মাপ ও তাহার রাজস্ব নির্দ্ধারিত করিতেন।

রামসাগরের উত্তর দিকে বর্তমানে যে রাস্তা আছে, সেই রাস্তা দিয়া গমনকালে প্রথমে বাজার, তার পর যে স্থান হইতে রাস্তা পশ্চিমাভিমুখী হইয়াছে, সেইস্থানে কাননগো কাছারী, তৎপরে পদ্ম ও চুণাপুকুর, তাহার কিঞ্চিৎ পশ্চিমে তারামণি ঠাকুরাণীর রামচন্দ্র-বিগ্রহালয়, তাহার উত্তরে দোলমঞ্চ। অনন্তর পরবর্তী জমিদারগণের কাছারী বাড়ী, তারপর সীতারামের কাছারী ও জেল। তারপর সীতারামের রাজকোষ-পুষ্করিণী, তৎপর সীতারামের বাড়ী, তৎপর সীতারামের সিংহদ্বার, তৎপর পুণ্যাহ-গৃহ, তৎপর ধনাগার, তৎপর নাটোররাজের শিবমন্দির, তৎপর দশভূজা-মন্দির, তৎপর ভোঁষাখানা ও তৎপর লক্ষ্মীনারায়ণের মন্দির। ওয়েষ্টল্যাণ্ড সাহেব বলিয়াছেন, বাজার ও গণিকাপাড়া সীতারামের দুর্গমধ্যে ছিল। বাজারের কিয়দংশ এক্ষণে দুর্গ সংলগ্ন বটে, কিন্তু দুর্গ মধ্যে বারবিলাসিনী-গণের বাস ছিল, তাহা কি প্রকারে ওয়েষ্টল্যাণ্ড নিরূপণ করিলেন বুঝি না। বোধ হয়, ছবিবার ভিটা দৃষ্টে সাহেবের এই ভ্রমবিখ্যাস জন্মিয়াছে।

ছবিলা অস্তঃপুর-প্রহরীর উত্তরাধিকারী পূর্বেই বলিয়াছি। ১৮৮৬ খৃঃ একজন মুচি বেতসলতা কর্তন করিতে বাইরা সীতারামের ভগ্ন অট্টালিকা-কার ইষ্টক মধ্যে এক বাক্স রোপ্যমুক্তা পাইয়াছিল। এই টাকাগুলি অকবর বাদশাহের আমলের টাকা, ইহার প্রত্যেক টাকা সে মতর আনা মূল্যে বিক্রয় করিয়াছে। মুচির বাড়ী ফুলবাড়ী গ্রামে ছিল। এই স্থানেই বলিয়া রাখি, সীতারামের কর্মচারীর কীর্তিও সীতারামের কীর্তি মধ্যে গণ্য। সীতারামের উকিল মুনিরামের ধূলজুড়ির বাড়ীতে দেবালয়ে নিম্নলিখিত কবিতা লিখিত ছিল :—

“শুভ্রচন্দ্রসইন্দৌ কৃষ্ণচন্দ্রশ্চ মন্দিরং ।

ইদং কৃতিমুনীরামো রামভদ্রশ্চ নন্দনঃ ।”

অর্থ। ১৬১০ শকে (১৬৮৮ খৃষ্টাব্দে) রামভদ্রের পুত্র মুনিরাম কৃষ্ণচন্দ্র নামক বিগ্রহের মন্দির নির্মাণ করেন।


লক্ষ্মীনারায়ণ-ঠাকুর-প্রাপ্তি সম্বন্ধে চারিটা কিংবদন্তীর কতকাংশ আমরা পূর্বেই বলিয়াছি। (১) সীতারামের নিজের অশ্বকুরে ত্রিশূল বিদ্ধ হওয়ার লক্ষ্মীনারায়ণ দেখা দেন। (২) তাঁহার পিতার অশ্বকুরে ত্রিশূলবিদ্ধ হওয়ার তাঁহাকে ভূগর্ভে পাওয়া যায়। (৩) সীতারাম প্রাতঃকৃত্য করিতে বাইরা মৃত্তিকা মধ্যে লক্ষ্মীনারায়ণ প্রাপ্ত হন। (৪) লক্ষ্মীনারায়ণ সীতারামকে আদেশ করায় তিনি তাঁহাকে ভূগর্ভ হইতে উঠাইয়া আনেন। এই চারি কিংবদন্তীর মধ্যে সীতারামের পিতা উদয়নারায়ণ যে লক্ষ্মীনারায়ণ প্রাপ্ত হন, এই কিংবদন্তীই আমরা সত্য মনে করি। সীতারামের পিতা লক্ষ্মীনারায়ণ পাইলেও প্রতিষ্ঠা করিয়া বাইতে পারেন নাই। সীতারাম তাই উক্ত দেবালয়ের মন্দিরে “পিতৃ-

পূণ্যার্থে” এই কথা লিখিয়াছেন। কানাইপুরের কৃষ্ণবলরাম সীতারাম গুরুদেব কৃষ্ণবল্লভের পরামর্শ ক্রমে স্থাপন করিয়াছিলেন, একথা কৃষ্ণবলরামের মন্দিরের শ্লোকের “কৃষ্ণতোষাভিলাষঃ” শব্দে প্রতীপন্ন হয়। এই কৃষ্ণ সীতারামের গুরু কৃষ্ণবল্লভ।

সীতারামের মহম্মদপুর দুর্গ ও তন্নিকটস্থ কীর্তিসমূহের একখানা ক্ষুদ্র মানচিত্র পর পৃষ্ঠায় প্রকাশিত হইল এবং সেতু চিত্রে অঙ্কিত ১, ২, প্রভৃতির সংখ্যানির্দিষ্ট স্থানেব বিবরণ নিম্নে পদতু হইল।

১ রামসাগর। ২ গড়। ৩ রাজপথ। ৪ চূণাপুকুর। ৫ মেনাহাতীর কবর। ৬ পদ্মপুকুর। ৭ অজ্ঞাত। ৮ জেলখানা। ৯ দোলমঞ্চ। ১০ দশ ভুজার মন্দির। ১১ লক্ষ্মীনারায়ণেব মন্দির। ১২ জোড়বাঙ্গলা। ১৩ বাজ-কোষপুকুর। ১৪ সীতারামের বাস কবিরার দ্বিতলভবন। ১৫ অন্তরমহল। ১৬ তোষাখানা। ১৭ সাধুর্থার পুকুর (সদরপুকুর)। ১৮ শিবমন্দির। ১৯ সুখসাগর। ২০ সিংহদ্বার।

মহম্মদপুরের ভগ্ন দুর্গ ও নিকটস্থ কীর্তিসমূহের মানচিত্র।



দশম পরিচ্ছেদ



সীতারামের ধর্ম ও সমাজনীতি

যদিও পুণ্যাত্মা সীতারাম বর্তমান সময় হইতে সার্দ্ধ দ্বিশত বৎসর পূর্বে জন্মগ্রহণ করিয়াছিলেন, যদিও সে সময়ে পাশ্চাত্য শিক্ষার বিমল জালোক ও পাশ্চাত্য উদারভাব বঙ্গীয় সমাজে প্রবেশপূর্বক বঙ্গীয় হিন্দু-সমাজকে অনুমাত্রও কলুষিত করে নাই, যদিও তৎকালে এ দেশে সংস্কৃত, আরবী এবং পারসিক শিক্ষা ব্যতীত এদেশে উচ্চ অঙ্গের বাঙ্গালা শিক্ষার পদ্ধতি ছিল না, তথাপি তৎকালে সীতারাম যেরূপ উদার ধর্মনীতি ও সমাজনীতির পরিচয় দিয়া গিয়াছেন, সেরূপ উদার-নীতির পরিচয় আধুনিক বিশ্ববিদ্যালয়ের শেষ উপাধিকারী সম্ভ্রান্তবংশীয় মান্যগণ্য ব্যক্তির কাব্যেও পরিলক্ষিত হয় না। হতভাগ্য বঙ্গদেশ! হতভাগ্য বঙ্গ মাতঃ! তোমার হিন্দুসমাজে—তোমার মুসলমান-সমাজে ক্ষুদ্রা-শয়তা, স্বার্থপরতা, অদূরদর্শিতা, পক্ষপাতিতা প্রভৃতি একরূপ ভাবে প্রবেশ করিয়াছে এবং এই ঘৃণিত দোষ প্রক্ষালন করিতে হিন্দু-মুসলমান বঙ্গসন্তানগণ একরূপভাবে উদাসীন আছেন যে, তাহা স্মরণ করিলে হতসর্বস্ব ভগ্নপোত বণিকের জায় করমর্দন করত উচ্চরবে ক্রন্দন করিতে ইচ্ছা হয়। এদেশীয় অধিকাংশ মুসলমান হিন্দু হইতেই ইসলাম-ধর্মে দীক্ষিত হইয়াছেন। হিন্দু-মুসলমান এক্ষণে এক গ্রামে বাস করিতেছেন, হিন্দুর প্রজা মুসলমান হইতেছেন এবং মুসলমানের প্রজা

হিন্দু হইতেছেন। ধর্ম্মই বা পার্থক্য কি আছে; মুসলমান বলিতেছেন, “লার লাহে হেলেল্লা মহম্মদ রসুল আল্লা” অর্থাৎ একমাত্র ঈশ্বর এবং মহম্মদ তাঁহার ধর্ম্মের প্রবর্তক, হিন্দু বলিতেছেন “একমেবাধিতীয়ম্” অতএব মোটের উপর হিন্দু-মুসলমানের একই ধর্ম্ম, উভয়েই এক ঈশ্বরের উপাসক। সাধারণের ধর্ম্মশিক্ষার নিমিত্ত দেবদেবীর মূর্ত্তিপূজা এবং উৎসব হিন্দুগণের অনুর্ত্তের হইয়াছে। অল্পদিকে মানিকপীর, গাজী, সত্যপীর প্রভৃতির নিমিত্ত সাধারণ মুসলমানগণ মিনি প্রভৃতি দিয়া থাকেন। সাধারণ লোকের ধর্ম্ম বাহা হউক, উচ্চ শিক্ষিত হিন্দু-মুসলমানের ধর্ম্ম এক, তবে প্রভেদ কিসে? প্রভেদ এক খাণ্ডাখাণ্ডের। খাণ্ডের প্রভেদ কি প্রভেদ? দেশভেদে, কালভেদে, কার্যভেদে হিন্দু যে সকল খাণ্ড পরিত্যাগ করিয়াছেন, মুসলমান অল্পদিন শীতপ্রধান দেশ হইতে এদেশে আগত বলিয়া সে খাণ্ড ছাড়েন নাই। হিন্দুর মধ্যে গোমেধ যজ্ঞ ছিল। উত্তরচরিতে দেখা যায়, জানকী তপোবনে ঘাইয়া শ্মশ্রুণ মুনিগণকে এক বৃহৎ ভোজ্য দিতেছেন এবং মুনিগণ শ্মশ্রুণ আলোড়ন করিয়া গো মৎস্য মাংস পরম হর্ষে ভক্ষণ করিতেছেন। অতএব হিন্দু-মুসলমানে প্রভেদ কি? আমরা হিন্দু-মুসলমানে—প্রভেদ দেখি, পরস্পর মিশিতে পারি না ও মিশিতে জানি না।

এই হিন্দু মুসলমানগণের পার্থক্য-পয়োধির জোরার ভাটা নাই— একটানা শ্রোতে প্রবাহিত হইতেছে, কেবল মধ্যে মধ্যে ধর্ম্ম-সংঘর্ষণ রূপ ঘূর্ণা বায়ু উপস্থিত হইয়া এক স্থানে মহরম লুইয়া দাজা ও অপর স্থানে দোলের হলি লইয়া কাজিয়া হইতেছে। ধর্ম্মবিষয়ে শাক্ত বৈষ্ণবে যে প্রভেদ, সৌরগাণপত্যে যে প্রভেদ, মুসলমান হিন্দুতে তদপেক্ষা অধিক

পার্থক্য নহে। থাকে ধর্মপার্থক্যরূপ পরোধি বিরাজিত থাকুক, এদেশে কি আর ভগ্নীরথের জন্ম হয় না যে, পবিত্রসলিলা স্নিগ্ধতোরা শত শত জাহ্নবী আনিয়া উত্তরপুরুষের উন্নতিকামনায় এই সমুদ্রের কটুত্ব ও লবণত্ব ঘোষ বিদূরিত করে? হিন্দু মুসলমান একই আৰ্য্য জাতির বিভিন্ন শাখা, একই ঈশ্বরের উপাসক, এক গ্রামে বাস করিয়া হয় ত সকলেই এক কৃষিক্ষেত্রে কার্য্য করিতেছেন, অথবা এক ইংরাজের অফিসে কর্মচারী হইয়াছেন। এক্ষণে দেবদেবী ও পার্থক্যের ক্ষুদ্রাশয়তা কি থাকা ভাল? মন বড় না হইলে বড় কার্য্যে হস্তক্ষেপ করা যায় না। ক্ষুদ্রাশয়তার ক্ষুদ্র কূপে দণ্ডায়মান থাকিলে হিমাদ্রিশিখরে দণ্ডায়মান হইয়া নিরপেক্ষ-পাতিতার দূরবীক্ষণ নয়নে যে মনোরম সুদৃশ্য দৃশ্য অবলোকন করা যায়, তাহা কূপস্থিত ব্যক্তি স্বপ্নেও কল্পনা করিতে পারে না। আমরা সকলেই ক্ষুদ্রাশয়তার কূপে পতিত। আমরা স্বার্থপরতার ক্ষুদ্র দৃষ্টিতে হাশুরোদনশীল তিরস্কারের প্রবাহময়ী প্রণয়িনী, দোহি-দেহি-বরসম্পন্ন নন্দন-নন্দনী, আকাজক্ষাময় ভ্রাতাভগিনী, বাৎসল্যময় জনক-জননী ভিন্ন আর কিছুই দেখিতে পাই না। আধুনিক শিক্ষায় এই স্বার্থপরতার দৃষ্টি সঙ্কীর্ণ হইয়া কেবল স্ত্রী-পুত্রেই নিরুদ্ধ রহিয়াছে। মাতর্কঙ্কভূমি! হতভাগ্য বঙ্গীয় ভ্রাতৃগণ! একবার চতুর্দিকের ভিন্ন দেশীয় লোকদিগের কার্য্যের প্রতি দৃষ্টি কর। তোমার অবস্থার সহিত একবার তাহাদের অবস্থা তুলনা কর। একবার তোমার জাপানি ভ্রাতা ও বৃটনীয় রাজপুরুষের প্রতি দৃষ্টি কর। তোমাদের গৃহে একতার বিন্দুমাত্র নাই, জাতীয় উন্নতির অনুষ্ঠানমাত্র নাই, তোমরা পাঁচজনে মিলিয়া একটা সিলারের কল করিতে পার না, ঐ দেখ তোমার ভ্রাতা ও রাজপুরুষগণ কি

অমানুষিক কার্য্য সকল সম্পাদন করিতেছেন। শত শত যুবক স্বদেশের কল্যাণে সমরানলে জীবন আত্মতা দিবার জন্য সোৎসাহে প্রফুল্ল মনে অগ্রসর হইতেছেন।

এখন হইতে সার্ব্ব দ্বিশত বর্ষ পূর্বে যখন কতলু খাঁ, দায়ুদ খাঁ, সোলেমান কররাণী প্রভৃতি পাঠান নবাব ও কালাপাহাড় পভৃতি হিন্দু-ধর্মব্রষ্ট মুসলমানধর্ম-দীক্ষিত পাঠান সেনাপতিগণের লোমহর্ষণ অত্যাচার লোকের স্মৃতিপথে জাগ্রত ছিল এবং মোগল-জাতীয় মুসলমানগণের অত্যাচারে হিন্দুগণের হৃৎকম্প উপস্থিত হইতেছিল, তখন সীতারাম প্রকৃত বলসঞ্চয়ের জন্য সুদৃঢ় ভিত্তিতে স্বাধীন হিন্দুরাজ্য সংস্থাপনের জন্য ভঙ্গাবৃত পাঠান সৈনিকবহু উদ্দীপ্ত করিয়া মোগলতেজ ক্ষীণতর করিবার জন্য পাঠানদিগকে ভাট বলিয়া তাহাদিগের সহিত অতি সাধু ব্যবহার করিয়া মোগল অত্যাচারে উৎপীড়িত পাঠানদিগকে আশ্রয় দিয়া প্রবল হিন্দু-পাঠানমিশ্রিত সৈন্যদল গঠন ও স্নেহ সদাশয়তার মূলে তাহাদিগকে দৃঢ় একতাবন্ধনে আবদ্ধ করিয়াছিলেন। তাঁহার ধর্মবিশ্বাস উদার ও উন্নত ছিল। তিনি হিন্দু-মুসলমান বুঝিতেন না; তিনি নিম্ন শ্রেণীর হিন্দু উচ্চ শ্রেণীর হিন্দু জানিতেন না; জাতীয়-পার্থক্য—সাম্প্রদায়িক-পার্থক্য প্রভৃতি তিনি বুঝিতেন না। তাঁহার স্মৃষ্টি লক্ষ্য উচ্চতর ধর্মের দিকে ও উচ্চতর কার্য্যের দিকে নিয়োজিত হইয়াছিল। তাঁহার দয়া, মমতা, স্নেহ ও সদাশয়তাগুণে তিনি ক্ষত্রিয়-পাঠানে, চণ্ডাল-ডোমে, বাগদী-বাঁওরায়, বঙ্গীর কারস্থ-ব্রাহ্মণে এক দৃঢ় স্বাধীনরাজ্য সংস্থাপন-সমর্থ অনৌকিনী সংগঠন করিয়া-ছিলেন। সীতারাম যেমন হিন্দু-মুসলমানে, চণ্ডালে ব্রাহ্মণে; জাতীয়

না সাম্প্রদায়িক পার্থক্য গ্রাহ্য না করিয়া সকলকেই একতাসূত্রে বন্ধন-পূর্বক একদেশীয় মহামলের সঞ্চয় করিতেছিলেন, তদ্রূপ শাক্ত, বৈষ্ণব, সৌর, গাণপত্য প্রভৃতি ধর্মসম্প্রদায়ের বিভিন্নতা গ্রাহ্য না করিয়া তিনি লক্ষ্মীনারায়ণের পার্শ্ব শিব এবং দশভূজার পার্শ্ব রাধার প্রতিষ্ঠা করিয়াছিলেন। পূর্বেই উক্ত হইয়াছে, রত্নেশ্বর ভট্টাচার্য্য সীতারামের বংশের শাক্তগুরু ও কৃষ্ণবল্লভ গোস্বামী তাহার বৈষ্ণবগুরু ছিলেন, তিনি উভয় গুরুর উপর তুল্য ভক্তি প্রদর্শন করিতেন। তিনি বৈষ্ণব-গুরুকে শাস্তিসুখ ও দৈবকাণ্ডের উপদেষ্টা এবং শাক্তগুরুকে সমরাদি কাণ্ডের পরামর্শদাতা করিয়া উভয় গুরুদেবের আজ্ঞাবহ কিঙ্কর-স্বরূপ থাকিয়া হিন্দু মুসলমান-বিদ্বেষ-রহিত, ব্রাহ্মণচণ্ডালে পার্থক্য-বর্জিত সূদৃঢ়ভিত্তিতে শান্তিময় সুখময় সনাতন ধর্মরাজ্য-প্রতিষ্ঠায় প্রবৃত্ত হইয়াছিলেন। বেলগাছী পরগণার অন্তর্গত নারায়ণপুরের রাধ, মহিনসাহী পরগণার ইন্দুরদির দত্ত, সাহাউজিখাল পরগণার আমতৈলের তক্রবর্তী, সাঁতৈর পরগণার কুমকলের দত্ত ও আমগ্রামের সরকার, নলদী পরগণার নহাটার রায় প্রভৃতির শিবত্রসম্পত্তি দৃষ্টে আমরা অনুমান করিতে পারি, ভস্ম চন্দনে, শ্মশান স্বর্গে, ভেদজ্ঞানবর্জিত ভূতপ্রেত, পিশাচ, বক্ষ, কিন্নর প্রভৃতি নামধেয় অনার্য্যগণের উপাশু-গুরু দেবদেব মহাদেবের বাসন্তী চড়ক উৎসব করিয়া নিম্ন ও উচ্চ শ্রেণীর হিন্দুর মধ্যে একতা ও সদ্ভাবস্থাপনই এইরূপ শিবত্রসম্পত্তি দানের উদ্দেশ্য আমরা বুঝিতে পারি। সীতারাম রাজ্যের দক্ষহানে ধর্মমূলে উচ্চ ও নিম্ন শ্রেণীর হিন্দু একমতে সদ্ভাবে পরস্পর পরস্পরের সহায় ও সূহৃৎ হইয়া অবস্থিতি করেন, ইহাও সীতারামের ধর্মের অঙ্গ ছিল। পারিবারিক শাস্তিসুখ

বৃদ্ধি হইয়া প্রত্যেক পরিবারের স্বামি-স্ত্রী লক্ষ্মীনারায়ণরূপে বাস করেন ; প্রত্যেক গৃহস্থের গৃহভাণ্ডার লক্ষ্মীর ভাণ্ডার স্বরূপ হয় ; অতিথি অভ্যাগত ব্যক্তি প্রতি গৃহস্থের নিকট সাদরে গৃহীত হয়, এই ধর্মনীতি শিক্ষার নিমিত্ত সাঁঠের পরগণার আমগ্রামের সরকার, মুন্সী, বিশ্বাস, শিকদার প্রভৃতি কার্যস্থ-পরিবার হইতে আরম্ভ করিয়া সীতারামের জমিদারীর প্রত্যেক হিন্দুর অন্ত গ্রামের ব্রাহ্মণ ক্ষত্রিয় ও কার্যস্থদিগকে দেবত্র সম্পত্তি দিয়া তিনি নারায়ণশিলা, গোপীনাথ, গোপাল প্রভৃতি বিগ্রহ স্থাপন করিয়া দিয়াছিলেন এবং অষ্টাপি অনেক স্থলে উক্ত দেবসমূহের সেবা চলিতেছে। রামাত, আচার্য্য ব্রাহ্মণ প্রভৃতি ভিক্ষুক সম্প্রদায়ের লোকদিগকে সমাজের উপকার করিবার ও ভিক্ষাবৃত্তি হইতে নিবৃত্ত করিবার মানসে তিনি মল্লিকপুর, কুঞ্জীয়া, তাঁমুলখানা, খড়েরা, লাউজান ও মল্লিকপুরের রামাতগণকে নিজের দেবত্র দিয়া শীতলা বিগ্রহ স্থাপন করিয়া দেন।^{৩৩} এই শীতলার সম্পত্তি ভোগ করিতে করিতে তাহারা সম্পত্তির আদর বুঝিয়া সম্পত্তিশালী হইয়া ভিক্ষারূপ হীনবৃত্তি পরিত্যাগ করিয়াছে এবং হিন্দুসমাজের পাদদেশে ইতর সম্প্রদায়ের হিন্দুর মধ্যে ধর্মের ক্ষীণলোক প্রবেশ করাইয়া শীতলা উৎসবে তাহাদিগকে সমবেত করিয়া রামাতগণ নিরন্তরীণ হিন্দুগণকে একতান্বয়ে বন্ধন করিতেছিলেন। আচার্য্যগণ সামান্য জ্যোতিষের আলোচনা করিয়া ভিক্ষা বৃত্তিতে কালাতিপাত করিতেন। সীতারাম তাঁহাদিগকে দেবমূর্তি গঠন ও চিত্রপট অঙ্কন শিক্ষা দিয়া তাঁহাদের ধর্ম হস্তক্ষেপ না করিয়া তাঁহাদিগকে মূতন ব্যবসার অবলম্বন করাইয়াছেন।

পাপময় সংসারে পিচ্ছিল ও পঙ্কিল বস্তু পাদ-অলন হওয়া দুর্বল নরনারীর পক্ষে অসম্ভব নহে। হিন্দুধর্মের অনুদারতার অসারাংশ সীতারামের সময়েই হিন্দুধর্মের পবিত্র অঙ্গ স্পর্শ করিয়াছিল। এই সময়ে সেই অসার কলঙ্ক হিন্দুধর্মের বিমল জ্যোতিঃ সমাচ্ছাদিত করিয়া ফেলিয়াছিল। হিন্দুসমাজপথে যে সকল নরনারীর একবার পদঅলন হইরাছে, তাহারা মহাপাপী ও নারকী বোধে হিন্দুসমাজ প্রান্তে দাঁড়াইতে পারিত না। ভক্তির পূর্ণ-অবতার দয়াল শ্রীচৈতন্য এই পাপীদিগকে আশ্রয় দান করিয়াছিলেন। সীতারাম তাঁহার রাজ্যের মধ্যে সমাজ-বিভাদিত পাপী তাপীদিগকে আশ্রয় দিবার জন্য আমগ্রাম, শিবপুর, কেঁছেডুবি, গোপালপুর, রামনগর, জগন্নাথদি, ঘোষপুর, রাজাপুর, পরাণী, বাটাজোড় প্রভৃতি স্থানে বৈষ্ণব মোহন্ত আনিয়া তাঁহাদিগকে দেবত্র নিষ্কর সম্পত্তি দিয়া রাখাক্ষের নানা মূর্তি স্থাপনপূর্বক সেই পাপী ও পাপিনীদিগের দাঁড়াইবার আশ্রয় করিয়াছেন। এই সকল সমাজচ্যুত লোক সমাজের বাহিরে থাকিয়া সংসারের পাপশ্রোত প্রবলতরবেগে প্রবাহিত করিতে না পারে, এই নিমিত্ত সীতারাম মোহন্তদিগকে এই সকল পাপীদিগের প্রতি সদয় দৃষ্টি রাখিতে বলিতেন এবং তাহারা বাহাতে পুনরায় বৈষ্ণবমতে পরম্পর বিবাহিত হইয়া শান্তিময় পরিবাররূপে বাস করে, তাহাও সীতারামের অভিপ্রায় ছিল। ধর্ম-মতের সঙ্গে সঙ্গে প্রজার শাস্তি ও সুখ-সমৃদ্ধির প্রতিও সীতারামের বিলক্ষণ দৃষ্টি ছিল। লোকে ধর্মপথে থাকিয়া বাহাতে সমাজের, দেশের ও নরনারীর উপকার করিতে পারে, ইহাই তাহার ধর্মপথের মূলমন্ত্র ছিল। সমাজ-পতিত হউক; আচারত্রুট হউক সকলেরই পতন নিবারক

করা এবং দুর্ভাবস্থা হইতে লোককে লজ্জাশূন্য সদবস্থায় উন্নীত করাও সীতারামের মূল ধর্মনীতি ছিল। অতএব দেখা যাইতেছে, আধুনিক পাশ্চাত্যশিক্ষার আলোকে আলোকিত বঙ্গে আমরা ধর্মমত অনুসরণ করিতে ভীত ও সঙ্কুচিত হই, কিন্তু সীতারাম এখন হইতে দুই শত বৎসর পূর্বে বঙ্গের অন্ধকারযুগে নিম্বরশ্মি প্রাতঃসূর্য্যের স্থায় বঙ্গাকাশে সমুদিত হইয়া বঙ্গের পাপপঙ্কে পতিত কম্পিত-কলেবর নরনারীদিগকে স্বীয় শিথিল করে উত্তপ্ত করিয়া সমাজপথে গমনের শক্তি সম্পন্ন করিয়াছেন। বঙ্গের শাক্তবৈষ্ণববিবোধ দূরীভূত করিয়া মস্তিষ্কশক্তির পূর্ণমূর্তি ব্রাহ্মণ-গণকে রাজ্যের কল্যাণ-কামনায় নিয়োজিত করিয়াছিলেন, হিন্দুর সাম্প্র-দায়িক ও জাতীয় পার্থক্য অবহেলা করিয়া উচ্চ ও নিম্ন শ্রেণীর হিন্দু ও মুসলমানগণকে কাহারও ধর্ম্মে হস্তক্ষেপ না করিয়া তিনি একতাসূত্রে আবদ্ধ করিয়াছিলেন এবং অসংখ্য একতার উপায় ও শান্তি-সুখের পথ রক্ষার নিমিত্ত অকাতরে মুক্তহস্তে নিজের দেবত্র সম্পত্তি দান করিয়া-
ছিলেন।

সীতারাম বেরূপ উচ্চ প্রকৃতির সদাশয় বীর ছিলেন, তাঁহার ধর্ম্মমতও সেইরূপ উদার ও সর্বজনহিতকর ছিল। বর্তমান সময়ে দক্ষিণরাঢ়ীয়, উত্তররাঢ়ীয়, বঙ্গজ ও বারেন্দ্র শ্রেণীর কায়স্থগণ পরস্পর এক হইয়া পর-স্পরের কল্যাণ আদান প্রদান করিতে সভা সমিতির উদ্যোগ ও আয়ো-জননের মহা আড়ম্বর করিতেছেন। সীতারাম এই সাধু চেষ্টা দুই শত বৎসর পূর্বে করিয়া গিয়াছেন। মুনিরাম রায় যুগে সীতারামের বাণীতে স্মারনবিস ও পরে মুর্শিদাবাদে উকিল ছিলেন। মুনিরাম বঙ্গজ শ্রেণীর কায়স্থ। মুনিরাম ও সীতারামের স্থায় উচ্চাভিলাষী, চতুর ও বাকপটু

লোক ছিলেন, মুনিরামও বিস্মৃত জমিদারী করিবার আশা হৃদয়ে পোষণ করিতেন। মুনিরামের বংশের জগবন্ধু রায় নামক এক ব্যক্তি এখনও ধূলজুড়ী গ্রামে জীবিত আছেন। মুনিরামের কৃষ্ণ-মন্দিরে আমরা বে কবিতা পাইয়াছি, তাহা পূর্ব অধ্যায়ে লিখিত হইয়াছে।

যখন সীতারামের জমিদারী পাবনা জেলার দক্ষিণভাগ হইতে বঙ্গো-পসাগর পর্য্যন্ত ও নদীয়া জেলার পূর্বপ্রান্ত হইতে বরিশাল জেলার মধ্য-ভাগ পর্য্যন্ত বিস্তৃত হইল, সীতারামের শৌর্য্য বীর্য্য সর্বত্র গীত হইতে লাগিল, সীতারামের স্মৃতির কথা সর্বত্র প্রকাশিত হইতে লাগিল, সীতা-রামের জল-কীর্ত্তির কথা বঙ্গে অভিনব যশোরূপে প্রচারিত হইল, সীতারামের অশেষ যশঃসৌরভে বঙ্গদেশ পরিপূর্ণ হইল, তখন মুনিরামের হৃদয়ে ঈর্ষা-সর্পিণী জাগিয়া উঠিল। যখন সীতারাম মহম্মদপুরে স্বাধীন পতাকা উড্ডীন করিলেন, তখন ভীক মুনিরামের হৃদয় কম্পিত হইয়া উঠিল। সীতারাম কখনও নবাব সরকারে রীতিমত কর দিতেন না। তিনি আবাদি সনদের বলে জমিদারী সমূহ নিজের ভোগ করিতেছিলেন, তিনি মধ্যে মধ্যে নবাব সরকারে নজর সেলামী কিছু কিছু দিতেন। যখন সীতারাম এই নবাব-সেলামীর অর্থ ও উপঢৌকন সামগ্রী অল্প পরিমাণে প্রেরণ করিতে লাগিলেন, তখন শক্তিতহৃদয় মুনিরাম সীতা-রামের বৈয়ত্যা করিতে প্রবৃত্ত হইলেন। বুদ্ধিমান সীতারাম অল্পদিন মধ্যে মুনিরামের অবস্থা বুঝিলেন। মুনিরামের ছায় একজন বিচক্ষণ লোক সীতারামের কাঁধে হইল, ইহা কদাচ সীতারামের অভিপ্রেত হইতে পারে না। মুনিরামের সহিত ঘনিষ্ঠতার কোন সম্বন্ধ হইলে মুনিরাম সীতারামের শুভাকাঙ্ক্ষী থাকিবেন, এই ইচ্ছায় ও কাঙ্ক্ষা বিস্তার

সম্প্রদায়ের স্বতন্ত্রতা-দূরীকরণ মানসে সীতারাম উত্তররাঢ়ীয় কায়স্থ হইয়া বঙ্গজ মুনিরামের কন্যা বিবাহ করিবার প্রস্তাব করিলেন।

মুনিরাম ও তৎসংশ্লিষ্ট লোকদিগের সমাজনীতি অতি সঙ্কীর্ণ ছিল, সাম্প্রদায়িক অভিমানে তাঁহাদিগের মন অভিমানে পূর্ণ ছিল। মুনিরামের পুত্র প্রকাশে পিতার মত লইয়া মহোদরার সহিত সীতারামের বিবাহ দিবেন বলিলেন, কিন্তু গোপনে বিষপ্রয়োগে ভগিনীর নিধন-সাধন করিয়া পিতার নিকট পত্র লিখিলেন। হতভাগ্য বঙ্গসমাজ ! হতভাগ্য বঙ্গের আভিজাত্য সম্মান ! অনুভূত বঙ্গের অনুদার সঙ্কীর্ণ সমাজ-নীতি ! সীতারামের সাধু ও মহৎ প্রস্তাবে গরল উঠিল। মুনিরাম মনে মনে সীতারামের বৈরী হইয়া উঠিলেন; মুনিরাম পুত্রের কার্যের প্রশংসা করিয়া পত্র লিখিলেন। সীতারামের সদাশয় প্রস্তাব ও উচ্চ সমাজ-নীতি মুনিরামের স্তায় বিচক্ষণ রাজনীতিজ্ঞ ব্যক্তি বুঝিলেন না। হতভাগ্য বঙ্গে এই অনুদারতা আর কত কাল লক্ষিত হইবে জানি না। মহামান্ত্র ঈশ্বরচন্দ্র বিদ্যাসাগরের প্রস্তাবের বিপক্ষে বিচক্ষণ স্তার রাজা রাধাকান্ত দেবও দণ্ডায়মান হইয়াছিলেন। রাজা বাহাদুর যদি বিদ্যাসাগর মহাশয়ের প্রস্তাব হৃদয়ঙ্গম করিতে পারিতেন, তবে আমরা এক্ষণে অনেক বালবিধবার বিষাদ-মলিন-মুখ দেখিতাম না এবং সীতারামের প্রস্তাব মুনিরাম বুঝিলে সম্ভবতঃ কায়স্থ-সমাজে বর্তমান সময়ের কন্যাদায়ের ঘোর আতঙ্ক ও আর্ভনাদ উপস্থিত হইত না।

পীতাম্বর দত্ত গদখালী থানার নিকটবর্তী কোম গ্রামে বাস করিতেন, তাঁহার গৃহের এক রমণী মুসলমান কর্তৃক অপহৃত ও মুসলমানধর্ম্মে দীক্ষিতা হন। পীতাম্বর সে কামিনীকে আর গৃহে আনিলেন না।

পীতাম্বর যশোহর চাঁচড়ার রাজার প্রজা ও সমাজস্থ লোক ছিলেন। উল্লিখিত দোষে পীতাম্বর সমাজচ্যুত হইয়া সীতারামের শরণাগত হন। সীতারাম তাঁহার সভাসদ পণ্ডিতগণের সহিত পরামর্শ করিয়া দেখিলেন, পীতাম্বরের কোন দোষ হয় নাই। সেই মুসলমান অপহৃত ললনাকে গৃহে আনিলে পীতাম্বরের ধর্মহানি হইত। সীতারাম পীতাম্বরকে আপন সমাজে উঠাইয়া লইতে সম্মত হইলেন। পীতাম্বর সীতারাম ও তাঁহার সমাজস্থ ব্যক্তিগণকে নিমন্ত্রণ করিলেন। তখন আষাঢ় মাস, ঘনঘটার দিঘুগুল সমাচরন—মুঘলধারে বৃষ্টিপাত হইতেছে, সৌদামিনী নীলবসন হইতে বসনান্তর গ্রহণ করিয়া নভোমণ্ডলে ক্রীড়া করিতেছেন, নীরদনাদে দিঘুগুল কম্পিত হইতেছে, এই ছদ্মিানে উদারচরিত সীতারাম সদলবলে রাজা মনোহর রায়ের জমিদারীর মধ্য দিয়া পীতাম্বরগৃহে উপনীত হইলেন। পীতাম্বরের গৃহপ্রাঙ্গণ জলকর্দম-পরিপূর্ণ ছিল, তিনি গোলা ছুটাইয়া ধাতু ছড়াইয়া উঠানের জল কর্দম নিবারণ করিলেন। এই হইতে পীতাম্বরের নাম ধেনো পীতাম্বর হইল। সীতারাম মনোহরকে অগ্রাহ্য করিয়া পীতাম্বরের বাটীতে ভোজন-পূর্বক তাঁহাকে সমাজে উঠাইয়া লইলেন।

প্রথমা রাজমহিষীর পিতার নাম সরল খাঁ (ঘোষ) ছিল। সরল খাঁ কুলমর্যাদায় বিশেষ সম্ভ্রান্ত ও সমাজপতি ছিলেন। সীতারাম সরল খাঁর সহিত কতিপয় সম্ভ্রান্ত উত্তররাঢ়ীয় কায়স্থ মুর্শিদাবাদ অঞ্চল হইতে আনাইয়া মহম্মদপুর হইতে সাত মাইল পশ্চিমে ঘুল্লিয়া গ্রামে বাস করান। সরল খাঁর বাটার ভগ্নাবশেষ ও ছুইটী পুকুরিনী অষ্টাপি বর্তমান আছে। সরল খাঁ এত বড় কুলীন ছিলেন যে কথিত আছে, তিনি

কমলাকে ওজন করিয়া সীতারামের নিকট হইতে কণ্ঠাশুক আদায় করিয়াছিলেন। সরলের জ্ঞাতি লাভুস্পত্র গোপেশ্বর খাঁ সীতারামের ভগিনী রায়-রঙ্গিনীকে বিবাহ করিয়াছিলেন। সরল খাঁ ও গোপেশ্বর খাঁ একই ভবনে বাস করিতেন। এক্ষণে ঘুল্লিয়ার তালপুকুর নামে যে প্রকাণ্ড পুষ্করিণী আছে, তাহাই খাঁদিগের বাটার সদর পুষ্করিণী ছিল। সীতারামের বাটার সন্নিকটে ভবানীপুর নামে একখানি পুরাতন গ্রাম ছিল, সীতারাম নানা দিগ্দেশ হইতে নানা রকমের স্মৃষ্টি আয়ের কলম আনাইয়া ঐ গ্রামের নিকটবর্তী বহু বিস্তীর্ণ এক উচ্চ ভূমিখণ্ডে রোপণ করাইয়াছিলেন। যথাসময়ে ঐ স্থান স্মৃষ্টি আত্রকাননে পরিণত হয়। সীতারাম কর্তৃক আনীত উচ্চশ্রেণীর ব্রাহ্মণ ও কায়স্থগণ ঐ আত্রকানন মধ্যে বাসভবন করার অভিপ্রায় করেন, কিন্তু রাজার বহু যত্নে, আদরে এবং বহুব্যয়ে প্রস্তুত প্রভূত আত্রবাগান নষ্ট করিয়া বাসভবন করিবেন, এ বিষয় কেহই রাজার নিকট বলিতে সাহসী হন নাই। পরে সীতারাম ঐ বিষয় লোকপরম্পরায় অবগত হইয়া উক্ত ব্রাহ্মণ কায়স্থগণকে ডাকিলেন এবং তাঁহাদের এ বাসনা প্রকৃত জ্ঞানিতে পারিয়া তাঁহাদিগকে ঐ আত্রকাননে বাসভবন নির্মাণ করিতে এবং ঐ নবপ্রতিষ্ঠিত গ্রামের নাম “আমগ্রাম” রাখিতে আদেশ করেন, তদনুসারে ঐ গ্রামের নাম আমগ্রাম হয়। কালের কুটিলগতি-প্রভাবে স্রোতস্বতী মধুমতী-নদীগর্ভে সীতারামের এই নবপ্রতিষ্ঠিত সাধের গ্রামখানি লীন হইয়া যায়। পরে গ্রামবাসিগণ সুবিধানুসারে ভিন্ন ভিন্ন স্থানে বাসভবন নির্মাণ করেন এবং সীতারামের আদেশানুক্রমে নিম্ন নিম্ন বাসগ্রামের নাম “আনগ্রাম” রাখিলেন। বশোহর জেলার

মহম্মদপুরের পূর্বপারে বর্নীআমগ্রাম এবং ফরিদপুর জেলার সোতাসী আমগ্রাম ও খালিয়া আমগ্রাম বিদ্যমান আছে। অনেকে অনুমান করেন, এই গ্রামত্রয় পূর্বে সীতারামের প্রতিষ্ঠিত একই আমগ্রাম ছিল। ইহা জানিয়া আমগ্রামের ব্রাহ্মণ-সমাজ এবং বর্নী আমগ্রামের কারয়-সমাজ বঙ্গের কারয় ও ব্রাহ্মণ-সমাজে সুপরিচিত। এই বর্নী আমগ্রামের বর্তমান সরকার, বিশ্বাস, মুন্সী ও সিকদারগণ এক জাতি হইয়াও তাহাদের পূর্বপুরুষগণের সীতারাম-সরকারে কার্যের উপাধি অনুসারে ভিন্ন ভিন্ন উপাধি প্রাপ্ত হইয়াছিলেন। এই আমগ্রাম বহুবার নদীসিকন্তি হইয়াও সীতারামরক্ষিত আমগ্রাম নাম বিস্মৃত হয় নাই, কিন্তু অনেকে স্থানভ্রষ্ট হইয়া নানাস্থানে বাটী নির্মাণ করার সংখ্যান্নতাবশতঃ ঐ নাম রক্ষা করিতে সমর্থ হন নাই। এইরূপে ঐ স্থানভ্রষ্ট অধিবাসিগণ এখনও শঙ্কুজিৎপুর, মিনাকপুর ও রাইতপাড়া প্রভৃতি স্থানে বাস করিতেছেন।

সীতারামের একটা কুলীন ব্রাহ্মণ নায়েব ছিলেন। সেই ব্রাহ্মণের ছয়টা ব্রাহ্মণী। তিনি ব্রাহ্মণীগণকে তত্ত্ব যত্ন করিতেন না। তিনি তাঁহার কোন এক ব্রাহ্মণীর ব্যভিচার দোষ জানিতে পারিয়া গঙ্গান্নানে লইবার ব্যপদেশে বাদার মধ্যে বিষপ্রয়োগে তাহার বধসাধন করেন। সীতারাম এই দুর্ঘটনা জানিতে পারিয়া নায়েব মহাশয়কে পদচ্যুত ও সমাজচ্যুত করিয়াছিলেন। এই ব্রাহ্মণের উত্তরপুরুষে অনেক লোক জীবিত আছেন, সুতরাং তাঁহার নাম করিলাম না।

সীতারাম তাঁহার রাজ্যমধ্যে অনেক উচ্চশ্রেণীর ব্রাহ্মণ, কারয়, বৈষ্ণব নানাদেশ হইতে আনাইয়া বাস করাইয়াছিলেন। এই সকল ভদ্রলোকদিগের প্রতি সীতারাম বিশেষ যত্ন ও শ্রদ্ধা করিতেন। এই

সকল ভদ্রলোকের সাহায্যে উত্তরোত্তর উন্নতি হয়, তদ্বিষয়ে সীতারাম বিলক্ষণ চেষ্টা করিতেন।

কথিত আছে, সীতারাম কুলীনব্রাহ্মণ কন্যাদায়ে অর্থপ্রার্থী হইলে তাঁহাকে কপর্দকও সাহায্য করিতেন না।^{১০} কিন্তু বংশজ ও শ্রোত্রিয় ব্রাহ্মণগণ বিবাহার্থ অর্থপ্রার্থী হইলে তাঁহাদিগকে প্রচুর অর্থ দান করিতেন। তিনি কুলীন-ব্রাহ্মণগণকে তাঁহাদের কন্যা সম্ভ্রান্ত পণ্ডিত ব্রাহ্মণকে দান করিতে বলিতেন। তিনি কোলীণ কুপ্রথায় কুলীন-কুমারীগণের নিদারুণ ক্লেশ দেখিয়া আন্তরিক দুঃখ প্রকাশ করিতেন। তিনি বহুসংখ্যক অনুঢ়া কুলীনকুমারীকে আপন গৃহে রাখিয়া মাতৃজ্ঞানে গ্রাসাচ্ছাদন দিয়া প্রতিপালন করিতেন।

মূনিরামের কন্যাকে সীতারামের বিবাহ করিবার প্রস্তাব, ধেনো পীতাশ্বরের জাতিদান, গোপেশ্বর, সবল খাঁ ও অন্যান্য ভদ্রলোকের বাসভবন-নির্মাণ, কুলীন-কুমারীগণকে প্রতিপালন ও কুলীনের কন্যাদায়ে অর্থসাহায্য না করা প্রভৃতি ঘটনা হইতে আমরা সীতারামের সমাজ-নীতি কিরূপ মনে করিতে পারি? সীতারামের সমাজ-নীতি উচ্চ ও উদার ছিল। তিনি উত্তররাঢ়, দক্ষিণরাঢ়, বঙ্গ ও ববেন্দ্র এই চারি প্রদেশভেদে চারি কায়স্থ-সমাজকে একতাসূত্রে বদ্ধ করিতে অভিলাষী হইয়াই সাম্প্রদায়িক পার্থক্যের মূলে কুঠারাঘাত করিতে উদ্যোগী হইয়াছিলেন।

তিনি অকারণে বা সামান্ত কারণে জাতিপাত হওয়ার বিরোধী ছিলেন। কিন্তু প্রকৃত দোষী সমাজচ্যুত হইবার উপযুক্ত ব্যক্তিকে বিহিত দণ্ডবিধান করিতে যত্নবান্ ছিলেন। কোলীণ-কুপ্রথা তাঁহার

জ্ঞানদীপ্ত উচ্চ সমাজনীতির চক্ষে বিষদিক্ শলাকাবৎ প্রতীয়মান হইত । জ্ঞানগৌরবে মণ্ডিত, উচ্চ আচার ব্যবহারে ভূষিত, ধর্মজ্ঞ, ধর্মনিষ্ঠ ভদ্রলোকদিগকে তিনি সমাদর করিতেন এবং সযত্নে রক্ষা ও পালন করিতেন । অতএব আধুনিক বাঙ্গালী যুবক ! বর্তমান সময় হইতে দুইশত বৎসর পূর্বে সীতারামের সমাজ-নীতি পর্যালোচনা করিয়া বঙ্গের কলঙ্ককালিমায় কলুষিত সমাজমার্গে পাদবিক্ষেপের পথ নির্ধারণ করিয়া লও । সাম্প্রদায়িক পার্থক্যের মূলে কুঠারাঘাত কর । কৌলীন্ত-কুপ্রথাবিষবল্লরী সমূলে বিনাশ কর । বঙ্গের দন্ধ-ললাট, মলিনমুখী কুলীন-কুমারীগণের প্রতি দৃষ্টিপাত কর । আপন ভগিনী, পিতৃঘসা ও মাতৃঘসার হুঃখ দূর করিয়া, সমাজ-কালিমা প্রক্ষালন করিয়া নৈতিক সাহসের পরিচয় দাও । উন্নতির প্রথম সোপানে আরোহণ কর, পরে উচ্চ হইতে উচ্চতর কর্মের প্রতি লক্ষ্য করিয়া বঙ্গমাতার প্রতি দৃষ্টি কর ।

একাদশ পরিচ্ছেদ



সীতারামের সময়ে শিল্প ও বাণিজ্য

বর্তমান সময়ে বিজ্ঞানালোকে আলোকিত জগতে উত্তম প্রণালীতে, উত্তম বর্ণের নানাবিধ কাগজ প্রস্তুত হইতেছে। সীতারামের সময়ে ইংলণ্ডেও কাগজের কল প্রস্তুত হয় নাই, এদেশেও কাগজের কল ছিল না। পাট, কাপড় ও পুরাতন কাগজ পচাইয়া ঠুঁদশে একরূপ কাগজ প্রস্তুত হইত। ঐ কাগজকে ভূষণাই-কাগজ বলিত। এই কাগজ সীতারামের রাজ্যে সর্বত্র প্রস্তুত ও ব্যবহৃত হইত। কাগজগুলি ২০।২২ ইঞ্চি দীর্ঘ ও ১২।১৩ ইঞ্চি প্রস্থ ছিল। এই সকল কাগজ দুই বর্ণের ছিল। স্বেৎ সবুজ শ্বেতবর্ণের ও হরিজা বর্ণের কাগজ প্রস্তুত হইত। সবুজবর্ণের কাগজে হরিতালের রঙ লাগাইলেই হরিজা বর্ণের কাগজ হইত। এই কাগজকে তুলট কাগজ বলিত। এই কাগজের লম্বা পুঁথি এতদঞ্চলের ব্রাহ্মণগৃহে বহুল পরিমাণে লক্ষিত হয়। এই কাগজ স্থায়ী ও পুঙ্। এই কাগজ সর্বাগ্রে সীতারামের জমিদারী ভূষণায় প্রস্তুত হইত বলিয়া ভূষণাই-কাগজ নাম হইয়াছিল। আমি বাল্যকালে এই কাগজ নলদীপরণায় তলাবেড়ু, বিনোদপুর, সায়পুর, মাহা উজিরালের বরিসাট প্রভৃতি গ্রামে প্রস্তুত হইতে দেখিয়াছি। আশঙ্ক্য সীতারামের দত্ত বতগুলি মনন পাইয়াছি, সুকথই এই কাগজে

লিখিত। সীতারামের রাজ্য মধ্যে এই কাগজ সীতারামের বস্ত্রে বহুল পরিমাণে প্রস্তুত হইত। এই সময়ে কাগজ ব্যবসায় আমাদের দেশ বিলাত অপেক্ষা হীন ছিল না।

বস্ত্রবরনকার্য্যও সীতারামের রাজ্য মধ্যে উত্তমরূপ হইত। তল্লাবেড়ের মিহি উড়ানি অস্ত্রাপি এ অঞ্চলে বিখ্যাত। সীতারামের রাজ্য মধ্যে অনেক জোলা, যুগী ও তস্ত্বায়েের বাস আছে। ইহারা সকলেই বস্ত্রব্যবসারী ছিল। বিলাতী বস্ত্রের প্রতিযোগিতায় এ সকল বস্ত্রব্যবসারী-দিগের ব্যবসা একেবারে মাটি হইয়াছে। আমি বাল্যকালে বিনোদপুর, তল্লাবেড়ে, আমতৈল; তালখড়ি, নন্দনী, চণ্ডীবরপুর, সাঁতৈর, কানাই-পুর, মকিমপুর প্রভৃতি গ্রামে উত্তম উত্তম খুতি, সাড়ী ও উড়ানি প্রস্তুত হইতে দেখিয়াছি। বর্তমান যশোহর জেলার সৈদপুর ও মুরলীর হাট হইতে ইউরোপীয় বণিক্গণ এই সকল বস্ত্র বহুল পরিমাণে ক্রয় করিতেন। বালিসের খেরো ও ছিট, ভোবকের খারুয়া ও লেপের খারুয়া প্রভৃতি পূর্বেও হইত, এখনও স্থানে স্থানে প্রস্তুত হয়। এই সকল বস্ত্র বিস্তৃত কার্পাস সূত্রে প্রস্তুত হইত। সীতারামের রাজ্যে স্থানে স্থানে তুঁতের চাষ ছিল এবং কোন কোন স্থানে রেশমী বস্ত্র প্রস্তুত হইত; কার্পাস বস্ত্র হইতেও নানাবিধ রঙ্গিন বস্ত্র ও পাকা ছিট প্রস্তুত হইত।

সাঁতৈর পরগণার সাঁতৈর গ্রামে অস্ত্রাপি উত্তম পাটী প্রস্তুত হইয়া থাকে। পাতিয়া নামক এত জাতি এই পাটী প্রচুর পরিমাণে প্রস্তুত করে। সীতারামের সময় এই পাটী প্রচুর পরিমাণে প্রস্তুত ও নানা দিগ্দেশে রপ্তানি হইত। সীতারামের জমিদারীর মধ্যে স্থানে স্থানে

কাপালী নামক এক জাতির বাস আছে। ইহারা পাটের চিকণ তন্তু প্রস্তুত করিয়া তদ্বারা উত্তম থলিয়া (ছালা) ও চট প্রভৃতি প্রস্তুত করিয়া থাকে। পূর্বে এই চট ও থলিয়া বহু পরিমাণে প্রস্তুত ও বিদেশে রপ্তানি হইত। এই চট ও থলিয়া কলের চট ও থলিয়া অপেক্ষা স্থায়ী ও সুন্দর।

সীতারামের রাজ্যে বহুসংখ্যক ছুতার মিস্ত্রীর বাস। ইহারা উত্তম-রূপ পিড়ি, খাট, তক্তপোষ, চৌকী, বায়, সিঁদুক, গাড়ী, পাকী, নৌকা প্রভৃতি প্রস্তুত করিতে জানিত এবং এখনও জানে। সৈদপুরে পানসী এ অঞ্চলের বিখ্যাত ব্যবসায়ী মহাজনী নৌকা। তেলিহাটীর বাঙ্গালা দূরদেশে মালবহনের উপযোগী। এ সব কারিকরগণ এ সকল কাঠের কার্য সীতারামের সময় হইতেই করিয়া আসিতেছে। ইহারা দেবমূর্তি ও বৃথ প্রভৃতি নির্মাণেও পূর্বে বিলক্ষণ নৈপুণ্য প্রকাশ করিয়াছিল। সীতারামের রাজধানীতে কামারপাটা নামক একটা স্থান আছে। কিন্তু এখন মহম্মদপুরে কৰ্ম্মকার নাই বলিলে অত্যাুক্তি হয় না। কথিত আছে, সীতারামের পতনের পর মুসলমান-সৈন্যগণ যখন মহম্মদপুর লুণ্ঠন করে, তখন এই সকল কৰ্ম্মকারগণ পলায়নপূর্বক কানুটীয়া, বাটাভোড়, লোহা-গড়া, লক্ষ্মীপাশা, নল্দী, মাচপাড়া, নড়াইল, পুলুম প্রভৃতি স্থানে যাইয়া বাস করে। কানুটীয়ার কুর, ছুরি, কাটারি, খজা, বল্লম, শড়কী প্রভৃতি বহুকাল এতদঞ্চলে বিখ্যাত ছিল। বাটাভোড় প্রভৃতি অঞ্চলের কৰ্ম্ম-কারগণও ঐরূপ সৰ্বপ্রকার দ্রব্যই উত্তমরূপে গড়িতে পারে। সীতা-রামের যুদ্ধান্ত কামান, বন্দুক, অসি, বল্লম, শড়কী প্রভৃতি তাঁহার রাজ-ধানীতে প্রস্তুত হইত। কথিত আছে, সীতারাম এই সকল কৰ্ম্মকার-

দিগকে ঢাকা অঞ্চল হইতে আনাইয়াছিলেন। কালে খাঁ ও বুম্বুম খাঁ নামক দুইটি কুস্তীর এক্ষণে বাগেরহাটের অন্তর্গত খাজেনালীর দীঘীতে আছে। ঐ দুই নামে সীতারামের দুই বৃহৎ কামান ছিল। তদ্রূপ কামান তখন বঙ্গদেশে আর ছিল না। ঐ দুই কামানের সহিত কুস্তীরের আকারের সাদৃশ্য থাকার উহাদের নাম কালে খাঁ ও বুম্বুম খাঁ হইয়াছে।

উপরোক্ত কৰ্মকারগণের মধ্যে, অনেকে উত্তমোত্তম স্বর্ণরৌপ্যের গহনা গঠনে বিচক্ষণতা দেখাইয়াছিল। ইহারা ধাতুময় দেবমূর্তিও উত্তম-রূপ গড়িতে পারিত। এক্ষণে কলিকাতার সিমলা, জানবাজার ও কালীঘাট অঞ্চলে যে সকল কৰ্মকারগণ বাস করিয়া বঙ্গবিখ্যাত উত্তম উত্তম গহনা গঠন করিতেছে, তাহারা অনেকেই মহম্মদপুর রাজধানী ও সীতারামের রাজ্য হইতে গিয়াছে। মহম্মদপুর রাজধানীর কৰ্মকারপূর্ণ কানুটীয়া আজ জঙ্গলাবৃত্ত ও কৰ্মকারশূন্য। মহম্মদপুরের বাজারের কৰ্মকারপটী আজ মাঠে ও জঙ্গলে পরিগত। মহম্মদপুর রাজধানী ও তন্নিকটবর্তী স্থানে উত্তম উত্তম তাম্র, পিতল ও কাংশুর দ্রব্যাদি প্রস্তুত হইত। এখানকার কৰ্মকারেরা উত্তম উত্তম পিতল, কাঁসার ছকাও গড়িতে জানিত। বাথরগঞ্জের বড় বড় ঘাটী প্রথম মহম্মদপুরেই গঠিত হয়। মহম্মদপুরে বড় বড় পুষ্পপাত্র ও থাকিয়া প্রস্তুত হইত। মহম্মদপুরের কাংশুবনিকগণ বাটাছোড়, শৈলকুপা, দৌলভগঞ্জ, কলসকাটা প্রভৃতি স্থানে চলিয়া যার। সীতারামের জমিদারী মধ্যে মলুয়া নামক এক মুসলমান-সম্প্রদায় আছে। ইহারা বাদাবন হইতে নল কাটীয়া আনিয়া উত্তম দড়মা ও মলুয়া প্রস্তুত করিতে পারে। মলুয়া ম্যাটিংএর পক্ষে বিশেষ উপযোগী। দরিদ্রলোকেরা গৃহমধ্যে কেবলমাত্র মলুয়া

বিস্তার করিয়া শুইয়া থাকিতে পারে। সীতারামের সময় এই মলুয়ার খুব উন্নতি হইয়াছিল ও এই মলুয়া নানাদেশে বাইত। সীতারামের রাজ্যে কোলা, জালা, কলসী, সাহুক, বাঙ্গড়, পেচি, প্রদীপ, কলিকা, দেলুখা, টালি ও ছবিবিশিষ্ট ইষ্টক অতি উত্তম হইত। মৃন্ময় দ্রব্য পোড়াইয়া কাল প্রস্তুতের আয় করিতে পারিত ও পারে। অত্যাধি বাবু-খালিতে সামান্তরূপ টালির কারখানা আছে। ইংলণ্ডে পোর্সিলেন পাত্র আবিষ্কার হইবার পূর্বে এই অঞ্চলের কাল রঞ্জের সাহুক, জালা, কুজো বা সরাই ইউরোপীয় বণিকৃৎন ক্রয় করিয়া স্বদেশে লইয়া বাইত। আলাইপুরের জালা, ঠাকুরপুরার কোলা অত্যাধি আদরে অনেক স্থানে গৃহীত হইয়া থাকে। সীতারামের রাজ্যে উভয় ঈক্ষু ও খর্জুরের উত্তম চিনি প্রস্তুত হইত। এদেশে গাজীপুরের ও কলের চিনির আমদানী হইবার পূর্বে বেলাগাচির ঈক্ষু চিনি অতি প্রসিদ্ধ ছিল ও তাহা এদেশ হইতে নানাদেশে রপ্তানি হইত। খর্জুরের চিনি, পাটালি ও শুড় বিলক্ষণ প্রসিদ্ধ ছিল। নারিকেলবাড়ে, বুনাগাঁতি, বিনোদপুর, নাওভান্দা প্রভৃতি স্থানে খর্জুর চিনি প্রস্তুত করিবার অনেক কারখানা ছিল। নাওভান্দার কুরিচৌধুরি পরিবার খর্জুর চিনির কারখানা করিয়া বিশেষ সমৃদ্ধিপর ও বিষয়ী লোক হইয়াছিলেন। চিনির কারবারে তখন এতই আয় হইত যে, অনেক ব্রাহ্মণকায়স্থও চিনির কারবার করিতেন। তখন খেজুরে চিনির নাম ছিল পাঁকা ও কাঁচা মলুয়া।

গবাদধি, ক্ষীর, ছানা, ঘৃত, মাখন, সর প্রভৃতি সীতারামের রাজধানী ও জমিদারীতে বেরূপ উৎকৃষ্টরূপে প্রস্তুত হইত, এরূপ উৎকৃষ্ট গব্য দ্রব্য বঙ্গের আর কোথাও প্রস্তুত হয় না। অত্যাধি মহম্মদপুরের অন্তর্গত

কানাইপুর, বিনোদপুর, নাওভাঙ্গা, নহাটা প্রভৃতি গ্রামে বেরূপ উৎকৃষ্ট উল্লিখিত দ্রব্যাদি প্রস্তুত হয়, অল্পত সেরূপ হয় না। তৎকালে ভয়সা বৃহ, দধি প্রভৃতির এদেশে চলন ছিল না। কোন কোন স্থানে ভয়সা হুঞ্চে দধি প্রভৃতির প্রস্তুত হইত বটে, কিন্তু তাহা উচ্চশ্রেণীর হিন্দুরা ব্যবহার করিতেন না।^{৪১}

মহম্মদপুরে মুড়কী ও মণ্ডা অতি উৎকৃষ্টরূপে প্রস্তুত হইত। মহম্মদপুরের কুরিগণ যাহারা সীতারামের পতনের পর নাওভাঙ্গা, নারায়ণপুর, শক্রজিৎপুর প্রভৃতি গ্রামে বাস করিত, তাহাদের উত্তর পুরুষেরাও উৎকৃষ্ট সন্দেশ মুড়কি প্রস্তুত করিতে পারিত। এ অঞ্চলে সীতারামের সময় অনেক বিল ছিল। বিলের তীরে পক্ষে এক প্রকার উদ্ভিজ্জ জন্মিত, তাহার নাম বলুঙ্গা বা শয় বলুঙ্গা। নমঃশুদ্র ও কাপালি জাতীয় লোকেরা বলুঙ্গা কাটিয়া একরূপ মোটা মাঁছর প্রস্তুত করিত। এই মাঁছর বসা ও শয্যার নিম্নে পাতিবার পক্ষে বিশেষ উপযোগী ছিল।

প্রাচীনকালে এ অঞ্চলে বহু সংখ্যক বেতস-লতার বন ও বেতস লতা ছিল। মুচিগণ এই সকল বেতস কর্তনপূর্বক উত্তম উত্তম ধামা, কাঠা, সের, পেটরা, ঝাপি, তুলাদণ্ডের পালা, ঢাল প্রভৃতি প্রস্তুত করিত। পেটরা ও ঝাপি এদেশ হইতে দূরদেশে রপ্তানী হইত। বেত বাঁশের দ্বারা বড় বড় ছোট ছোট নানাবিধ মোড়া প্রস্তুত হইত। মুচি ও বাউতিগণ বংশ-শলাকার দ্বারা কুলা, ডালা, ধুচনি, ঝাকা, ঝড়ি, চুপড়ী, চাঙ্গাড়ী, ঘুরণি প্রভৃতি প্রস্তুত করিত।

সীতারামের যুদ্ধে ব্যবহার্য বারুদ গোলাগুলি মহম্মদপুরে প্রস্তুত হইত। বারুদ মালাকার জাতীয় লোকে প্রস্তুত করিত। এই মালা-

করেবাই সুন্দর সুন্দর ডাকের মাজ প্রস্তুত করিয়া মধুখালি, লোহাগড়া প্রভৃতি স্থানে বিক্রয় করিত। এক্ষণে সেই মালাকরগণের বংশধরগণ বাটাছোড়, কুলসুর, নলদী, সাঁতৈর প্রভৃতি স্থানে বাস করিতেছে। ইহারাও নানা রকমের বাজি ও বাকুদ প্রস্তুত করিতে পারে। সীতারামের সময় ইহারা নানাবিধ সোনার ফুল, পাখী ও জন্তুর ছবি প্রস্তুত করিত এবং তদ্বংশধরগণ এখনও পারে। দেশীয় চামারেরা চটি ও নাগরাই জুতা প্রস্তুত করিত।

সীতারামের রাজধানীতে উত্তমরূপে নানা দেবদেবী, নানাপ্রকার পশু ও নরমূর্তি গঠন এবং চিত্রপট অঙ্কিত হইত। পূর্বেই লিখিত হইয়াছে, আচার্যগণ চিত্রবিদ্যা শিক্ষা করিয়াছিল। তাহারা এ নূতন বিদ্যায় বিশেষ পারদর্শী হইয়াছিল। সীতারামের রাজধানীর প্রতিমাগঠন প্রণালীকে ভূষণাই ও বাটাছুড়ি গঠন বলে। এক্ষণে গঠন নদীয়ার গঠন অপেক্ষা মন্দ নহে। সীতারামের পতনের পর এই সকল প্রতিমাগঠনকারী কারিকরের মধ্যে কতিপয় ব্যক্তিকে পেশকার ভবানীপ্রসাদ গাঙ্গনায় লইয়া যান। গাঙ্গনার গঠনপ্রণালীকে ভূষণাই-গঠন বলে। যে সকল কারিকর বাটাছোড় আসিয়া বাস করে, তাহাদের গঠনপ্রণালীর নাম বাটাছুড়ী গঠন হয়। প্রকৃতপক্ষে ভূষণাই ও বাটাছুড়ী গঠনপদ্ধতিতে কোন পার্থক্য নাই। সীতারামের পরেও বাটাছোড়ের রামগতি পাল ও মধুপাল প্রভৃতি এ অঞ্চলে আসিয়া প্রতিমা গঠন করিয়া বিশেষ খ্যাতিলাভ করিয়াছিল। আচার্য ও চিত্রকরগণ প্রথমে মুন্সী বলরাম দাসের সহিত কাদিরপাড়ার নিকটে কুপড়ীয়া গ্রামে পলায়ন করে। কালসহকারে তাহাদের বংশবৃদ্ধি হইলে কতক কুপড়ীয়ায় থাকে।

ও কতক আড়কান্দি প্রভৃতি স্থানে চলিয়া যায়। অল্পদিন হইল, আচার্যাজ্ঞাতির মধ্যে চিত্রকর রাধিকানাথ আচার্য্য চিত্রবিদ্যায় বিলক্ষণ প্রসিক্তি লাভ করিয়াছিলেন। বাকস্, বেল, তুলসী প্রভৃতি কাষ্ঠে এদেশে ক্ষুদ্র ও বৃহৎ নানাবিধ উত্তম মালা প্রস্তুত হইত। এই মালা বৈরাগী ও নমঃশূদ্রগণ প্রস্তুত করিত। এখনও কাওয়ালীপাড়া প্রভৃতি গ্রামে অনেক মালা প্রস্তুত হইয়া থাকে। উক্ত মালা এদেশ হইতে নানাদেশে রপ্তানি হইত। মালাব্যবসায়িগণ হাজার হাজার টাকা দাদন দিয়া এই মালা গড়াইয়া লইত। এ অঞ্চলে ক্ষুদ্র ও বৃহৎ চিত্রিত ও রঞ্জিত নানাবিধ তালবৃত্ত প্রস্তুত হইয়া থাকে। ইহা সীতারামের সময় হইতে প্রস্তুত হইয়া আসিতেছে।

সীতারামের রাজ্যে দেশী বাঁতায় উৎকৃষ্ট ময়দা এবং চরকা ও টিপে উত্তম মিহি সূতা প্রস্তুত হইত। এই সূতা ও ময়দা বিদেশে রপ্তানি হইত। সীতারামের সময়ে এদেশে কৃষিকার্যের বিস্তার ও কৃষিজাত দ্রব্যের বৃদ্ধি হয়। কৃষিকার্যে সেই সময় হইতে এদেশে ষষ্টিক বা বোরো, আশু ও হৈমন্তিক ধান্ন ; যব, গম, রাই, সর্ষপ, তিল, মসিনা, এরণ্ড, মুগ, মটর, ছোলা, মুসুরি, খেসারী, অরহড়, ঠিকরি-কলাই ও মাসকলাই উৎপন্ন হইতে থাকে। বোরো ধাত্তের আইলে মিঠা কুমড়া, গেমি কুমড়া, ক্ষীরা শঁশা প্রভৃতি উৎপন্ন হইতে থাকে। তরকারীর মধ্যে পঠল, উচ্ছে, ঝিঙ্গে, বেগুন, কলা, নানাজাতীয় আলু, লাউ, কুম্ভাণ্ড প্রভৃতি সমধিক উৎপন্ন হইত। তুলা, পাট ও ইক্ষু মন্দ জন্মিত না। ফলফুলারীর মধ্যে নারিকেল ও সুপারি যথেষ্ট জন্মিত। আম কাঁটাল প্রভৃতির বাগান নূতন প্রস্তুত হইতে আরম্ভ হইয়াছিল।

পূর্বে যে সকল কিম্বদন্তীর উল্লেখ করিয়াছি—যে অর্থ সীতারামকে ডাকিত এবং ভূগর্ভের অর্থ সীতারাম যাক-মস্তবলে জানিতে পারিতেন, সে অলঙ্কারপূর্ণ বাক্যমাত্র। সীতারামের শাস্তিময় সুখময় দেশে কৃষি-শিল্পের উন্নতি হওয়ার, বাজার বন্দর উন্নতিশীল হওয়ার সীতারাম যে কার্যে হস্তপ্রসারণ করিতে লাগিলেন, তাহাতে প্রচুর অর্থ হইতে লাগিল। বহুদিনের পতিত জঙ্গলাবৃত দেশ পরিতৃপ্ত হইয়া জলকষ্ট, পথকষ্ট, বাজার ও দোকানের কষ্ট দূর হওয়ার দেশ জনাকীর্ণ হইতে লাগিল এবং ক্ষেত্রে দশগুণ শস্ত উৎপন্ন হইতে লাগিল। প্রকৃতপক্ষে সীতারাম ভূগর্ভে বা ডাকাইতদলনে এত অর্থ পান নাই যে, তদ্বারা তাহার অনুষ্ঠিত বহু-সংখ্যক সাধু কার্যের একটীরও কোন অংশ সম্পন্ন হইতে পারে। অর্থ ভূগর্ভে জন্মে না। এ অঞ্চলে কেহ বিশেষ বড়লোক ছিলেন না যে, যে সে স্থানে অর্থ প্রোথিত করিয়া রাখিবেন। দস্যুগণ অর্থ সহজে আর ও সহজে ব্যয় করে। তাহারা পূজার ও পানদোষে অনেক অর্থ ব্যয় করিয়া ফেলিত। বিশেষতঃ তাহারা কে কোন্ সময়ে ধরা পড়ে এবং কে তাহাদিগের দস্যুতালক অর্থ আবার দস্যুতা করিয়া লইয়া যায় এই আশঙ্কাও তাহাদিগের ছিল। দ্বিতীয়তঃ অনেক ডাকাইত অনেক সংকার্যের অনুষ্ঠান করিত।

সীতারামের সময়ে মধুখালী, সৈদপুর, পাংশা, কুমারখালী, লোহা-গড়া, মুরলী প্রভৃতির হাট হইতে ইউরোপীয় বণিক্গণ যথেষ্ট তুলা, কাপড়, মেটেবাসন, চাউল, গোধূম ও ময়দা ক্রয় করিত। দেশীয় লোকেরা বড় বড় সৈদপুরে পান্‌সী ও তেলিহাটীর বাংলার করিয়া চাউল, গোধূম, বস্ত্র, তৈল, মুগ, মাষ ও মটরকলাই প্রভৃতি লইয়া তাণ্ডা,

পাটনা, কাশী ও এলাহাবাদ প্রভৃতি সহরে বিক্রয় করিতে যাইত। নারিকেল, সুপারি, হরিদ্রা, লঙ্কা ও চিনি ঐরূপ নৌকাপথে পশ্চিম অঞ্চলে যাইত। দেশীয় সদাগরগণ নৌকাপথে চিনি, তৈল, মেটেবাসন, জুতা, কাপড়, মুগ, মটর প্রভৃতি কলাই লইয়া পূর্বউপদ্বীপ, লঙ্কা, মালদ্বীপ ও বঙ্গোপসাগরের দ্বীপপুঞ্জে বাতায়ত করিত। সুলকথা, সীতারামের সময় দেশীয় বাণিজ্যের বিশেষ শ্রীবৃদ্ধি হইয়াছিল। বড় জাহাজ না থাকিলেও বড় বড় চারিহাজার পাঁচহাজার-মণি নৌকায় সমুদ্রের ধার দিয়া দেশীয় বণিকগণ দূরদেশে যাইতে ভয় করিত না। সীতারাম বণিকসম্প্রদায়কে দূরদেশে যাইয়া বাণিজ্য করিতে বিশেষ উৎসাহিত করিতেন এবং বিদেশীয় বণিকগণের সহিত তিনি বাণিজ্যবিষয়ক আলাপ করিতেন। কথিত আছে, সীতারাম চিত্তবিশ্রামভবনে দেশীয় পণ্ডিত, বিদেশাগত দেশীয় বণিক ও বৈদেশিক বণিকগণের সহিত কথোপকথন করিতেন। তিনি কোন মূল্য দ্রব্য উপহার পাইলে বণিকগণকে বিশেষ পারিতোষিক দিতেন। কোন সময়ে দক্ষিণ-সমুদ্রাগত এক দেশীয় বণিকের নিকট একজোড়া নারিকেলের ছকার খোল উপহার পাইয়া তিনি একসহস্র মুদ্রা পুরস্কার দিয়াছিলেন। কোন সময়ে এক শিকারী সীতারামকে একখানি সুবৃহৎ ব্যাঘ্রচর্ম দেওয়ার সীতারাম তাহাকে একজোড়া কাশ্মীরীশাল ও ৫৫০ টাকা পুরস্কার দেন। ইহাতে সীতারামের মুন্সী বলরাম দাস হুঃখিত হইয়া মৃত্যুরে তাঁহার পার্শ্বচরের নিকট কি বলিতে ছিলেন, তাহাতে সীতারাম হাসিয়া বলিলেন—“এ সাহসের পুরস্কার। আমার একজন প্রজার জীবনের মূল্য ইহা অপেক্ষা অনেক অধিক।” সীতারামের রাজ্যে পাণ বথেষ্ট জন্মিত। এখন

মধ্যবঙ্গ রেলগাড়ীতে পাণই বেশী রপ্তানি হয়। সে সময়ে এ অঞ্চলে
শ্রীহট্টের পাথর গোড়ান চূণ আসিত না। বাড়ী ও চুলিরা নামক
জাতি বিল বিল হইতে শামুক ঝিনুক কুড়াইয়া ও পোড়াইয়া যে চূণ
প্রস্তুত করিত, তাহাই তাহুলের সহিত ও অট্টালিকাদি নির্মাণে
ব্যবহৃত হইত।

দ্বাদশ পরিচ্ছেদ

—o—

সীতারামের বিলাসিতা ও সীতারামী স্মৃতি

সীতারামের প্রাচুর্য্যকাল বঙ্গের অন্ধকার যুগ। এ যুগের রুচির পরিচয় দিতে হইলে যুগপৎ লজ্জা ও ঘৃণার উদয় হয়। ছাত্রগণ এই অধ্যায় পাঠ করিবেন না। পরিণতবয়স্ক ব্যক্তিগণ এই অধ্যায় পাঠকালে মনে রাখিবেন, এই অন্ধকার যুগে বাঙ্গালীর কতদূর পতন হইয়াছিল। এক কথায় এই কালের রুচির পরিচয় দিতে হইলে, আমি পাঠকগণের নিকট লজ্জিতভাবে নিবেদন করি, তাঁহারা যেন মহারাজ কৃষ্ণচন্দ্রের সভায় রচিত ও পঠিত বিদ্যাসুন্দর কাব্যের সর্গ বিশেষ মনে করেন। এখন মহারাজ কৃষ্ণচন্দ্রের সভায় সেই কাব্যের সেই সর্গ রচিত ও পঠিত হইয়াছে, তখন সাধারণের রুচির কতদূর বিকার জন্মিয়াছিল! কৃষ্ণচন্দ্রের সভার গোপাল ভাঁড় ও অশ্রান্ত পারিষদবর্গের রসিকতা-বিষয়ে অনেকেই অনেক গল্প জানেন। ভাঁড়-বধুর নিকটে মধু প্রার্থনা ও তদন্তরে ভাঁড় প্রক্ষালিত জল পাইবার উক্তি, শান্তিপুরের রাসমেলার রাজকুল-ললনাগণের যাইবার প্রস্তাবে গোপাল ভাঁড়ের খলিয়া পরিধান ও গলাদেশ হইতে পাদদেশ পর্য্যন্ত কণ্টকে বেঁটন করিয়া রাজপুর-স্বীগণের সঙ্গী হওয়ার কথা ও তদুপলক্ষে গোপালের উক্তিঃ বিষয়ক গল্প তৎকালের রুচির সম্পূর্ণ পরিচয় দিতেছে। এই কালে ইঞ্জিরসেবা ও বিলাসিতা বড়লোকদিগের কার্য্যের একটা অঙ্গ ছিল।

যে যাহাকে ষত বড় করিতে চাহিত, তাহার সম্বন্ধে কুরুচির পরিচারক, ঘণিত গল্পও তত রচনা করিত। এই সময়ে নবাবের ফৌজদারগণও নবাব বলিয়া পরিচিত হইতেন। নবাব ফৌজদার ও কোন কোন জমিদার যে ইন্ডিয়সেবার জন্ত অনেক ঘণিত কার্য করিতেন, তাহার সন্দেহ নাই। আইন আদালত-বর্জিত কেবল অত্যাচার দ্বারা রাজ্য-শাসনপ্রণালীতে রাজ্য ধর্মহীন হইলে যে সকল ছুক্রিয়া অনুষ্ঠিত হইতে পারে, তাহা এই সময়ে হইতেছিল।

সীতারাম শৌর্যাবীর্ষ্যে বড়, সীতারাম দানধানে বড়, সীতারাম দেবকীর্ত্তি ও জলকীর্ত্তিতে বড় জানিয়া যাহারা মূর্খ ও ইন্ডিয়দাস তাহারা সীতারামকে ইন্ডিয়সেবার ও বিলাসিতায় বড় করিবার জন্ত তাহার সম্বন্ধে কতকগুলি অলীক গল্প রচনা করিয়াছিল। সেই গল্প গুলি এই :—

১। একটা ইষ্টকনির্মিত বৃহৎ চৌবাচ্চা ছিল। প্রতিদিন এই চৌবাচ্চা স্নানীতল গোলাপ জলে পূর্ণ করা হইত। সীতারাম সেই গোলাপ জলে স্নান করিতেন। স্নানান্তে গোলাপ জল ফেলিয়া দেওয়া হইত।

২। প্রতিদিন প্রাতে গাভী দোহন করিয়া যে দুগ্ধ হইত, তাহা হইতেই মধ্যাহ্ন ভোজনের ঘৃত, মাখন, ক্ষীর, সর ও মিষ্টান্ন প্রস্তুত হইত। আবার ঐরূপে বৈকালিক গব্য আহাৰ্য্য প্রস্তুত হইত।

৩। সীতারামের বৈঠকখানায় মর্শ্বর-প্রস্তুতের চৌবাচ্চার স্নগন্ধি সুরা রক্ষা করা হইত এবং সেই চৌবাচ্চার নিকটে রৌপ্য ও স্বর্ণময় থাকার রাশি রাশি চাটনি রাখা হইত। যাহার ইচ্ছা সেই সুরা পান করিতে পারিত।

৪। সীতারাম স্নানাবিধ স্নগন্ধি তৈল প্রতিদিন স্নানের পূর্বে সর্সীকে

ব্যবহার করিতেন। শুক্রণী পীনসুতনী কুলটাগণ স্তন্যদ্বয়ে করিয়া সীতারামের অঙ্গে তৈল মাখাইয়া দিত।

৫। সীতারামের সুবসাগরের মধ্যস্থিত দ্বিতল প্রাসাদে নিদাঘকালোচিত বিলাসভবনের সোপানাবলীর দুই পার্শ্বে স্থলজঘনা বিপুল-উরসী রূপসী রমণীগণ অনাবৃত বক্ষে দণ্ডায়মানা থাকিতেন। সীতারাম সোপানাবলী অধিরোহণ ও অবরোহণকালে তাহাদিগের অঙ্গ বিশেষে ইচ্ছানুসারে করস্পৃষ্ট করিতেন।

৬। সীতারাম বালকবালিকাদিগকে শ্রোতস্বতী নদীতে ফেলিয়া তাহাদের মৃত্যুকালের আর্তনাদ শুনিতেন ও কষ্ট দেখিতেন।

৭। অধুনা বিজ্ঞান-আলোকিত ইউরোপ ধণ্ডের পারাবতের শিক্ষা ও কার্যের কথা শ্রবণ করিয়া আমরা চমৎকৃত ও বিস্মিত হই, কিন্তু আমরা আমাদের দেশের মহাত্মগণের কার্য কিছু মাত্র স্মরণ করি না। সীতারাম বহু সংখ্যক পারাবত পুষিয়া ছিলেন। সীতারাম পারিষদগণের সহিত গমনকালে এই সকল পারাবত তাঁহার ছায়া করিয়া চলিত, তাঁহার আর ছত্র-ব্যবহারের প্রয়োজন হইত না। সীতারামের সভাস্থলেও এই সকল পারাবত পক্ষ ব্যঞ্জন করিয়া তালবৃন্ত-ব্যঞ্জনের কার্য করিত। এই সকল শিক্ষিত পারাবত সংবাদ-বাহকের কার্যও করিত।

৮। পদ্মপুকুর নামে সীতারামের রাজধানীতে যে পুকুর আছে, কেহ কেহ বলেন সীতারামের পিতামহীর নামানুসারে উক্ত নাম হয় নাই। এখানে সীতারাম কামিনীগণের সহিত জলকেলি করিতেন। এই পুকুরিণী প্রাচীরবেষ্টিত ছিল। এখানে ললনাকুল পদ্মিনী আকারে বিরাজ করিতেন এবং সীতারাম হংস হইয়া সেই পদ্মবনে কেলি

করিতেন। রমণীপদ্ম কুটিত বলিয়া এই পুকুরের নাম পদ্মপুকুর হইয়াছে।

৯। সীতারামের ত্রিশ চল্লিশ দাঁড়ের বজরা ও দেড় শত কি দুই শত বঠিয়ার ছিপ ছিল। তিনি এই সকল নৌকায় দশ দিনের পথ এক দিনে যাতায়াত করিতে পারিতেন। বজরাগুলি দেবী চৌধুরাণীর বজরা অপেক্ষা সুন্দররূপে সজ্জিত থাকিত।

১০। দেশীয় কার্পাসসূত্রবিনির্মিত অতি সূক্ষ্ম ধোলাই বস্ত্র সীতারাম ব্যবহার করিতেন। এক দিনের বেশী একখানা বস্ত্র ব্যবহার করিতেন না।

১১। সীতারামের সহিত ২২ শত বেলদার সৈন্য সর্বদাই থাকিত। তিনি যে দিন যে স্থানে যাইতেন, সেই দিন সেই স্থানে নূতন পুষ্করিণী খনন করাইয়া তাহাতে স্নান পূজা করিতেন। সীতারামের জমিদারী মধ্যে অনেক ক্ষুদ্র বৃহৎ পুষ্করিণী দৃষ্ট হয় এবং সেগুলি সীতারামের ভ্রমণ উপলক্ষে খনন করা হইয়াছে বলিয়া লোকের বিশ্বাস।

উল্লিখিত আরও ভালমন্দ অনেক কিম্বদন্তী সীতারামের বিলাসিতা সম্বন্ধে প্রচলিত আছে। এই সকল কিম্বদন্তীর কোন কোনটা অসার ও কাল্পনিক, তাহার অণুমাত্রও সন্দেহ নাই। যে মহাত্মা দীর্ঘকাল ইউরোপীয় নাইটের গ্ৰাম মনে জঙ্গলে, পথেপথে, অর্দ্ধাশনে, অনশনে থাকিয়া আবাড়ের বৃষ্টিধারা ও পৌষের নীত অনাবৃত মস্তকে ও দেহে সছ করিয়া দস্যু-দমন করিয়াছিলেন, যিনি পাবনা জেলার দক্ষিণাংশ হইতে বঙ্গোপসাগর পর্য্যন্ত শান্তিময়, সুখময়, পুণ্যময়, স্বাধীন হিন্দুরাজ্য অত্যন্ত সময়ের মধ্যে স্থাপন করিয়াছিলেন, যিনি জলকীর্তি ও রাস্তানিৰ্মাণদ্বারা

নিয়মবদ্ধদেশ সুশোভিত করিয়াছিলেন, যিনি দেবালয় ও দেবমূর্তিপ্রতিষ্ঠার দ্বারা সনাতনধর্মের উত্তম শিক্ষার উপায় করিয়াছিলেন, যিনি অকাতরে নিজের ভূমিদান করিয়া উচ্চশ্রেণীর লোক আনাইয়া এদেশে বাস করাইয়া-
ছিলেন, যাহার রাজনীতি, সমাজনীতি, ধর্মনীতি ও নরহিতাকাজী উচ্চ হইতে উচ্চতর ছিল, তিনি কি কখন সুরাসক্ত, রমণীআসক্তলিপ্সু, নিষ্ঠুর বিলাসী হইতে পারেন? পার্শ্ববর্তী ভূস্বামিগণের কুক্রিয়াদর্শনে যাহারা মর্শ্বপীড়া পাইত না, যাহারা কালভেদে, ক্রটিভেদে কুক্রিয়াকে আশ্পর্কীয় বিষয় মনে করিত ও যাহারা ইন্দ্রিয়সেবা একটা উচ্চ অঙ্গের কার্য্য মনে করিত, তাহারা তাহাদিগের কদর্যা ক্রটির দোষে এই সকল মিথ্যা বিলাসিতার গল্প সীতারামে আরোপ করিয়াছে। সম্রাট হইতে ফৌজদার পর্য্যন্ত সকলকেই সীতারামকে ভয় করিয়া চলিতে হইত। চতুঃপার্শ্বস্থ ফৌজদারগণ, টাচড়ার রাজা মনোহর রায়, নলডাঙ্গার রাজা রামদেব রায়, ভূষণায় অবস্থিত শত্রুজিতের বংশধরগণ, বিজিত ও বিদূরিত জমিদারবংশীয় জমিদারী আকাজক্ষী প্রভৃতি ব্যক্তিগণের মধ্যে অনেককেই সীতারামকে ভয় করিয়া চলিতে হইত। দেশীয় দস্যু, তস্কর, আরাকানী, আসামী, পর্তুগীজ প্রভৃতির অত্যাচার ও আক্রমণ সীতারামকে প্রতি-
নিয়ত প্রতিরোধ করিতে হইত। প্রজার সুখ সমৃদ্ধি করিয়া শিক্ষার আলোকে তাহাদের মন বড় করিয়া তাহাদিগকে কৃতজ্ঞতাপাশে ও একতাসূত্রে বন্ধন করিয়া ধীরে ধীরে সাবধানে ধর্মরাজ্যসংস্থাপন ও অশেষ কল্যাণকর কার্য্যের চিন্তায় সীতারামকে :অবিরত কালান্তিপন্ন করিতে হইত। যাহার মনে উচ্চ আশা, যাহার হৃদয়ে ধর্মরাজ্য-
স্থাপনের লালসা, যাহার চিন্তে দেশ, সমাজ ও জাতীর উন্নতির

আকাজ্জা, তাঁহার কি কখন বিলাসিতার স্রোতে অঙ্গ ঢালিয়া দিয়া ইচ্ছিরসেবা করা সম্ভব ? যিনি ১৪ বৎসরে ৪৪টা পরগণা জয় করিয়া শাসন ও পালনের সুব্যবস্থা করিয়াছেন ; নূতন জঙ্গল পরিষ্কার করিয়া দূরদেশ হইতে লোক আনাহিয়া প্রজাপত্তন করিয়াছেন ; দেশীয় কৃষি ও শিল্পের উন্নতি করিয়াছেন, তাঁহার বিলাসিতায় কালাতিপাত করার সময় কোথায় ?

কোন কোন কিম্বদন্তী সীতারামের সত্বদেষ্ঠ হইতেও প্রচারিত হইতে পারে। অনুচা কুলীন-কুমারীগণকে সীতারাম সম্বন্ধে আপনগৃহে রাখিয়া লালনপালন করিতেন। তাঁহাদের যথেষ্ট স্বাধীনতা ছিল। সীতারামের গমনাগমন উপলক্ষে এই সকল কুলীন-কুমারীগণ উলুধ্বনি করিতেন, শব্দ বাজাইতেন ও সীতারামের উপর লাজা ও সচন্দন খেতপুষ্প বর্ষণ করিতেন, ইহা হইতেই সম্ভবতঃ সোপানাবলীর পার্শ্বে রমণীকুল দণ্ডায়মানা হইবার কিম্বদন্তী প্রচারিত হইয়াছে। যাত্রাদি সঙ্গীত উপলক্ষে সীতারামের রাজতবনে গোলাপজলবৃষ্টি হইত এবং সুগন্ধি দ্রব্য বিতরিত হইত ; এই হইতেই হয় ত গোলাপজলের চৌবাচ্চার গল্প উঠিয়াছে। জলমগ্ন বালকবালিকা ও নরনারীর উদ্ধারের জন্য সীতারাম যথেষ্ট পুরস্কার দিতেন। গবাদি পশুর বিপদুদ্ধারেরও তাঁহার পুরস্কার ছিল। দয়াময়ী-তলার বারোয়ারী উপলক্ষে ভাল পশু দেখাইতে পারিলে সীতারাম উপহার দিতেন। সীতারামের এই যশ অপহরণের নিমিত্ত হয় ত তাঁহার বিপ্লবদল এই বালকবালিকাবধের কিম্বদন্তী রচনা করিয়াছে। মুসলমান নবাব ও ফৌজদারগণের কেহ কেহ জলে ফেলিয়া বালকবালিকা হত্যা ও গর্ভিণীর গর্ভবিদারণপূর্বক গর্ভস্থ সন্তান দর্শন করিতেন। সীতা-

রামকে তাহাদিগের সমকক্ষ ক্রমতালী প্রচার করার জন্য কেহ হয় ত তাঁহার সবন্ধে মিথ্যা কিম্বদন্তী রচনা করিয়াছে।

সীতারামীসুখ ও রঘুনন্দনী বাড় বলিয়া এতদঞ্চলে দুইটা কথা প্রচলিত আছে। কেহ বাবুগিরি করিলে লোকে তাহাকে সীতারামী সুখভোগ করিতেছে বলে। সীতারামী সুখ অর্থে সীতারামের নিজের বিলাসিতা নহে। যে পুণ্যাত্মকে মুসলমানক্রান্ত দেশে সাবধান ও সতর্কতার সহিত হিন্দুর জাতিধর্ম-রক্ষার নিমিত্ত পাঠানবিদেষ দূর করিয়া কঠোর চিন্তার রাজকার্য পর্যালোচনা করিতে হইত, যাহাকে চিন্তাবিশূণিত মস্তিষ্কের শান্তি দিবার জন্য প্রতিদিন অপরাহ্নে পল্লীবাস চিন্তাবিশ্রামে ও মধ্যে মধ্যে বিনোদপুরের বিনোদন-গৃহের আশ্রয় লইতে হইত, তাঁহার পক্ষে বিলাসিতার প্রমত্ত থাকা সম্ভবপর নহে। মুসলমান উৎপীড়নের পর দ্বাদশ দস্যুর অত্যাচারনিবারণের পর মগ, পর্তুগীজ ও আসামী আক্রমণ নিবারণের পর, মূর্খ অত্যাচারী জমিদার রাক্ষসগণের পৈশাচিক বৃত্তি নিবারণের পর, সীতারামের সময়ে প্রজাদিগের যে নিরাতঙ্ক অতাব-রহিত ধর্মভাব শান্তিসুখের অবস্থা হইয়াছিল, তাহারই নাম সীতারামী সুখ। প্রকৃতিপুঞ্জ সীতারামের সময়ে যে শান্তি সুখ ও স্বচ্ছন্দে বাস করিয়া সুপেয় পান, সুখান্ন ভোজন, সুপথে গমন, সুন্দর বাস পরিধান, সংশিক্ষালাভ, সদাচারের অনুষ্ঠান ও সুলীল প্রতিবেশিগণ মধ্যে বাস করিতে পারিত, তাহারই নাম সীতারামী সুখ। বস্তুতঃ সীতারামের বিলাসিতা নহে। ক্লেশের পর সুখ বড় প্রীতিপ্রদ, বহুদিন ক্লেশের পর সীতারামের সময়ে প্রজার সুখসূর্যের উদয় হইলে প্রজাগণ “ধন্য রাজা সীতারাম ! ধন্য রাণী কমলা ! ধন্য সেনাপতি মেনাহাতী ! ধন্য মন্ত্রী

যত্নাথ!" বলিতে বলিতে তাঁহাদিগের সুখের উচ্ছ্বাস, উল্লাসের উচ্ছ্বাস, শান্তি-স্বাস্থ্যের উচ্ছ্বাস যে প্রকাশ করিতে লাগিল, তাহারই নাম সীতারামীসুখ। মুসলমান হিন্দুকে ও হিন্দু মুসলমানকে যে ভাই বলিতে লাগিল, নরনারীগণের যে তীর্থযাত্রায় দক্ষ্যত্বের ভয় দূর হইল, ক্রিয়াকর্ম করিতে যে ভয়রহিত হইল, ধনসঞ্চয়ে যে আশঙ্কা ভিরোহিত হইল, লোকে জীপুত্র লইয়া যে সুখে বাস করিতে লাগিল, বাজার বন্দর বাণিজ্য-ব্যবসায়ের যে বিশেষ সুবিধা হইল, তাহারই নাম সীতারামীসুখ। দেশে যে ধর্মভাব আসিল, শিকার উপায় হইল, আদর্শ ভদ্রমস্তান প্রতিবেশী হইল, দেশে নূতন নূতন শস্ত, ফল, পুষ্প জন্মিতে লাগিল, নূতন নূতন কত উৎকৃষ্ট খাদ্য প্রস্তুত হইতে লাগিল, কত সুগন্ধি দ্রব্য আসিতে লাগিল, কত যাত্রা, পাঁচালী, কবি, খেমটা, সঙ্গীত শুনিবার সুবিধা হইল, তাহারই নাম সীতারামীসুখ। ইতি-হাসলেখক ও আইন-প্রণেতার পদ বড় বিপদসঙ্কুল। আইন প্রণেতাকে সকল পাপের বর্গন করিতে হয়; ইতিহাস লেখককেও ভাল মন্দ লজ্জিত ঘৃণিত সকল কথার উল্লেখ করিয়া বৃত্তি ও ঘটনা দ্বারা স্বীয় মত সমর্থন করিতে হয়। এই কর্তব্যানুরোধে এই অধ্যায়ে কয়েকটি লজ্জাকর কিংবদন্তীর লজ্জিত ও ঘৃণিত ভাবে উল্লেখ করিতে হইয়াছে। পাঠক ক্ষমা করিবারা ঘৃণিবেন যে ইহা মহৎ চরিত্রের দোষ-প্রকাশনের যথাসাধ্য চেষ্টা।



ত্রয়োদশ পরিচ্ছেদ



সীতারামের পতনের কারণ

বঙ্গের সুপ্রসিদ্ধ লেখকচূড়ামণি পরলোকগত বাবু বঙ্কিমচন্দ্র চট্টো-
পাধ্যায় ঝিনাইদহে ও মাগুরায় অবস্থিতিকালে কিষ্কদন্তী-শ্রবণে সীতা-
রামের মহৎ হৃদয়ঙ্গম করিয়াছিলেন। বাবু মধুসূদন সরকারের জ্ঞায়
গ্রামে গ্রামে বিদ্যালয় পরিদর্শন উপলক্ষে তাঁহার সীতারাম-জীবনী সংগ্রহ
করিবার অবসর ছিল না। তিনি অসাধারণ প্রতিভা ও অত্যাশ্চর্য্য
কল্পনাবলে সীতারামকে শুক্ল-কৃষ্ণমিশ্রিত বর্ণে রঞ্জিত করিলেও সীতা-
রামের উদারতার পরিচয় দিয়াছেন। যে যতুবান্ অধ্যয়নশীল অভিজ্ঞ
পণ্ডিতপ্রবরের করে শ্রীকৃষ্ণের কলঙ্ক বিদূরিত হইয়াছে, যে কৃষ্ণ কল্পনার
কৃষ্ণ হইতে ঐতিহাসিক কৃষ্ণে পরিণত হইয়াছেন ও সমাজসংস্কারক,
দেশসংস্কারক ও উদার রাজনীতিজ্ঞ বলিয়া যিনি প্রতিপন্ন হইয়াছেন, সেই
বঙ্কিমের অনুসন্ধিৎসা, চেষ্টা, যত্ন ও পাণ্ডিত্য-পরিচয়ে তদীয় মধুর
লেখনী হইতে সীতারামের ইতিহাস লিখিত হইলে বঙ্গের এক অভিনব
আশ্চর্য্য বস্তু হইত। তাহাতে শিক্ষিতবাহাগীর সবিস্ময়ে দেখিবার শিখিবার
ও প্রশংসা করিবার অনেক বিষয় থাকিত। মাদৃশ জনের সীতারামের
ইতিহাস লিখিবার চেষ্টা একরূপ বামনের চন্দ্র ধরিবার চেষ্টা বলিলেও
অত্যাশ্চর্য্য হয় না। মাতুল না থাকা অপেক্ষা অন্ধ মাতুলও ভাল, এই
চলিত কথাটির উপকারিতার উপর নির্ভর করিয়া মাদৃশ জনের সীতারাম

লেখার ষড়্। বহুিম বাবুর সীতারাম একেবারে কল্পনা নহে। ঐতিহাসিক সীতারামের যে সকল কিম্বদন্তী তিনি সম্পূর্ণ বিশ্বাস করিতে পারেন নাই, অথবা যাহার ঐতিহাসিক মূল কিছু পান নাই, তাহা বহুিমবাবু অলঙ্কার দ্বারা পূর্ণ করিয়াছেন। সীতারাম নিম্নবঙ্গের স্বাধীন রাজা। তিনি মুসলমানের সহিত বিবাদ করিতে করিতে হিন্দুরাজ্য স্থাপন করিয়াছিলেন। তাঁহার তিন মহিষী, শ্রী, রমা ও নন্দা। গঙ্গারাম শ্রীর ভ্রাতা। জ্যোতির্বিদ গণনা করিয়া বলিয়াছিলেন, শ্রী সীতারামের গৃহলক্ষ্মী হইলে তাঁহার অকল্যাণ হইবে। শ্রী রূপসী, সতী ও পতির চির সৌভাগ্যাকাঙ্ক্ষিনী। শ্রী এই গণনার কথা শুনিয়া এক ভৈরবীর সঙ্গে তীর্থে তীর্থে ভ্রমণ করিয়া বেড়াইতেন। সীতারাম শ্রীর উদ্দেশে দেশে দেশে সন্ন্যাসি-বেশে ভ্রমণ করিয়াছিলেন। নির্দোষ গঙ্গারামের প্রাণদণ্ড হইতেছিল, এই প্রাণদণ্ড হইতে গঙ্গারামকে উদ্ধার করা লইয়াই সীতারামের সহিত ফৌজদারের বিবাদ। সীতারামের গুরু ও প্রধান উপদেষ্টা চন্দ্রচূড়, মেনাহাতী তাঁহার প্রধান সেনাপতি, লক্ষ্মীনারায়ণ তাঁহার গৃহদেবতা, শ্রী ও ভৈরবী একযোগে সীতারাম সমীপে আগমন। ভৈরবী হইতে শ্রীর অদৃশ্যভাবে অবস্থান। শ্রীকে স্থানান্তরিত করিবার পরামর্শদায়িনীবোধে তৎকর্তৃক উলঙ্গাবস্থায় ভৈরবীকে বেত্রাঘাত ও পরে মুসলমান-করে সীতারামের পতন।

বহুিমবাবুর সীতারাম উপন্যাসের সহিত ঐতিহাসিক সীতারামের ভাবগত পার্থক্য নাই। রমা ও নন্দা দুইটা বাঙ্গালীর শ্রীর সাধারণ চরিত্র। একটীর স্বামীর মতই মত, স্বামীর কাঁধাই কার্য। দ্বিতীয়টা মননভরে ভীতা, পেন্পেনে, ভেন্ভেনে, বুদ্ধিহীনা অথচ স্বামিপুত্রের

পরম ভক্তাকাজ্জিনী। শ্রী সীতারামের রাজশ্রী, মহাপুরুষগণ জড়ময়ী
 স্ত্রী অপেক্ষা রাজশ্রীর জন্তই অধিকতর লালায়িত। সীতারাম সন্ন্যাসীর
 গ্যায় পবিত্রমনে পবিত্রভাবে স্বাধীন রাজশ্রীর জন্ত ব্যতিব্যস্ত ছিলেন।
 শ্রীর ভ্রাতা সুখ ও সম্পদ। গঙ্গারামরূপ রাজ্যের সুখ-সম্পদ ফৌজদার
 অকারণে ভূগর্ভে জীবন্ত অবস্থায় প্রোধিত করিতেছিলেন। নিম্ন-বঙ্গের
 সুখ-সম্পদের জন্তই সীতারামের ফৌজদারের সহিত বিবাদ। চন্দ্রচূড়-
 গুরুপরিচালিত অর্থে সীতারাম গুরুস্থানীয় ব্রাহ্মণ কর্তৃক পরিচালিত
 হইতেন। তৈরবী শ্রীর সহচরী অর্থাৎ রাজশ্রী ও শাস্তি এক সন্ধে
 থাকেন। রাজশ্রী সীতারামের সম্মুখে আসিয়াই অন্তরালে থাকিলেন।
 সীতারামের মনের শাস্তিরূপ তৈরবীকে উলঙ্গভাবে বেজাঘাত করিয়া-
 ছিলেন অর্থাৎ সীতারামের রাজ্য যায় যায় হইলে তাঁহার চিন্তে শাস্তির
 লেশমাত্রও ছিল না। লক্ষ্মীনারায়ণ সীতারামের গৃহদেবতা ও মেনাহাতী
 সীতারামের সেনাপতি ছিলেন, ইহা প্রকৃত ঘটনা। সীতারামের পতন—
 বঙ্গের দুরদৃষ্ট, তাহাতে আর সন্দেহ নাই। বঙ্কিমবাবু সীতারামের
 কীর্তি দেখিয়া ও কিম্বদন্তী শ্রবণ করিয়া বুঝিতে পারিয়াছিলেন যে,
 সীতারাম একজন অসাধারণ লোক ছিলেন, কিন্তু তিনি ইতিহাস
 লিখিবার উপকরণ না পাওয়ার ও তাঁহার উপকরণসংগ্রহের সময় না
 থাকায় কল্পনা ও ঘটনা মিশ্রিত করিয়া উপভাস প্রণয়ন করিয়াছেন।
 সীতারাম, বশোহর চাঁচড়ার রাজা মনোহর রায়ের ও নলডাঙ্গার রাজা
রামদেবের সহিত সন্ধি করিয়াছিলেন। তাঁহাদের সহিত সীতারামের
সন্ধি হইলে কি হইবে। তাঁহারা সীতারামকে হিংসী করিজেম এবং
 সীতারামের পতনের জন্ত সাংগ্ৰহের সহিত অপেক্ষা করিতেছিলেন।

সীতারাম মনোহরের রাজ্য-বিস্তারের কণ্ঠক ছিলেন। নলডাঙ্গার রাজা সীতারামকে নামহলের শচীপতির স্বাধীনতা অবলম্বনের পরামর্শ-দাতা মনে করিতেন। মুকুন্দরায়ের বংশধরের জমিদারীর মধ্যে সীতারাম গৃহবিবাদ ও প্রজাপীড়নদোষের অবসর পাইয়া প্রবেশ করেন। উক্ত বংশধরণ কেহ স্থানান্তরে চলিয়া যান। কেহ ভূষণার ফৌজদারের অধীনে চালি সৈন্ত অর্থাৎ পদাতিক সৈন্তের নায়ক হইয়া থাকেন। রাজ্যদ্রষ্ট স্বতসর্বস্ব এই চালি অধ্যক্ষগণ সর্বদাই সীতারামের সর্বনাশে যত্ববান ছিলেন। অন্যান্য জমিদারগণের অধিকাংশ জমিদারীতে সীতারাম গৃহবিবাদ বা প্রজাপীড়ন দোষে প্রবেশ করেন। এ জগতে সকল লোকের মনস্তৃষ্টি করেন এরূপ মাধ্যম কাহারও নাই, ভাল মন্দ লোক সকল সময়েই অল্প বা অধিক পরিমাণে আছে। সীতারাম বাহাদুরের রাজ্য লইয়াছিলেন, তাঁহার সেই বিপক্ষদের অনেক সূত্র ছিল। এই বিপক্ষ দলও সুসময়ের অপেক্ষা করিতেছিল। অল্প দিনের মধ্যে সীতারামের সর্বোপরি উন্নতিতে ও তাঁহার রাজ্যের শান্তি-সুখ-সম্পদ বৃদ্ধিতে অনেকের হিংসাপ্রবৃত্তি বলবতী হইয়াছিল। ভূষণার ফৌজদার সীতারামকে ভয় করিতেন বটে, কিন্তু তাঁহার কর্মক্ষেত্রের নিকটে এরূপ একটা প্রবল শক্তি থাকা তিনি পছন্দ করিতেন না। মুজানগরের ফৌজদারও সীতারামকে ভাল দেখিতেন না। বৃটিশ সাম্রাজ্য-সংস্থাপনের প্রারম্ভে গভর্নর ওয়ারেন হেস্টিংসকে যেরূপ ইষ্ট ইণ্ডিয়া কোম্পানীর ডিরেক্টরগণের অর্থলালসা পরিতৃপ্ত করিতে হইত, মুর্শিদকুলী খাঁকেও সেইরূপ দক্ষিণপথে যুদ্ধের জন্য সম্রাট আরঙ্গজিবকে অজস্র অর্থদান করিতে হইত। কুলী খাঁ অনেক সময় কথায় কাজে ঠিক থাকিতেন

পারিতেন না। সীতারাম অনেক সময় নাবালক ও বিধবার জমিদারীর সুবন্দোবস্তের জন্য কর্তৃত্বভার লইয়া ছিলেন। অনেক স্থানে তিনি নূতন গ্রাম ও নগর বসাইয়া ছিলেন। তাঁহার শাসন ও পালনওণে তাঁহার রাজ্যের সর্বত্র শ্রী ও সমৃদ্ধিসম্পন্ন হইয়াছিল। সীতারামের বিরুদ্ধে শত কথা প্রতিদিন সীতারামের বিপক্ষ দল ভূষণার ফৌজদার আবুতরাপের নিকট বলিতে লাগিল। আবুতরাপ সীতারামের সুখসমৃদ্ধি দেখিয়া সীতারামের নিকট হইতে কর আদায়ের জন্য দেওয়ান কুলিখাঁর নিকট পুনঃ পুনঃ পত্র লিখিতে লাগিলেন। প্রকৃতপক্ষে সীতারামকে কয়েক বৎসরের জন্য কর দিবার কথা ছিল না। আবুতরাপের পত্রের উপর পত্রে মুর্শিদকুলী খাঁ কিছুদিন বিচলিত হন নাই। যখন বিশ্বাসঘাতক মুনিরাম আবুতরাপের পত্রের সঙ্গে সঙ্গে কুলী খাঁর নিকট সীতারামের রাজ্যের সুখসমৃদ্ধির ও সীতারামের স্বাধীন হইবার বাসনাকোশল জানাইলেন, তখন কুলী খাঁ পূর্বকথা সকল ভুলিয়া গিয়া সীতারামের নিকট সকল পরগণার রীতিমত কর চাহিয়া পাঠাইলেন। মুর্শিদকুলী খাঁ আবুতরাপকে সীতারামের নিকট হইতে কর আদায়ের অনুজ্ঞা পত্র পাঠাইলেন। আবুতরাপ সীতারামের নিকট কর চাহিয়া পাঠাইলেন। আবুতরাপের অভিসন্ধি সীতারাম পূর্ব হইতে বুঝিতে পারিয়া মুনিরামকে নবাবের নিকট তাঁহার জমিদারীর অবস্থা, আবাদী সনদের কথা, কয়েক বৎসর কর রেয়াত দেওয়ার কথা প্রভৃতি উত্থাপন করিবার জন্য পত্র লিখিতে ছিলেন। মুনিরাম সীতারামকে এই মর্মে পত্র লিখিতেন যে, তাঁহার প্রস্তাবিত কার্য্য করিবার জন্য তিনি প্রাণপণ যত্ন করিতেছেন। কিন্তু

তিনি তলে তলে সীতারামের সর্কনাশ করিতে ছিলেন। মুনিরামের কণ্ঠার সহিত সীতারামের বিবাহ-প্রস্তাবে মুনিরাম-তনয়ার বিষপ্রয়োগে অকালমৃত্যু ইত্যাদিতে সীতারামের প্রতি মুনিরামের কোপের বিষয় সীতারাম জানিতেন না। সীতারাম জানিতেন, তাঁহার বিবাহের প্রস্তাবে মুনিরাম অসন্তুষ্ট নহেন। সীতারাম জানিতেন, মুনিরামের কণ্ঠার পীড়ায় স্বাভাবিক মৃত্যু হইয়াছে। সীতারাম জানিতেন, মুনিরামের পুত্র কার্ঘ্যের ওমেদারীতেই অগ্রে ঢাকায় ও পরে মুর্শিদাবাদ গমন করিয়াছেন। সীতারামের বিশ্বাস ছিল, জাহাঙ্গীরাবাদ নগরের পথে কুড়াইয়া পাওয়া মুনিরাম, রামরূপের বন্ধু মুনিরাম, নলদীর সুলতানবিস সীতারামের পালিত ও আশ্রিত মুনিরাম, ধর্মভীরু কশ্মিনিষ্ঠ মুনিরাম কখনও সীতারামের সর্কনাশ করিবেন না। দেওয়ান মুর্শিদকুলি খাঁর পত্র পাইয়া আবুতরাপ কড়াভাবে সীতারামের নিকট কর তলব করিলেন। সীতারাম ধীর ও স্থিরভাবে উত্তর করিলেন, নলদী পরগণা তাঁহার জায়গীর, তাঁহাকে কর দিতে হইবে না। খড়েরা প্রভৃতি পরগণার আবাদী সনন্দবলে ছয়বৎসর কর দিতে হইবে না। কতকগুলি পরগণা নাবালক ও বিধবাগণের পক্ষ হইতে তিনি কর্তৃত্বভার পাইয়াছেন। সেই সকল পরগণা শাসন করিতে তাঁহার অনেক ব্যয় পড়িয়াছে। এই জমিদারীগুলির কল্যাণকামনার কর্তৃত্বভার তিনি স্বহস্তে লইয়াছেন। ইহাতে নবাবেরও মঙ্গল সাধিত হইতেছে। রামপাল প্রভৃতি স্থান তিনি নিজে যুদ্ধে জয় করিয়া লইয়াছেন। পার্শ্বচরগণের প্রবর্তনার ও পরামর্শে ইতরসংসর্গী হিতাহিতজ্ঞানশূন্য, লব্ধবৈর আত্মীয়জ্ঞানে মহা অভিমানী আবুতরাপ কোন কথায় কর্ণপাত

করিলেন না। সীতারাম সভাসদগণে পরিবেষ্টিত হইয়া রাজকার্য পর্যালোচনা করিতেছেন। দূরদেশীয় পণ্ডিত ও বণিক অনেকে তাঁহার সভায় উপস্থিত আছেন। এমন সময় আবু তরাপের লোক আসিয়া বলিল, তিনি ৭ দিনের মধ্যে রাজস্ব কড়ায় গণ্ডায় না বুঝাইয়া দিলে সীতারামকে মেয়েপুরুষে হাবুজখানায় পুরিয়া ধানে চা'লে মিশাইয়া খাওয়ান হইবে এবং তাহার জমিদারী খাস করা যাইবে।” সীতারাম আবু তরাপের লোককে ধীর ও স্থিরভাবে বিদায় করিলেন, কিন্তু তাঁহার ক্রোধের পরিসীমা রহিল না। আবু তরাপের লোক স্থানান্তরিত হইবার পর সীতারাম সক্রোধে উচ্চরবে সভামণ্ডল কম্পিত করিয়া বলিলেন, “আবু তরাপের কাটা মাথার দাম দশ হাজার টাকা। যে আমাকে তিন দিনের মধ্যে আবু তরাপের মাথা কাটিয়া আনিয়া দিতে পারিবে, তাহাকে আমি দশ হাজার টাকা পুরস্কার দিব।” বিশ্বস্ত, অমুগত অতুলনীয় ভূজবলসম্পন্ন মেনাহাতী জানিতেন, “দাদা আর গদা”। তিনি জানিতেন, সীতারাম আর সীতারামের অনুজ্ঞা। তিনি কার্যের ফলাফলবিষয়ক হিতাহিত চিন্তা করিতে পারিতেন না। বক্তার প্রভৃতি সৈন্যাদ্যক্ষগণ যে কার্যে ইতস্ততঃ করিতে লাগিল, মেনাহাতী দ্বিতীয় রাজাজ্ঞা অপেক্ষা না করিয়া চারি সহস্র অশ্বারোহী সৈন্য ও ছয় সহস্র পদাতিক সৈন্যসহ আবুতরাপের বিরুদ্ধে যুদ্ধযাত্রা করিলেন। রূপচাঁদ ঢালি পদাতিক সৈন্যের নায়ক ছিলেন। মেনাহাতী দশসহস্র সৈন্য লইয়া ভূষণার কেলা অবরোধ করিলেন। সূর্য উদয় হইতে সূর্য অস্ত পর্যন্ত তুমুল সংগ্রাম হইল। প্রথমে উভয় পক্ষের পদাতিক অর্থাৎ ঢালি সৈন্যে সৈন্যে সংগ্রাম হইল। একদিকে দশভূজা-অঙ্কিত হিন্দুপতাকা, অস্ত

দিকে অর্ধচন্দ্রাকৃতি মোগলপতাকা পং পং শব্দে উড়িতে লাগিল। হিন্দু-পক্ষে উৎসাহে “কালীমাইকী জয়, লক্ষ্মীনারায়ণকী জয়” উচ্চারিত হইতে লাগিল। অন্তরিকে মুসলমানগণ “আল্লা হো আকবর” রবে আকাশ কম্পিত করিতে লাগিল।

যুদ্ধে বহুলোক ক্ষয় হইতে লাগিল। যখন বেলা প্রায় অবসান হইয়া আইসে, ভগবান্ মরীচিমালী লোহিতরাগে দেহরঞ্জনপূর্বক পশ্চিম-সমুদ্র অবগাহনের উদ্দেশ্য করিতেছেন, তখন অমিততেজা বিরাটমূর্তি মেনাহাতী সবেগে যবনসৈন্তের মধ্যে পড়িয়া সিংহনাদে “দশভূজা মাইকী জয়” বলিতে বলিতে আবু তরাপের শিরশ্ছেদন করিলেন। কোন প্রামাণ্য কবি এই যুদ্ধ এইরূপে নিম্নলিখিত কবিতায় বর্ণন করিয়াছেন—

“বাজে ডকা নেড়ে'র শকা হয়ে গেল দূর ।
 যন্ত্র রাজা সীতারাম বাঙ্গালা বাহাদুর ॥
 রূপে চালি শড়কি তুলি কেল্লার মাঠে যায় ।
 যত নেড়ে দাড়ি নেড়ে গড়াগড়ি খায় ॥
 রূপে চালি বলে কালী নেড়ে'র আল্লা বোল ।
 সহর শুদ্ধ উঠলো খালি কারাকারি'র বোল ॥
 তখন ঘোল চালিল দাড়ি মুড়িল ফৌজদার লস্কর ।
 মুই হেঁন্দু মুই হেঁন্দু বলি গেল পদ্মার পার ॥”

এই যুদ্ধে ৬০০ শত মুসলমানসৈন্ত নিহত হইয়াছিল, তাহাদিগকে এক সমাধিতে সমাধিস্থ করা হয়। তাহাদের সমাধিস্তম্ভের ভগ্নাবশেষ অস্ত্রাশি বারাসিয়া-নদীতীরে বিস্তৃত আছে।

মেনাহাতী যুদ্ধাবসানে আবুতরাপের কাটাযুগ্ম আনিয়া রাজপদে

অর্পণ করিলেন। সেনাপতি কেবল ১০০০০ টাকার লোভে যুদ্ধে প্রবৃত্ত হন নাই। তিনি রাজাজ্ঞাপালনের জন্য রাজ-অপমানের প্রতিশোধ লইবার জন্য সংগ্রামে প্রবৃত্ত হইয়াছিলেন। পূর্বেই উক্ত হইয়াছে, অর্থে মেনাহাতীর আসক্তি ছিল না।

*

সীতারাম মৃত ফোজদারকে বীরোচিতভাবে সমাধিস্থ করিয়াছিলেন। তিনি বীরের প্রতি কোন অসম্মান প্রদর্শন করেন নাই। আবু তরাপের নিধনসংবাদ মুর্শিদাবাদে পৌঁছিল। আবুতরাপ নবাবের স্বসম্পর্কীয় লোক—জামাতা। মুর্শিদকুলি খাঁর ক্রোধানলে মুনিরাম আরও কোশলে স্বতাহতি দিতে লাগিলেন। যুদ্ধ অনিবার্য বুদ্ধিয়া সীতারামও উদ্যোগ আরোজন করিতে লাগিলেন। এই ভূষণার যুদ্ধ হইতেই সীতারামের পতনের পথ সুপরিষ্কৃত হইতে লাগিল। আমরা দেখিতেছি, ক্রোধই সীতারামের পতনের মূল। সীতারাম ষেরূপ ভাবে রাজ্য করিতেছিলেন, ষেরূপ ভাবে তাঁহার বিপক্ষদল তাঁহার গুণে মুগ্ধ হইতেছিল, ষেরূপ ভাবে পার্শ্ববর্তী নৃপতিবর্গ তাঁহার শৌধ্যবীর্য্যে আকৃষ্ট হইতেছিলেন, ষেরূপ দক্ষতার সহিত তাঁহার যুদ্ধোপকরণ প্রস্তুত ও সেনাদল শিক্ষিত হইতেছিল, তাহাতে সীতারাম আর পাঁচ বৎসর অপেক্ষা করিলে, নবাবসৈন্য কেন, সখাট্টসৈন্যও তাঁহার সমকক্ষ হইতে পারিত না।

—————

চতুর্দশ পরিচ্ছেদ



সীতারামের পতন

সীতারাম যেরূপ বীর, যেরূপ সদাশয় ও উদারচরিত, সেইরূপ উৎসবের সহিত ষথানিয়মে ভূষণার যুদ্ধে নিহত ফৌজদার আবু তরাপ ও অন্যান্য যোদ্ধৃগণকে সমাধিস্থ করিয়াছিলেন। তিনি যুদ্ধে নিহত বীরগণের মৃতদেহের প্রতি কোন অসম্মান প্রদর্শন করেন নাই। কেবল তাহার প্রতি অপমানসূচক বাক্যেই যে সীতারাম আবু তরাপকে যুদ্ধে নিহত করিবার আদেশ দেন, এরূপ নহে। আবু তরাপ মূর্তিমান পিশাচ ছিল। তাহার অত্যাচারের পরিসীমা ছিল না। সে ইতর সম্প্রদায়ের লোকের সহিত মিশিয়া সর্বদাই ঘোর অত্যাচার করিত। সে একে ফৌজদার, তাহাতে নবাবের জামাতা বলিয়া কোন অত্যাচার উৎপীড়নে পরাশ্রু হইত না। সে অবিচারে নির্দোষ ব্যক্তিকে কারারুদ্ধ করিত। সতী রমণীর ধর্ম হস্তক্ষেপ করিত। হিন্দুর ধর্ম হস্তক্ষেপ করিবার প্রয়াস পাইত, সুবিধা পাইলে বলপূর্বক হিন্দু ধর্মিয়া মুসলমান-ধর্মে দীক্ষিত করিত এবং বালক-বালিকা ধর্মিয়া জলে ফেলিয়া দিয়া সকোতুকে পারিষদগণসহ তাহাদিগের ভয়াবহ মৃত্যু দর্শন করিত। আবু তরাপের কথার কাজে ঠিক ছিল না। দুর্বল জমিদারের কর বৎসরে একবারের স্থলে দুইবার লইত এবং ধনী প্রজাদিগের সম্পত্তি লুণ্ঠন করিত। দস্যুদিগের সহিত যোগ করিয়া

তাহাদিগের দস্যুতালক অর্থের ভাগ লইত। মেনাহাতীও এই সকল কারণে আবু তরাপের উপর যার পর নাই রুষ্ট ছিলেন। তাঁহারও ইচ্ছা ছিল, এই আপদ দূর হইলেই রক্ষা পান। ভূষণার যুদ্ধে আবু তরাপের মৃত্যুর পর, সীতারাম তাঁহার পাঠান, ভোজপুরী ও হিন্দুসৈন্য বহুল পরিমাণে বৃদ্ধি করিলেন। তাহাদিগকে দিবারাত্র ভালরূপ অস্ত্রশিক্ষা দিতে লাগিলেন। বেলদার সৈন্যগণকে তীরন্দাজী ও গুলার ছোড়া শিক্ষা দিতে লাগিলেন। তাঁহার কর্মকারগণ দিবারাত্র জাগিয়া অস্ত্র শস্ত্র গঠন করিতে লাগিল। সীতারাম দূর দেশ হইতে বহুসংখ্যক কর্মকার আনিতে লাগিলেন। মালাকারগণ কঠোর পরিশ্রম করিয়া বারুদ প্রস্তুত করিতে লাগিল।

কথিত আছে—সাধন মালাকারের মাতা বারুদগৃহে কাজ করিতে ছিল, হঠাৎ প্রদীপের আগুন বারুদে লাগিয়া ভয়ানক অগ্নিকাণ্ড ঘটে, তাহাতে সাধনের মাতার নাসিকা, চক্ষু, কর্ণ প্রভৃতি বারুদের অগ্নিতে নষ্ট হইয়া যায়। এ অঞ্চলে কাহার নাসিকা, চক্ষু, কর্ণ নষ্ট হইলে তাহাকে উপহাস করিয়া সাধন-কর্মকারের মার সহিত তুলনা করিত। বালক-বালিকারা চক্ষু বান্ধাবান্ধি খেলা করিবার সময় বাহার চক্ষু বান্ধা পড়ে, তাহার চতুর্দিকে করতালি দিয়া বলিতে থাকে,—

“সেধোর মা কাণাবুড়ি যান গুড়ি গুড়ি।”

সীতারাম কেবল সৈন্যসংখ্যা বৃদ্ধি এবং যুদ্ধোপকরণ ও খাদ্যসামগ্রী সংগ্রহ করিয়া নিরস্ত হন নাই। তিনি নড়াইল মহকুমার অন্তর্গত লক্ষ্মীপাশা গ্রাম হইতে চারি মাইল দূরে দিঘলিয়া গ্রামে আর একটা বাটী নির্মাণ করেন। নবাবকরে পরাস্ত হইলে পুরন্দরী ও বালক-

বালিকাগণকে এই নূতন ভবনে রক্ষা করিবেন, এই তাঁহার অভিপ্রায় ছিল। এই দিঘলিয়ার উত্তরে ও পূর্বে নবগঙ্গা নদী ও দক্ষিণে শারোল গ্রামের নিকট দিয়া বৃহৎ বিল ছিল। এই স্থানে অন্নসংখ্যক সৈন্তেই শত্রুর আক্রমণ নিবারণ করিতে পারিত। কালের কুটিল গতিতে এফণে দীঘলিয়ার দক্ষিণ দিকের বিলসমূহ শুষ্ক হইয়াছে ও নদীর গতি কিছু পরিবর্তিত হইয়াছে। অন্তদিকে যখন মুর্শিদ কুলী খাঁ তোরাপ আলির নিধনবার্তা শুনিলেন, তখন তিনি ষত দূর ছঃখিত হউন বা না হউন, তোরাপ নবাবের জামাতা বলিয়া ছঃখের বিলক্ষণ ভাণই করিলেন। দিল্লীতে বাদশাহের ও ঢাকার নবাবের নিকট এই ছঃসংবাদ লিখিয়া পাঠাইলেন। অবিলম্বে বক্ক আলি খাঁ নামক একজন সেনাপতিকে ভূষণার ফৌজদার নিযুক্ত করিয়া সীতারামের বিরুদ্ধে প্রেরণ করিলেন। ভূষণার যুদ্ধের পর তথাকার ফৌজদারের কেলা সীতারামের হস্তগত হইয়াছিল। সীতারাম সসৈন্তে ভূষণার অবস্থিতি করেন। মেনাহাতী মহম্মদপুরের নগর রক্ষা করিতেছিলেন।

বক্ক আলি খাঁ সসৈন্তে পদ্মা বাহিয়া মহম্মদপুরে আসিতেছেন শুনিয়া কেবল নগর-কোতোয়াল আমোলবেগকে (আমিনবেগ) মহম্মদপুর ও রূপচাঁদ ঢালিকে ভূষণার কেলা-রক্ষার ভার দিয়া সীতারাম, মেনাহাতী, বক্কাল প্রভৃতি পদ্মাতীরে বক্ক আলির গতি রোধ করিতে প্রমন করিলেন। বহুসংখ্যক সৈন্ত জলমগ্ন হইয়া পদ্মা নদীতে প্রাণত্যাগ করিল। এই সময় সীতারাম ছই হাতে কালে খাঁ ও বুন্সুন্সু খাঁ নামক দুইটা বড় কামান দাগিয়াছিলেন। তাঁহার কামানের অগ্নির সম্মুখে সকল ধ্বনতরী চূর্ণ বিচূর্ণ হইতেছিল। বক্কিম বাবুর সীতারামে মধুমতী-

ভীরে সীতারামের কামান দাগার কথা এই হইতেই লিখিত হইয়াছে। অন্নসংখ্যক সৈন্য লুক্কায়িতভাবে স্থল ও জলপথে ভূষণার উত্তরে আসিয়া উপনীত হইল। দ্বিতীয়বার ভূষণার উত্তরে মুসলমান-হিন্দুতে তুমুল সংগ্রাম উপস্থিত হইল। আবার কালী মাইকী জয়, আল্লা হো অকবর রবে আকাশ কল্পিত হইল। এ যুদ্ধেও মুসলমানগণের পরাজয় ও রাজা সীতারামের জয় হইল।

যুদ্ধে পরাস্ত হইয়া বহু আলি ম্লানমুখে অবশিষ্ট সৈন্য লইয়া মুর্শিদাবাদে উপনীত হইলেন। সীতারামের বীরত্ব-কাহিনীতে মুর্শিদাবাদ সহর কল্পিত হইল। এই সময় দেওয়ান রঘুনন্দন পীড়িত অবস্থায় বাসায় অবস্থিতি করিতেছিলেন। তিনি প্রতিদিন নবাব-দরবারে উপস্থিত হইতে পারিতেন না। তাঁহার বিশ্বস্ত কর্মচারী বিচক্ষণ বুদ্ধিমান দয়ারাম প্রভুর পীড়া উপলক্ষে মুর্শিদাবাদে প্রভুকে দেখিতে গিয়াছিলেন। সীতারামের উকিল মুনিরামও রঘুনন্দনকে দেখিতে যান।

কথা প্রসঙ্গে সীতারামের বীরত্ব-কাহিনী উঠিয়া পড়িল। হিন্দু রাজা সীতারামের বীরত্বকথা শুনিয়া, রুথ রঘুনন্দন উৎসাহে শব্যার উপর বসিয়া বলিলেন, “ধন্য সীতারাম রাজা! ধন্য মেনাহাতী! ধন্য চালি রুপচাঁদ! ইহারাই বঙ্গমাতার সুসন্তান। সীতারামই রাজা নামের যোগ্য পাত্র। সীতারামই প্রকৃত হৃদয়বান্ ও পরহৃৎখে কাতর। মহাত্মা সীতারামই দেশের প্রকৃত কার্য করিতেছেন, আর আমরা কুবৃতি অবলম্বনে কীবিকানির্কাহ করিতেছি। ইচ্ছা হয়, সীতারামের সহিত যোগ দিয়া অশেষ ক্লেশক্লিষ্ট বঙ্গমাতার ক্লেশতার কিছু লাঘব করি। বহি

নবাবের ভয় না থাকিত, যদি বিশ্বাসঘাতকতা দোষে দোষী না হইতাম, তবে আমি আজীবন পরিশ্রম করিয়া বাহা করিয়াছিলাম, সকলই বঙ্গমাতার দুঃখতার লাঘবের জন্য দান করিতাম। সীতারাম বঙ্গের শিবাজী বা প্রতাপসিংহ। ভগবানের নিকট কায়মনোবাক্যে প্রার্থনা করি, এই বিশ্বাসঘাতকতার রক্তভূমি, এই স্বার্থপরতার ক্রীড়ার স্থান, এই ক্ষুদ্রাশয়তার আদর্শক্ষেত্র সীতারামের বিপক্ষে যেন স্বার্থপরতা ও ক্ষুদ্রাশয়তাজড়িত বিশ্বাসঘাতকতার কুটিল জাল বিস্তার না করে। হে লক্ষ্মীনারায়ণজী! হে আশ্বাশক্তি দশভুজে! তোমরা সীতারামের রাজধানীতে প্রতিষ্ঠিত আছ, সীতারামের রাজশ্রী ও রাজগৌরব রক্ষা কর। মহম্মদপুরের স্বাধীনতার যে ক্ষুদ্রপ্রদীপ প্রজ্বলিত হইয়াছে, তাহা অল্পদিনের মধ্যে দাবানলে পরিণত হইয়া সমগ্র মুসলমান-সাম্রাজ্য দগ্ধ করুক। মা রণরঙ্গিণি সিংহবাহিনি দুর্গে! হিন্দুর বাহুতে বল দাও, হিন্দুর হৃদয়ে সাহস দাও, হিন্দুর মস্তিষ্কে বুদ্ধি দাও, হিন্দুর গৃহে একতা দাও, হিন্দুর আয়ুধ তীক্ষ্ণ কর, আবার তোমার ভক্তবৃন্দ মুসলমান অস্তুর বিনাশ করিয়া দুর্গা মাইকী জয়, কালীমাইকী জয় নিনাদে আসামুদ্র-হিমাচল ভারতবর্ষকে কম্পিত করুক।” মুনিরাম রঘুনন্দনের বাক্যে হাঁ হু করিয়া উঠিয়া গেলেন। দয়ারাম বিচক্ষণ লোক ছিলেন। তিনি মুনিরামের মুখাঙ্কুতিতেই বুঝিয়াছিলেন, রঘুনন্দন কর্তৃক সীতারামের প্রশংসা-কীর্তন মুনিরামের কর্ণে বিষবর্ষণ করিতেছিল। মুনিরাম স্মমন করিলে পর, দয়ারাম বলিলেন, “প্রভো! কি করিলেন? মুনিরাম আর এখন সীতারামের উকীল নাই, সে তাহার পরম বৈরী। মুনিরাম সীতারামের প্রশংসায় কষ্ট হইয়াছেন। মুনিরাম যেরূপ শঠ, ধূর্ত

ও কৌশলী কল্যা প্রত্যবেই এই কথা মুর্শিদ কুলী খাঁর কর্ণে উঠাইয়া আপনার সর্বনাশ করিবে।”

রঘুনন্দন দয়ারামের বুদ্ধিমত্তা ও বিচক্ষণতা জানিতেন। রঘুনন্দন তখন এরূপ কাতর ছিলেন যে, তাঁহার দরবারে যাইবার সামর্থ্য ছিল না। তিনি দয়ারামের কথায় ভীত হইয়া জিজ্ঞাসা করিলেন,—মুনিরাম কি এত বড় বিশ্বাসঘাতক? দয়ারাম বলিলেন, “মুনিরাম বিশ্বাসঘাতক না হইলে সীতারামের প্রতি করে তলপ হইত না। সীতারাম বল-সঙ্ঘের ও একতায় হিন্দুরাজগণকে আবদ্ধ করিতে যথেষ্ট সময় পাইতেন” এই কথায় রঘুনন্দন নিতান্ত দুঃখিত হইয়া কহিলেন, “যাহা হইবার তাহা হইয়াছে। দয়ারাম দাদা, কল্যা তুমি দরবারে যাইবে। এ বিপদে তুমি রক্ষা না করিলে, আর উপায় নাই।” রঘুনন্দন দয়ারামের প্রযুখাৎ আরও জানিলেন যে, রাজা মনোহর প্রভৃতির চর সীতারামের সর্বনাশের জন্য মুর্শিদাবাদে উপস্থিত আছে। পরদিন প্রাতঃকালে মুর্শিদকুলী খাঁর দরবারে রঘুনন্দনসম্বন্ধে সীতারামের পক্ষাংশনের কথা উঠিল। বুদ্ধিমান দয়ারাম জানু পাতিয়া বলিতে লাগিলেন, “জাহাপনা! আমার প্রভু বিশ্বাসঘাতক নহেন। তিনি সর্বদা জাহাপনার মঙ্গলাকাঙ্ক্ষা করেন। যাহা বলিয়াছেন, সে কেবল সীতারামের উকীল মুনিরাম রায় মহাশয়ের মন পরীক্ষার জন্য। সীতারাম বিদ্রোহী হইয়াছেন এবং তাঁহার উকীল এখানে থাকিয়া সেনাপতি ও সৈনিকদিগকে উৎকোচে বাধ্য করিয়াছেন কি না, ইহাই জানা আমার প্রভুর ইচ্ছা। মুনিরাম অতি চতুর লোক। প্রভু তাঁহার নিকট হইতে কোন কথা আদায় করিতে পারেন নাই। পক্ষান্তরে মুনিরাম সত্যমিথ্যা কথায় আমার বিশ্বস্ত

প্রভুকে কলঙ্কিত করিবার চেষ্টা পাইতেছে। জাহাপনার হুকুম হইলে এবং কিছু সুবাদারী সৈন্য আমার সঙ্গে থাকিলে আমি সীতারামকে লোহার খাঁচার পুরিয়া জাহাপনার নিকট ধৃত করিয়া পাঠাইতে পারি।”

মুর্শিদকুলী খাঁ দয়ারামের কোশলময় বাক্যজালে আবদ্ধ হইয়া বহু-সংখ্যক সুবাদারী সৈন্যসহ সিংহরামকে ও দয়ারামকে জমিদারী সৈন্যসহ সীতারামের প্রতিকূলে প্রেরণ করিলেন। সীতারামের ইতিহাসলেখকগণ রঘুনন্দন ও দয়ারামকে স্বার্থপর ও বিশ্বাসঘাতক, লোভী প্রভৃতি তিরস্কারে তিরস্কৃত করিতে ক্রটি করেন নাই। যে অসাধারণ সুবুদ্ধি-সম্পন্ন রঘুনন্দন বিশ্বস্ততা ও কর্মকুশলতাগুণে সামান্য পদ হইতে ধীরে ধীরে সুশপের সহিত বাঙ্গালা, বিহার ও উড়িষ্যার মুসলমান সুবাদারের দেওয়ানী পদ পাইয়াছিলেন, যাহার অসাধারণ উন্নতি আদর্শউন্নতি মধ্যে গণ্য হইয়াছে, যাহার বংশে রাণী ভবানীর স্মরণ রাণীর কীর্তিগৌরবে বঙ্গদেশ গৌরবান্বিত হইয়াছে, যাহার বংশে রাজা রামকৃষ্ণের ধর্মনিষ্ঠার অলৌকিক কীর্তি রহিয়াছে, যাহারা বঙ্গের বহুস্থানে দেবকীর্তি ও অতিথি দেবার সুবন্দোবস্ত করিয়া অন্নক্লিষ্ট বঙ্গের অশেষ উপকার করিতেছেন, তাঁহার ও তাঁহার কর্মচারী বুদ্ধিমান দয়ারামের চরিত্রে কলঙ্ক স্পর্শ করিতে পারে না। রঘুনন্দন ও দয়ারামের সম্বন্ধে সীতারামের পতন-বিষয়ে অনেকগুলি অপবাদ বঙ্গদেশে প্রচলিত আছে। দুই পবিত্র রাজকুলের অপবাদগুলি দূর করাও প্রকৃত ইতিহাসলেখকের কর্তব্য। অপবাদগুলি এই :—

১। রঘুনন্দন সীতারামের রাজ্য পাইবার লোভে সর্বদা দেওয়ানের দরবারে সীতারামের নিন্দা করিতেন। তিনি তাঁহার কর্মচারী দয়ারাম

৩ জ্যেষ্ঠভ্রাতা রামজীবনকে জমিদারীর সৈন্যধ্যক্ষ করাইয়া সুবেদারী সৈন্তের সেনাপতি সিংহরাম সাহকে সীতারামের নিধনার্থ মহম্মদপুরে প্রেরণ করেন।

২। রাজা রামজীবন ও দরারামের কুটিল চক্রান্তে বীরচূড়ামণি ভীষ্মতুলা মেনাহাতীকে মহম্মদপুরের দোলমঞ্চের নিকটে চক্রাতপ কাটিয়া দিয়া চক্রাতপের নিম্নে ফেলিয়া অস্তায়রূপে নিহত করা হয়।

৩। রায় রঘুনন্দন সীতারামের নিকট হইতে দুইলক্ষ টাকা উৎকোচ লইয়া তাঁহার রাজ্য তাঁহাকে পুনরায় দিবেন বন্দোবস্ত করেন। লক্ষ্মীনারায়ণ দুইলক্ষ টাকা লইয়া মুর্শিদাবাদের নিকটবর্তী হইলে রঘুনন্দন মহম্মদল প্রেরণ করিয়া তাহা লুণ্ঠন করিয়া লয়েন। রঘুনন্দন সীতারামকে বলেন, তাঁহার নিষ্ঠুর প্রাণদণ্ডের আদেশ হইয়াছে। সীতারাম এই কথা শুনিয়া ভয়ে স্বীয় অঙ্গুরিহিত বিষপান করিয়া প্রাণত্যাগ করেন।

৪। সীতারামের জ্যেষ্ঠপুত্র শ্যামসুন্দর দিল্লীতে দরবার করিয়া মুর্শিদকুলী খাঁর নিকট হইতে পৈতৃকরাজ্য পাইবার জন্য পত্র লইয়া আইসেন। রঘুনন্দন বলেন, সীতারামের রাণী ও অন্যান্য পুত্রগণের মত লইয়া সীতারামের রাজ্যের বন্দোবস্ত করা হউক। অত্মদিকে রঘুনন্দন মহম্মদপুরে প্রকাশ করেন যে, নবাবের আদেশে সীতারাম ও শ্যামসুন্দরের প্রাণদণ্ড হইয়াছে। অবশিষ্ট রাজপুত্রগণ ও রাণীগণ রাজ্যের আশা করিলে প্রাণে মরিবেন। রঘুনন্দনের সহিত জমিদারীর বন্দোবস্ত হইলে রাজ্যের পরিজনগণ প্রাণে বাঁচিতে পারেন। রাণীগণ ভয়ে এই মর্মে এক পত্র লিখেন যে, তাঁহাদের বংশে রাজ্যশাসনের

উপযুক্ত কেহ নাই। রাজ্য রঘুনন্দন বা তদীয় ভ্রাতা রামজীবনকে দেওয়া হউক। এই কোশলে রঘুনন্দন সীতারামের রাজ্য লয়েন।

উল্লিখিত কিম্বদন্তী সকলই অলীক। সীতারামের পতনের পর নবাব রামজীবনকে উপযুক্ত পাত্র বিবেচনা করায় সীতারামের বিশাল রাজ্যের অধিকাংশ তাঁহার সহিত বন্দোবস্ত করেন। মুনিরাম হইতে অনেকেই সীতারামের রাজ্য লইবার অভিলাষী ছিলেন। কাহারও আশা-পূর্ণ হইল না। উপযুক্ত পাত্র রামজীবনই বিস্তীর্ণ জমিদারীর কর্তা হইলেন। দয়ারাম সেই বিশাল রাজ্যের দেওয়ান হইলেন। ইহা অনেকের চক্ষুশূল হয়। এই ঈর্ষার বশবর্তী হইয়া তৎকালের লোক সকল যত কলঙ্কের ভার রায় রঘুনন্দন, রাজা রামজীবন ও দয়ারামের শিরে অর্পণ করিয়াছিলেন। বিশ্বস্ততা ও কর্মকুশলতা যে রঘুনন্দনের উন্নতির ভিত্তি, তিনি বিশ্বাসঘাতক হইতে পারেন না। মুর্শিদ কুলী খাঁ মূর্খ ও বোকা নবাব ছিলেন না। তাঁহার বুকের উপর থাকিয়া রঘুনন্দনের শঠতা ও চতুরতাজাল বিস্তার করা কোনমতেই সম্ভব নহে। সীতারাম তোরাপের শিরশ্ছেদ করাইয়াছিলেন, বঙ্ক আলিকে যুদ্ধে পরাজয় করিয়াছিলেন। তাঁহার প্রতি ও তাঁহার বংশীয় লোকদিগের প্রতি দয়া করিয়া নবাবের সেই বিশাল জমিদারী প্রত্যর্পণের বিশেষ কোন কারণ ছিল না। তদপেক্ষা বিশ্বস্ত অনুগত কার্যক্রম রাজা রামজীবনের সহিত জমিদারীর বন্দোবস্ত করাই বুদ্ধিমান নবাব মুর্শিদ কুলী খাঁর পক্ষে উপযুক্ত কার্য। আরও ক্রমে ক্রমে দেখাইব, রঘুনন্দন ও দয়ারাম প্রকৃতপক্ষে কলঙ্কী নহেন। সিংহরাম সাহের অধীন সুবেদারী সৈন্ত ও দয়ারামের কর্তৃত্বাধীনে জমিদারী সৈন্ত স্থল ও জল

পথে নিরাপদে ভূষণা ও মহম্মদপুরের নিকটে আসিয়া উপস্থিত হইল
এবারে পদ্মার জলে ও পদ্মাতীরে বিপক্ষ সৈন্তের পথ সীতারাম জানিতে
পারেন নাই ; সুতরাং গতিরোধ করিতে অসমর্থ হইলেন । সীতারামের
দূতগণই জমিদারগণের উৎকোচে বাধ্য হইয়া বিপক্ষ সৈন্ত আগমনের
প্রকৃত পথ সীতারামকে বিজ্ঞাপন না করিয়া মিথ্যাপথের কথা জানাইল
সীতারামের রাজ্যের চতুর্পার্শ্বস্থ জমিদারগণ সীতারামের বিরুদ্ধে মন্তক
উত্তোলন করিলেন । তাঁহারা নবাব-সৈন্তের সাহায্য করিতে লাগি-
লেন । এবারে নবাবসৈন্ত সম্মুখ সংগ্রামে প্রবৃত্ত হইলেন না ।
সীতারামের অন্তঃপুরে মহিষীদিগের মধ্যে বিবাদ বাধাইবার চেষ্টা
চলিতে লাগিল । মেনাহাতীর ভোজন, শয়ন, পূজা ও রক্ষনাদি স্থানের
অনুসন্ধান হইতে লাগিল । বিশ্বাসঘাতকতা-পূর্বক অন্ত্রায়রূপে
মেনাহাতীকে গুপ্তহত্যা করা হইল । মেনাহাতীর গুপ্তহত্যা সম্বন্ধে
হুইটী কিম্বদন্তী আছে—

১। মেনাহাতী দোলমঞ্চের নিকটে বসিয়া সন্ধ্যা করিতেছিলেন
দোলমঞ্চস্থ চন্দ্রাতপ কাটিয়া দিয়া তাঁহাকে চাপিয়া ধরিয়া শক্রগণ
তাঁহার প্রতি কঠিন আঘাত করিতে লাগিল । মেনাহাতীর দক্ষিণ
বাহুতে এক ঔষধ ছিল, তাহাতে তিনি প্রহারের যন্ত্রণা পাইতেন না
ও তাহা দূর না করিলে তাঁহার মৃত্যু হইবার সম্ভাবনা ছিল না
মেনাহাতী চন্দ্রাতপের চাপে খাসরুদ্ধ হইয়া ভীষ্মের জায় মৃত্যুর উপায়
বলিয়া দিলেন । তাঁহার বাহু হইতে ঔষধ বাহির করিয়া হত্যাকারিগণ
তাঁহার শিরশ্ছেদন করিল । তাঁহার ছিন্নমস্তক মুর্শিদাবাদে প্রেরিত
হইল । মুর্শিদ কুলী খাঁ একরূপ বীরকে নিধন না করিয়া সীবন ধরিল

পাঠাইলে ভাল হইত এইরূপ মত প্রকাশ করিলেন। তাঁহার ছিন্নমস্তক পুনরায় মহম্মদপুরে আসিল। সীতারাম তাঁহার অগ্নিসংকার করিয়া মুসলমান-পদ্ধতিক্রমে তাঁহার কীর্তিরক্ষার জন্ত তাঁহার সমাধির উপর স্তম্ভ নির্মাণ করাইলেন। মেনাহাতীর কবর প্রায় ত্রিশ বৎসর পূর্বে খনন করা হইয়াছিল। তাঁহার পায়ের নলা ৩৬ ইঞ্চি ছিল। ৩৬ ইঞ্চি পায়ের নলা হইলে মানুষটা ১৮ ইঞ্চি হাতের ৭ হাত লম্বা হয়।

২। মেনাহাতী দোলমঞ্চের নিকট প্রাতঃসন্ধ্যা সমাপন করিয়া ঘাইবার সময় দেখিলেন, এক কৃষ্ণ ব্যক্তি পথপার্শ্বে শয়ন করিয়া আছে। সে কাঁদিয়া মেনাহাতীর নিকট কিছু ভিক্ষা চাহিল। মেনাহাতী তাহাকে কিছু ভিক্ষা দিয়া তাহাকে কোলে করিয়া চিকিৎসাগরে লইয়া যাইতেছিলেন, সেই ছদ্মবেশধারী রোগী তীক্ষ্ণ ছুরিকায় মেনাহাতীর পেট দিখাও করিয়া ফেলিল। মেনাহাতী তাহাকে ভূমিতে ফেলিলে সে ছুটিয়া পলায়ন করিল। মেনাহাতী পেটকাটা ভয়ানক অবস্থা দর্শন করিতে অসমর্থ হইয়া তাঁহার বাহু হইতে ঔষধ বাহির করিতে বলিলেন। ঔষধ বাহির করিলেই মেনাহাতীর মৃত্যু হইল। মেনাহাতীর শব দাহন করা হইল। তাঁহার বৃহৎ বৃহৎ অস্থিগুলি সমাধিস্থ করা হইল। তাঁহার কঙ্কালচূর্ণগুলি ভাগীরথী-জলে নিক্ষেপ করা হইল।

যংকালে মেনাহাতীর এইরূপ নৃশংসভাবে অপঘাত মৃত্যু হইল, তখন সীতারাম ভূষণার কেলাস বক্তার, আমলবেগ প্রভৃতিকে লইয়া অবস্থিতি করিতেছিলেন এবং মেনাহাতী মহম্মদপুরে থাকিয়া দুর্গরক্ষা করিতেছিলেন। ভূষণার কেলাস সীতারাম সহোদর-তুল্য, স্বদেশ-

শ্রেয়িক ভীষ্মচরিত মেনাহাতীর নৃশংস মৃত্যুর সংবাদ পাইলেন। সীতারামের শোক-দুঃখের পরিসীমা থাকিল না। মেনাহাতী তাঁহার রাজ্যস্থাপন, পালন ও রক্ষণের দক্ষিণ-হস্তস্বরূপ ছিলেন। মেনাহাতীর মৃত্যু বিশ্বস্ত স্তম্ভ জগতে হ্রস্বত। মেনাহাতীর মৃত্যু জিতেন্দ্রিয় অথচ বীর পৃথিবীতে অতি অল্পই দৃষ্ট হয়। সীতারাম ও মেনাহাতী একই উচ্চ আশায় বুক বাঁধিয়া, একই দেশীয় লোকের দুর্দশাদর্শনে বিগলিত হইয়া কেবল দেশের লোকের দুর্গতি দূর করিবার সংকল্পেই কেহ রাজা ও কেহ সেনাপতি ছিলেন। অথচ পরস্পর পরস্পরকে ভ্রাতৃত্বের করিয়া হিন্দুরাজ্য স্থাপন করিতেছিলেন। লক্ষ্মণবিয়োগে রাম, কুম্ভকর্ণ-বিয়োগে রাবণ, দুঃশাসন আদি ভ্রাতৃবিয়োগে দুর্ঘোষন যেরূপ ব্যথিত ও শোকসন্তপ্ত না হইয়াছিলেন, মেনাহাতীর বিয়োগে সীতারাম তদপেক্ষা অধিকতর দুঃখিত ও শোকার্ত হইলেন। তাঁহার চিন্তাচঞ্চল্য ঘটিল। তিনি এই যবনপ্রাবিত বঙ্গে মুখে বন্ধুভাগকারী ও ক্রদয়ে সর্কনাশে উত্তোঙ্গী পার্শ্ববর্তী জমিদারগণের মধ্যে বিজিত এবং বাধ্য থাকার ভাগকারী অরাতিপূর্ণ রাজ্যে কি উপায় করিবেন, কি প্রকারে জাতি, মান-সম্মত রক্ষা করিবেন, সেই বিষয়ে মত স্থির করিতে পারিলেন না। মেনাহাতীর মৃত্যুর তিন দিন পরে রজনীযোগে তিনি সৈমন্তে ভূষণা ছাড়িয়া মহম্মদপুরে আগমন করার সঙ্কল্প করিলেন। মুসলমানেরা পূর্বে দুই বৃদ্ধে পরাস্ত হইয়াছিল। আবু তর্যাপ বৃদ্ধে নিহত হইরাছেন ও বঙ্গ আলি পরাস্ত হইয়া পলায়ন করিয়াছেন। সিংহরাম সাহ চতুর ও বুদ্ধিমান সেনাপতি। গত দুই বৃদ্ধে সীতারামের বলক্ষয় হইরাছে। অধীনস্থ ও পার্শ্বস্থ সন্ধিস্বত্রে আবদ্ধ জমিদারগণ, ধন-জন দিয়া সহায়তা

না করিয়া তাঁহার শত্রুপক্ষের সহায়তা করিতে লাগিলেন। জমিদার ও নবাবশক্তি তাঁহার ধ্বংসসাধনে কৃতসঙ্কল্প। কুরুযুদ্ধে অভিমত্কার সীতারাম নিকরুংসাহ ও ভয়োগম হইলেন না। তিনি রজনীর গাঢ় তামসাকাশের আশ্রয় লইয়া ধীরে ধীরে সৈন্তগণ সহ ভূষণার কেলা হইতে বহির্গত হইলেন। ভূষণার কেলা হইতে প্রায় একমাইল আসিয়াছেন, কতক সৈন্ত নদী পার হইয়াছে এবং কতক সৈন্ত নদী পার হইবার উদ্যোগ করিতেছে, এমন সময়ে সম্মুখে বামপারে সুবেদারী সৈন্ত ও পশ্চাতে দক্ষিণপার্শ্বে জমিদারীসৈন্ত সীতারামকে বেষ্টিত করিল। পরপারের সৈন্তগণ পার হওয়া পর্য্যন্ত সীতারাম যুদ্ধে প্রবৃত্ত হইলেন না। সন্ধির প্রস্তাবে সীতারামের দূত নবাবসেনাপতির নিকট ও নবাবসেনাপতির দূত সীতারামের সেনাপতির নিকট প্রেরিত হইল। অন্ধকার-রজনী, কোন পক্ষের আলোকের ভাল বন্দোবস্ত নাই। শত্রুমিত্রের ভেদাভেদ করা সুকঠিন। তাহার পরে চৈত্রমাস, আলোক জ্বালিলেও প্রবল বায়ুতে রক্ষা করা কঠিন। অন্ততঃ প্রাতঃকাল পর্য্যন্ত উভয়পক্ষ যুদ্ধে নিরস্ত থাকেন, সীতারাম এই প্রস্তাব করিয়া পাঠাইলেন। নবাবপক্ষ হইতে প্রস্তাব হইল, বক্তার, আমিনবেগ এবং রূপচাঁদ প্রভৃতি সহ সীতারাম ও তাঁহার দশজন সেনানায়ক আত্মসমর্পণ করিলে প্রাতঃকাল পর্য্যন্ত কেন সিংহরাম সাহ একেবারে যুদ্ধ পরিত্যাগ করিবেন। সীতারামের রাজ্য সীতারামকে প্রত্যর্পণ করিবার জন্য তিনি যথাসাধ্য প্রয়াস পাইবেন। সীতারামের দূত পুনরায় বলিল, রাজা চারিটীমাত্র সেনানায়ক লইয়া নদী পার হইয়াছেন। পরপারে ছয়টী সেনানায়ক ও চারি সহস্র সৈন্ত আছে।

তাঁহারা সকলে সমবেত না হইলে ও পরামর্শ না করিলে মুসলমান-সেনাপতির প্রস্তাবের প্রকৃত উত্তর দিতে অসমর্থ। এইরূপ কথা হইতে হইতে সীতারামের সকল সৈন্য নদীর পশ্চিমপারে আসিল। সীতারাম দশজন সেনানায়ক, পেস্কার ভবানী প্রসাদ ও গুরুদেব রত্নেশ্বরকে লইয়া পরামর্শ করিলেন। রত্নেশ্বর, বেলাদারসৈন্যের কর্তা মদনমোহন বসু ও রূপচাঁদ ইঁহারা যুদ্ধ না করাই শ্রেয়ঃ পরামর্শ স্থির করিলেন, আর সকলের মতে যুদ্ধ করাই শ্রেয়ঃ বলিয়া বিবেচিত হইল। বক্তার বলিল, আমরা সকলেই একপারে আসিয়াছি, অতুরাত্রেই যুদ্ধের ভাল সময়। আমরা এই স্থানের জল, জঙ্গল, পণ্যসমূহ ভালরূপ চিনি। অতঃপর আমরা যুদ্ধে জয়ী হইতে পারিলে এযাত্রা মুসলমানের সকল আশা নিশ্চূল হইবে। এই কথা বলিয়া বক্তার ও আমিনবেগ দক্ষিণ ও উত্তরদিক্ দিয়া সুবেদারী সৈন্য আক্রমণ করিলেন। তুমুল সংগ্রাম বাধিল; অসংখ্য মশাল জ্বলিল। সীতারাম কামান লইয়া যবনবাহিনীর মধ্যদেশ আক্রমণ করিলেন। যবনবাহিনী তিনস্থানে আক্রান্ত হইল।

মুসলমানপক্ষে আল্লাহো আকবর ও হিন্দুপক্ষে কালীমারীকী জয় নিনাদে নৈশবায়ু কম্পিত ও নিকটস্থ গ্রামসমূহ প্রতিধ্বনিত হইতে লাগিল। নিকটস্থ গ্রামবাসী নরনারীগণ ভয়ে কম্পিত হইতে লাগিল। বারাসিয়া নদীর জল ও রণপ্রান্তর কম্পিত হইতে লাগিল। সীতারাম ছই করে ছই কামান দাগিতে দাগিতে যবনবাহিনীর উপর আপতিত হইলেন। তাঁহার পার্শ্বচর পাঠান সৈনিকেরাও কামান দাগিতে দাগিতে তাঁহার সঙ্গে সঙ্গে চলিল। সীতারাম সিংহরামের সম্মুখীন হইয়া বলিলেন—“রে ফলিয়কুলপাংসল! তুই হিন্দু হইয়া হিন্দুর স্বাধীনতা

লোপ করিতে আসিয়াছি। মুসলমানসংসর্গে তোর পবিত্র ক্ষত্রিয়-রক্ত কলঙ্কিত হইয়াছে। আজ সর্ব্বাঙ্গে স্বদেশ-দ্রোহী ভারতমাতার কুসন্তান হিন্দুর রক্তে আজ আমার অসি পবিত্র করিয়া পরে দেশবৈরী বধননাশে প্রবৃত্ত হইব।”

সিংহরাম সাহ লজ্জিত হইয়া বলিলেন,—“রাজন্! বৃথা তিরস্কারে প্রয়োজন কি? নিরুপায়ে, নৈরাশ্রে মুসলমান-অধীনে ভৃত্য হইয়াছি। আপনি আপনার কর্তব্য সাধন করুন। আমিও ক্ষত্রিয়, ভৃত্যের দশায় কর্তব্যপালনে ক্ষত্রিয়বীৰ্য্যই প্রদর্শন করিব।”

উভয়ে অসিযুদ্ধ বাধিল। সিংহরাম ক্রমে পশ্চাৎপদ হইতে লাগিলেন। সীতারামের অসির আঘাতে দুইবার সিংহরামের অসি ভগ্ন হইল। বক্তার, রূপচাঁদ, ককির প্রভৃতি অমানুষিক বীরত্ব প্রদর্শন করিলেন। বধনসৈন্ত ছত্রভঙ্গ হইয়া পলায়ন করিল। সীতারাম যুদ্ধে জয়ী হইলেন। বেলা এক প্রহর হইতে না হইতে সীতারাম সৈন্তে মহম্মদপুরের দুর্গে উপনীত হইলেন, কিন্তু এই যুদ্ধে সীতারামের বহু সৈন্ত ক্ষয় হইল ও অনেক যুদ্ধোপকরণ সীতারামের হস্তচ্যুত হইয়া গেল।

সীতারাম মহম্মদপুরে আসিয়া সৈন্ত ও বুদ্ধিসস্তার বৃদ্ধি করিবার আয়োজন করিতে লাগিলেন। তিনি দেখিলেন, চতুর্পার্শ্বে আর তাঁহার মিত্র নাই। সকলই তাঁহার শত্রু। অন্ত ভূস্বামিগণের জমিদারী হইতে তাঁহার চাউল, ডাউল খরিদ করিবার উপায় নাই। তাঁহার রাজধানীতে কোন লোহ বা গন্ধকপূর্ণ নৌকা আসিবার সুবিধা নাই। তিনি কিংকর্তব্যবিমূঢ় হইয়া মন্দি, কি আত্মসমর্পণ, কি পলায়ন করিবেন

চিন্তা করিতেছেন, এমন সময়ে সহসা মুসলমানবাহিনী মহম্মদপুর আসিয়া নগর অবরোধ করিল।

“ইহার পর সীতারামের পতন সম্বন্ধে দুই মত আছে। কেহ কেহ বলেন, অবরুদ্ধ সীতারামের রাজধানীর উপর রজনীতে ষবনসৈন্য আসিয়া আপতিত হয় এবং সীতারাম তুমুল সংগ্রাম করিতে করিতে বন্দী হইলেন। দ্বিতীয় মত এই যে, সীতারামের তৃতীয় রানী এইরূপ অবরুদ্ধ নবাবের দুর্গে অবস্থিতি করার সর্বদা দুঃখিত থাকিতেন। সীতারাম যুদ্ধ না করিয়া, অরাতি বিদূরিত না করিয়া, রাজভবনে অবরুদ্ধ অবস্থায় বাস করিতেছেন দেখিয়া তৃতীয়া মহিষী তাঁহাকে বিক্রম করেন। এই বিক্রমে সীতারাম ক্রুদ্ধ হইয়া সবেগে সসৈন্তে রজনীতে ষবনসৈন্তের উপর নিপতিত হন এবং সেই যুদ্ধে সীতারাম পরাস্ত হন। ২য় রানী সম্বন্ধীয় কিম্বদন্তী কেবল সীতারামের পরিবারস্থ লোক মধ্যে শুনিতে পাওয়া যায়। প্রকৃত কথা এই যে, ষবনেরা রজনীযোগে সীতারামের দুর্গ আক্রমণ করে। তাহারা হঠাৎ রজনীতে সীতারামের দুর্গ আক্রমণ করিবে, এ বিশ্বাস সীতারামের ছিল না। যে রজনীতে নগর আক্রান্ত হয়, সেই রাত্রে সীতারাম তৃতীয়া মহিষীর গৃহে ছিলেন। উপায়ান্তর না দেখিয়া সীতারাম সসৈন্তে প্রাণপণে যুদ্ধ করেন।”

গোপনে ঢাকা ও মুর্শিদাবাদ হইতে নূতন মুসলমান-সৈন্য আসায় সিংহরাম মৈশ আক্রমণে প্রবৃত্ত হন। দুর্গের সিংহদ্বার হইতে তুমুল সংগ্রাম আরম্ভ হয়। সে যুদ্ধ বর্ণনা করে এমন সাধ্য কাহার নাই। সে দিন সীতারাম, বক্তার, আমিনবেগ, রূপচাঁদ ও ফকির যেন দৈববলে বলীমান হইয়া দেবগণের স্থায় অচল অটল ভাবে যুদ্ধ করিতে লাগিলেন।

কামান, বন্দুক, অসি, বল্লম, তীর, গুলাল সকলই যুদ্ধে ব্যবহৃত হইতে লাগিল। শুনা যায়, সয়ং কমলা রানী বীরবেশে গুরু কৃষ্ণবল্লভের পার্শ্বে দাঁড়াইয়া কামান ছুড়িয়া ছিলেন। দ্বিতীয় খান্দালির যুদ্ধের ঠায় সিংহদ্বারে ঘোর সংগ্রাম হইল। সিংহদ্বারে মুসলমান ক্ষয় করিতে করিতে সীতারাম ও তাঁহার সেনাগণ ক্লান্ত হইয়া পড়িলেন। একদিকে অসংখ্য মুসলমান-বাহিনী, অত্রদিকে অপরূপ অসংখ্যক সীতারামের সৈন্যদল। সীতারাম স্বদলবল সঙ্গে আসিতেছে বিবেচনা করিয়া একবার হঠাৎ যবন-সৈন্যের মধ্যে অগ্রসর হইয়া পড়িলেন। তাঁহার সৈন্যদল বাধা পাইয়া অনুগমন করিতে পারিল না। বহুসংখ্যক মুসলমান-সৈন্য একসঙ্গে সীতারামকে আক্রমণ করিল। সীতারামের গুলি ফুরাইল, বন্দুক ভাঙ্গিল, অসি খণ্ড খণ্ড হইয়া গেল, তবু সীতারাম মল্লযুদ্ধে প্রবৃত্ত হইলেন। বহু মুসলমান বীর একসঙ্গে সীতারামকে ধরিয়া ফেলিল। বাঙ্গালী গৌরব স্বদেশপ্রেমিক হিন্দুর তুঃখবিমোচন-কারী বীর সীতারাম চির রাছগ্রাসে পতিত হইলেন। বাঙ্গালার শিবাজী, বাঙ্গালার প্রতাপ, বাঙ্গালার গুরুগোবিন্দ, বাঙ্গালার শেষ বীর, বাঙ্গালার শেষ আশা, এই নৈশ যুদ্ধে নির্মূলিত হইল।

মেনাহাতীকে সন্মানিত করা হইয়াছে বলিয়া কেহ কেহ তাঁহাকে মুসলমান বলিয়া অনুমান করেন। মেনাহাতী, মেলাহাতী, রামরূপ, রূপ-রাম, মৃন্ময় তাঁহার প্রভৃতি বে নাম পাইতেছি, তাঁহার কোন নামই মুসলমান নাম নহে। মেনাহাতী মুসলমান হইলে তাঁহার দোলমঞ্চে বসিয়া আস্থিক করার প্রয়োজন হইত না এবং দোলমঞ্চের নিকটে প্রতিদিন ঘাইতে হইত না। মেনাহাতীকে বেক্রপ জিতেন্দ্রিয় ও রামসাগর প্রভৃতি

দীর্ঘী কাটাঁইতে প্রবৃত্ত দেখিতে পাই, তাহাতেও তাঁহাকে মুসলমান অনুমান করিতে পারি না। সীতারামের সময়ে মুসলমানপ্রথা বিশেষ চল হইয়াছিল। কীর্ত্তিরক্ষার জন্ত কীর্ত্তিমান পুরুষের সমাধিস্তম্ভনিৰ্ম্মাণ চিরকালই প্রচলিত আছে। এই কারণে আমরা বলি, মেনাহাতী হিন্দু ; কখনও মুসলমান নহেন। রামসাগর নামও রামরূপের নামানুসারে হইয়াছে। রামরূপ কোন যুদ্ধে পরাস্ত হইয়াছেন এ কথা কেহ বলেন না। এই মাত্র কথিত আছে, একবার সীতারামের জন্মতিথি পূজা উপলক্ষে বন্দিগৃহের বন্দিগণকে ছাড়িয়া দেওয়া হয়। সেদিন কুস্তি, ব্যাগাম, রহস্যযুদ্ধ প্রভৃতি ক্রীড়া প্রদর্শন হইতেছিল। বন্দিগণের মধ্যে কোননগরের নিকটস্থ কর্ণপুর গ্রাম হইতে কাভলি গ্রামে নবাগত রামসন্তোষ দে সিকদার উপস্থিত ছিলেন। তিনি রাজস্ব দিতে অসমর্থ হওয়ার বন্দী হইয়াছিলেন। রামসন্তোষ ও রামরূপে বাহ্যুক হয়। এই বাহ্যুকে রামরূপ পরাস্ত হইয়াছিলেন। রামসন্তোষ এই বাহ্যুকে জয়ী হওয়ায় পুরস্কার স্বরূপ কর না দিয়া মুক্তি লাভ করিয়াছিলেন ও গুণ-প্রাপ্তী রাজা সীতারামের নিকট বস্ত্র ও সোণার তাগা পাইয়া সম্মানিত হইয়াছিলেন। রামরূপ বা মেনাহাতীর জীবনে এই এক দিন মাত্র বাহ্যুকে পরাভবের কথা শুনা যায়।

পঞ্চদশ পরিচ্ছেদ



সীতারামের মৃত্যু

রাজা ও বাঙ্গালীবীর সীতারামের মৃত্যুর প্রকৃত বৃত্তান্ত বিবৃত করিবার পূর্বে আমরা অগ্রে কিঞ্চদস্তীগুলি বর্ণন করিব। কিঞ্চদস্তীগুলি এই :—

১। সেই নৈশযুদ্ধে সীতারাম সাংঘাতিক আঘাত পাইয়া সমরক্ষেত্রে নিপতিত আছেন। ফকির মহম্মদালীর কোন শিষ্য ফকিরকে দেশের উপকার করিবার জন্ত পরামর্শ জিজ্ঞাসা করিয়াছিলেন। ফকির বলিয়াছিলেন, সময় উপস্থিত হইলে তাহাকে উপযুক্ত পরামর্শ দিবেন। এই যুদ্ধক্ষেত্রে মহম্মদালী সেই শিষ্যকে সীতারামের বসন-ভূষণ ও যুদ্ধাস্ত্র লইয়া বিচরণ করিতে বলিলেন। ফকিরশিষ্য আহত ভূপতিত সীতারামের নিকট সীতারামের পরিচ্ছদ, মুকুট ও অসিচন্দ্র প্রার্থনা করিলেন। সীতারাম তাহার উদ্দেশ্য না বুঝিয়া তাহাকে তাহার প্রার্থিত বস্তু সকল দান করিলেন। সেই ফকির-শিষ্য সীতারাম সাজিয়া যুদ্ধস্থলে বিচরণ করিতে লাগিল। সেই যুগে হইয়া সীতারাম-বোধে মুর্শিদাবাদে নীত হইল। গুরু, পুরোহিত, ফকির ও মন্ত্রী বহুনাথ সীতারামের শুশ্রূষা করিতে আনিলেন। বঙ্গের হুর্ভাগ্য, বাঙ্গালীর ছরদৃষ্ট সেই আঘাতে সীতারাম পরদিন প্রাতে লক্ষ্মীনারায়ণের মন্দিরের সম্মুখে জীবন লীলা

শেষ করিলেন। ককিরের উদ্দেশ্য ছিল, তাহার শিষ্যকে সীতারামবোধে লইয়া যখনসৈন্ত মুর্শিদাবাদে চলিয়া গেলে, সীতারামের আঘাত আরোগ্য হইবে এবং তাঁহাকে পুনরায় সিংহাসনে বসাইয়া রাজত্ব করাইবেন। ককিরের মন্ত্রণায় কৃষ্ণবল্লভ ও যত্নাধেরও মত ছিল।

২। সীতারাম মহম্মদপুরে দুর্গমধ্যে সম্মুখসমরে প্রাণত্যাগ করেন।

৩। সীতারাম বন্দী অবস্থায় মুর্শিদাবাদে যাইয়া পশ্চিমধ্যে নাটোরে বা অন্য কোনস্থানে হীরক মসুরীরকের হীরক চূষিয়া প্রাণত্যাগ করেন।

৪। সীতারামের মৃত্যু সম্বন্ধে চতুর্থ কিম্বদন্তী রঘুনন্দনের কলঙ্ক মধ্যে লিখিত হইয়াছে। হুইলক টাকা উৎকোচ দিয়া রঘুনন্দনকে বাধা করিয়া সীতারাম রাজ্য লটেতে অভিলাষী হন ও রঘুনন্দন পশ্চিমধ্যে লক্ষ্মীনারায়ণের নিকট হইতে সেই টাকা লুটিয়া লন ও সীতারামকে কঠিন প্রাণদণ্ডের কথা বলেন। সীতারাম এই কথার বিষপানে প্রাণত্যাগ করেন।

৫। আবুতরাপকে হত্যা, বক্সামালীকে যুদ্ধে পরাভব ও রামসিংহ-মাহার সহিত অন্ত্যায় যুদ্ধ করার এবং চতুর্দশ বৎসর দেয় রাজকর না দেওয়ার মুর্শিদকুলী খাঁ তাঁহার উপর বিশেষ ক্রোধ ছিলেন। সীতারামকে লৌহপিঞ্জরে আবদ্ধ করিয়া মুর্শিদাবাদে প্রকাশ্য রাজপথে রক্ষা করা হয় ও তথায় লৌহশলাকার আঘাতে ক্ষতবিক্ষত করিয়া বহু ক্লেশ দিয়া তাঁহাকে নিহত করা হয়।

৬। সীতারামকে বন্দী অবস্থায় প্রহরি-পরিরক্ষিত হইয়া প্রত্যাহ নবাবদরবারে বাইতে হইত। নবাব-সরকারের কোন উচ্চ কর্মচারীর প্রতি কতকগুলি লোক ক্রোধ ছিলেন, তাঁহার নিধন সাধন করা তাহাদের

অভিপ্রায় ছিল। তাহার শালবিক্রেতাভাণে ছদ্মবেশে নবাবদরবারে উপস্থিত হইল। দরবারে কথায় কথায় সেই কর্মচারীর সহিত তাহার বিরোধ বাধায়। সেই বিরোধে তাহার অসিচক্ষু লইয়া সবেগে সেই কর্মচারীকে আক্রমণ করে। সীতারাম সেই আততায়ীদিগের তরবারি কাড়িয়া লইল, তাহাদিগকে পরাস্ত করেন ও সেই কর্মচারীকে রক্ষা করেন। মুর্শিদকুলী খাঁ তাহার বীরত্বদর্শনে পরিতুষ্ট হইয়া তাঁহাকে মুক্তি দিলেন ও তাঁহার রাজ্য তাঁহাকে প্রত্যর্পণ করিবার আদেশ করিলেন, কিন্তু সীতারাম সেই যুদ্ধে একরূপ আহত হইয়াছিলেন যে, সেই দিনে অপরাহ্নে গঙ্গাতীরে ঐ স্থান হইতে রক্তস্রাব হইয়া তাঁহার মৃত্যু হয়।

৮। শৃগালের শৃঙ্গ অর্থাৎ কোন ছলভ বস্তু। মেনাহাতী সপ্তহস্ত দীর্ঘ মহাবীর সীতারামের সেই ছলভ বস্তু ছিলেন। চারিইয়ারি টাকা আকবরী মোহর ও লক্ষ্মীনারায়ণ বিগ্রহ সীতারামের রাজশ্রী মূল কারণ ছিল। এই চারিইয়ারি সীতারামের গৃহে ছিল। এই চারিইয়ারি জমিদার-মৈত্র কৌশলে অপহরণ করে। লক্ষ্মীনারায়ণ মহম্মদপুর হইতে অপহৃত হইয়া নাটোরের যান এবং তথা হইতে অপহৃত হইয়া নড়ালে আটকেন। এই চারি বস্তুর অপহরণে সীতারাম জীবনান্ত ছিলেন। তাঁহার প্রকৃত মৃত্যু পূর্বে হইতেই হইয়াছিল। যুদ্ধে কেবল তাঁহার দেহ হইতে প্রাণ বিরোগ ঘটে।

৯। সীতারাম বন্দী হইয়া মুর্শিদাবাদে নীচ হইবার সময় এক ছোড়া শিকিঙ পাররা সঙ্গে লইয়া যান। তিনি যাইবার সময় বলিয়া যান, যদি রাজ্য ও জীবন উদ্ধার করিতে পারেন, তবে দেশে ফিরিয়া

আসিবেন, নচৈং শিক্ষিত পায়রা উড়াইয়া দিয়া তিনি আত্মহত্যা করিবেন। নবাবদরবারে প্রতিদিন প্রচুরি কর্তৃক পরিষ্কৃত হইয়া আসা যাওয়ার, জেলের কষ্ট ও রাজ্য উদ্ধারের কোন আশা না পাওয়ার সীতারাম পায়রা উড়াইয়া আত্মহত্যা করেন।

আমরা যে চাবিখানি সনকের মকল পরিষ্কৃষ্টে দিব, তাহাতেই স্পষ্ট পতীয়মান হইলে যে, মুর্শিদাবাদেই সীতারামের মৃত্যু হইয়াছিল।^{১০২} এখন সীতারাম আত্মহত্যা করেন, কি লৌহশলাকায় বিদ্ধ হইয়া প্রাণত্যাগ করেন, কি অরাস্তিগণ কর্তৃক আহত হইয়া গঙ্গাতীরে, কি আততায়ীর আঘাতজনিত রক্তস্রাবে তাঁহার মৃত্যু হয়, ইহাই সিদ্ধান্তের বিষয়। সকলগুলিই কিম্বদন্তী। কোন শালবিক্রেতাদিগের সহিত যুদ্ধ করিয়া গঙ্গাতীরে মৃত্যুর কথাই সীতারামের গুরুকুলপঞ্জিকায় লিখিত আছে। যে সময়ের কথা, তখন কি স্মরাট্ কি মধাব, সকলের দরবারেই ষড়যন্ত্র হইত। অত্যাচার-উৎপীড়নে লোক সকল মর্মান্তিক জ্বালাতন হইত। সম্ভবতঃ উচ্চ কর্মচারীর নিধনমানসে ছদ্মবশী শালবিক্রেতাগণের সহিত দ্বন্দ্বকালে সীতারামের আঘাতজনিত মৃত্যুই বিশ্বাসযোগ্য কথা। বিশ্বস্ত, অভিজ্ঞ, উচ্চপদস্থ রঘুনন্দন সামান্ত রাজ্যলোভে নিজের চরিত্র, নিজের ধর্ম নষ্ট করিয়া, মিথ্যা কথা বলিয়া, সীতারামের অর্ধলুপ্তন করিয়া, সীতারামের আত্মহত্যার পথ পরিষ্কার করা কিছুতেই সম্ভবপর নহে। বাঙ্গালা, বিহার, উড়িষ্যার রাজস্বসচিব একজন বাঙ্গালী ব্রাহ্মণ। মুসলমানপ্রাবৃত দেশে একজন ব্রাহ্মণের উচ্চপদ ও উপদ তাঁহার পুরুষপুরুষরাগত নহে। নিজ গুণে নিজ প্রতিভার এত উচ্চপদ লাভ। এই রঘুনন্দন, এই মাতৃগণা রঘুনন্দন, এই ভ্রায়নিষ্ঠ, ধর্মনিষ্ঠ

রঘুনন্দন বিশ্বাসঘাতকতা-দোষে দোষী হইবে ইহা আধুনিক বাঙ্গালী-লেখকের লেখনী তিন্ন অল্প জাতীয় লেখকের লেখনীগ্রস্ত হইতে পারে না। রঘুনন্দনের কলঙ্ক আমাদের কলঙ্ক, বাঙ্গালীর উচ্চপদ লাভের অন্তরায়। রঘুনন্দন ও দয়্যারাম সীতারামের প্রতিকূলে যাহা কিছু করিয়াছেন, তাহা নবাবের আদেশ পালন তিন্ন অল্প কিছুই নহে। দয়্যারাম জমিদারীসম্বন্ধে অধ্যক্ষ হইয়া আসিলেন। তিনি দেখিলেন সীতারামের উদ্ধারের পথ নাই, তিনি শত্রুপরিবেষ্টিত। তাঁহার মিত্র, তাঁহার অল্পপুত্র জনই তাঁহার শত্রু। এ সময়ে সীতারামের অনুকূলতা করা কেবল নিজেদের জীবন, নবাবের ক্রোধ-হতাশনে আহুতি দেওয়া তিন্ন আর কিছুই নহে। তাই দয়্যারাম নিজে কর্তব্য পালন করিয়াছেন। সিংহরাম সাহ সীতারামের নিধনসাধন করিয়াছেন ও দয়্যারাম তাঁহার সহায়তা করিয়াছেন। দয়্যারাম নবাবপক্ষীয় লোক। নবাবকর্তৃক সম্মানিত। জমিদারীসম্বন্ধে কর্তৃত্বভার পাওয়াও কম সম্মানের বিষয় নহে। দয়্যারাম বিশ্বাসঘাতক হন নাই। তলে তলে সীতারামের সহিত বড়বন্দ করেন নাই, এইজন্য কি দয়্যারামকে গালি দিতে হইবে? যদি কোন হিন্দু মুসলমানের অধীনে কার্য না করিত, যদি হিন্দু মুসলমানে এ সময় ঘেঁষাঘেঁষী থাকিত, যদি মুসলমানের অধীনে হিন্দুর কার্যগ্রহণ করা এ সময়ে নিন্দনীয় হইত, তাহা হইলেও আমরা রঘুনন্দন ও দয়্যারামকে কিছু বলিতে পারিতাম। প্রাচীনকালে হুই রাজবংশের অধিপুরুষ, জ্ঞানপরিমার যশিত, নবাবসম্মানে সম্মানিত মহাত্মাদিগকে গালি দিয়া আমাদের লেখনী কলঙ্কিত করাযাত্র। সীতারাম বাধীন-ভাবে হিন্দুরাজ্যস্থাপনে প্ররানী, রঘুনন্দন ও দয়্যারাম নবাবসম্মানে

সম্ভ্রান্ত হইতে উদ্বেগী। সকলেই বড়লোক। সকলেরই উচ্চ আশা। কেবল কর্মক্ষেত্র পৃথক্। এক্ষণে একজন ওকালতী ও অন্তজন জমিদারী করিয়া বড়লোক হইতেছেন। আর একজন ব্যবসা করিয়া ধনবান্ হইতেছেন। উকিল ও জজ ইংরাজাধীনে কার্য করেন বলিয়া আমরা তাঁহাদিগকে ঘৃণা করিয়া কি ব্যবসায়ীকে বেশী আদর করিয়া থাকি? বাঙ্গালী উকিল সাহেবের পক্ষে ওকালতনামা লইয়া ও বাঙ্গালী জজ সাহেবের মোকদ্দমার বিচারে ভ্রাতৃবৃদ্ধি বিসর্জন দিয়া উভয়ে বাঙ্গালীর উপকার করিলে আমরা কি তাঁহাদিগকে প্রশংসা করিয়া থাকি? যদি লোকসমাজে ভ্রাতৃ ও ধর্ম্মানুগত কার্যের প্রশংসা বিহিত হয়, তবে রঘুন্দন ও দয়্যারাম কখনও সমাজে নিন্দিত হইতে পারেন না।

সীতারামের সঙ্গে শিক্ষিত পাররা যাওয়া এবং জীবন ও রাজ্য উদ্ধার করিতে না পারিলে শিক্ষিত পাররার মুখে পত্র দিয়া ছাড়িয়া দিয়া আত্মহত্যার কথাও প্রকৃত নহে। সীতারামকে মুসলমানগণ প্রবল বৈরী মনে করিত। রাঞ্জিতে সংগ্রাম সময়ে তাঁহাকে বন্দী করে। তিনি পাররা গাইতে ও সকলকে বলিয়া যাইতে সুবিধা ও অবসর পান নাই। তাঁহার প্রতি নবাব-আদেশানুসারে নির্ধূর ব্যবহারই হইয়াছিল। লৌহপিঞ্জরে করিয়া লম্ব বলিয়াই তাঁহার মৃত্যু সম্বন্ধে উপরোক্ত পঞ্চম কিম্বদন্তী প্রচলিত হইয়াছে।

আমরা সীতারামের জীবনচরিত্ত পর্যালোচনা করিয়া এই সুবিধাছি যে, তিনি লৌহ-পিঞ্জরাবদ্ধ হইয়া মুর্শিদাবাদে নীত হইলেন। তিনি যাইবার সময় আত্মীয় স্বজনকে কোন কথা বলিয়া যাইতে পারেন নাই। যে রাতে তাঁহার দুর্গ আক্রান্ত হয়, ঠিক সেই রাতে তিনি পরাজিত হন

নাই। তাঁহার এক এক সেনাপতি এক এক দ্বারে তুমুল সংগ্রামে প্রবৃত্ত হইল। তিনি আগ্নিবর্ষ ও রূপচাঁদকে সঙ্গে করিয়া পূর্ব দক্ষিণ দ্বার দিয়া সুবেদারী সৈন্যের উপর নিপতিত হন। সীতারামের সঙ্গে অধিক সেনা ছিল না। তাঁহার জানা ছিল, অস্মান সেনানায়কগণ তাঁহার অনুগমন করিবে। তাঁহারা দ্বাররক্ষায় এত ব্যস্ত ছিলেন যে, রাজার অনুসন্ধান লইতে পারিলেন না। সীতারাম অল্পসংখ্যক সৈন্য লইয়া যুদ্ধ করিতে করিতে অস্বারোহী সেনাপতি সিংহরামসাহের নিকট উপস্থিত হন। সীতারামের সহচর সৈন্যগণ সকলেই রাজাকে রক্ষার জন্য বিশ্বস্ত ভৃত্যের স্তায় সম্মুখসংগ্রাম করিয়া বৃদ্ধে নিহত হয়। সীতারাম আহত হইয়া অস্থ হইতে মুচ্ছিত হইয়া পড়েন। তাঁহার মুচ্ছিত অবস্থায় তাঁহাকে বন্দী করে। অপর সৈন্যদলী এই বে, একাকী যুদ্ধ করিতে করিতে বন্দী হন, তাহা আমরা পূর্ব পরিচ্ছেদেই বলিয়াছি। মুর্শিদাবাদের দরবারে তিনি শালওয়ানা ছদ্মবেশী আততায়ীদের সহিত যুদ্ধ করিয়া নবাবকে সন্তুষ্ট করেন। তৎপূর্বেও তিনি বাজুবন্দীর স্তায় সমস্তই ছিলেন। মুর্শিদকুলী খাঁ পসর হইয়া,— তাঁহার বীরত্বে সন্তুষ্ট হইয়া তৎক্ষণাৎ তাঁহাকে মুক্তিদান করেন ও তাঁহার রাজ্য তাঁহাকে প্রত্যর্পণ করিবার অঙ্গীকার করেন। সেই দিনেই সন্ধ্যাকালে গঙ্গাতীরে তাঁহার মৃত্যু হয়। সীতারামের মৃত্যুর ২৩ দিন পূর্বে তাঁহার কনিষ্ঠ ভ্রাতা লক্ষ্মীনারায়ণ কিছু অর্থ সঙ্গে লইয়া মুর্শিদাবাদে উপনীত হইয়াছিলেন। মুর্শিদাবাদের ভাগীরথীতীরে সীতারামের মৃতদেহের সংস্কার করা হইয়াছিল। সীতারামকে কেহ নিহত করেন নাই অথবা তিনি আত্মঘাতী হন নাই। সাধারণ লোকের চক্ষে

তারান ষড় দোহা হউন, সীতারামের বিশাস ছিল যে, তিন মুর্শিদকুলী খাঁর নিকট ক্ষমা পাইবেন। মুর্শিদকুলী খাঁ অথলোলুপ ও অশান্তাবী হইলেও তাঁহার বিথাবুদ্ধি ও গুণগাহিতা গুণ ছিল। সীতারাম আবুতরাপকে নিষ্ঠুর কারয়াছিলেন বটে, কিন্তু সে কম উদ্ভজন্য নহে। সীতারাম বাঙ্গুর দস্থ্যানিবারণে আত্মজীবন উৎসর্গ করিয়াছিলেন। যে সীতারাম নবাবের অধুকূলে পাঠানের বিদ্রোহ নবাবী কারিয়াছিলেন, যে সীতারাম একটা শাস্ত-স্বপ্নময় বিস্তার রাজ্য পরা কারয়া উঠাইয়া ছিলেন, কুলা খাঁ অবশুই তাঁহার গুণগ্রহণ করিয়া বন। যে কর দেওয়া লড়াই আবুতরাপের লাইত সীতারামের এবাদ শ্রাবাপক্ষে সে করও সীতারামের দেয় ছিল না। কএক বংসর সীতারামকে কর মথুর দিবার কথা ছিল।

ষোড়শ পরিচ্ছেদ



সীতারামের পরিবার ও উত্তর পুরুষগণের অবস্থা

যে নৈশ যুদ্ধে সীতারাম বন্দীকৃত ও যে যুদ্ধান্তে মুর্শিদাবাদে নীত হন, সেই রাতেই রাজার ছর্ষটনার সংবাদে রাজপুত্রীতে রাজপরিবারের আতঙ্কের পরিসীমা ছিল না। রাজ-পরিবারস্থ সকল লোক অস্তঃপুরের দ্বার দিরা পলায়ন করিয়া রাজপুত্রপত্নী মথো ছিকু রায় ওরফে শ্রীনাথ রায় নামক একজন ক্ষত্রিয়ের বাড়ীতে সেই রাতে আশ্রয় লন। দ্বিতীয় দিন সেই স্থলে গুপ্ত অবস্থায় থাকিয়া সেই রাতে তাঁহারা ক্ষুদ্র ক্ষুদ্র নৌকার, প্রচ্ছন্ন ভাবে অতি সামান্ত লোকের জায় মহম্মদপুর নগর হইতে হরিহর নগরে পলায়ন করেন। তাঁহারা আশা করিয়াছিলেন, লক্ষ্মীনারায়ণের গৃহে তাঁহারা সাদরে গৃহীত হইবেন। লক্ষ্মীনারায়ণ নিরীহ স্বভাবের ভীকলোক ছিলেন। তিনি ঘোষ্ঠ ভ্রাতার রাজ্যের প্রতি দৃষ্টি না করিয়া হরিহর নগরের বাড়ীতেই বাস করিতেন। মুসলমানদিগের সহিত যুদ্ধ কাশিম্বার প্রান্তরেই লক্ষ্মীনারায়ণ পলায়ন করিয়াছিলেন।

ছর্ষটনা একা আগমন করে না। সীতারামের পরিজনবর্গ হরিহর-নগরের বাড়ীতে বাইরা দেখিলেন যে লক্ষ্মীনারায়ণ তথায় নাই। বাড়ীতে বিগ্রহ ও পুরোহিতগণ বাস করিতেছেন। তাঁহারা প্রচ্ছন্নভাবে পুরো-

হিতদিগের বাস-গৃহেই থাকিলেন। মহম্মদপুরের যুদ্ধ শেষ হইয়া বক্স আলি খাঁ ফৌজদার পুনরায় ভূষণা কেলায় বসিয়া ফৌজদারের কার্য করিতে লাগিলেন। বক্স আলির ব্যবহারে পলায়িত গৃহস্থগণ নিরাতঙ্কে প্রত্যাগত হইয়া মহম্মদপুরে বাস করিতে লাগিলেন। লক্ষ্মীনারায়ণ দূত দ্বারা ফৌজদারের নিকট ভূষণায় আসিবার প্রস্তাব জানাইলে, তিনি তাঁহাকে হরিহর-নগরের বাটীতে আসিতে অনুমতি দিলেন।

সীতারামের পরিজনবর্গের হৃদশার কথা জানিয়া ও তাঁহার শৌর্ষা, বীৰ্য্য ও কীর্তির কথা শ্রবণ করিয়া মুসলমান ফৌজদার বক্স আলির হৃদয়ও দ্রবীভূত হইল। সীতারামের গুরুদেব কৃষ্ণবল্লভ ও রত্নেশ্বর, রামদেব পুরোহিত, দেওয়ান বহুনাথ, পেস্কার ভবানীপ্রসাদ, মুন্সী বলরাম, বেলাদার-সৈন্যধ্যক্ষ মদনমোহন, সরকার গদাধর প্রভৃতি লক্ষ্মীনারায়ণের নিকটে আসিলেন। বহুনাথপ্রমুখ সীতারামের অসাত্যবর্গ লক্ষ্মীনারায়ণের সহিত ফৌজদার বক্স আলির নিকট সীতারাম সহজে কি করা যাইবে, পরামর্শ করিতে আসিলেন। বক্স আলিরও ইচ্ছা সীতারামের ভার উদারচিত্ত মহাত্মার উদ্ধারের জন্য কোন রূপ সহায় অবলম্বিত হর। সকলের মতে এই পরামর্শ ঠিক হইল যে, লক্ষ্মীনারায়ণ ও শ্রামশূন্যর করেক লক্ষ টাকা লইয়া মুর্শিদাবাদে যাইবেন এবং নবাব-কর্মচারীদেরকে উৎকোচ দিয়া সীতারামের মুক্তির চেষ্টা পাইবেন।

এই পরামর্শানুসারে লক্ষ্মীনারায়ণ ও শ্রামশূন্যর অর্থ লইয়া নৌকাপথে মুর্শিদাবাদ যাত্রা করিলেন। পথিমধ্যে তাঁহারা দস্যুগণ কর্তৃক আক্রান্ত হইয়াছিলেন। গুরুদেব কৃষ্ণবল্লভের পরামর্শানুসারে নৌকায়

মুময়পাত্রে যে তুলসী তরু ছিল, তন্নিস্ত্র মোহরগুলি ও খাণ্ডাদির মধ্যে যে সকল মোহর ছিল, তাহা দক্ষদল অপহরণ করিতে পারে নাই। তাহাদিগকে এক লক্ষ টাকা দিরাই বিদায় করা হইয়াছিল। শ্যামসুন্দর ও লক্ষ্মীনারায়ণ মুর্শিদাবাদে উপনীত হইবার দুই দিন পরেই ছদ্মবেশী শালবিক্রেতাদিগের সহিত সীতারামের যুদ্ধ ও পরে রক্তশাবে ভাগীরথীতীরে মৃত্যু হয়।

সীতারামের মৃত্যু অন্তে লক্ষ্মীনারায়ণ ও শ্যামসুন্দর দেওয়ান রঘু-নন্দনের সহায়তায় নবাব মুর্শিদকুলী খাঁর সহিত সাক্ষাৎ করিলেন। নবাব সীতারামের সুকীৰ্ত্তি বর্ণনাপূর্বক তাঁহার বিস্তীর্ণ রাজ্য তাঁহার পুত্র ও ভ্রাতার সহিত বন্দোবস্ত করা হইবে এইরূপ আশ্বাস দিলেন এবং তাঁহাদিগকে স্মিষ্টে কথায় তুষ্ট করিলেন। সীতারামের মৃত্যুতে নবাবও অতি চঃখ প্রকাশ করেন।

আশ্বস্ত হইয়া লক্ষ্মীনারায়ণ ও শ্যামসুন্দর হরিশ্বর-নগরে প্রত্যাবর্তন করিলেন। হরিশ্বর নগরের বাটীতেই মহাসমারোহে সীতারামের স্নানাদি ক্রিয়া সম্পন্ন হইল। সীতারামের জীবদ্দশাতেই বসন্ত রোগে তাঁহার চতুর্থ ও পঞ্চম স্ত্রীর মৃত্যু হয়^{১৩}। সীতারামের স্ত্রী কমলা পতিবিয়োগশোকে কাতর হইয়াছিলেন। তিনি নিঃসন্তান ছিলেন। সীতারামের মৃত্যুর কয়েক দিন পরেই তিনি কি প্রকারে জলে পতিত হইয়া পরলোক গমন করেন। কেহ কেহ বলেন, তিনি আত্মঘাতিনী হইয়াছিলেন। কমলা বুদ্ধিমতী ও বিহ্বলী রাণী ছিলেন। তিনি সীতা-রামকে রাজ্যশাসন ও পালন বিষয়ে অনেক পরামর্শ দিতেন। কথিত আছে, সীতারাম ভূষণার কেয়ার অবস্থিতিকালে এই রাণীই স্বয়ং মহম্মদ-

পুরের যুদ্ধোপকরণ প্রস্তুত ও খাণ্ডাদি সংগ্রহ কার্যের তত্ত্বাবধারণ করিতেন।

অন্যদিকে মুর্শিদাবাদে সীতারামের জমিদারীর ডাক হইতে লাগিল। রাজ্যচ্যুত বিতাড়িত ভূস্বামিগণ সকলেই মুর্শিদাবাদে উপস্থিত হইলেন। পূর্বেই উক্ত হইয়াছে, মুর্শিদ কুলী খাঁর বিশেষ অর্থের প্রয়োজন ছিল। উপযুক্ত বোধে সীতারামের কোন কোন পরগণা তাঁহার পূর্বাধিকারিগণের সহিত বন্দোবস্ত করা হইল।

সীতারামের অধিকাংশ পরগণা নাটোরের রাজবংশের আদিপুরুষ বুদ্ধিমান বিচক্ষণ রাজা রামজীঘনের সহিত বন্দোবস্ত করা হইল। কেবল নলদী পরগণা কিছুদিন সীতারামের উত্তরাধিকারিগণের হস্তে থাকিল। মুর্শিদকুলী খাঁ তাঁহার পূর্ব প্রতিশ্রুতি রক্ষা করিলেন না।

সীতারামের মধ্যমা স্ত্রীর গর্ভে শ্যামসুন্দর ও সুরনারায়ণ নামে দুই পুত্র জন্মে ও তৃতীয়া স্ত্রীর গর্ভে রামদেব ও জয়দেব নামে দুই পুত্র জন্মগ্রহণ করেন। সুরনারায়ণের পুত্র প্রেমনারায়ণ বশোহর জেলার অন্তর্গত মাগুরা মহকুমা হইতে দশ মাইল দূরে শিয়ালজোড় গ্রামে ভগবান্চন্দ্র দাসের কন্যাকে বিবাহ করেন। ভগবানের কন্যা পরমাসুন্দরী ছিলেন। তাঁহার রূপে মুগ্ধ হইয়াই প্রেমনারায়ণ তাঁহার পাণিপীড়ন করেন। এই দাসবংশ বর্ধমান জেলার অন্তর্গত কাঁঠোরার নিকটবর্তী বহড়ান গ্রামের দাস বলিয়া খ্যাত। এই দাস-বংশ আদিস্থান হইতে এই স্থানে সীতারাম কর্তৃক আনীত, আশ্রিত ও প্রতিপালিত হন। এই বংশে এক্ষণে উমেশচন্দ্র, লক্ষীকান্ত ও যুধিষ্ঠির চরণ দাস জীবিত আছেন।

দ্বিতীয়া স্ত্রীর সম্বানগণ সূর্য্যকুণ্ডের বাড়ীতে ও তৃতীয়া স্ত্রীর পুত্রগণ

শ্রামশিল্পের বাণীতে বাস করিতেন। তাঁহার বৃদ্ধের রজনীতে মহাশয়-
পুরের দুর্গ হইতে বহির্গত হইয়া আর পুনঃপ্রবেশের অধিকার
পান নাই।

নারায়ণের পুত্র রাধাকান্ত। রাধাকান্তের পুত্র নবকুমার ও কন্যা
অলোকমণি। অলোকমণির পুত্র গিরীশচন্দ্র দাস ও গিরীশের পুত্র
উমাচরণ দাস। উমাচরণের যোগেশচন্দ্র দাস নামে একটি পুত্র জন্মে।
এই পুত্র দশমবর্ষ বয়সে মাতুরা মহকুমার নিম্ন প্রাথমিক পরীক্ষা দিতে
আসিয়া ১৮৯৮ সালে কলেরা রোগে মৃত্যুমুখে পতিত হয়। যোগেশের
শোকসন্তপ্ত বৃহৎ জনকজননী অত্যাধি জীবিত আছেন। তাঁহাদের আর
সন্তান নাই। সীতারামের অপর দুই পুত্র রামদেব ও জয়দেব নিঃসন্তান
অবস্থায় পরলোক গমন করেন।

লক্ষ্মীনারায়ণের চারি পুত্র বহুনাথ, নরনারায়ণ, জরনারায়ণ ও
বিজয় নারায়ণ। নরনারায়ণের পুত্র মনসুখ চাঁদ ও নেহাল চাঁদ। মনসুখ
চাঁদের তিন পুত্র—রঘুনাথ, রমানাথ ও প্রাণনাথ। নেহালচাঁদের
দুই পুত্রের নাম কৃষ্ণকান্ত রায়। রমানাথের দুই পুত্র, কমলাকান্ত
ও মাধব। কৃষ্ণকান্তের দুই পুত্র, গুরুদয়াল ও চৈতন্যচরণ। চৈতন্য-
চরণের দুইপুত্র, হৃষীনাথ ও দৈবনাথ রায়।

পূর্বেই উক্ত হইয়াছে, নলদীপরণা কিছুদিন সীতারামের উত্তরা-
ধিকারিগণের হস্তে ছিল। কেহ কেহ বলেন, সীতারামের উত্তরা-
ধিকারিগণের মধ্যে জমিদারী কাহার নামে বন্দোবস্ত করিয়া লওয়া
হইবে এই গোলযোগে তাঁহার জমিদারী প্রাপ্ত হন নাই। শ্রামসুন্দর
ও রামদেব দুইজনে দুই নামে জমিদারী বন্দোবস্ত করিয়া লইবার জন্ত

মুর্শিদাবাদে গমন করেন। তাঁহারা দীর্ঘকাল পরে মুর্শিদাবাদে যাওয়ার কোন পরগণাই প্রাপ্ত হন নাই। তখন সকল পরগণার বন্দোবস্ত শেষ হইয়াছিল।

সীতারামের মৃত্যু হইলে, লক্ষ্মীনারায়ণ ও শ্যামসুন্দরের মুর্শিদাবাদ হইতে আগমনের পর এবং শ্যামসুন্দর ও রামদেবের মুর্শিদাবাদে বিতীয়-বার গমনের পূর্বে মহম্মদপুর অঞ্চলে সীতারামের জমিদারীর প্রার্থীগণ অনেক অলীক গল্প প্রচার করিয়াছিল। সেই সকল গল্পের সত্যাসত্য অবগত হইয়া মুর্শিদাবাদে যাইতে শ্যামসুন্দর ও রামদেবের বিলম্ব হইয়াছিল। সেই গল্পগুলি এই :—

১। সীতারামের মৃত্যুর পর সীতারামের বিচার হইয়াছে। সীতারাম রাজদ্রোহী, আবৃত্তরূপ ও অনেক মুসলমান সৈনিকের প্রাণহত্যা—সীতারাম বার্ষিক ৭৮ লক্ষ টাকা রাজস্ব আদায় করিয়া লইয়াছেন। যদি সীতারামের উত্তরাধিকারিগণ ১৪ বৎসরের বাকী কর ৭ কোটি ৬২ লক্ষ টাকা নগদ দিতে না পারেন, তবে তাহাদিগকে যাবজ্জীবন কারাবাস করিতে হইবে।

২। ৭ কোটি ৬২ লক্ষ টাকা আদায়ের জন্য সীতারামের পরিজনের প্রতি অত্যাচার করা হইবে। তাহাদিগকে বজরায় পুরিয়া চাবি দিয়া কুড়াল মারিয়া পদ্যায় ডুবাইয়া দেওয়া হইবে।

৩। সীতারামের পুত্রগণের মধ্যে, কেহ মুর্শিদাবাদে জমিদারী বন্দোবস্ত করিয়া আনিতে গেলে তাহাদিগকে মাদা পর্য্যন্ত পুঁতিয়া নড় বড় মবাবী কুকুর দিয়া খাওয়ান হইবে।

এই সব গল্পের মূল কি জানিবার জন্য দেওয়ান যজ্ঞনাথ মজুমদারের

ভ্রাতৃপোত্র গিরিধর মজুমদার সন্ন্যাসিবেশে মুর্শিদাবাদে যান। গিরিধরের
যাওয়া সম্বন্ধে একটি কবিতা আছে—

“সন্ন্যাসীর বেশে গিরি, প্রবেশি নবাবপুরী,
জনে জনে জিজ্ঞাসিল বার্তা।

কেহ বলে হ’তে পারে, কেহ বলে কও ফিরে,
তেমন নিষ্ঠুর বঙ্গকর্তা ॥

ঘুরে ফিরে বহু দিন, করে অঙ্গ শ্রীহীন,
সত্য কথা জানে গিরিধর।

সকলি অলীক গল্প, রাজ্য লইবার কল্প,
রটে কথা—বহুতর ॥

নবাব বিরস মুখে, কথা কন অতি দুঃখে,
উঠিলেই সীতারাম কথা।

বীরের প্রধান বীর, রাজ্য পালনেতে বীর,
ষড় কার্যে বড় যার মাথা ॥

সেই গেল ছেড়ে বঙ্গ, কাণা কড়ি এক অঙ্গ,
তার মত আছে করজন।

ধন্য রাজা সীতারাম, কলিতে দ্বিতীয় রাম,
শুণে জানে কর্মে বিচক্ষণ ॥”

দেওয়ান রঘুনন্দনের ভ্রাতা রামকীবন রায় সীতারামের অধিকাংশ
সম্পত্তি বন্দোবস্ত করিয়া সীতারামের মহম্মদপুরের রাজপ্রাসাদেই সুন্দর
কাছারী সংস্থাপিত করিলেন। তাঁহার কর্মচারিগণ ছলে বলে নলদী
পরগণা লইতে চেষ্টা পাইতে লাগিলেন। নলদী হইতে ধোঁয়াই,

দীর্ঘলিঙ্গা প্রভৃতি কয়েকটা তরফ বাহির করিয়া লইলেন। যৎকালে প্রাতঃস্মরণীয়া মহারানী রানীভবানী নাটোরে রাজকার্য্য পর্যালোচনা করিতেছিলেন, তখন প্রেমনারায়ণ রায় নলদী পরগণার গোলযোগ মীমাংসার জন্ত তাঁহার নিকট গমন করিয়াছিলেন। এই সময়ে চিরস্থায়ী বন্দোবস্ত আরম্ভ হয়। সীতারামের সমগ্র জমিদারী তাঁহার উত্তরাধিকারীর সহিত বন্দোবস্ত করা হইবে, গভর্নমেন্ট এইরূপ মস্তব্য প্রকাশ করেন। প্রেমনারায়ণ এই মস্তব্যের কিছুমাত্র জানিতেন না। যৎকালে প্রেমনারায়ণ নাটোরের বস্ত্রে ও সমাদরে কালাতিপাত করিতেছিলেন, তখনই বুদ্ধিমতী রানীভবানী তাঁহার পৈতৃক জমিদারী চিরস্থায়ী বন্দোবস্ত করিয়া লয়েন। এই সঙ্গে হতভাগ্য প্রেমনারায়ণের নলদী পরগণাও বন্দোবস্ত হইয়া যায়। পরিশেষে মহারানী প্রেমনারায়ণকে নলদী ও সাঁতৈর পরগণার মধ্যে প্রেমনারায়ণের ভরণপোষণের জন্ত কিছু কিছু ভূসম্পত্তি দান করিয়াছিলেন। প্রেমনারায়ণের ভৃত্যগণকে কিছু চাকরাণ জমিও দান করেন।

নাটোরের পতনের সময়ে যখন রাজা রামকৃষ্ণ যোগে মগ্ন এবং তাঁহার জমিদারীর পরগণার পর পরগণা করের দায়ে বিক্রয় হইতেছিল, তখন পাইকপাড়ার রাজবংশের পূর্বপুরুষ দেওয়ান গঙ্গাগোবিন্দ সিংহ নলদী পরগণা ক্রয় করেন। তিনি সীতারামের বংশধরগণের দুর্গতির কথা শুনিয়া ও স্বজাতীর রাজবংশের সম্ভ্রমরক্ষার জন্ত সীতারামের বংশধরগণকে বাবিক বার শত টাকা বৃত্তি দান করিতেন। ঐ বৃত্তি নবকুমার রায়ের সময়ে ছয়শত টাকা ছিল, পরে নবকুমারের বৃদ্ধদশায় ঐ বৃত্তি ৩০০ টাকায় পরিণত হয়। নবকুমারের স্ত্রী বাসিক ১০০ টাকা

হারে বৃত্তি পাইতেন। প্রায় ২০ বৎসর অতীত হইল, এই বৃত্তি বন্ধ হইয়াছে। সীতারামের শেষ বংশধর উমাচরণের অবস্থা অতি শোচনীয়। উমাচরণ একে প্রাচীন ও সম্মানবিহীন, তাহাতে আবার গ্রাস আচ্ছাদনেরও সাক্ষর কষ্ট। কালের কি ভয়ানক পরিবর্তন! ষাঁহার পূর্ব-পুরুষের বার্ষিক আয় ৭৮ লক্ষ টাকা ছিল, আজ সে নিরন্ন। অদৃষ্টচক্রে কালের প্রভাবে কাহার ভাগ্যে কি ফলোদয় হয়, তাহা বিশ্বশ্রষ্টা ভিন্ন আর কে বলিবে ?

লক্ষ্মীনারায়ণের শেষ বংশধর দেবনাথ রায়ের অবস্থাও বড় ভাল নহে। তিনি হরিহরনগরের বাটীতে বাস করেন। তাঁহার সামান্য সম্পত্তি আছে, তাহাতেই কোন ক্রমে গ্রাসাচ্ছাদন চলে। তাঁহার পৈতৃক ঠাকুর শ্রীধর এখনও বিজ্ঞমান আছেন। দেবনাথের গৃহে উদয়নারায়ণের সাজোয়ালী চাপরাস দৃষ্ট হইয়াছে।

সপ্তদশ পরিচ্ছেদ

—o—

যুদ্ধান্তে মহম্মদপুরের অবস্থা, সীতারামের রাজ্যভাগ
ও মহম্মদপুরের পরবর্তী কীর্তি

যুদ্ধান্তে মুসলমান সৈনিকগণ নগরলুণ্ঠনে প্রবৃত্ত হইল। সীতারামের
ছর্গস্থিত বাজার ও রাজধানী ব্যতীত মহম্মদপুর নগর পূর্বেই প্রায় ভয়ে
জনশূন্য হইয়াছিল। সীতারামের দেওয়ান, পেয়ার, মুন্সী, সরকার,
কাননগো, সুয়ার-নবিস, জমা-নবিস প্রভৃতি কর্মচারিবর্গ স্ত্রীপুত্র
প্রভৃতিকে পূর্বেই স্থানান্তরিত করিয়াছিলেন। তাঁহাদের মূল্যবান
দ্রব্যাদি অধিকাংশই গৃহে ছিল না। সীতারামের গুরু, পুরোহিত,
কবিরাজ ও মৌলবীগণ পূর্বেই সতর্কতা অবলম্বন করিয়াছিলেন।
মহম্মদপুর নগরের প্রজাগণও অনেকেই ঘরঘার ছাড়িয়াছিল। দয়ারাম,
সিংহরাম প্রভৃতি উচ্চপদস্থ সেনাপতিগণ লুণ্ঠন করিতে নিষেধ
করিলেও মুসলমান সেনাগণ বাজার লুণ্ঠন করিল, বাজারের মিঠাম
সকল লুটিয়া খাইয়া ফেলিল। সীতারামের রাজত্ববনের সকল দ্রব্য
অপহরণ করিল। সিংহরাম ও দয়ারাম বহু চেষ্টায় দেবালয় সকল ও
দেবসম্পত্তি লুণ্ঠন হইতে রক্ষা করিলেন।

বেলা বেড় প্রহরের সময় অরোংজুব বিজয়ী মুসলমান সৈন্যগণ
দেওয়ান ঘরনাথের কবনে উপস্থিত হইল। আল্লাহো আকবর বলে-

গৃহ ও গৃহপ্রাঙ্গণ প্রকম্পিত করিল। এই সময়ে যদুনাথের অন্তর্বাঞ্ছন্য পাক করা হইতেছিল। বৃদ্ধ দেওয়ানজীর নিষেধ না মানিয়া সৈনিকগণ পদাঘাতে রক্তনের হাঁড়ী সকল চূর্ণ করিল। কথিত আছে, যদুনাথের অভিসম্পাতে তৎক্ষণাৎ দুইটা ঘবন-সৈনিকের মুখ হইতে রক্ত নির্গত হইতে থাকে ও তাহারা ভবলীলা সাধু করে।

তারপর সৈনিকগণ পেশ্কার ভবানীপ্রসাদের গৃহে গমন করিয়াছিল। ভবানীপ্রসাদ অশ্রান্ত স্ত্রীলোকদিগকে পূর্বেই তাঁহার শওরালয়ে নলিয়া-গ্রামে প্রেরণ করিয়াছিলেন। তাঁহার বৃদ্ধমাতা স্বর্ণময়ী দশভুজার সেবা পরিত্যাগ করিয়া কুটুম্বগৃহে গমন করেন নাই। সৈন্যগণ দশভুজামূর্তি অপহরণে অভিলাষী হইলে, বৃদ্ধা মন্দিরদ্বার রুদ্ধ করিয়া দ্বারে দণ্ডায়মানা ছিলেন। সৈনিকগণ দ্বার ভাঙ্গিয়া ও বৃদ্ধাকে পদাঘাত করিতে উদ্যত হইলে সিংহরাম ও দয়ারাম আসিয়া উপনীত হইলেন। লুণ্ঠনকারীদিগকে একেবারে ফাঁসি দেওয়া হইবে এই আদেশ প্রচার করার সৈনিকদিগের লুণ্ঠনকৃত্রিয়া নিবৃত্ত হইল। ভবানীপ্রসাদ সেই দিন রাত্রেই তাঁহার মাতা ও জগন্মাতা দশভুজাকে নলিয়ার প্রেরণ করিলেন।

সীতারামের রাজধানী লুণ্ঠিত হইল এবং জাল ফেলিয়া রাজকোষ পুঙ্খনিহী হইতে ধন রক্ত উঠাইয়া মুর্শিদাবাদে প্রেরিত হইল। কিন্তু সদাশয় দয়ারাম লইলেন কি? স্বার্থশূন্য ভক্তিমন্ত ধর্ম্মভীরু লুণ্ঠিত দ্রব্য স্পর্শও করিলেন না, বস্তুতঃ তিনি লুণ্ঠনকারীদিগকে লুণ্ঠন হইতে নিবৃত্ত করিবার বধাসাধ্য চেষ্টা পাইলেন। জয়োল্লাসে মত্ত মুসলমানসৈনিকের লুণ্ঠনগতি রোধ করা মুসলমান-সেনাপতিরও সাধ্য হইল না। স্বার্থশূন্য কর্তব্যরত দয়ারাম মহম্মদপুর হইতে ধনরত্ন না লইয়া তাঁহার ভক্তির

দ্রব্য, তাঁহার সাধনের ধন কেবলমাত্র কৃষ্ণজী বিগ্রহ লইলেন। এই পরম ধন তিনি পরম যত্নে বস্ত্রাবৃত করিয়া স্বীয় গৃহে লইয়া গেলেন। এই কৃষ্ণের পাদপদ্মে 'দয়ারাম বাহাদুর' এই শব্দগুলি খোদিত আছে। দয়ারাম কৃষ্ণজীকে গৃহে লইয়া কিছুদিন পরে প্রতিষ্ঠা করেন। এই বিগ্রহের পূজা-অর্চনা দিঘাপতিয়ার রাজবাটীতে অষ্টাপি নিয়মিতরূপে হইতেছে। দয়ারাম লোভী, স্বার্থপর, ষড়্‌বল্লকাবী কু-প্রকৃতির লোক হইলে তিনি কখন লুণ্ঠনদ্রব্যের ভাগ পরিত্যাগ করিতেন না। তৎকালে লুণ্ঠনদ্রব্যের ভাগগ্রহণ বিজয়ী অধ্যক্ষের পক্ষে পাপ বা অপরাধ বলিয়া গণ্য হইত না। যে দয়ারাম এতদূর কৃষ্ণভক্ত, যে দয়ারাম এতদূর স্বার্থশূন্য, সেই দয়ারাম কর্তৃক কোন ষড়্‌বল্ল ও অসহপায় অবলম্বিত হইয়াছে বলিয়া আমরা বিশ্বাস করিতে পারি না। পাপের সংসার স্তায়ী হয় না। আমরা দয়ারামের বংশের উন্নতি ও শ্রীবৃদ্ধি দেখিয়াও অসুমান করিতে পারি, তিনি কর্তব্য বাতীত সীতারামের পতন সম্বন্ধে অন্য কোনরূপ পাপের কার্যে লিপ্ত হন নাই।

রাজা রামজীবন লক্ষ-জমিদারীর সদর-কাছারী মহম্মদপুরে স্থাপন করিয়া যান। তিনি সীতারামের প্রদত্ত সম্পত্তিতে সীতারামের প্রতিষ্ঠিত বিগ্রহ ও অতিথিসেবা এবং পর্বাচুর্থেয় কার্য্য সকল রক্ষার বন্দোবস্ত করিয়া যান। রাণী ভবানীর সময়ে মহম্মদপুরের কিছু উন্নতি হয়। রাণী ভবানী গঙ্গাতীরে মুর্শিদাবাদে বিধবা-তনয়া তারামণির সহিত অবস্থিতিকালে ইন্দিয়-দাস হিতাহিতজ্ঞান-বর্জিত সিরাজউদ্দৌলার দৃষ্টি সৌন্দর্য্যময়ী বোবনসন্ন্যাসিনী তারামণির প্রতি পতিত হয়। ভবানী তারামণিকে মহম্মদপুরে আনিয়া লুক্কায়িত অবস্থায় রাখেন^{৪৪}। আবার মহম্মদপুরের

প্রাচীন গড় সংস্কৃত হয়। কানাইপুরে রাজনন্দিনীর বাসের উপযুক্ত নিরাপদ ভবন নির্মিত হয়। তারামণির স্বামীর নামানুসারে রামচন্দ্র-বিগ্রহ ও তদীয় মন্দির সংস্থাপিত হয়। তাঁহার আফ্রিকের জন্ত শিবমন্দির ও শিব প্রতিষ্ঠিত হয়। অন্নপূর্ণা সদৃশ ভবানীর তনয়ার মহম্মদপুরে আগমনে মহম্মদপুর যেন সজীব হইয়া উঠে। মহম্মদপুর আবার নূতন শোভা ধারণ করে। মহম্মদপুরে দেবসেবার আবার সুবন্দোবস্ত হয়। এখানকার বাজার আবার জমকাইয়া উঠে। স্থানীয় অধিবাসীর মনেও রাজনন্দিনীর আগমনে আবার রাজভবন হইবার আশা উদ্ভিত হইয়া উঠে; কিন্তু সে আশা অঙ্কুরেই বিনষ্ট হয়।

যোগী রাজা রামকৃষ্ণের বিষয়ভোগ-বাসনা ছিল না। তাঁহার এক এক পরগণা বিক্রয়ের সঙ্গে সঙ্গে তাঁহার দৈবকার্যের বাধা অপনীত হইতেছে ভাবিয়া তিনি পরমানন্দে মহোৎসবে জয়কালীর বাটীতে পূজা দিতে লাগিলেন। যৎকালে বিষয়-ভোগাভিলাষ-পরিপূর্ণ তাঁহার পরিভ্রমণ ও কর্মচারিগণ বিষাদে অশ্রুবর্ষণ করিতে লাগিলেন, তিনি সোৎসাহে সোৎসবে সাগ্রহে হাশ্রুখে পূজা দিতে আরম্ভ করিলেন। তাঁহার জমিদারীর মহিমসাহী, নসরতসাহী, নবিসসাহী, নলদী প্রভৃতি পরগণা পাইকগাড়ার রাজবংশের আদিপুরুষ দেওয়ান গঙ্গাগোবিন্দ সিংহ ক্রয় করিলেন। সাহাউজিওয়াল প্রভৃতি পরগণা দিখাপতিয়া রাজবংশের নিলামখরিদা জমিদারী স্বত্ব হইল। সাঁটের প্রভৃতি পরগণা অগ্রে ঝাণাঘাটের পাল চৌধুরিগণ ক্রয় করিলেন ও পরে তাহা সীতারামপুরের সোম্বামী বাবুগণ ক্রয় করেন। নলদীর অন্তর্গত তরপ ধোয়াইল চাকার নবাব গণিমিঞার আদিপুরুষ ক্রয় করিলেন। তরপ দিখালিয়া

চাঁচড়ার রাজা ক্রয় করিলেন। তেলিহাটা বোকনপুর প্রভৃতি পরগণা নড়াইলের জমিদারবংশের আদিপুরুষ বাবু কালীশঙ্কর রায় নিলামে খরিদ করিলেন। ধোড়েরা পরগণা কলিকাতা মহানগরীর হাটখোলার দত্ত বাবুদিগের ও মকিমপুর পরগণা রাণী রাসমণির জমিদারীস্বত্ব হইল। অন্যান্য পরগণা আর আর জমিদারগণ ক্রয় করিলেন।

কালের কুটিল গতিতে লক্ষ্মীর চঞ্চলতা-দোষে, সীতারামের পরগণা-গুলির মধ্যে পদ্মার দক্ষিণ পারে কোন পরগণাই নাটোর-রাজবংশের জমিদারী থাকিল না। সীতারামপ্রদত্ত নিষ্কর স্বত্ব কেবল নাটোরেই রাজগণ দেব-সেবাইত ভাবে দখল করিতে লাগিলেন এবং কোন মতে দেবসেবা চালাইতে লাগিলেন। দেবসেবার অনেক ক্রটি ও বিশৃঙ্খলতা হইতে লাগিল। মহম্মদপুর নগরের স্ত্রী ও সৌন্দর্যের কোন হ্রাস হইল না। দীঘাপতিয়া, পাইকপাড়া ও নড়াইলের জমিদারগণ মহম্মদপুরে সুন্দর সুন্দর কাছারী নিৰ্মাণ করিলেন। দীঘাপতিয়ার বিষ্ণুভক্ত রাজগণ আবার মহম্মদপুরে কৃষ্ণজী বিগ্রহ স্থাপন করিলেন। মহা-সমারোহে তাঁহার পূজা অর্চনা হইতে লাগিল। সাঁতৈর পরগণা ধোঁয়াইল তরপের কাছারীও মহম্মদপুর নগরের মধ্যে বাউজানিতে ও ধোঁয়াইল গ্রামে সংস্থাপিত হইল।

সীতারামের স্বাধীন রাজ্যের পরিবর্তে একাদশ জন সেনানায়কের পরিবর্তে এবং সীতারামের অশ্বারোহী, ঢালি ও বেলদার সৈন্তের পরিবর্তে পরাধীন জমিদারগণের জমিদারী কাছারী জমিদার-নারেব-গণের অত্যাচার ও জমিদারী সৈন্ত, পাক ও পেয়াদাগণের কুকর্টি ও কুপ্রবৃত্তির পরিচয়ে মহম্মদপুর পূর্ণ হইল। জমিদারী পাক পেয়াদা ও

সৈন্যগণ পরস্পর কলহ করিতে লাগিল। পরস্পর পরস্পরের মস্তক চূর্ণ করিতে লাগিল। যে স্থানে ৬০ বা ৭০ বৎসর পূর্বে স্বাধীন রাজ্য স্থাপনের আশা, একতার বীজ, শান্তির উচ্ছ্বাস, সৌভাগ্যের আনন্দ-ময় কোলাহল বিরাজ করিত, সেই স্থান এই সময় দাঙ্গা হাঙ্গামা অত্যাচার উৎপীড়নে পরিপূর্ণ হইল। স্বাধীন রাজ্যস্থাপনের আশার স্থলে পরগণার সীমাহরণের দাঙ্গা,—মোগলবিরুদ্ধে স্বাধীন হিন্দু-রাজ্যস্থাপনের আশা স্থলে এক জমিদারের কৃষকের ক্ষেত্র অপর জমিদারের কর্মচারি-কর্তৃক লুণ্ঠনের ষড়্‌যন্ত্র, দস্যুতা-নিবারণ স্থলে দস্যুতাকরণ প্রভৃতি কার্যের অনুষ্ঠান চলিতে লাগিল।

এই সব বিবাদ বিসম্বাদ সন্দর্শন করিয়া প্রাচীন মুরলী বর্তমান ষশোহর জেলার মাজিষ্ট্রেট কালেক্টর গভর্নমেন্টের নিকট ১৮১৫ সালের ১৬ই মার্চ গবর্নমেন্টকে মুরলীর জেলা মহম্মদপুরে স্থানান্তরিত করিতে পত্র লিখিলেন। ১৮১৫ সালের এপ্রিল মাসেই মহম্মদপুরে পুলিশ ষ্টেশন ও মুনসেফি চৌকি বসিল। মহম্মদপুরে জেলা করিবার জরুরী কল্পনা চলিতে লাগিল, পুলিশ ভয়ে দাঙ্গা হাঙ্গামা কমিল ও জমিদারী কোর্টের সংখ্যা হ্রাস হইল। ১৮৩২ খৃষ্টাব্দে (বাঙ্গালা ১২৩৯ সালে) কালীগঙ্গা নদী শুষ্ক হওয়ার ও মহম্মদপুরের পশ্চিমে পার্শ্বস্থ বিলগুলির খাল বন্ধ হওয়ার এবং মহম্মদপুরের জনসংখ্যা হ্রাস হওয়ার বন জঙ্গল উৎপন্ন হওয়ার মহম্মদপুরে ম্যালেরিয়া জ্বরের উদয় হইল। এই প্রাণ-নাশক বিষম জ্বর মহম্মদপুরের ষংস সাধন করিয়া নলডাঙ্গা অভিমুখে ধাবিত হইল। তথা হইতে ক্রমে সকল বঙ্গে ব্যাপ্ত হইয়া পড়িল। মহম্মদপুরে উৎপন্ন ম্যালেরিয়া জ্বর এখন বঙ্গের ভয়ানক দ্রাস হইয়া

পড়িয়াছে। ম্যালেরিয়ার সহোদরা ভগিনী উলা গ্রামে জন্মগ্রহণ করিয়া তাহার বিনাশ সাধনপূর্বক জ্যোষ্ঠা সহোদরার অনুগমন করিয়া ওলাউঠা নামে সমস্ত বঙ্গে আধিপত্য বিস্তার করিলেন। সম্প্রতি আষাঢ় কার্তিকে ম্যালেরিয়া এবং ভাদ্র, অগ্রহায়ণ ও চৈত্রে কলেরা এই দুই ভয়ঙ্করী রাক্ষসী বঙ্গের শত শত সন্তান উদরসাৎ করিতেছে। কত কত জনক জননীকে শোকমাগরে ভাসাইতেছে, কত সুখের সংসার শূশানে, কত গ্রাম ও নগর জ্বলে পরিণত করিয়া উঠাইতেছে। অধীনতা-নিপীড়িত বঙ্গে ম্যালেরিয়া ও ওলাউঠার দর্পে প্রতি-পরিবারের অনেক আশা লোপ হইতেছে ও বঙ্গের অনেক গৌরবরবি অকালে রাহুগ্রাসে নিপতিত হইতেছে। বাঙ্গালী ভীকু ও দুর্বল নহেন, কিছু দিন ইংলণ্ডে ডেসু জর জিল, তাহাতেই ইংলণ্ডীয় লোকেরা বলেন যে, নেলসন্ প্রভৃতি বিখ্যাত বীরগণের দেহ দুর্বল করিয়াছিল^{৩৩}। ম্যালেরিয়া ও কলেরা বঙ্গে অর্ধ শতাব্দীর অধিক কাল বিরাজ করিতেছে। এমন বাঙ্গালী নাই, যিনি একবার না একবার উভয় রাক্ষসীর কোন না কোন রাক্ষসীর গ্রাসে পড়েন নাই। তাই আজ বাঙ্গালী দুর্বল, ভীকু, উদ্ভ্রম ও উৎসাহহীন। এই জ্বরের প্রাদুর্ভাবের সঙ্গে সঙ্গে নড়াইল জমিদারের মহম্মদপুরের কাছারী নড়াইলে উঠিয়া গেল, দীঘাপতিয়ার জমিদারীর সদর কাছারী মহম্মদপুর হইতে বুনাগাঁতিতে স্থানান্তরিত হইল। পাইকপাড়ার রাজবংশের সদরকাছারী স্থানান্তরিত হইয়া পরগণা নলদীর কাছারী লক্ষ্মীশায় ও মহিমসাহী নসিবসাহী প্রভৃতি পরগণার কাছারী বেগিয়াকান্দিতে সংস্থাপিত হইল। গণিনিঞার পূর্বপুরুষ ভূস্বয় ধোঁয়াইল জাপুরের মৌলবী ঘরে কতক বিবাহ দিয়া

তাঁহাকে উপহার দিলেন। সাঁতৈর ও ধোঁয়াইলের কাছারী মহম্মদপুরে থাকিল। দীঘাপতিয়ার কৃষ্ণজী বিগ্রহ বহু দিন মহম্মদপুরের ভগাবস্থা অবলোকন করিয়া ১৮৮১ সালে দীঘাপতিয়ার চলিয়া গেলেন।

মহম্মদপুর শ্রীব্রহ্ম ও তথাকার জমিদারী শক্তি হ্রাসের আবার এক মূতন কারণ আসিয়া উপস্থিত হইল। বর্ধমান মহারাজের যত্নে পত্তনি সম্পত্তির কর আদায়ের জন্য অষ্টম আইন প্রচারিত হইল। নীলকর সাহেবগণ নিম্নবঙ্গে আসিয়া উপস্থিত হইলেন। তাঁহারা নদীতীরস্থ পঞ্চময়র জমি নীলচাষের উপযুক্ত মনে করিলেন। তাঁহারা জমিদারীর আর অগ্রাহ্য করিয়া নীলের আর দেখিতে লাগিলেন। তাঁহারা ৫০০ টাকা হস্তবুদের গ্রাম ৬০০ টাকা হস্তবুদ ধরিয়া পত্তনি হইতে লাগিলেন। দেখিতে দেখিতে সীতারামের রাজ্যগুলি বাবুখালি, মদনধারি, নহাটা, চাউলিয়া, রামনগর, হাজরাপুর, আন্দালপুর, আম-তৈলন, হাটা, বেলেকান্দি, ঘোড়াদহ, সিন্দুরিয়া, শ্রীখোল, মীরগঞ্জ প্রভৃতি নামধের বহু নীল কনসার্নের কুটী প্রতিষ্ঠিত হইল। জমিদারীশক্তি স্থলে নীলকরশক্তি প্রবলতর হইয়া উঠিল। জমিদারী সংক্রান্ত কথা ব্যবহারের পরিবর্তে নীলচাষসংক্রান্ত কথা, আরেমী ও কাতেজি নীল, নীলচাষ, নীলদান, নীলবুন, নীলসাজান, নীলগাজনি, নীলের হাউস, নীলের বড়ী, নীলের ঞ্জদাম, নীলের ফরমা, নীলের কড়া, নীলের চাদর, নীলের দেওয়ান, নীলের খালাসী, নীলের সাহেব, নীল যাওয়ার রাস্তা ও নীল চলার ষাল প্রভৃতি শব্দে নিম্নবঙ্গ পরিপূর্ণ হইল, জমিদারী শক্তি যেন লোপ হইয়া গেল, জমিদারগণ কুঠীয়ালগণের বৃত্তিভোগী হইয়া উঠিলেন।

এই সময়ে নড়াইলের জমিদারবংশে মধ্যাহ্ন-সূর্যাসদৃশ বাবু রামকর্তন

রায় জমিদারী কার্য পর্যালোচনা করিতেছিলেন। নীলকর-নিপীড়িত প্রজার দুঃখে তাঁহার হৃদয় কাঁদিল। তিনি তাঁহার যশোহর পাবনার দুই প্রধান মোক্তার কালিয়া-নিবাসী গিরিধর সেন ও আড়পাড়ানিবাসী জগৎচন্দ্র চট্টোপাধ্যায়ের মত লইলেন। বাটীর অমাত্য ব্রজকিশোর সরকার ও পিতামহ-বন্ধু নাটোরের ভূতপূর্ব কর্মচারী কবণ্ডীনিবাসী রাজচন্দ্র সরকারের (ঐ) পৌত্র মৃত্যুঞ্জয় প্রভৃতির সহিত পরামর্শ করিলেন। তিনি নীলকর-অত্যাচার নিবারণের জন্য অক্লান্তদেহে, পরিশ্রম ও মুক্তহস্তে অর্থব্যয় করিতে লাগিলেন।

নীলকরের অত্যাচার দেখিয়া সস্বদয় দীনবন্ধু বাবু নীলদর্শন নাটক লিখিলেন। নীলদর্শন লিখিত হইবার সময় ১৮৬৮ সালের পূর্বে নীলকর সাহেবদিগের প্রতিকূলে যে অগ্নি জ্বলিল, তাহা ১৮৮২ সালের নীলশক্তি গ্রাস করিয়া নির্ঝাপিত হইয়া গেল। সেই শক্তিগ্রাসের শেষ রক্তভূষিও সীতারামের চিত্তবিনোদনের বিনোদপুর হইয়াছিল। ১৮৮২ সালে মিলিটারী পুলিশে বিনোদপুর পূর্ণ হইয়া উঠিয়াছিল।

মহম্মদপুর ধ্বংসের পর ১৮৫৩ খৃষ্টাব্দে মহম্মদপুরের মুন্সেফী চৌকী মাণ্ডুরায় স্থানান্তরিত হয় এবং কুটীয়াল সাহেবদিগের মাগলা মোকদ্দমা বিচারের জন্য মাণ্ডুরায় একজন জয়েন্ট মাজিস্ট্রেট দিয়া মাণ্ডুরা-মহকুমা প্রতিষ্ঠিত হইল। ক্রমে মাণ্ডুরা, বিনাইদহ, নড়াইল, চুয়াডাঙ্গা, মেহেরপুর এবং প্রথমে কুমারখালী পরে কুষ্টিয়া মহকুমা নীলকর সাহেবদিগের অত্যাচার নিবারণার্থ সংস্থাপিত হয়।

অনেক নীলকরদিগের পত্তনি সম্পত্তি আবার জমিদারগণের থাম হইয়াছে। অনেক গৃহস্থ পত্তনিদার হইয়া বসিয়াছেন। পাইকপাড়া-

রাজবংশের জমিদারী এ অঞ্চলে হ্রাসবৃদ্ধি হয় নাই। দীর্ঘপতিয়ার জমিদারী, পালন ও শাসন ঞ্গে দিন দিন বৃদ্ধি হইতেছে। মকিমপুরের রাণী রাসমণির জমিদারীর বিল বিল শুকাইয়া যাওয়ার অধিকতর লাভজনক হইতেছে। খড়েরার আরও বৃদ্ধি হইতেছে। নসরৎসাহী পরগণা বহুখণ্ডে বিভক্ত হইয়া পড়িয়াছে। বেলগাছি পরগণা নলডাঙ্গা-রাজবংশ ক্রয় করিয়াছিলেন। তাহারও কিয়দংশ এখন নড়াইলের জমিদারবংশের হস্তগত হইয়াছে। তরপ ধোঁয়াইল জাপুরের মৌলবী-দিগের হস্ত হইতে বিখ্যাত ডেপুটী মাজিষ্ট্রেট ওবেদউল্লা খাঁ বাহাদুরের হস্তগত হয়। উক্ত ডেপুটীর বংশধরগণ উক্ত তরপ বাবু বহুনাথ রায় বাহাদুরের নিকট বিক্রয় করিয়াছেন।

বহুবাবু ধোঁয়াইলের কাছারীর ও বাজারের উন্নতি করিবার চেষ্টা করিতেছেন। বহুবাবুর অধীন প্রজাইন্স্‌য়ের রেকর্ড অব্‌রাইট করা উপলক্ষে আমরা সীতারামের প্রদত্ত হিন্দু ও মুসলমানের অনেক নিকরের মনন্দ দেখিয়াছি, তাহার নকল বারাস্তরে প্রকাশ করিব। সে সব দলিল কালেক্টরীতে দাখিল আছে। তাহার সত্যাসত্য বিচারসাপেক্ষ।

কালের কুটিল গতিতে ভাগ্যলক্ষীর চঞ্চলতা-দোষে, সীতারামের ৪৪ পরগণার এক্ষণে বহুলোকের গ্রাসাচ্ছাদন চলিতেছে। মহম্মদপুরের ছইপ্রান্তে সাঁতৈর ও ধোঁয়াইলের কাছারীঘর যেন ছই সৈনিকের হস্তধৃত ছইটী ক্ষীণালোক-লগ্ননের ন্যায় রহিয়াছে। সীতারামের রাজ্য-বসানরূপ করুণার ঘোর সময়ের পর সারজনু মুরের সমাধির আরোজনের দ্বারা তাহার যেন সীতারামের কীর্তির ধ্বংসাবশেষ সমাধিস্থ করিবার

আয়োজন করিতেছেন। মহম্মদপুরের বর্তমান পুলিশ ষ্টেশন, রেজেন্টারী
আফিস ও ডাকঘর যেন সেই সমাধিকার্য্যের তত্ত্বাবধারণ করি-
তেছে। বিষণ্ণতা, নিস্তব্ধতা ও নৈরাশ্র যেন মহম্মদপুরের জঙ্গলে বাস
করিতেছে।

অষ্টাদশ পরিচ্ছেদ

মহম্মদপুরের বর্তমান অবস্থা ও সীতারামের চরিত্র

আর সে রামও নাই সে অযোধ্যাও নাই। স্বাধীনতার রক্তভূমি, দৌরগণের আবাস, ব্যবসায়ের হাট, গুণী, জ্ঞানী ও শিল্পীর নিকেতন আজ ঝাপদপরিপূর্ণ অরণ্যে পরিণত। সীতারামের দুর্গ আজ বেতসাদি কণ্টকীলভায় ও বহু হিজল, কদম্ব, অখখ, বট প্রভৃতি তরুরাজিতে সমাচ্ছন্ন। সম্প্রতি মধ্যাহ্নে সৌরকরের সহস্র রশ্মির এক রশ্মিও তথায় প্রবেশ করিতে পারে না! মধ্যাহ্নকালে তথায় শৃগাল, বরাহ, ব্যাঘ্র প্রভৃতি জন্তুগণ নির্ভয়ে বিচরণ করিতেছে। চন্দ্রচটিকাপুঞ্জ ভগ্ন অট্টালিকার প্রতিকক্ষে দিবাভিভাবরী পক্ষ ব্যজন করিতেছে। সীতারামের অট্টালিকাসমূহের ইষ্টকরাশি স্তূপীকৃত হইয়া রহিয়াছে। সীতারামের দুর্গের ও গড়ের মধ্যে দক্ষিণের গড় শৈবালে (পানায়) অগ্ন আচ্ছাদন করিয়া লজ্জায় জ্বলে মুখ লুকাইয়া আছে। অন্য তিন গড় অগোরবে জীবন রক্ষা অপেক্ষা মৃত্যু শ্রেয়স্কর মনে করিয়া পদাঙ্কমাত্র রাখিয়া ভূগর্ভে লীন হইয়াছে। লক্ষ্মীনারায়ণ, দশভূজা, রানচন্দ্র ও কানাই নগরের কৃষ্ণবলরামের পূজার শঙ্খঘণ্টার বাজুচ্ছলে দেবদেবীগণ যেন মধ্যে মধ্যে বঙ্গগোরব সীতারামের দুর্গবহ শোকে দীর্ঘনিশ্বাস পরিত্যাগ করিতেছেন। দেবসেবায় দেবগণ যেন সীতারামের শোকে হৃদিব্যাক্ত আহ্নার

করিতেছেন। সামান্য অতিথিসেবায় যেন কোনমতে সীতারামের দৈনিক তর্পণাজলি দান করা হইতেছে। একটা ডাকঘর, রেজেন্টের অফিস ও পুলিশ ষ্টেশন যেন মহম্মদপুরে সীতারামের শ্মশানে মৃতের শেষ চিহ্ন মৃন্ময় কলসী, রজু ও ভগ্ন খটা সদৃশ পড়িয়া রহিয়াছে। আজ শ্রীসমৃদ্ধিসম্পন্ন মহানগরী কতিপয় জঙ্গলারত, শ্রীহীন ম্যালেরিয়া-নির্পীড়িত দরিদ্র অধিবাসিগণ কর্তৃক অধুসিত পল্লীতে পরিণত হইয়াছে। আজ-মহম্মদপুরের লোকে জানে না যে, মহম্মদপুর একদিন শিক্ষা, শিল্প ও ধাণিজ্যের রঙ্গালয় ছিল, —দেশী, বিদেশী, জ্ঞানী ও গুণী লোকের গমনাগমনের কোলাহলে পূর্ণ ছিল।

কাল! তোমার কি মহতী শক্তি, তোমার কি বিশাল উদর, তোমার কি বিকট দশন, তোমার কি ভীষণ জঠরানল। তুমি রাজ্যের পর রাজ্য গ্রাস করিতেছ, নগরের পর নগর উদরসাৎ করিতেছ, নগর শ্মশান করিতেছ, জন-কোলাহল বায়ুর মর্মভেদী আর্তনাদে পরিণত করিতেছ, তোমার যে গ্রাসে কুরুরাজ্য গিয়াছে, তোমার যে দশনে বহুবংশীয়গণের চক্ৰলালসা ভৃষ্ট করিয়াছে, তোমার যে আশ্রয়ে পারশ্ব, গ্রীস, মিশর, কার্থেজ, প্রাচীন রোমক সাম্রাজ্য নিপতিত হইয়াছে, তোমার সেই মুখেই সীতারাম ও তাঁহার নগরী লুপ্তপ্রায়! ধ্বংসসাধন তোমার নিত্য কর্ম, কিন্তু সামান্য নগরের স্বল্পদিনের স্মৃতি বড় মর্ম-গীড়াপ্রদ! তোমার কার্য্য তুমি অব্যাহত গতিতে সম্পন্ন করিতেছ, কিন্তু আমরা মানব—ক্ষুদ্র মানব—আমাদের কর্তব্যের কিছুই করিতে পারি না।

সীতারাম নাই, কিন্তু সীতারামের বীরত্ব, মহত্ব, ধর্মিকতা, স্বদেশ-প্রেমিকতা, আত্মসমর্গশীলতা লোকপরিপাণত বিশ্বদৃষ্টীয় ও তাঁহার

কাঁড়িগুলিতে দেদীপামান রহিয়াছে। কালসহকারে কিস্বদন্তী বক্রাঙ্গিগেব
 কুটিভেদে সীতারামকে সদস্য অনেক গুণেব আধার করিয়া উঠাইয়াছে।
 কাণনাহায়ে সীতারামের নিফলক উজ্জল চরিত্রে যে সকল কলঙ্কবেখা
 পড়িয়াছে, তাহা অনায়াসে বিদূরিত করিতে পারা যায়। সীতারাম
 বশোতরাধিপতি প্রতাপাদিত্যর ছায় পিতৃশাস্তা ও জামাতা রামচন্দ্রের
 নিধন প্রয়াসী নৃশংস বলিয়া কখনও নিন্দিত হন নাই। তিনি মুকুট-
 রায়ের ছায় একদেশদর্শী মুসলমান-বিদ্বেষী বলিয়াও ঘৃণিত হন নাই।
 মুকুটরায় যখন গোহত্যাকারী মুসলমানগণের নিধন সাধন করিয়া নিজেব
 পতনের পথ পরিষ্কৃত করিয়াছেন, সীতারাম তখন পাঠান মুসলমানগণকে
 গো-হত্যা প্রভৃতি হিন্দু-বিরতিকর কার্য্য হইতে কৌশলে প্রতিনিবৃত্ত
 করিয়া হিন্দু-মুসলমানকে একতাসূত্রে বন্ধনপূরক তাহার রাজ্যে এক
 প্রবল শক্তির সঞ্চয় করিয়াছেন। বঙ্গের ভূস্বামিগণের সহিত তুলনা
 করিতে হইলে সীতারামকে বিক্রমপুরের কেদার রায়ের সহিত তুলনা
 করা যাইতে পারে। কেদার ও সীতারাম উভয়েই ধার্মিক, প্রজা-
 বৎসল, ধর্মবিদ্বেষশূন্য, কীর্ত্তিমান্ ও বীরত্বসম্পন্ন ছিলেন। কিন্তু
 কেদার ও তৎপিতা চাঁদরায়ের অসতর্কতা দোষ লক্ষিত হয়। চাঁদ ও
 কেদারের অসতর্কতা দোষে সোণামণি বা স্বর্ণময়ী মুসলমান জমিদার
 ইশাখাঁর প্রেমাকাঙ্ক্ষিনী হন এবং তাহার মুসলমান অঙ্কলক্ষী হওয়া
 উপলক্ষে চাঁদের অনশনে মৃত্যু ও কেদারের বলক্ষয় হয়।

সীতারাম বঙ্গের শিবাজী বা প্রতাপসিংহ। যদি বঙ্গদেশ মহারাষ্ট্র
 দেশের ছায় পল্লতসঙ্কুল হইত, যদি বঙ্গের অধিবাসী মহারাষ্ট্র
 ক্ষত্রিয়ের ছায় কল্লির হইত, বঙ্গদেশ যদি মহারাষ্ট্র দেশের ছায় জমিদারী

শক্তিতে স্বার্থপর-ক্ষুদ্র-শক্তিময় না হইত, সীতারাম যদি শিবাঙ্গীর ঞ্চার পৈতৃক দুর্গ ও পৈতৃক ধন পাইতেন ও বঙ্গদেশ যদি মহারাষ্ট্রদেশের ঞ্চার মুসলমান সম্রাটশক্তি হইতে দূরে অবস্থিত হইত, কে জানে সীতারাম শত সায়েন্টা খাঁকে বুদ্ধে পরাস্ত করিতে পারিতেন কি না, সীতারামের রাজ্য হইতে পাঁচটা কমতামালা রাজ্য হইত কি না, সীতারামের প্রতিষ্ঠিত রাজ্য ধ্বংস করিতে বৃটিশ গভর্নমেন্টকে ও লর্ড লেক্, আর্থার ওয়েলেসলি প্রভৃতির ঞ্চার সেনাপতিকে সন্মুখনে প্রেরণ করিতে হইত কি না, আমরা কি প্রকারে বলিব ?

যে পুণ্যলোক মহাত্মা, আবার বলি—আপন জীবন তুচ্ছ স্থান করিয়া নিঃস্বার্থপরতার পরাকাষ্ঠা দেখাইয়া বঙ্গের নিরীহ প্রকৃতিপুঞ্জের দুর্দশা অবলোকন করিয়া দীর্ঘকাল জলে, স্থলে ও অরণ্যে প্রচ্ছন্ন ভাবে বাস করিয়া বঙ্গের ত্রাস, বঙ্গের কলঙ্ক দ্বাদশ দণ্ড্যকে দলন করিয়াছেন, যে পুণ্যাত্মা, উদারচেতা সীতারাম হিন্দু-মুসলমানের বৈরতা দূরীকরণ করিয়া শাক্ত-বৈষ্ণবের দ্বন্দ্ব-মীমাংসা করিয়া হরিহর, রাধাভূগা এক দেখাইয়া পাঠানক্ষত্রিয়, চণ্ডালব্রাহ্মণ লইয়া বুদ্ধক্ষম, নির্ভীক সৈন্যদল গঠন করিয়াছিলেন, যিনি আরাকানী, আসামী ও পর্তুগীজগণের নিম্নবঙ্গ গ্রাসের লোলরসনা অনাগ্রাসে ছেদন করিয়াছিলেন, যিনি লুপ্তপ্রায় হিন্দুধর্মের পুনরুদ্ধার মানসে, ধর্মভক্তি হৃদয়ে জাগরুক রাখিবার উদ্দেশ্যে অসংখ্য দেবালয় ও দেবমূর্তি প্রতিষ্ঠা করিয়াছেন, যিনি অসংখ্য পুষ্করিণী-খনন, রাস্তা নিৰ্ম্মাণ, বাজার বন্দর সংস্থাপন করিয়া বঙ্গবাসীর অশেষ কল্যাণ সাধন করিয়াছেন, যিনি নিম্নবঙ্গের বনজঙ্গল পরিষ্কার করিয়া নানাদেশ হইতে নানা সম্প্রদায়ের লোক আনয়নপূর্বক দেশের

শিক্ষা, কৃষি ও শিল্পের প্রভূত উন্নতি সাধন করিয়াছেন, যিনি সর্বোপরি মুসলমান-অত্যাচার হইতে নিম্নবঙ্গবাসিগণকে রক্ষার নিমিত্ত ধীর, স্থির-ভাবে সতর্কতার সহিত পার্শ্ববর্তী জমিদারগণের সহিত সন্ধিসূত্রে আনন্দ ভইয়া নিঃস্বার্থভাবে বঙ্গমাতার উদ্ধারের নিমিত্ত এক স্বাধীন হিন্দুরাজ্য-স্থাপনের প্রয়াস পাঠিয়াছেন, যাহার সমাজনীতি, ধর্মনীতি, উদার ও আদরণীয় ছিল, হে বঙ্গবাসিগণ! হে শিক্ষিত বঙ্গসমাজ! সেই সীতারামের প্রতি কি আমাদের কোন কর্তব্য নাই?

প্রতিবৎসর কোটা কোটা হিন্দু কুরুক্ষেত্র ও প্রভাসে গমনপূর্বক শ্রাদ্ধতর্পণে পিতৃপুরুষ পাণ্ডু, কুরু ও যদুবংশের তৃপ্তি সাধন করিতেছেন। সকল হিন্দু রাম, লক্ষ্মণ ও ভীষ্ম তর্পণ করিয়া জিতেন্দ্রিয় বীরগণের কীর্তি ঘোষণা করিতেছেন। শ্রাদ্ধকালে কুরুক্ষেত্র, গয়া, গঙ্গা, প্রভাস, পুষ্কর প্রভৃতি তীর্থের সান্নিধ্য কল্পনা করিতেছেন। শ্রাদ্ধকালে “দ্রুমোদনো মনুস্যয়ো” ইত্যাদি শ্লোক পাঠ করিয়া বলিতেছেন, মনুস্যয় দ্রুমোদন-মহাদ্রুমের কর্ণ স্বক, শকুনি শাখা, দুঃশাসনাদি ভ্রাতৃগণ পুষ্প ফল এবং মনীষী দূতরাষ্ট্র তাতার মূল সমৃদ্ধি, অত্র দিকে ধর্ম্মময় সুধিষ্টির মহাতরুর স্বক অর্জুন, শাখা ভীষ্ম, নকুল সহদেব ফল পুষ্প এবং মূলসমৃদ্ধি পরমব্রহ্ম কৃষ্ণ ও ব্রাহ্মণ; এই শ্লোকে আমরা পুণ্যাশ্রা পাপাশ্রাদিগের সদস্য কীর্তি স্মৃতিপথে জাগরুক রাখা কর্তব্যের অঙ্গ পরিণত করিয়াছি। অনন্তর আমরা শ্রাদ্ধমন্ত্রের রুচির শ্লোকে শ্রাদ্ধ-মন্ত্রের মহিমা ঘোষণা করিতেছি। আমাদের শ্রাদ্ধে পিতৃপুরুষের সুখ, দুঃখ, তৃপ্তি কিছু হউক বা না হউক, আমাদের কৃত কর্ম্মের ফল আমরাই ভোগ করি। মহতের জীবনী, মহতের কীর্তি, বীরের স্মৃতি

আমাদিগকে উচ্চ কার্যে প্রবৃত্ত করিয়া আমাদিগকে উচ্চ আশা ও উচ্চ প্রবৃত্তি দান করে। মহাপুরুষগণের পদাঙ্ক দর্শন করিয়া মহাপুরুষদিগের গম্ভীৰ্য্য স্থানের প্রতি লক্ষ্য করিয়া আমরাও তদনুসারে পদ বিক্ষেপ করিতে পারি। তাঁহাদিগের উৎসাহ, উত্তম, উদ্‌যোগ, শ্রম-শীলতা, কষ্টসহিষ্ণুতা, অদ্যাবসায়, যত্ন চেষ্টা আমাদিগের শিক্ষার বিষয় ও অনুকরণের সামগ্রী হইতে পারে।

পিতার কৃতজ্ঞতা দেখিয়া পুত্র কৃতজ্ঞতা শিক্ষা করে। পিতা, পিতামহের কৃতজ্ঞতা দর্শন করিয়া কৃতজ্ঞ হইয়াছেন এবং পিতামহ প্রপিতামহের কৃতজ্ঞতার শিক্ষা বিষয়ে শিষ্য। পুত্র যে পিতাকে বান্ধিকো যত্ন, সেবা ও ভক্তি করে, বালক যে যুবকদিগের প্রতি সম্মান প্রদর্শন করে, যুবকগণ যে বৃদ্ধদিগকে ভক্তি করেন, সাধারণ লোকে যে মহাপুরুষদিগকে শ্রদ্ধা করে, প্রকৃতি যে রাজা ও রাজপুরুষের প্রতি ষথাবিহিত সম্মান প্রদর্শন করিয়া থাকে, সে কি এই সংসার-প্রান্তরে পবাহিত-অমৃতনদী কৃতজ্ঞতা মহাতটিনীর শাখা প্রশাখা ও উপনদী নহে? কৃতজ্ঞতা সংসারবন্ধন, সমাজবন্ধন, রাজ্যবন্ধন প্রভৃতির সুদৃগ্‌মান সুদৃঢ় শৃঙ্খল। সকলের একটী কৃতজ্ঞতা আছে। পিতার প্রতি পুত্রের, সমাজের প্রতি সমাজের প্রত্যেক ব্যক্তির, দেশীয় মহাত্মাদিগের প্রতি দেশীয় সাধারণ লোকগণের একটী কৃতজ্ঞতা আছে। এই স্বার্থময় জগতে সামান্ত লোক হইতে মহাত্মগণ পর্য্যন্ত কোন না কোন স্বার্থের জন্ত লালায়িত। কেহ অর্থপ্রার্থী, কেহ ষশঃপ্রার্থী, কেহ পুণ্যপ্রার্থী, কেহ মুক্তিপ্রার্থী, কেহ ভক্তিপ্রার্থী ও কেহ বা কৃতজ্ঞতার প্রার্থী। কৃতজ্ঞতা দেখাইলে কৃতজ্ঞতা পাইবার পথ পরিষ্কৃত হয়। যে সকল

মহাত্মা কি সমাজশিক্ষক, কি রাজনীতিশিক্ষক, কি ধর্মনীতিশিক্ষক, কি ধর্মরাজ্যের সংস্থাপক, সকলের নিকটেই আমরা কৃতজ্ঞতা পাশে আবদ্ধ আছি। সেই হৃদয়ের কৃতজ্ঞতা বাহু কর্তে প্রকাশ করাও আমাদের কর্তব্য। যে সকল মহাত্মগণ আমাদের জন্ম, দেশের জন্ম, ধর্মের জন্ম আত্মস্থ বিসর্জন দিয়া, কঠোর শ্রমকে শ্রম জ্ঞান না করিয়া আহা, নিদ্রা, শান্তি, বিশ্রাম অগ্রাহ্য করিয়া নিজের জীবন নিঃস্বার্থ ভাবে কোন উচ্চ কার্যে ব্যয়িত করিয়াছেন, তাঁহাদিগের প্রতি কৃতজ্ঞতা প্রদর্শনে কি আমাদের উত্তরপুরুষগণকে মহৎ কার্যের পথে পরিচালিত করা হয় না? কর্তব্য প্রতিপালনে কি ভাবিপুরুষকে কর্তব্যনিষ্ঠ স্বদেশী ও স্বজাতিহিতাকাজী করে না?

তাই বলি, হে হিন্দুগণ! হে বঙ্গ-সন্তানগণ! হে শিক্ষিত বঙ্গসমাজ! যদি কুরুক্ষেত্রে ও প্রভাসে গমন করা শাস্ত্রসম্মত ও সকল হিন্দুর কর্তব্য হয় এবং যুধিষ্ঠিরের ও দুর্য়োধনের পাপপুণ্য স্মরণ করা সকল হিন্দুর অনুর্ত্তম হয়, তবে এস অন্ততঃ শিক্ষিত হিন্দুগণ এস, আমরা স্বাধীনতার সাময়িক রত্নালয় মহাতীর্থ মহম্মদপুরে সমবেত হই। ধর্মময় সীতারাম-মহাজ্ঞানের স্বক্ক রামরূপ ঘোষ, শাখা—বক্রার, ফলপুষ্প—আমিনবেগ, রূপচাঁদ প্রভৃতি ও তাহার মূল সমৃদ্ধি কৃষ্ণবল্লভ, রত্নেশ্বর ও দেওয়ান বহুনাথ মজুমদার প্রভৃতি, আর অন্তদিকে পাপময় মহাতরু মুর্শিদকুলী খাঁ, তাহার স্বক্ক ভূষণার ফৌজদার, শাখা সিংহবাম সাহ, পুষ্পফল-মুসলমান ও জমিদার সৈন্ত, মূলসমৃদ্ধি রাজ্যভ্রষ্ট বিভাড়িত, অত্যাচারী জমিদারগণের কীর্তি-অকীর্তি, এস বৎসরান্তে একবার স্মরণ করি। আমাদের কর্তব্য আমরা করি। সীতারাম আর আমিবেন না। তাঁহার

জয়চক্কা, তুরি, ভেরি আর কালীনদী প্রতিধ্বনিত করিয়া নিনাদিত হইবে না। আর কৃষ্ণবল্লভ, রত্নেশ্বর, গুরু ভট্টাচার্য্য পুরোহিত, অমাত্য সভাসদে বেষ্টিত হইয়া নক্ষত্রে পরিশোভিত শশাঙ্কের স্থায় সীতারাম সিংহাসনে বসিবেন না। বাল্মীকি, রামায়ণে রামলক্ষ্মণের গুণকীর্তন করিয়াছেন, ব্যাস মহাভারতে কুরুক্ষেত্রযুদ্ধ বর্ণন করিয়াছেন, তাই রামেশ্বরে ও কুরুক্ষেত্রে হিন্দুর গমন ঘটতেছে এবং রামলক্ষ্মণ ও ভীষ্ম তর্পণ অনুষ্ঠিত হইতেছে।

এস ভাই! এস আর বিলম্বে কাজ নাই—আমরা দীর্ঘ নিদ্রায় নিদ্রিত আছি সত্য, কিন্তু এখনও শ্রদ্ধ করা তীর্থ করা ভুলি নাই। আজ মহাতীর্থ মহম্মদপুরে গমন করিয়া সীতারাম, মেনাহাতী প্রভৃতির তর্পণাঞ্জলি দান করি। বঙ্গের শেষ বীর, বঙ্গের শেষ আশা, অশেষ-কীর্তি, গুণাকর সীতারাম ও তাঁহার সহচরগণের কীর্তি স্মরণ করিয়া আমাদের মাহস, উত্তম ও শক্তিহীন দেহে বলের সঞ্চার করি। দশ জনে একমত হইয়া একতাবদ্ধ হইয়া কার্য্য করিতে শিক্ষা করি। কেমন করিয়া স্বজাতির জন্ত পরিশ্রম করিতে হয়, কেমন করিয়া শিক্ষা, শিল্প ও বাণিজ্যের উন্নতি করিতে হয়, কেমন করিয়া দেশ বিদেশ হইতে গুণী, জ্ঞানী আনয়ন করিয়া আশ্রিত, পালিত ও অধীনস্থ রাখিয়া কার্য্য করিতে হয়, কেমন করিয়া বিল বিল, বনজঙ্গল পরিষ্কার পরিচ্ছন্ন ও বাসোপযোগী করিয়া সুন্দর উদ্যান ও শস্তক্ষেত্রে পরিণত করিতে হয় ইত্যাদি লোকহিতকর, দেশহিতকর, সমাজহিতকর কার্য্য-প্রণালী শিক্ষা করি।

এস ভ্রাতৃগণ! এস, এস, বন্ধুগণ! এস, আর কতকাল অসুস্থতা,

অনুদারতা ও অলসতার গাঢ় নিদ্রায় নিদ্রিত থাকিব ? এস, একবার কল্পনাবিমাণে আরোহণপূর্বক দ্বিশতবর্ষরূপ দ্বিশত মাইল পথ অতিক্রম করিয়া আমরা সূর্য তস্ত্রিদারা রক্তবর্ণ কিংগুক বস্ত্রে লক্ষ্মীনারায়ণ ও দশভূজা-অঙ্কিত পতাকা-পরিশোভিত, সুধাধবলিত সিংহদ্বারে মেনাহাতীকে দক্ষিণপার্শ্বে রাখিয়া সীতারামের নূতন রাজপ্রাসাদের প্রতি দৃষ্টিপাত করি। ভীষ্মের ঞ্চয় ব্রহ্মচর্য্যাবতাবলম্বী বিশ্বপ্রেমিক, স্বদেশপ্রেমিক, স্বার্থত্যাগী মেনাহাতীকে তাঁহার আত্মোৎসর্গ, প্রভুভক্তি ও স্বদেশ-হিতকামনার জ্ঞান সর্ব্বাগ্রে অভিবাদন করি। ঐ যে সম্মুখে পাঠান-বীরচূড়ামণি বক্রার, আমিনবেগ, করিম খাঁ, ফলিয়বীর ছকুরায়, চণ্ডালবীর রূপচাঁদ, কায়স্থবীর বেলদার সেনার নায়ক মদনমোহন প্রভৃতি উৎকল্লমুখে শিষ্টভাবে রাজপ্রাসাদের গান্ধীগা রক্ষা করিয়া নিচরণ করিতেছেন, উঁহাদের সহিত করগর্দন করিয়া উঁহাদিগকে সাদরে আলিঙ্গনপূর্ব্বক আমাদিগের জীর্ণ, শীর্ণ, ভয় দেহ পবিত্র করি। ঐ যে উজ্জল সিংহাসনে রত্নখচিত স্বর্ণমুকুট শিরে ধারণপূর্ব্বক অসিতকায়, উজ্জ্বলনয়ন, বৃহৎনশ্চর, নাতিদীর্ঘ, নাতিক্ষুদ্র, দৃঢ়বপু, বিশালাক্ষ, গান্ধীগাময় রাজা সীতারাম আসীন রহিয়াছেন, তাঁহাকে যথাবিধানে যথেষ্ট সম্মান প্রদর্শন করি।^{১৫} ঐ যে সীতারামের দক্ষিণপার্শ্বে অপর মহার্ঘ আসনে কৃষ্ণবস্ত্র ও রত্নেশ্বর, শিখাধারী শুভ্রবস্ত্রপরিহিত দ্বিজগণ ও ষড়নাথ, ভবানীপ্রসাদ প্রভৃতি কন্মকুশল বুদ্ধিনান্ অমাত্যগণ উপবিষ্ট আছেন, তাহাদিগের পদরজোগ্রহণে দেহ-মন পবিত্র করি। ঐ যে সীতারামের বামপার্শ্বে বলরাম, রামনারায়ণ, গদাধর, বিশ্বনাথ প্রভৃতি রাজকন্মচারিগণ স্ব-স্ব কার্য্যে একমনে নিবিষ্ট রহিয়াছেন,

ঐহাদিগের সহিত শ্রীঃ সন্তোষণ করিয়া হৃদয়মন আবেগশূন্য করি।
এস, ধূপ, গুল্‌গুল্‌, চন্দনচর্চিত সুগন্ধ পুষ্প-সৌভে আমোদিত নানা
উপচারে পরিসেবিত, বেদপারগ ব্রাহ্মণ-মুখোচ্চারিত সুললিত মন্তোচ্চারণ
ধ্বনিতে প্রতিধ্বনিত সীতারামের প্রতিষ্ঠিত শক্তিশিব, রাধাকৃষ্ণের
গৃহে বিচরণ করিয়া হৃদয়মন ধর্ম্মভাবে পূর্ণ করি। সীতারামের
কুলকৌড়ি সীতারামের হর্ম্ম্যালয়, সীতারামের দেবালয়, সীতারামের
চতুষ্পাঠী ও সীতারামের মক্‌তাব্‌ সকল অবলোকন করিয়া সর্বিস্বয়ে
বলি-ধন্য রাজা সীতারাম রায়! ধন্য হিন্দু-মুসলমানের একতাব
সুধাময় ফল!

এস, সীতারামের কর্ম্মকারপল্লীতে প্রবেশ করিয়া কর্ম্মকারগণের
চন্দ্রবিংশপু লৌহদণ্ডাঘাতে বহিমান উজ্জ্বল লৌহরাশি হইতে বিচ্যুত
অগ্নিকণা সকল অবলোকন করি। বাঙ্গালী শিল্পীর প্রস্তুত কামান,
বন্দুক, অসি, খড়্গ, ছুরিকা, বল্লম প্রভৃতি দর্শন করিয়া বলি—আমাদের
দেশেও আগ্নেয় অস্ত্র, আগ্নেয় ধস্ত্র, যুদ্ধাস্ত্র ও যুদ্ধপ্রহরণ প্রস্তুত হইতে
পারিত। এস! সীতারামের বারুদখানা ও গুলিখানা সর্বিস্বয়ে দর্শন
করি। সীতারামের রাজ্যের স্বর্ণরৌপ্যালঙ্কার, কাংশু পিত্তলাদির
বাসন, বিবিধ বসন, কাগজ, দারুময় দ্রব্য, বংশনির্ম্মিত দ্রব্য, তন্তুনির্ম্মিত
দ্রব্য, কৃষিজাত দ্রব্য সকল পর্য্যবেক্ষণ করিয়া সাহসে, উৎসাহে ও কর্মে
বলি—বাঙ্গালী শিখিলে সকলই কদিতে পারে। সাম্রাজ্য সীতারামের
নসাদলন, রাজ্যবিস্তার, মোগল প্রতিকূলে অভ্যুত্থান দেখিয়া আহ্লাদ
সর্বিস্বয়ে হৃদয়ঙ্গম করি—উচ্চ নীচ হিন্দু ও হিন্দু মুসলমানের দৃঢ় একতাব
কি সুখকর সুধাময় ফল ফলিতে পারে! পক্ষান্তরে সীতারামের বিদেষী,

জনভূমির কুপত্র, স্বার্থপর, বিশ্বাসঘাতক, রাজ্যচ্যুত, বিচ্যুত জমিদার ও বিশ্বাসঘাতক মুনীরামের কার্যকলাপ পর্যালোচনা করিয়া আমরা স্রণায় ও লজ্জায় ম্রিয়মাণ হইয়া বিশ্বাসঘাতকতা, ক্ষুদ্রাশয়তা ও স্বার্থপরতা হইতে বহু দূরে দণ্ডায়মান থাকি এবং এই সব হীনবৃত্তির বিষময় ফল ধীরচিন্তে চিন্তা করি। আবার সীতারামের পরিণাম সন্দর্শন করিয়া আমরা বুঝিয়া লই, আমাদের যথেষ্ট শক্তি সঞ্চার না হওয়া পশ্চাত্তম অপমান ও হতাদরজনিত ক্রোধকে বশীভূত রাখা একান্ত কর্তব্য। ক্রোধ-রিপুর প্রশ্রয় দিতে নাই। বন্ধুব বিশ্বস্ততা, সূহৃদের মিত্রতা দীর্ঘকালে পরীক্ষিত হয়। সুবর্ণের বিশুদ্ধতা অনল সংযোগে পরীক্ষিত হয়, বিষের বিশুদ্ধতা রক্তসংযোগে পরীক্ষিত হয়, কিন্তু মনুষ্যের সাধুচরিত্র সহস্র কঠোর পরীক্ষায় পরীক্ষিত হয় না।

এস ! বন্ধুগণ ! এস ! কল্পনাবিমান ছাড়িয়া সীতারামের ভগ্নদুর্গেব স্তূপীকৃত কণ্টক জল্যাবৃত ইষ্টকস্তূপের মধ্যে দণ্ডায়মান হইয়া চতুর্দিকের বিষণ্ণ, মলিন, হীন অবস্থা দেখিয়া দীর্ঘনিশ্বাস পরিত্যাগপূর্বক বীর সীতারামের তৃপ্তার্থে প্রতি বর্ষে একবার ঘোড়দৌড়, লাঠিখেলা, কুস্তি, ব্যায়াম প্রভৃতি দৈহিক বলপ্রদ কার্যের অনুষ্ঠান করি। সীতারাম দেবভক্ত ছিলেন, সীতারামের প্রীত্যার্থে বর্ষে একবার তাঁহার দশভুজার আড়ম্বরের সহিত পূজা করি। সীতারাম নগরের নাম মহম্মদপুর রাখিয়াছিলেন। তাহার সন্তোষার্থে মুসলমানগণের সহিত মিলিয়া মুসলমানী প্রথায় পীর মহম্মদের নামে ভগবানের অর্চনা করি। মহম্মদপুর সীতারামের প্রিয় রাজভবন ছিল এবং সীতারাম জনসমাগম ভাল বাসিতেন। এস ! আমরা তাঁহার সন্তোষার্থে সম্মত হই।

জনসমবেত-জনিত মেলা বহু শুভ ফলপ্রদ। এই মেলার উপকারিতা প্রাচীন গ্রীসেব পণ্ডিত, পুরোচিত ও বীরগণ হৃদয়ঙ্গম করিয়া অলিম্পিয়ান, ইন্সটিমিগম, নিমিয়ম্ প্রভৃতি ক্রীড়া উপলক্ষে মহতী মেলার অনুষ্ঠান করিতেন। মেলায় উচ্চ-নীচ সম্প্রদায় সর্বলোকের মিলনের শুভক্ষেত্র। পরস্পরের মনোভাব প্রসারিত হইবার উত্তম স্থল। পরস্পরের ইচ্ছা উদ্দেশ্য পরস্পরকে হৃদয়ঙ্গম করাইবার সুন্দর সুযোগ। পরস্পরের শিক্ষা অভিজ্ঞতায় পরস্পরকে অংশভাগী করার সুন্দর উপায়। পরস্পরের একতাসূত্রে আবদ্ধ হইবার উত্তম সঙ্কল্প। দেশী ও বিদেশী শিক্ষা, শিল্প, কৃষিজাত দ্রব্য দেখিবার ও প্রস্তুত করিবার সুন্দর শিক্ষার স্থল। ভগ্নমন, ভগ্নহৃদয়, আশাশূন্য ও উদ্বাসশূন্য জীবনে অভীষ্টপূরণ ও সজীবতা আনয়নের উত্তম অবসর। সীতারামের তৃপ্তার্থে আমরাও একদিনের জন্য ভগ্নমনে, ভগ্নহৃদয়ে, নিরুদ্বাস জীবনে একটু সজীবতা লাভ করি। সীতারাম কৃষিশিল্পবাণিজ্যের উন্নতি করিয়াছিলেন। আমরা তাঁহার আনন্দবন্ধনার্থে বৎসরে একবার কৃষিশিল্পমেলা সংস্থাপন করি। পুণ্যশ্লোক সীতারামের কীর্তি সমালোচনার জন্য আমরা সীতারামের কথকতা ও সীতারামের যাত্রা শ্রবণ করি ও সীতারাম নাটক অভিনয় করি। আমরা এই টুকু করিতে পারিলে, এই মহম্মদপুর মহাতীর্থে এই হিন্দুজাতির শেষ বীরসূর্য্য অন্তগমনের ক্ষেত্রে, এই জাতীয় স্বাধীনতার শেষ দীপনির্কাণের প্রাক্ষণে বঙ্গের শেষ আশা ভরসা সমাধিস্ত হইবার শ্মশানে আমাদের বথাসাধ্য তর্পণ করা হইবে। এস! সীতারামের ভগ্নহৃদয়ে হর্ম্যানালার ভগ্নাবশেষের মধ্যে দণ্ডারমান হইয়া সমবেত হিন্দু মুসলমান গন্যবর উচ্চরবে বলি—“জয় হিন্দু-সূর্য্য সীতারামের জয়!” “জয়

স্বার্থত্যাগী স্বদেশহিতব্রত একাচারী মেনাহাতীর জয় !” “জয় পাঠান-বীর-
চূড়ামণি বক্তারপ্রমুখ উদারচরিত পাঠান বীরগণের জয় !” “জয় চণ্ডাল-
বার রূপচাঁদের জয় !” “জয় সীতারাম-প্রতিষ্ঠিত লক্ষ্মীনারায়ণজিকী জয় !”
“জয় সীতারামপ্রতিষ্ঠিত দশভূজা মাইকী জয় !” “জয় একতার জয় !” “

প্রথম পরিশিষ্ট

সীতারাম দ্বন্দ্বকে অন্য গ্রন্থাকারের মত, উদ্ধৃত
বিষয় সকল, সনন্দ ইত্যাদি

(১) হিমালয়ের দক্ষিণে নেপালের পাদদেশে যুদ্ধস্থান । “পবদিন
প্রাতে তৈমুর জালালউদ্দীনকে আক্রমণ করিবেন শির করিলেন । কিন্তু
মামুদ ভোগলক তাঁহাকে নিষেধ কবিলেন । তিনি বলিলেন, এখনও
তৈমুরের সমস্ত তাতারসৈন্য আসিয়া পহুছায় নাই.....তৈমুর
বাদশাহের (মহম্মদের) কথায় হাসিলেন । বিপদের নামে তাতার
তাতার-শোণিত উত্তপ্ত হইয়া উঠিল.....প্রাতে যুদ্ধ আরম্ভ হইল,
চৈৎমলের (জেলাল বা যত্ন) হিন্দু ও মুসলমান সৈন্যগণ মরিয়া হইয়া
মৃত্যু আকাঙ্ক্ষায় তৈমুরের তাতারসৈন্যের সম্মুখীন হইল ।.....সে
ভীষণ দৃশ্য বর্ণনাতীত । দুই প্রহর ধরিয়া যেন পিশাচে পিশাচে, মহা
প্রলয়কালে, পরস্পরের বিনাশে প্রবৃত্ত ।.....এই তৈমুরের জয়,
এই চৈৎমলের জয় ।.....ক্ষুধার্ত্ত ব্যাঘ্রেরু গায় উভয়ে উভয়ের উপর
পড়িলেন, চৈৎমল ডাকিয়া বলিলেন, আজ তোমারি ও আমার শেষদিন ।
উভয়ে তরবারির আঘাতে ক্ষতবিক্ষত হইলেন, তাহাদের রক্তার জল
উভয়দলের সহস্র সহস্র ষোকা সেই দিকে ঝুঁকিল ।.....অবশেষে
উভয়ে বর্শার আঘাতে অচৈতন্য হইয়া অশ্ব হইতে ভূমে পড়িয়া গেলেন ।

বাবু শ্রীশচন্দ্র ঘোষ প্রণীত “বহেশ্বর” ২২ পরিচ্ছেদ ৯০ পৃঃ ।

(২) কুতুবুদ্দীন মহারাজ নামক নমঃশূত্র ও রাণী নামক ব্রাহ্মণীর গর্ভজ পুত্র। “কুমার (কুতুব) যুদ্ধ করিতে করিতে বন্দী হইয়াছিল। সকল বন্দীই যবনপতির নিকট বিক্রীত হইল। কুমার সেই সঙ্গে যবনপতির নিকট বিক্রীত হইলেন।.....দস্যুপতি প্রায় একহাজার দাস পাইয়াছেন। তিনি তাহাদিগকে মিম্বারহাটে অনেক মূল্যে বিক্রয় করিতে পারিবেন বলিয়া জাহাজ ছাড়িয়া দিলেন।”

বাবু শ্রীশচক্র ঘোষ প্রণীত “রামপাল” ৯ম ও ১১শ পরিচ্ছেদ।

(৩) “He (Mansingha) then determined upon taking charge of both the governments of Behar and Bengal, and fixed upon the city of Agmahel, the name of which he changed to Rajmahel (Places of sovereignty) as the capital of the three provinces. This place, in ancient times, under the Hindoo government, was called Rajgriha.”

Stewart, Bengal

Bangabasi Edition, pages 209-210.

(৪) “The first act of Islam Khan’s authority was the removal of the seat of government from Rajmahel to the city of Dacca, the name of which in compliment to the reigning emperor, he changed Jahangirnagar.” S. B. Page 233.

(৫) “The First act of the Nawab, on his return to Bengal was to change the name of the city of Mukhsosabad to Moorsbidabad.” S. B. page, 418.

(৬) "He also ordered the whole of the lands to be re-measured.....When he had thus entirely dispossessed the zemindars of all interference in the collection, he assigned to them an allowance, either in land or money. for the subsistence of their families, called *nankar* ; to which was added the privilege of hunting, of cutting wood in the forests, and of fishing in the lakes and rivers : these immunities are called *bunkar* and *julkar*....."

S. B. page 420.

(৭) "But Durpanarayan (Kanango under Mursid kuli khan) having thorough knowledge of the business and being well acquainted. with every particular regarding the revenue of Bengal.....He increased the revenue from one crore and thirty lacks, (1,300,000l.) to one crore and fifty lacks of Rupees (1,500,000l)." S. B. page 423.

(৮) ১২৮৯ সালের বান্ধব ৭ম সংখ্যায় কোন সুযোগ্য লেখক পাত্‌সানা নামা হইতে লিখিয়াছেন যে, ১৬৩৬ খৃষ্টাব্দে সাজ্জাহান বাদশাহের রাজত্বকালে বান্দানার ভূষণস্বরূপ ভূষণার অধিপতি (শক্রজিৎ) নবাব-প্রেরিত সৈন্তের নিকট পরাস্ত ও বন্দীকৃত হন।

(৯).....Many of these (the portuguese) had entered into the service of the native Princes; and from their knowledge of maritime affairs, and by their desperate bravery had reason to considerable commands, and had obtained extensive grants of land both on the continent and in the adjacent islands." S. B. page 233.

(১০) ১২৭৪ সালে যশোহর জেলার অন্তঃপাতী মাগুরা-মহকুমা হইতে ৭ মাইল উত্তরে আমতৈল গ্রামে মৃত্তিকাখননকালে প্রথমে কতকগুলি ইষ্টক ও পরে একখানি ভগ্নপ্রস্তর উঠে। ভগ্নপ্রস্তরে যে শ্লোকংশ লিখিত ছিল, তাহার মর্ম এই—“১৪৮২ শকে বন-পরিষ্কারান্তে এই কালী”। এই প্রস্তরখানা গৃহদাহে নষ্ট হইয়াছে। ১৮৮১ সালের ফেব্রুয়ারী মাসে যশোহর নড়াইলের কালিয়াগ্রামে ভূতপূর্ব হাইকোর্টের উকিল বাবু বংশীধর সেন মহাশয়ের ও বর্তমানে সটীক খাজনার আইনের সঙ্লয়িতা হাইকোর্টের উকিল বাবু সুরেন্দ্রচন্দ্র সেন মহাশয়ের বাণীতে পুষ্করিণী-খননকালে সুন্দরবৃক্ষের মূল সহ কাণ্ডাবশেষ ৮ হাত মাটির নিম্নে বাহির হয়।

(১১) “The tradition about this river is to the effect that before the year 1203 B. S. the Gorai was a khal 10 cubits in breadth.” Ramsankar Sen’s Report on Jessore, Appendix F. page XLVIII.

(১২, ১৩) Vide the Report on the district of Jessore by J. Westland, chap VIII and the Report on the district of Jessore by Ramsankar Sen, Appendix A. page VI and F.

(১৪) Vide J. Westland, Report on the district of Jessore chapter IX.

(১৫) Magh Jaigir :—“The name of small Paragana near the Goris included formerly in Trangal, but seperated at the time of the deceunial settlment. The Jaigir was originally granted to a Magh Raja named Dharmadas of Mulkakhong (Arracan) who was found in rebellion and

brought a captive in the reign of Arangajib and converted him to Islamaism and gave him the name of Nijamshaha bari (of this jaigir) and to other Mouzas lie on other side of Gorai." Babu Ramsanker Sen's Report, Appendix. F. page LII.

(১৬) ষশোহর কালেক্টরীর ১২০৯ সালের ১৯০৬ নং তারিদাদ দৃষ্টে জ্ঞাত হওয়া যায় যে, সংগ্রামশাহ নলদীপরগণার ভাঁটুদহ গ্রামে ১০৩১ সালে ১৯ শে আকরন (১৬২৬ খৃঃ) রামভদ্র ঞ্জালদ্বারকে জমি দান করেন। ১৯৩৩ নং তারিদাদে ১০৪৯ সালের পৌষমাসে (১৬৪১ খৃঃ জানুয়ারী মাসে) রামভদ্র ভট্টাচার্য্যকে সংগ্রামসিংহের জমিদান করিতে দেখা যায়।

(১৭) Vide J. Westland's Report on the district of Jessore chap, XXII.

(১৮) Vide do Report, chap. XXII.

(১৯) দীঘলবানা গ্রামে প্রাণনাথ ভট্টাচার্য্যের গৃহে ১৬০৮ নং ষশোহর কালেক্টরীর ১২০৯ সালের তারিদাদে ও গঙ্গারামপুরের পরেশনাথ স্বতি-ভীর্ষের গৃহে ১৯৩৩ নং তারিদাদে আমরা ১৫৮৩ খৃঃ মুকুন্দরায়ের প্রদত্ত নিষ্করের ও ১৪৪৬ খৃঃ ছত্রজিতের নিষ্কর দানের উল্লেখ দেখিয়াছি।

(২০) আমার বন্ধু ডাক্তার শ্রীযুক্ত বাবু ঞ্জোদাচরণ ভট্টাচার্য্য লক্ষ্মী-নারায়ণের হরিহরনগরের গৃহে এই শাঁজোয়ালের চাঁপরাস দেখিয়া আসিয়াছেন। ইহার আকার যঙ্গী কি নবমীর চন্ডের ঞ্জায় অর্থাৎ অর্ধবৃত্তাকার। ইহার দুইপার্শ্ব কালসহকারে ভগ্ন হইয়াছে। মধ্যস্থলে পারসিক ভাষায় কয়েকটী শব্দ লেখা আছে। বাঙ্গালায় লেখা আছে "শাঁজোয়াল ভূষণা"।

(২১) সীতারামের সহিত জয়দেব ও চণ্ডীদাসের কবিতার পাল্লার জগন্নাথ চক্রবর্তী জয়ী হন এবং তিনি উক্ত মুখস্থ কবিতার জন্ত যে নিকরের সনন্দ পাইয়াছিলেন তাহা এই :—

“পরমপূজনীয় শ্রীযুক্ত জগন্নাথ চক্রবর্তী শ্রীচরণেষু—

আমার জমিদারী পরগণে মহিমসাহীর হোগলডাঙ্গা ও কল্যাণপুর গ্রামে বার পাখী ও পরগণে নলদীর নারায়ণপুর ও নহাটা গ্রামে আট পাখী জমি আপনার চণ্ডীদাস ও জয়দেবের মুখস্থ কবিতা শুনানির জন্ত ব্রহ্মত্ব দিলাম, আপনি পুরুষানুক্রমে আশীর্বাদ করিয়া ভোগদখল করুন সন ১১১৩ সাল তাং এই বৈশাখ।”

(সীতারামের মোহর)
জামাল সনদ ভোগ
স্বত্ব করহ


(২২) যহু মজুমদারের গৃহে তাঁহার বংশধর হুর্গাচরণ মজুমদারের হস্তলিখিত সীতারামের বড় বড় কার্যের একটি ফর্দ পাইয়াছি। তাহাতে দৃষ্ট হয়, সীতারামের পিতার দানসাগর শ্রীকৃষ্ণ ব্যয় ২৮৯৭২ টাকা। সেকালে এত টাকা ব্যয় এ সময়ের লক্ষ টাকার সমান।

(২৩) কুমকলের দত্তদিগের গৃহের সনন্দ এই :—

“পরম পোষ্টাবর শ্রীরামনারায়ণ দত্ত পরমপোষ্টাবরেণু—

রামপাল জয়কালে তুমি খাণ্ডের সরবরাহ করায় তোমার দেলপূজার জন্ত তোমাকে পরগণে সর্দৈতরের কুমকল দিঘাবাসে নাগুরিপাড়া হাটবাড়িয়া গ্রামহারে ৯৮ অষ্ট-নধাই পাখী নিকর শিবোত্তর দিলাম। তুমি পুরুষানুক্রমে সেবাইতরূপে দেলপূজার জন্ত জমিতে দখিলকার থাকহ ইতি সন ১১১৭ সাল ১২ই কাঙ্কন।”

(সীতারামের মোহর)
জামাল সনদ ভোগ
স্বত্ব করহ



(২৪) পরপৃষ্ঠায় যছনাথ মজুমদারদিগের গৃহের সনন্দে প্রতিকৃতি প্রদত্ত হইল :—

(২৫) গঙ্গারামপুরের সেই ফকিরদিগের সমাধিক্ষেত্র ১২৭৬ সালে এক নমঃশূদ্র কর্ষণ করিয়াছিল। এই কর্ষণকালে উমাকান্ত ভট্টাচার্য উপস্থিত ছিলেন। তাঁহার প্রমুখাৎ এই নরকঙ্কালের কথা শুনিয়াছি।

(২৬) যশপুর ও ঘুল্লিয়ার গুরুবংশের সনন্দগুলি এই :—

“পরমপূজনীয় শ্রীযুক্ত আনন্দচন্দ্র গোস্বামী মহাশয় শ্রীশ্রীচরণ কমলেষু—

আমার জমিদারী পরগণে————পরগণে নলদীর ঘুল্লিয়া বিনোদ-পুর কুলে চেঙ্গারডাঙ্গী পরগণে সাহাউজিয়ারলের কাবিলপুর————গ্রামে আপনাকে দুইশত চব্বিশ পাখী জমি ব্রহ্মত্ব দিলাম। আপনি পুত্র পৌত্রাদি ক্রমে আশীর্বাদ করিয়া ভোগদখল করিতে থাকুন ইতি সন ১১১৬ ভাঃ ২৮ কার্তিক।”

এই সনন্দে সীতারামের মোহর ও হস্তাকর আছে। এইরূপ আর তিনখানা সনন্দে আনন্দচন্দ্র ও গৌরীচরণের নাম পাওয়া গিয়াছে। তাহাদের সাল বৎসরক্রমে ১১১৬, ১১১৮ ও ১১১৯।

(২৭) সীতারামের পুরোহিতবংশের, বাউইজানি ও ধূপড়িয়ার পণ্ডিতগণের নাম ও অভিরামসেনের বিবরণ ১২০৪ সালের অগ্রহায়ণ মাসে প্রকাশিত বরিশাল ব্রহ্মমোহন কলেজের অধ্যাপক বাবু সুরেন্দ্রনাথ মিত্র এম্. এ মহাশয়ের সঞ্জীবনীর প্রবন্ধে পাইয়াছি। যছনাথ মজুমদারের গৃহের ১১১৮ সালের দুর্গাপূজার প্রণামি-তালিকায় কবিরাজ মহাশয়দিগের নাম পাইয়াছি।

(২৮) সাবেক হরিহরনগরনিবাসী ও বর্তমান সময়ে মাগুরার অন্তর্গত

মহিষাখোলা-নিবাসী শ্রীবুদ্ধ কালীপ্রসন্ন চক্রবর্তী মহাশয়ের গৃহে সালিশি রোয়দাদে মোলবিগণের নাম পাইয়াছি। সালিশি রোয়দাদ এই :—

“হরিহর নগর সাকিনের দুর্গাচরণ বিদ্যারত্ন ও কালীচরণ ভট্টাচার্য পৃথক হইবার জন্য রাজসরকারে নালিশ করায় ও সরকার হইতে উভয়পক্ষের মত লইয়া আমাদের পাঁচ ব্যক্তিকে সালিশি মান্ত করার আমরা দায়ভাগ জানা পণ্ডিত ও মৃত্যুর অগ্রপশ্চাতের সাক্ষী লইয়া দেখিলাম, কালীচরণ দুর্গাচরণের বড় ভাই রামচরণের পুত্র হন ও তাঁহার পিতা রামচরণ পিতৃব্যপত্নী তিলকের স্ত্রী জীবিত থাকিতে মরেন, তিলকের স্ত্রীর শ্রদ্ধ দুর্গাচরণ করিয়াছেন এই কারণে দুর্গাচরণ খুড়ার ১০ আনা ও পৈতৃক ১০ আনা একুনে ২০ আনা পান এবং কালীচরণ কেবল পৈতৃক ১০ আনা পান। আমরা মাঠান ৫১ বিঘা ১৬ কাঠা জমি-মধ্যে দুর্গাচরণকে ৩৭ বিঘা ২২ কাঠা ও কালীচরণকে ১২ বিঘা ২৪ কাঠা জমি দিলাম। ভদ্রাসন বাড়ীর উত্তরে বাঁশঝার ও দক্ষিণে গাৰগাছ সীমানা করিয়া পূর্বের অর্ধেক দুর্গাচরণকে ও পশ্চিমের অর্ধেক কালীচরণকে দিলাম। সন ১১১১ সাল তাং ৫ই মাঘ।” ইহাতে ৩ জন মোলবী, ভবানীপ্রসাদ চক্রবর্তী ও গদাধর সরকার সালিশের নাম স্বাক্ষর আছে। দুইজন মোলবীর নামও উকিলরূপে স্বাক্ষর আছে।

(২২) বাবু ঈশানচন্দ্র ঘোষের বাঙ্গালার ইতিহাস ৩০ পৃষ্ঠা :—পাঠান-রাধেশ্বর শেষভাগে পৰ্তুগীজজাতি বাঙ্গালার বাণিজ্য ছাড়িয়া দখল্যবৃত্তি ধরে এবং আরাকানের “মগ”দিগের সহিত মিলিয়া নিরীহ বাঙ্গালীদিগের প্রতি অত্যাচার করিতে প্রবৃত্ত হয়।

(৩০) "There must be much in my report that would bear further enquiry"

(Vide letter to Govt, dated the 25th Oct. 1890.)

(৩১) বেলাদারসৈন্তের অর্থাৎ খনক সৈনিকশ্রেণীর এইরূপ বন্দোবস্তের কথা বেলাদার-সৈন্তের কর্তা মদনমোহন বসুর উত্তরপুরুষ লালবিহারী বসুর নিকট অবগত হইয়াছি। তিনি বলিয়াছিলেন, এই সকল নিয়মাবলী একখানি ভূষণাই কাগজের খাতায় লিখিত ছিল। বহুদিন হইল গৃহদাহের সময় নষ্ট হইয়াছে।

(৩২) পাবনার দোগাছি প্রভৃতি স্থানে সীতারামের পুষ্করিণী দেখা যায়। পাবনার ভোলানাথ অধিকারী মহাশয়ের গৃহে তাঁহাদিগের বাটার বিগ্রহের দেবত্র সম্পত্তি ছিল। সেই দেবত্র সম্পত্তির মধ্যে দোগাছি গ্রামে দার বিঘা নিষ্কর সম্পত্তি সীতারামের দত্ত ছিল। ঐ জমি বার্ষিক ৮ টাকা করে রামকুমার ভট্টবায়ের মধ্যে জমা ছিল। সেই পাট্টা এই :-

“টমাদি কিঙ্ক শ্রীরামকুমার ভট্টবায় সূচরিণে—

কম্প শূভ পটুকপত্র মিদং সন ১২৬৭ সালান্বে লিখনঃ কার্য্যনঞ্চাগে জেলা পাবনার দোগাছিয়া গ্রামে চকচারা তলায় রাজা সীতারাম দত্তা গোপীনাথ ঠাকুরের ১২ বিঘা জমি তোমাকে ৮ টাকায় জমা দিলাম ইহার সীমা সরাঙ্গঠিক রাখিয়া নিরূপিত কর আদায় করিবে খাজনা আদারে শৈথিল্য করিলে আইন আমলে আসিবে। এতদর্থে কবুলতি গ্রহণে পাট্টা দিলাম সন সদর তারিখ ৮ই চৈত্র।”

এই দলিলে স্বাক্ষর আছে ৩টা নাম। ১টা অপাঠ্য, অপর ভোলানাথ

ও গোবিন্দচন্দ্রের নাম পড়া যায়। ইহাতে সাক্ষী আছেন হরিশ্চন্দ্র শর্মা, মহিমচন্দ্র ঘোষাদ্দার ও গোপালচন্দ্র সরকার সাং পোয়জানা।

(৩৩) বর্তমান সময়ে নীলগঞ্জের পর পারে কুমকুমপুরের নিকটে (বঙ্কিম বাবুর বিষবৃক্ষের কুমকুমপুর) সীতারামের পুষ্করিণী আছে এবং ঐ মাঠকে কেয়ার মাঠ বলে।

(৩৪) পুণ্ডরীক ও হলধর জাতীয় লোক সীতারামের রাজ্যমধ্যে দেখিতে পাওয়া যায়। কেহ কেহ বলেন, প্রাচীন পোণ্ডুবর্ধন নগর হঠতে বিতাড়িত কতকগুলি লোক ও পশ্চিম অঞ্চলের কতকগুলি বৈশ্বকে সীতারাম তাঁহার রাজ্য মধ্যে আনাঠিয়া কৃষিকার্যে প্রবৃত্ত করেন। তাঁহার ইচ্ছা ছিল, তাঁহাদিগকে বঙ্গীয় উচ্চ হিন্দু সমাজে মিশাইয়া যাঠবেন, কিন্তু তাঁহার ১৪ বৎসরের রাজ্যে তাহাদিগের অবস্থা উন্নত করিয়া বাইতে পারেন নাই। পোণ্ডুবর্ধনের লোকেরা পুঁড়ুরা ও হলধরেরা হলধর নাম লঠিয়া এ অঞ্চলে পৃথক পৃথক কৃষিজীবী লোক হইয়াছে। এক্ষণে অনেক স্থলে দেখা যায়, পুঁড়ুরার উৎপন্ন দ্রব্য হলধর বিক্রয় করে।

(৩৫) "The Naral Babus, who for sometime had possession of the temple-lands (Debottar) at Mahammadpur, made diligent search in the tank to find any stray treasure which might be in it." Vide J Westland, page 39.

(৩৬) ভবানীপ্রসাদ চক্রবর্তীর গৃহে মধ্যপ্রদেশের অর্থাৎ সীতারামের রাজ্যের একটা পণ্ডিতের ফর্দ ছিল। ঐ ফর্দ এখনও শ্রামমোহন বাবুর গৃহে আছে। পূর্বেই বলিয়াছি শ্রামমোহন বাবু রঙ্গপুরের লক্ষপ্রতিষ্ঠ উকীল ছিলেন।

(৩৭) দক্ষিণবাড়ীর কালীর সনন্দখানা এষ্ট :—

“পরম পূজনীয় শ্রীশিবস্বর মজুমদার শ্রীচরণেষু—

দক্ষিণবাড়ীর কালীমাতার সেবার জন্য আমার জমিদারীর নিচের
লিখিত পরগণার গ্রামহায়ে ৭০০ বিঘা দেবোত্তর দিলাম ভূমি
পুরুষানুক্রমে সেবাইত রূপে উক্ত ভূমির কর ফসল আদায়ে মাতার সেবা
ও আশীর্বাদ করিবা পং মহিমসাহী দক্ষিণবাড়ী ২০/ পদমদি ১২/
কটুরাকান্দি ২৮/ হোগলডাঙ্গা ৩০/ মদনপুর ২০/ মৌজদে ২২/
রাজাপুর ৮/ একুনে ১৪০/ পং সাহাউজিয়াল (গ্রাম অপাঠা) মোট ৬০/
পং নসিবসাহী গডেনা... ..রায় না... .. একুনে
১৫০/ পং সাঁতৈর বাগাট ৪০/ পাল্লা ৩০/ নাগরিবাড়ী ২৮/ ..
... একুনে ১৫০/” (সনন্দের অন্য অংশ অপাঠ্য)

(৩৮) যে বৎসর সীতারামের ভগিনীর বিবাহ হয়, সেই বৎসরে
অনন্দের পুষ্করিণী খনন করা হয়। সীতারামের ভগিনীপতির ভাল
নাম গোপেশ্বর ও তাঁহার মন্দ নাম সাধুচরণ খাঁ। তাঁহার নামে
সীতারামের স্ত্রীগণ এই পুষ্করিণীর নাম রাখিয়াছিলেন।

(৩৯) তাহুলখানার মোহনচন্দ্র রামাইতের প্রাপ্ত এই সনন্দ পাওয়া
গিয়াছে :—

“শ্রীমোহনচন্দ্র রামাইত স্মরণিতেষু—

তোমাকে শ্রীতলামাতার সেবার জন্য পং সাঁতৈরের বাধুগ্রাম ও
কাঁদাকুলে ১৪০ খাদা জমি দেবোত্তর দিলাম পুরুষ পুরুষানুক্রমে শ্রীতলা-
মার সেবা করিয়া আশীর্বাদ করিতে থাকহ সন ১১১০ তাং ২৩ ভাদ্র ৫”
এই সনন্দ বনরাম দাস মুন্সীর লিখিত ও সীতারামের স্বাক্ষরযুক্ত।

(৪০) কোন ঘটকের কারিকায় দেখা যায়—

“কুলীনে কন্ঠার দায়ে গেলা রাজা পাশে ।

সুবামনে কন্ঠা দেও ব'লে রাজা হাসে ॥

অন্ঠ দানে মুক্ত হস্ত কুলদায়ে নয় ।

চাল পড়কি গড়ে রাজা অর্থ করে ক্ষয় ॥”

এই কবিতা রাজা সীতারাম সম্বন্ধেই লিখিত হইয়াছে ।

(৪১) মহম্মদপুর অঞ্চলে গব্য দ্রব্য ও সন্দেশ, মুড়কী ভাল হইত, এ বিবরণও গত ১৩১১ সালের অগ্রহায়ণ মাসের সঞ্জীবনীতে প্রকাশিত ষরিশাল ব্রজমোহন কলেজের অধ্যাপক বাবু সুরেন্দ্রনাথ মিত্র মহাশয়ের প্রবন্ধে পাইয়াছি ।

(৪২) সীতারামের মুর্শিদাবাদে মৃত্যু হইয়াছে, তাহার প্রমাণস্বরূপ সনন্দগুলি এই—

(ক) শ্রীআনন্দচন্দ্র গোস্বামী শ্রীচরণেষু—

প্রণামা আগে মুকঃসুদাবাদ মোকামে ৬পিতামহাশয়ের

শ্রাদ্ধে উৎসর্গ ভূমিদানে পং নলদীর কানুটীয়া গ্রামে ১০ চারি

পাখী ষুল্লিয়া গ্রামে ১৮০ পাখী বিনোদপুর গ্রামে ১৮০ পাখী

ও নারায়ণপুর গ্রামে ১৮০ পাখী ভূমিদান করিলাম ।

৬পিতাঠাকুরের স্বর্গার্থে পুত্র পৌত্রাদিক্রমে ভূমিদান জমিতে

করিতে থাকুন ইতি ১১২১ তারিখ ২২ শে কাষ্ঠিক ।

শ্রীমহি—
বলরাম দাস

(খ) শ্রীগৌরচরণ গোস্বামী শ্রীচরণেষু—

প্রণামা আগে মুকঃসুদাবাদ মোকামে ৬পিতামহাশয়ের

শ্রাদ্ধে উৎসর্গ ভূমিদানে পং নলদীর কানুটীয়া গ্রামে ১০ পাখী

শ্রীমহি—
বলরাম দাস

মুল্লিগা গ্রামে ১১/০ পাখী বিনোদপুর গ্রামে ১৮/০ পাখী ও নারায়ণপুর গ্রামে ১৮/০ পাখী ভূমিদান করিলাম। ৮পিতাঠাকুরের স্বর্গার্থে পুত্র ও পুত্রাদিক্রমে ভূমিদান জমিতে দখল করিতে থাকুন ইতি ১৩১১ তারিখ ২২ শে কার্তিক।

(গ) শ্রীশ্রীরাম বাচস্পতি ভট্টাচার্য্য শ্রীচরণেষু—

প্রণামা আগে মুকঃসুদাবাদ মোকামে ৮পিতা-

মহাশয়ের শ্রাদ্ধে উৎসর্গ ভূমিদান সিমুলিগা

গ্রামে ১৮/০ ছয় পাখী জমির সনদ পাইয়াছ,

সে গ্রামে জমির জের হইল না, এ কারণ

তাহার একক সিমুলিগা. সুদাকত পদ্মবিলাতে দেওয়া গেল আমল দখল ভোগ করহ ইতি সন ১১২১ তারিখ ২৬শে কার্তিক।

সিমুলিগা এওজ

ছয় পাখী পদ্ম

বিলায় দিলাম।

শ্রীসহি—

বলরাম দাস

(ঘ) পরমারাধ্যতম শ্রীশ্রীক শ্রীরামবাচস্পতি ঠাকুর শ্রীচরণেষু—

পরগণে নলদীর জয়রামপুর ও আঠারবাঁকা গ্রামে আমার

জমিদারী তাহাতে ৮পিতামহাশয়ের মুকঃসুদাবাদে ৮গঙ্গা

প্রাপ্ত হন। তৎশ্রাদ্ধে ঐ দুই গ্রামের মধ্যে প্রভুরামের

সুদাকতের ১০ আট আনা ১২/ বিঘা শ্রীশ্রীচরণে উৎসর্গীকৃত

হইল। দাস ভূম্যধিকারীকে আশীর্বাদ করিয়া পুরুষানুক্রমে ভোগ

করিতে রহন। ১১২২ সাল ২৩শে কার্তিক।

শ্রীসহি—

বলরাম দাস

(ঙ) পরম পূজনীয় শ্রীযুক্তেশ্বরী তারামণি ঠাকুরাণী জওজে শ্রীযুক্ত

মহাদেব ঞ্জাবাগীশ মহাশয় শ্রীচরণেষু—

আমার জমিদারী পরগণে নলদীর সিমুলিগা ও কলিকাতা

চাঁদপুর গ্রামে আছে, তাহাতে আপনার সুধদেখোনে

শ্রীসহি—

বলরাম দাস

১০ পাখী জমি শ্রীচরণে উৎসর্গ করিলাম। আপনি পুরুষানুক্রমে আমল ভোগ করিতে রহুন। ইতি সন ১১১৪ সাল তারিখ ২৩শে বাঘ।

(৪৩) ডে'কলিয়ার বিশ্বনাথ টিকাদারের প্রাপ্ত সনন্দে দ্বারা রাণী-দিগের বসন্তে মৃত্যুর কথা প্রমাণিত হয়। সনন্দ এই :—

শ্রীবিশ্বনাথ টিকাদার স্মৃতিরিতেষু

আড়ংবাড়ার বসন্ত মৃত্যুর পর তোমার চিকিৎসায় অনেকে ভাল হওয়ার তোমার শীতলামার সেবার জন্ত পরগণে নলদীর জাগলা গ্রামে তোমাকে ১০ পাখী জমি দেবোত্তর দিলাম। তুমি পুরুষানুক্রমে শীতলামার সেবা করিয়া মার স্থানে আমার কুশল প্রার্থনার ভোগ দখল কর। ইতি সন ১১১৮ সাল তারিখ ১২ই আষাঢ়।

সীতারামের মোহর
আমল সনন্দ ভোগ
দখল করহ।

(৪৪) বাবু হারাণচন্দ্র রক্ষিতের রাণীভবানীতে লিখিত আছে :—

“তারার এই অনিন্দ্যসুন্দর রূপেরও শত্রু হইল। সে শত্রু সামান্য শত্রু নয়,—সে শত্রু বড় প্রবল। ভাবী বঙ্গবিহার উড়িষ্যার নবাব—কলকমর জীবন—পাপিষ্ঠ সিরাজউদ্দৌলা—তারার রূপের শত্রু হইল।”

(৪৫) Vide Robert Southey's Life of Nelson. * * *

* * * “And the ague, which at that time was one of the most common disease in England had greatly reduced his strength.”

(৪৬) দশভুজার মন্দিরে এক প্রাচীরে একখানি শিবিকার মধ্যে সীতারামের একটা মূর্তি অঙ্কিত আছে। কটগ্রাকার অভাবে সে মূর্তি আদি এবার উঠাইতে পারিলাম না। সেই মূর্তি ও নিশানাথ ঠাকুরের

ধ্যান দৃষ্টে আমরা জানিয়াছি, সীতারাম অসিতবর্ণ, বৃহৎমস্তক, বৃহৎচক্ষু, মধ্যম আকার. বলিষ্ঠ পুরুষ ছিলেন।

(৪৭) ১৩১১ সালের সীতারাম উৎসব উপলক্ষে এই নিমন্ত্রণ পত্র প্রচারিত হইতেছে।

মহার।

মাগুরা।

(বশোহর)।

তাং.....২৯০৫।

মহাশয়,

মহম্মদপুরের স্বাধীন রাজা সীতারাম রায় বাজালীর গৌরব। অত্যাচার-নিবারণ, সতীর সতীত্বরক্ষা, দেবালয়-সংস্থাপন, প্রজার জনকষ্ট-নিবারণ, অভেদনীতিতে রাজ্যপালন, শিল্পবাণিজ্যের উন্নতিতে একাগ্রতা, প্রজাবৎসলতা, দানশীলতা এবং দেশের অত্যাচার হিতসাধন প্রভৃতি অশেষ গুণে তিনি ভূষিত ছিলেন। এদেশে তাঁহার প্রদত্ত দেবত্র ব্রহ্মত্র ভোগ করেন না এমন লোক নাই বলিলে অত্যাচার হয় না। সীতারামের নাম ও কীর্তি রক্ষার জন্ত মহম্মদপুরে, তাঁহার উদ্ভাবনের রাজবাটিতে আগামী ফাল্গুন মাসের শেষ ভাগে একটি উৎসব ও মেলা হইবে। আশা করি, মহাশয়, ঐ সময় উৎসবে যোগদান ও বথাসাধ্য সাহায্য করিয়া বাধিত করিবেন। উৎসব উপলক্ষে সীতারামের প্রতিষ্ঠিত ৮দশ-রুজার পূজা, পির মহম্মদের দরগাহ নমাজ ও সিনি, সভাসমিতি দ্বারা

দৌড়, শড়কি, দাঠি ও কুস্তি প্রভৃতি, শারীরিক বল প্রবর্ধক ক্রীড়া পদার্থ
এবং ক্রীড়ার পারদর্শিতা অনুসারে পুরস্কার বিতরণ, নগর ভ্রমণ, সর্কৌর্ভন,
সীতারামের আখ্যায়িকামূলক কথকতা, থিয়েটার, বাত্রা, জাবি প্রভৃতি
আমোদ হইবে। নিবেদন ইতি।

নিঃ

শ্রীবসন্তকুমার বসু, উকিল,
সভাপতি।

শ্রীকামিনীমোহন শুভ্র, বি এল।
শ্রীপূর্ণচন্দ্র চট্টোপাধ্যায়, উকিল।

শ্রীসারদাচরণ বসু, বি এ, শিক্ষক।
সহকারী সভাপতি।

শ্রীশীবালাল রায়, শিক্ষক।
শ্রীঅবিনাশচন্দ্র সরকার, ডাক্তার।

সম্পাদকগণ।

—————

দ্বিতীয় পরিশিষ্ট



(ক) মৎস্য দেশ কোথায় ? এ প্রশ্নের মীমাংসা অত্যাগি স্মৃতির রূপে হয় নাই। মহাভারত, শ্রীমদ্ভাগবত ও মনুসংহিতার শ্লোক দৃষ্টে কেহ মৎস্য দেশ গুজরাটে, কেহ মালবের নিকটে ও কেহ রাজপুতনার মধ্যে বা নিকটে বলিতে চাহেন। মহাভারতের শ্লোক ঠিক দিকনির্ণায়ক নহে। শ্রীমদ্ভাগবত ও মনুসংহিতার মতে মৎস্যদেশ কুরুক্ষেত্রের দক্ষিণপশ্চিম বলিয়া অনুমান হয়। পুরাতত্ত্বের এই সকল কঠিন প্রশ্নের ভ্রমশূন্য সিদ্ধান্তে উপনীত হওয়া সহজ ব্যাপার নহে। রঙ্গপুরের গাইবান্ধা ও মেদিনীপুরে বিরাটের বাড়ী ও গো গৃহাদির চিহ্ন বলিয়া যে সকল স্থান প্রদর্শিত হয় তাহারই বা কারণ কি বুঝিতে পারা যায় না। অনুমান, কালসহকারে ষেকরূপ পঞ্চ গোড় রাজ্যের নিদর্শন পাওয়া যায়, সেইরূপ প্রাচীনকালে একাধিক মৎস্যদেশ থাকিতে পারে। বর্তমান সময়ে পুরাতত্ত্ববিদগণের মতে হস্তিনা ও ইন্দ্রপ্রস্থ হইতে যে দিকে মৎস্য দেশ হয়, সে দেশ প্রাচীন আর্য্যগণের অপরিজ্ঞাত ছিল না। ঐ দেশ বীরত্বের রঙ্গভূমি ছিল। সন্দ্রাতৃক ও সকলত্র যুদ্ধির অজ্ঞাতবাসের জন্ত মৎস্যদেশে গিয়াছিলেন। বিরাট ও বিরাটের পুত্রের অগ্রে বিশেষ বীরত্বের কথা কিছু শুনা যায় না। এই কারণে প্রমাণ হয় একাধিক মৎস্যদেশ ছিল ও অপরিজ্ঞাত পূর্বদেশীয় মৎস্যদেশেই ধর্ম্মরাজ আসিয়াছিলেন।

(খ) অনেকে বলেন, দিনাজপুরের মধ্যে নিতপুরই বাণের রাজধানী শণিতপুর।^{৩৩} আসামী ভাষায় তেজ অর্থ শণিত। তেজপুরই শণিতপুর। তেজপুরে উষার বাড়ী, বাণের পুকুর প্রভৃতি স্থান আছে। তেজপুরে অট্টালিকার ভগ্নাবশেষ অনেক বৃহৎ বৃহৎ প্রস্তর আছে। দিনাজপুরের নিতপুরেও বিরূপাক্ষ নামে শিব ও তেজপুরেও এক শিবমন্দির আছে। উষার বিবাহের ধরণটাও কিছু আসামদেশীয়। ইহাতে অনুমান হয়, আসামের তেজপুর হইতে দিনাজপুরের শণিতপুর পর্য্যন্ত বাণের রাজ্য বিস্তৃত ছিল।

(গ) অনেকের মত, ধর্ম্মভেদে বিভিন্নতা বঙ্গের অধঃপতনের কারণ। শাক্তগণের তৈরবী চক্র হইতে অনেক ধর্ম্মহীন লোকের পানদোষ ও চরিত্র গঠন হইয়াছে। বৈষ্ণবদিগের পবমার্থ ও লীলা অভিনয় হইতে ঐ রূপ চরিত্র নাশের কথা শ্রুত হয়।

(ঘ) পরগণা বর্ত্তমান সময়ে মহকুমার সমান। সরকার জেলা সদৃশ ও চাকলা বিভাগ তুলা। নবাবি আমলে এক এক চাকলা অর্থাৎ বিভাগে বহু সরকার ও অনেক পরগণা ছিল।

(ঙ) অনেকে বলেন, মঘঘুরা মাগুরা অর্থাৎ যে গ্রামের মধ্য দিয়া মঘ ঘুরিয়া বাহির হইয়াছে তাহার নাম মাগুরা। মঘী, মঘ আছে, অর্থে ঐ অর্থাৎ যে গ্রাম মঘদর ছিল, তাহার নাম মঘী।

(চ) তাড়া :—সোলেমানকররানি নবাবকর্তৃক প্রতিষ্ঠিত ভাগীরথী-তীরস্থিত নগরীর নাম তাড়া ছিল। এই নগরী আধুনিক রাজমহালের পূর্বে অবস্থিত ছিল। এক্ষণে গঙ্গাগর্ভে লীন হইয়াছে।

(ছ) মশোহর :—অনেকে বলেন, যে নগরে গমন করিলে লোকের

যশ অপহৃত হয়, তাহার নাম যশোহর। কোন সময়ে ~~যশোহরের~~ লোক এত কলুষিত হইয়াছিল যে, লোকে তথায় গমন করিলেই চরিত্র হীন হইত।

(জ) কর $\frac{১}{৪}$ ঘর— $\frac{১}{৪}$ ঘর অর্থ কোন একঘর লোকের সিকি বাঙ্গালায় ছিল, আর বারআনা রকম লোক স্থানান্তরে ছিল একরূপ অর্থ নহে। ইহার অর্থ বংশমর্যাদা অণু অণু ঘরের সিকি রকম অর্থাৎ অণু ঘরে নিমন্ত্রণে ৪ টাকা বিদায় পাইলে কর ১ টাকা পান।

(ঝ) বাস্তবিক দ্বাদশ ঘর জমিদার দ্বাদশ দম্মা নহেন। কেহ কেহ বলেন, জমিদারের উৎপীড়ন হইতে এই কথার উৎপত্তি হইয়াছে। প্রকৃতপক্ষে এ সময়ে কোন কোন জমিদার বিশেষ অত্যাচারীও ছিলেন।

(ঞ) সুবির্কি (সুবুদ্ধি) ভূমিক নামক একব্যক্তি সীতারামের জমা সেরেস্ভায় কার্য্য করিতেন। সীতারামের পতনের পর ও সীতারামের জমিদারী মহারাজ রামজীবনের সহিত বন্দোবস্ত হইবার পূর্বে সকল কর্মচারীগণই কেবল তহবিল তছরূপ করিতেন। সুবির্কিকে স্থায়বান্ কর্মচারী দেখিয়া নবাব তাঁহাকে খাঁ উপাধি দিয়া সীতারামের জমিদারীর রাজস্বসংক্রান্ত প্রধান কর্মচারী নিযুক্ত করেন। রামজীবন সীতারামের জমিদারী বন্দোবস্ত করিয়া লইবার পর তিনি সুবির্কিকে রায় উপাধি দিয়া তাঁহার জমানবিস নিযুক্ত করেন। সুবির্কির বংশে রামনাথ ভূমিক, আতপ খাঁ প্রভৃতি নাটোর কর্মচারীগণের নাম পাওয়া যায়। সুবির্কির বংশে রাজচন্দ্র নড়ালের আদিপুরুষ কালীশঙ্কর রায়ের সময়ে নাটোরে জমানবিস ছিলেন। সীতারাম হইতে প্রাপ্ত নাটোরের জমিদারী ক্রয় করিবার পর কালীশঙ্কর রাজচন্দ্রকে নড়ালে আনিয়া জমা-

নবিশ পদে নিযুক্ত করেন। শুনা যায়, কালীশঙ্কর আপন রায়বাহাদুর উপাধি এবং স্বীয় কর্মচারীরও রায় উপাধি ভাল দেখায় না বিবেচনা করিয়া রাজচন্দ্রের ভূমিক, খাঁ ও রায় উপাধি রহিত করিয়া দেন এবং তাঁহাকে সরকার উপাধি দানপূর্বক তাঁহার জমিদারীর প্রধান কর্মচারী নিযুক্ত করেন। নবাবী আমলে সরকার অর্থে এক সরকারের কত্তা অর্থাৎ এক জেলার কর্তা বা কালেক্টর বুঝাইত। রাজচন্দ্রের পুত্র রামকুমার, রামকুমারের পুত্র মৃত্যুঞ্জয় ও মৃত্যুঞ্জয়ের পুত্র দ্বারিকানাথ নড়াল জমিদার সরকারে প্রধান প্রধান পদে নিযুক্ত হইয়া আসিতেছেন। নিম্নের পর ও তায়দাদ এই সকল কথা প্রমাণ করিবে।

১২০৯ সালের ১লা ভাদ্র তারিখের ৪১৯৯ নং মাহাত্মাণ নিষ্কর জমির তায়দাদ।

দাতা	গৃহীতা	দাখিলকার	যে গ্রামে জমি	বিঘা
মহারাজ রাম- জীবন রায়	সুবির্দি রায়	ব্রজরাম সরকার	রামচন্দ্রপুর গ্রামে	১৬৥০
মহারাজ রাম- কান্ত রায়	আতপ খাঁ ও রামনাথ ভূমিক	}	ত্র	পায় বাকী ২৬৥০

মং ৪৩/

পত্র নম্বর ১

শিরোনামা

যশোগরিষ্ঠ—

শ্রীযুক্ত মৃত্যুঞ্জয় সরকার—


চলিত জেলা যশোর নড়াইলের বাসায় পৌঁছিলে মোক্তার
নড়াইল পাঠাইবেন --

ক্রোড়পত্র

(স্বাক্ষর শ্রীরামরতন রায়)

সরিকি মোকদ্দমার কাগজ পত্র দেখার জন্য ২৩ সেন ওখানে
গিয়াছে।

কাগজ পত্র সকল দেখিতেছে সেই মহরের নকল কিবল ভোমর-
দিয়ার রামপ্রসাদ রায়ের নামিয়ে করজা মোকদ্দমার ফয়ছালাতে নিজ
তহবিল সংক্রান্ত অর্থাৎ নিজ তহবিল সদ ২৩ সেনকে-
ফর্দ করিয়া দেওয়া ভাল হইয়াছে ইং ১১৮৫ সাল
লাং ১২০৬ সালের ৬ মহাশয়ের নিজ তহবিলে যে দিতে হইবেক
... .. যে মহল যে সন উতপত্তি হইয়াছে সেই সন
হইতে লাং ১২৫৪ সাল ঐ সকল বিষয়ের তহমিলদারগণের দস্তখত
জমাখরচ ইং ১২০৭ সাল লাং ১২৫৪ সালের
জমাখরচ যে দাখিল হইয়াছে তাহাতে সাহেব লোকের করজ দেনা
পাওনার প্রসঙ্গ নাই ৩৩ সাহেবের ৬৫
... .. বড় মনুষ্যদিগকে সাক্ষি মান্ত করিতে হইবে টাকা
প্রদেশের বড় মনুষ্যদিগের নামের ফর্দ একটা গত সন ৬ পূজার পূর্বে



আনিয়াছে: দফাওয়ারি ইমান নবিসি যে
 করিয়াছে তা দেখিয়া পাঠাইব ইতি—
 উপরের আমরতন ও গুরুদাস বাবুর মধ্যে যে বড় মকদ্দমা
 হয় তদুপল ত। ইহাতে মকদ্দমা সংক্রান্ত ষাবতীয় পরামর্শের
 কথা আছে কল কথা প্রকাশযোগ্য নহে। তৎকালে নড়ালের জমিদার
 বাবুগণ সাম্প্রতিক যে ভাষা ব্যবহার করিতেন, তাহার একটু পরিচয়
 দেওয়া আবশ্যিক। ২১ হহতে ২৫ পর্য্যন্ত ক বর্ণের বর্ণ। ৩১ হহতে ৩৫
 পর্য্যন্ত চ বর্ণের বর্ণ। ৪১ হহতে ৪৫ পর্য্যন্ত ট বর্ণের বর্ণ। উক্ত পত্রের
 ২৩ সেন গিরিধর সেন। ৩৩ সাহেব জজ সাহেব। ৬৫ অর্থ মোহব।

পত্র নম্বর ২

শিরনামা পাওয়া যায় নাই।

বিজ্ঞাপনক্ বিশেষ নড়ালে আসিয়া সকল কাজ কন্ম করিয়াছে ভাল
 আমার সকল বিষয়ের ভাব তোমার প্রতি তুমি আমায় সন্তান মত স্নেহ
 তোমার পর করি তুমি আমার প্রতি তাহার মত শ্রদ্ধা করতেছ কাজ-
 কর্মের ভার আমার উপর রসুলপুর পেসকার
 ও উষাচরণ মোরশী হইয়াছে শ্রীমানকে
 লইয়া খরচ এর একটা বন্দেজ করি বা যাহাতে সংসার চলে বে-
 বন্দেজি খরচ হলে কোন মতে কিছু থাকে না যেমত আর সেই মত
 ব্যয় হইলে ভাল হয় ১৪ই চৈত্র।

উক্ত পত্রের শ্রীমান, বাবু চন্দ্রকুমার রায়। হুইখানা পত্রে ঠিক
 যে রূপ বর্ণিত তাহা আছে সেই রূপ দেওয়া হইল।

